





Ex Bibliotheca
majori Coll. Rom.
Societ. Jesu

Meckliniae
Belgio


1016



500 000

K
512



*Coll. Num. Mus. Juv. Veru.
B. 1.*





Illustrissimo Viro,


DOMINICO MOLINO,
SENATORI VENETO,

ERVDITORVM OMNIVM
M A E C E N A T I,

HÆC SYLLOGE RERVM
SABAVDICARVM

L. M. &

INSCRIPTA ESTO.



LAM-

BIBLIOTECA NAZ.
ROMA
VITTORIO EMANUELE II.



LAMBERTI VANDER BURCHII,
DE
SABAVDIÆ
ANTIQUITATE,
ET SITV
DISSERTATIO

QUANTQVAM Sabaudia
procerum stemmata de-
scribere mihi constitu-
tum, isque operis huius
mei scopus potissimum sit; de Sabau-
dis tamen Sabaudiaque situ pauca
prius explananda sunt, quam ini-
tium narrandi faciam. Antiqua
& rerum gestarum gloria illustris
claraque admodum in Gallia Nar-
bonensi gens est, quam Allobroges
ab Allobroge rege veteres dixere.
In hac Vienna (ad Rhodanum sita
civi-

ORIGO SABAUDIÆ.

civitas, Delphinatus hodie metropolis) principem olim locum tenuit; nunc Chamberrinum, aliis Chamberiacum, vulgo Chamberi; in qua urbe senatorius ordo (Parlamentum vocant) sedem habere solet; seu dignitati urbis id, quod reliquas omnes antecellat, seu loci oportunitati datum est. Eum populum illique finitimos Salienses (vetus quoque illa & bello inclita gens, quam Salussianos appellant nonnulli) & quicquid eorum ambitu terrarum clauditur, Sabaudiam majores nostri dixere. Solum enim cælumque, & ingenia cultusque hominum, haud multum à Sabaudia differunt. Quin Allobrogum adeo olim celebre fuit nomen, ut Sabaudiam subinde universam, artissimo inter utramque regionem divortio, eo ipso (quod etiamnum hodie obtinere videmus) appellatam legere sit. Caterum haud procul admodum à Lugdunensi oppido Sabaudiam

diam oriri, & ad Genevam usque
 Pedemontiumque (qua ad Alpium,
 quibus Gallia Sabaudiaq; ab Ita-
 lia separantur, radices, inde sic di-
 cta, posita regio) extendi, Delphi-
 natumque finitimum habere, in
 confesso est, scriptorumque omnium
 constanti asseveratione à Sabatiis
 vadis populisque (qui inter Alpes
 Ptolemeo positi, Sabaudia plerique
 omnes nunc parent duci) nomen ac-
 cepisse perhibetur. Prater prædictos
 autem Allobroges Salientesque,
 agros nunc tenet qui Vocontiorum,
 Veragrorum episcopo, (qui late im-
 peritat, & ius gladii habet, hic pa-
 ret populus) Caturigum, Centro-
 num, Lepontiorumque (qui Alpi-
 bus vicini omnes) fuere quondam.
 Vocontiis ac monti Cinesio proxi-
 mum est oppidum Civario, Biva-
 rio aliis, quo initio belli legiones
 Caesar traduxit, cuius etiam Pli-
 nius nepos in epistola quadam me-
 minit, & Vivariensis hodie appel-
 latur

S A B A V D I Æ.

*latur civitas. Caterum maxima-
 quanquam paulatim Sabaudia,
 plurimarum ditionum (inter quas
 ducatus Augustensis seu Pratoria-
 nus, & principatus Pedemonta-
 nus) accessione, qua armis partim,
 partim jure matrimoniorum in Sa-
 baudicam venere familiam, acce-
 perit incrementa; ducis tamē titu-
 lum sibi comites nunquam arroga-
 runt: sed vetere contenti, qui au-
 gustus satis visus, (quod inter im-
 perii Romani comites, qui quatuor
 antiquitus tantum, Sabaudus et-
 iam censeatur) eo abstinuere; do-
 nec tandem Amadeus ejus nominis
 octavus à Sigismundo imperatore
 in concilio Constantiensi, in proce-
 rum utriusque ordinis publico con-
 fessu dux fuit renuntiatus. Aer re-
 gionis hujus (ut hoc ex incerto
 quodam addam authore) purus
 est, solumque fecundum, à ripa
 præcipue Helvetiorum secundum
 Lemani lacus tractū. Terra amœ-*

niſſima & fertili vinum profert
 generoſum, Ripalium ſeu Riva-
 lium à ripa lacus quod dicitur. Pa-
 ſcua ſunt uberrima ad omne ani-
 mantium genus enutriendū. Præ-
 ſtat autem terræ hujus gleba circa
 Alpes Grajas, quæ ſancti Bernardi
 mons minor appellantur : idque
 ideo fieri ajunt, quod in occaſum
 vergens ſol, obliquis ſuis radiis eo-
 rum montium latera percutiens,
 virium plus habeat. Ultra vero eas
 Alpes, dum Cineſio monti appro-
 pinquatur, nec paſcua nec virentia
 ulla cernuntur olera, cum perpe-
 tua nive tectus is mons, ab albedi-
 ne Alpium nomen non immerito
 ſuſtineat, rupibusque ac frigore ri-
 geſcat. Fluvii hunc ducatum ri-
 gantes ſunt : Doria, Arbua, Iſara,
 Danius, Arar, quem vulgo Sago-
 nam nominant, qui Rhodano mi-
 ſcetur, & ipſe ſuis aquis hanc ter-
 ram humectat. Montana admo-
 dum eſt regio. Præter Claudii
 mon-

S A B A V D I Æ.

montem, & Iurassum, quos in Antuatibus attollit, Pœninæ Alpes in Veragris in immensum ascendūt, nunc S. Bernardi mons major dicuntur, & Silvius mons. Sub his in Moriennæ comitatu Alpes Cottix sunt, hodie mons Senis Gallice dicitur, id est, Cinesius mons, olim Vesulus dictus & Agnellus collis, petram habens pertusam, per quā ex Gallia in Italiam patet iter. Sunt montes isti plerumq; glabri, adeo ut ne frutices quidem nec arbores ferant, immenso algore ob altitudinem rigentes. *Ceterum quoniam qua trans Alpes possident principes, & hominum & oppidorum numero longe antecellunt superantque; Pedemontani quoque principatus, qui à Nicea urbe (in quā Geneva episcopus sedem suam transtulit) orientem versus ad Mediolani ducatus fines spectat, descriptionem ex Abrahamo Ortelio hinc ascribere opera fuerit pretium:*

O R I G O

Taurinorum regionem Pedemontium nunc vocamus (*inquit*) tanquam pedem montium, quoniam ad radices Alpium est, quæ Galliam Sabaudiamque ab Italia dividunt. Fines ponemus ab Oriente Padū, à Meridie Ligurum Alpes, ab Occidente Galliæ alpes, à Septentrione Duriam Ripariam. Agros habet amœnis fructiferisque collibus plenos, qui frumentum aliasque fruges, & optima vina cum nobilissimis fructibus producunt. Urbibus, oppidis, pagis perhonestis nitent. Ducatus Taurinus sub Longobardis appellabatur, à quibus in provinciæ formam, cui dux præerat, redactus est. Longobardorum vero imperio deleto, primum in Italiæ regum, quos Imperatores Cæsares instituere, potestatem venit, post in regulorum diversorum, diuque sæculis ultimis ditioris principum, comitum, ducumque Sabaudia fuit habita, donec

anno

S A B A V D I Æ.

anno c I o I o xxxvi. partem ejus
Franciscus primus Franciæ rex ce-
pit; nunc vero Sabaudia duci re-
stituta est. Metropolis est civitas
Taurinum ad ostium in Pado Du-
ria, quam Ptolemæus, Plinius &
Tacitus Augustam Taurinorum
vocant. Priscis temporibus hanc
nobilem fuisse urbem, vel hinc
intelligere licet, quod Colonia Ro-
manorum erat. Jacet ad montium
radices forma quadrata, cum por-
tis quatuor, nobilitate civium ma-
xime clara: splendidis etiam ædi-
ficiis ornata: inter quæ summum
templum gymnasium habet om-
nium disciplinarum; mirificeque
rebus omnibus ad usum vitæ ne-
cessariis, & utilibus abundat. Agro
est per bono ac fertili, maxime ve-
ro versus Orientem, & Austrum,
cum vallibus ferri copia fecundis.
Taurinum Longobardorū sedem
fuisse Paulus Diaconus perhibet.
His usque ad captum bello Caroli
Magni

O R I G O

Magni Desiderium regem, paruit;
 deinde autem in Italię regum, im-
 peratorum, Montisferrati mar-
 chionum, & Sabaudiaę regulorum
 (quibus hodie etiamnum paret)
 potestate fuit. Ad Padi fontem ver-
 sus Ripellium, & Parsana sunt mar-
 morum nobilium lapidicinę. Præ-
 ter urbes insignes, & magnitudine
 celebres, quę sunt quinque nume-
 ro, oppida continet plus minus
 quinquaginta munita pulcherri-
 maque; municipia ad hæc ducenta
 muris propugnaculisque & turri-
 bus vallata. Plurimos quoque ha-
 bet comitatus, marchionatus, ba-
 ronatus, aliosque multos satrapas,
 omnes duci Sabaudiaę obtempe-
 rantes. Hactenus Ortelius: *Ar-
 chiepiscopatum regio hæc habet,
 Taurinensem, cui Salutidarum, &
 Montis regalis, vulgo Mondovien-
 sis, episcopi subsunt. Vercellis quo-
 que (quæ antiqua, perhonestæ, ac
 nobilis, rebusque omnibus dives in
 Lybici*

S A B A V D I Æ.

*Lybicus principatum tenet urbs)
Eporediaque (Salassiorum ea, Inu-
rea appellata aliis, metropolis, in-
quit Ioannes Antonius Maginus)
sui sunt episcopi; quorum ille Me-
diolanensi, Taurinensi hic parent
archiprasuli. Qui plura de Sabau-
dia Pedemontiique situ volet co-
gnoscere, Abrahami Ortelii Thea-
trum consulat.*

CONTENTA LIBRI.

I.

*Sabaudia nova & veteris de-
scriptio.*

II.

Historia ducum Sabaudia.

III.

*Dissertatio de Statu Politico Sa-
baudia.*

LE DVCHE DE SAVOYE.

B*Elleforestus* dicit eos qui non hallucinantur, æstimare nomen Sabaudia à vadis Sabatiis derivari, alias enim necesse fore in illorum levem credulitatem incidere, qui dicunt Beraldum aut Beroldum Saxonē, illustris Sabaudia Principū prosapia authorē, huic Provincia id nomen indidisse, cum ejus vias angustiasque aperuisset pervias, tutasque fecisset à latrociniiis quibus infamis erat. Aër regionis purus est, solumque foecundum, à ripa præcipue Helvetiorum secundum Lemani lacus tractum, qui ab Atuacis populis die vuat vulgo vocatur, terra ibi amœnissima & fertilis est, præter cetera, vinum profert generosum Ripalium seu Rivalium à ripa lacus quod dicitur: pascuis uberrimis ad omne animantium genus enutriendum, præstat hujus terræ gleba circa Alpes Graias, quæ S. Bernardi mons minor appellantur, idque ideo fieri aiunt, quod in occasum vergens sol, obliquis suis radiis, eorum montium latera percutiens, virium plus habeat. Ultra verò eas Alpes, dum Cinesio monti appropinquatur, nec pascua, nec virefcentia ulla cernuntur olera, cum per-

H I S T O R I A

perpetua nive tectus is mons, ab albedine Alpium nomen non immerito sustineat, rupibusque ac frigore rigescat. Fluvii hunc Ducatum rigantes sunt Doria, Arbua, Isara, Danius, Arar, quem vulgo Sagonam nominant, qui Rhodano miscetur, & ipse suis aquis hanc terram humectat. Montana admodum est Regio, præter Claudii montem & Iurasium, quos in Antuatibus atollit. Peninæ Alpes in Veragris in immensum ascendunt, nunc S. Bernardi mons major dicuntur: in Salassii Graiæ Alpes extant, nunc S. Bernardi mons minor, & Silvius mons. Sub his in Moriennæ Comitatu Alpes Cotticæ sunt, hodie mons Senis Gallicè dicitur, id est, Cinesius mons, olim Vesulus dictus: & Agnellus collis, petram habens pertusam, per quam ex Gallia in Italiam patet iter. Sunt montes isti, plerumque glabri adeo, ut nec frutices quidem, nec arbores ferant, immenso algore ob altitudinem rigentes. Sabaudicæ regionem, veteres Allobrogum ditionem vocare, continuitque totum eum tractum quem olim Sabbatii, Ingaunii, Intimilii, Hiconii, Tricorii, Vocontii, Lepontii, Latobrigi, Medualli, Centerones, Catoriges, Veragri, Nantuatii, Salassi, Tharentasii, & Seduni occupavere; hodieque mutatis nominibus his regionibus (ut populares indigenæ eas nominant) comprehen-

S A B A V D I A E.

prehenduntur, Savoia, Comitatus Genevensis, Marchizatus Susæ, Comitatus Moriennæ, dominia de Tharentaise, Brengois, *Foucigni, Chablais, Val d'Oste, Pays de Vaul, de Geiz*, aliæq; nonnullæ: habet Sabaudia Ducatus sub se Pedemontanam regionem insignitam, Principatus titulo, itẽm regionem Bressianã, in qua sunt Comitatus *Varas, Monreveil, Pont de Vax, Vagey, &c.* Antiquorum monumentis constat, totum hunc tractum olim Regni titulum habuisse, idque temporibus Hannibalis, qui à Bronco & ejus fratre, de hujus tractus dominatu disceptantibus, arbiter factus, discordiam sedavit, majorique natu, qui à juniore regno pulsus erat, Imperium restituit, ut refert Livius lib. 2. Betulum (aut ut alii legunt Bituitum) eorum Rẽgem à Q. Fabio Maximo captum scribit L. Florus. *Chamberiacum* vulgo Chamberi Sabaudia est Metropolis, sita in Regione antiquorum Antuatũ, aliis omnibus Sabaudia urbibus excellit, in ea Principes Sabaudia fere degunt moramque trahunt, & in ea sedem Tribunalis Provinciae (Parlamentum vocant) collocarunt.

Fanum Ioannis Moriennæ, Tharentasia, Bellayum, Anicyum, Mont-Melianum, oppida sunt, sicut & Bressa quod aliqui Forum Segusianorum esse volunt.



LAMBERTI VANDER-BURCHII

SABAUDORVM

ORIGINES,

Ducum Principumque

HISTORIÆ

GENTILITIÆ.

*De Beraldo Primo Morienna
Domino.*

MORTALIVM primus in Morienna Mauriennave imperium obtinuisse scribitur BERALDVS, Hugonis ducis Saxonie (cui Otto imperator eo nomine tertius frater) filius, ex tribus natus minimus, Ottonisque secundi nepos. Is puer admodum, amisso patre, cum fratre utroque, Frederico & Vricho, in patris sui Ottonis imperatoris fidem tutelamque traditus, tantos paulatim (ut animi præclara erat indole) in omni virtutum genere fecit progressus,

A

sus,



sus, ut non apud imperatorem solum, summum sibi gratiæ authoritatique pararet locum (adeo ut nihil in rebus maxime arduis, eo inconsulto ille faceret) sed apud mortales etiam reliquos carus haberetur. Cæterum cum Mariam Aragoniam patris sui Ottonis conjugem in adulterio deprehensam, una cum adultero, facinoris motus indignitate, confodisset, Renatus comes Montensis, defunctæ Mariæ propinquus (alii patrem fuisse ajunt) graviter factum hoc ferens, ingentem protinus adversus Saxones exercitum conscribit, bellicæ totius curam filiis, quos habebat quatuor, committit. Beraldus qui ad primum ejus rei nuncium ex Imperatoris aula in Saxoniam advolarat, maximis ilico coactis copiis, imperatoriaque propinquitate & subsidio fretus, adversus Montenses fratres proficiscitur, quos genio, in media velut pace cum universo milite indulgentes, & nullo metu, non antepositis vigiliis, segnius belli munia obeuntes, Guermuchio equite Saxone, locorum gnaro, iter indicante, de improvviso opprimit, cæsisq; Conrado & Ludovico natu minoribus, fugam reliquos Crethelium & Henricum capere cogit. Quo annis jam aliquot inter Saxones & Montenses continuato bello, ea tandem inter eos pacificatur

ficatur lege, ut Germania universa Beraldus decedat, decennioq; toto ad eam ne redeat. Abeuntem Imperator scuto aureo, cui aquila unguis rostroque rubra, corpore reliquo nigra insculpta erat, insignium loco (gentilitiis enim ex contractu illo pacificatorio uti vetabatur) donat. Multis peragratissimis terris, cum Seisselam tandem venisset (ad Rhodanum ea sita civitas) arcem Culanam, tum hactenus in Sabaudia (quæ Burgundia tum parebat regibus) solo, latronum, vicina loca graviter infestantium, receptaculum, pulsus fugatisque incredibili virtute latronibus, expugnat & capit. Quo præclaro facinore Bozonem; tractus illius tum regem, vehementer sibi devinxit. Defuncto autem Bozone, cum Rodolphus ejus frater in Burgundia regnum successisset, Genevensis populum, Salucianum, Susæque seu Segusii marchionem & Pedemontanum principem, bellum illi moventes, præclaris aliquot præliis superatos, ad ejus denuo imperium redire, & universam tandem Mauriennam (quæ Burgundia transjurenensis pars) anno à nato Dom. MCCCXCVIII, illi parere Beraldus, Viennensi donatus præfectura, cogit. Cujus singularis beneficii suavissima recordatione motus Conradus imperator, postquam

mortuo sine liberis Rodulpho, ad eum imperium Burgundiæ seu Arelatenſe regnum, & quidem ex Rodulphi ipſius (cujus cognatam proximam Giſelam uxorem duxerat) teſtamento fuerat devolutum, Humbertum Beraldi hujus filium Maurienna donat, primumq; Mauriennæ comitem principemve creat. Exiſtimat Iulianus Taboëtus Mauriennam ab ipſomet Burgundiæ rege Beraldo, imperatoris permiſſu, donatam fuiſſe. Credi-derim ego à Burgundiæ quidem rege ea provincia donatum Beraldum, ſed à Conrardo imperatore, mortuo demum Bur- gundo, comitatus eam titulo inſignitam. Loco huic annis viginti & octo cum præ- fuiſſet, fato tandè anno poſt natum Do- minum, ut plerique opinantur, M xxvii. functus Arelate in divæ Mariæ virginis ſacra æde ſepelitur. Eſt qui Mauriennam Marianam olim à Mario cive Romano appellatam opinetur, cujus veruſtæ ori- ginis ignarum (inquit) vulgus, Maurien- nam, corrupto paulatim vocabulo, nuncupavit. Sunt quoque qui Amadeum ſive Immodum Wittikindi magni ducis Sa- xoniæ pronepotem, comitem Reingel- heimium, Beraldo patrem fuiſſe affir- ment. Ego Taboëtum Paradinumque, hi- ſtoriam hanc ex profeſſo ſcribentes, in- terdum alioqui hallucinantes, haud hic aber-

aberrare crediderim , præsertim cum Ioannes Cuspinianus, & post eum Franciscus Belleforestus, Lancelotusque Voisius, Sabaudia comites principesque ab Ottonis secundi imperatoris filio Beraldo originem trahere affirmant. Quam nos Mariam Aragoniam Ottonis imperatoris conjugem ob commissum adulterium à Beraldo hoc trucidatam diximus, Cuspinianus, & qui post illum eam historiam tractarunt (inter quos Carolus Sigonius, qui pluribus eam rem verbis describit) Mutinæ ad rogam à marito damnatam, narrant. Sed mihi haud facile id probaverint : neque enim verisimile est imperatorem tam atroci ignominiosoque supplicio publice in uxorem usum, quam in arcem aliquam, perpetuo in ea asservandam , cum minore nominis sui nota, potuisset includere. Beraldo hoc rerum per Mauriennam potiunte Henricus Burgundiæ dux, nullis ex uxore Gerberga Divionensi comite, sublati liberis, moriens, testamento ducatum, uti ajunt, Roberto Francorum regi, fratris sui filio reliquit. Constat tamen (inquit Nicolaus Vignierius) ex commentariis cœnobii divi Benigni , Henricum sibi ante obitum suum adoptasse successoremque in ducatu instituisse Ottonem Guilelmum Gerbergæ uxoris suæ ex

priore marito filium; adeo ut cum antea comes tantummodo ille nominaretur, dux & comes simul Burgundiæ, deinceps aliquamdiu fuerit appellatus. Landricus nihilominus Nivernensis comes pluribus Burgundionum acceptior, se Burgundiæ ducem dictitare, arces atque oppida in fidem suam quamplurima recipere ausus est. Cæterum Robertus rex ducatum jure tum hæreditario, tum regio, potius quam testamentario ad se devolutum intelligens, maximis collectis protinus copiis, validoq; subnixus Normannorum auxilio, Burgundiam adoritur, & utraque factione oppressa, suo adjungit imperio; Landricumque in Altrissiodorensi civitate obsessum, deditioneque captum tandem, juri Burgundico in perpetuum renunciare cogit: Otto vero Guilelmus, comitis retento titulo, ducis in posterum abstinuit. Ottoni huic ex Hermetrude uxore liberi fuere Otto, cui pater superstes, Rainaldus sive Rainardus & Wido. Hactenus Vignierius.

*De Humberto Mauriennæ Comite
primo.*

Beraldo Humbertus filius succedit, Mauriennæ in Sabaudia comes primus, & Segusii, mortuo socero, marchio, qui à manuum singulari candore,
Albima-

Albimanus, si ita loqui fas sit (matronis nobilioribus hoc illum nomine donantibus) dictus fuit. Hunc ad se Romam accersitum, comiterque exceptum Conradus Romanorum imperator (ad Henricum secundum id referunt nonnulli) ut patris ejus Beraldi (à cujus virtutibus, quantum ex generosa animi ejus indole perspicere erat, haud videbatur degeneraturus) præclara in imperium merita, insigniore aliquo beneficio compensaret, Mauriennæ, aut (ut nonnulli appellant) Mauricianiæ in principum imperii augusto consessu, creat comitem, quod ditionem illam regnumque Arelatense universum pater ejus Beraldus, de Rodulphi Burgundiæ regis hoste, armata (uti diximus) ceperat manu. Crediderim potissimum movisse imperatorem, quod per alpes liberum sibi tutumque in Italiam aditum, quandocunque res ita postularet, patere cupiebat. Cæterum in Italia existente Humberto, cum Mauriennam marchio Segusianus invasisset, reversus propere ad suos, ejus rei accepto nuntio Humbertus, marchioni arma infert; sed ejus tandem filia Adeli (quam Saluciano marchioni collocare ille constituerat) in uxorem ducta, omnis illa controversia sublata fuit, moriturusque marchio Humbertum uxoremque ejus,

filiam suam, testamento hæredes scribit. Decessit ex luce hæc, quinquagenario major, vitæ curriculo præclare transacto, Domini anno supra millesimum quadregesimo octavo; Amadeum filium (quem, quod patris avique sui exemplo omnibus amabilem se gratumque præbiturum aliquando, certo confiderent, eo fausti ominis nomine donandum provinciae illius procures censuere) successorem relinquens, & Mauriennæ in sacra divi Ioannis æde, (quam per opimis annis proventibus donarat) sepelitur. Ea tempestate Rodolphus ex Ottonis imperatoris natus sorore, primus Albonii (quod in Arelateni solo situm dominium) ab Henrico imperatore antedicto creatus fuit comes.

De Amadeo eo nomine primo.

A Madeus eo nomine primus Mauriennæ comes Suseq; marchio, Humberto patri Domini anno M XLVIII succedit. Caudatum dictum ajunt, quod cum in Henrici eo nomine tertii imperatoris (cum quo domesticus illi olim usus consuetudoque fuerat) cubiculum in Veronensi oppido, ingenti virorum nobilium, qui pone sequebantur, (quos in Italiam imperatoris coronatione augustiorem uti faceret, secum adduxerat)

comi-

comitatus numero, cuperet forte intro-
mitti, juberetque imperator janua[m] illi
referari, at soli & exclusa (uti aiebat)
cauda: se non ingressurum nisi cum eo
comitatu, animo prorsus intrepido re-
spondisset, addens, ab imperatoris se po-
tius amicitia discedere velle. Quo tam
ingenuo liberoque responso delectatus
imperator, nobiles omnes illos adole-
scentes una cum Amadeo intromitti im-
perat. Cæterum Amadeum hunc cum
pleriq; juvenes primæ nobilitatis illi co-
tanei bellum aliquod præclarum suscipe-
re uti vellet subinde admonerent; pru-
denter admodum, bella quæ citra neces-
sitatem ad animi tantum oblectamen-
tum susciperentur, infaustum infelicem-
que ut plurimum exitum habere respon-
dit, facileque esse cuivis viro principi, et-
iam timidissimo bellum aliquod aggre-
di; sed eo, postquam susceptum semel
fuerit, feliciter & pro voluntate defungi,
id equidem in nullius ne fortissimi qui-
dem hominis esse manu: neque enim in
ejusdem potestate initium ejus & finem
esse; & sumi quidem bellum ab ignavis,
strenuissimi cujusque periculo geri. Mihi
(inquit) æquitate quam sanguine, causa
quam armis, retinere parta majoribus,
præstare semper visum. A Guilelmo Bur-
gundiæ comite (Gerardum appellant alii)

Renati seu Reginaldi comitis, & Alicia Normannæ filio (cui cum Lotharingæ principe Godefrido illique confœderato Barri comite, grave molestumque bellum erat) in auxilium vocatus, per eam juvandi principis vicini finitimique occasionem, nobiles illos adolescentes beligerandi æstuentes desiderio, otiumque quod inertes ignavosque faceret homines, detestantes, domo educit, Burgundoque suppetias fert. Iunctis viribus, triplicem protinus Sabaudus Burgundusque aciem instruunt (primam Matisconensis ducebat comes; Amadeus alteri, tertiæ Burgundus præerant) & in hostem (qui suas quoque copias pro castris produxerat, aciemque instructam habebat) impetum faciunt. Atrox ilico prælium committitur, dubioque aliquamdiu Marte certatum fuit, donec prima Burgundi acies (vehementer eam suorum multitudine premente Lotharingo) Matisconensi comite cæso, pulsa atque in fugam conversa tandem fuit. Qua rejecta, cum sub secundam aciem successisset hostis, prælium mox, hostilem impetum fortiter ea acie sustinente, fuit restitutum, Amadeusque insigni advectus equo, in omnem intentus partem, celeberrimæ tandem victoriæ, averfa singulari sua virtute ab ea quæ maxime inclinare visa est

acies

acies parte, in aliam pugnae mole, author Burgundo fuit. Eo enim stratagemate erectus in spem palmae Lotharingus, cecidit. Moritur saeculi tandem ejus anno LXXX. & Mauriennae in divi Ioannis aede juxta patrem tumulatur. Eam ille aedem magnis multisque donatam vectigalibus juribusque, canonicorum numero, novem aliis veteribus additis, aucto, tabulisque regiis, quae eorum continebant institutionem, confirmatis, ornatiorē splendidiorēque fecerat. Est qui ab Henrico quarto imperatore alpes trajecturo, ut liberum in Italiam illi pateret iter, Burgundiae cum parte quadam anno illius saeculi LXXVII. donatum scribat. Observandum hic, quod quem Henricum quartum Cuspinianus, eum tertium alii appellent. Cum Amadeus hic (inquit Paradinus) Guilelmi Burgundiae comitis filiam Ioannam deperiret, puellae pater eo animadverso (quis enim bene celat amorem? ut quidam ait) ultro apud juvenem pudoris modestiaeque retinentissimum, matrimonii facta mentione, majores nostros tribus olim hominum generibus diras publico edicto fuisse imprecatos, narrabat: primos fuisse inter hos, qui matrimonio in universum abstinerent, alteros qui vergente demum aetate, tertios postremosque qui aut malas,

aut

aut deformes uxores ducerent. Eo comitis Burgundi alloquio in amore suo vehementer confirmatus Amadeus, respondere subridens, matrimonii eandē, quę senectutis, ad quam mortales omnes aspirarent, sed cujus protinus, postquam eam sint adepti, fastidio tædioq; capiantur, esse conditionem. Aderat tum forte ex equestri ordine quidam extrema ætate vir. Is sibi quendam in vicinia sua notum olim, referebat, qui juvenis etiamnum ab amicis propinquisque de matrimonio ineundo admonitus, tempestivum nimis id esse: idem annis aliquot post, iisdem urgentibus amicis, habilem sibi ad eam rem ætatem jam præterisse, respondebat; ab omni nimirum ætate conjugium eo responso cum Diogene, qui juveni nondum, seni nunquam uxorem ducendam esse dicere erat solitus, remove volens. Vixit hac tempestate Dominicus Silvius dux Venetus, cui uxoremuisse referunt annales, genere Constantinopolitanam, mulierum sui ævi longe pulcherrimam, sed Græci fastus atque superbiæ. Hęc, res cæteras omnes uni formę suę curę cum posthaberet, guttis roris maximo labore collectis corpus in balneis lavare erat solita: Cibos quoque ab eunuchis frustillatim concisos aureis fuscinulis, ne digitos eorum contactu

con-

contaminaret ori inferebat. Domum suam ea odorum varietate refarciebat, ut nimia suavitate ingredientium pene sensus obruerentur. Sed intempestivæ immoderatæque luxuriæ meritas tandem, ultore Deo, mulier infelix dedit pœnas, postquam gratissimo illo odore in teterrimum de repente commutato, funestissima totum ejus corpus invasit tabes, quæ fœtore gravi non homines solum ab ejus arceret aspectu, sed ipsum etiam aëra inficeret, adhibitis nequicquam, luis illius abluendis sordibus, iis ipsis quas paulo ante contumaci morositate abhorruerat aquis.

De Humberto ejus nominis secundo.

Post fato functum Amadeum, Humbertus eo nomine secundus Mauriennæ Domini anno M L X X X. gubernacula suscipit, Brianconique regulum gravem in suos finitimosque (quibus negotiorum suorum causâ necessario iter per ejus fines erat faciendum) tyrannidem exercentem, novis insolitisque tributis eos vexantem, frustra uti desisteret sæpius monitum, sumptis ad oppressorum, quorum miseriis indolebat, preces, adversus eum armis, saniora capere consilia & immodicis insolitisq; vectigalibus illis sublati, sibi parere cogit. In Syriam adver-

adversus Saracenos, communicatis cum Godefrido Bullionio aliisque Christiani nominis proceribus quam plurimis, consiliis atque opibus, Urbano quarto Pontifice vehemēter eam expeditionem urgente, profectus, non inutilem in Palæstina expugnanda operam navavit. Quo bello spectatæ virtutis famam consecutus, domum Domini anno millesimo & centesimo (postquam nimirum Godefridus Bullionius Hierosolymorum rex renuntiatus fuit) cum revētisset, ex longo tædio quoque, quem in itinere periculi pleno, contraxerat morbo, sæculi quod subsequutum fuit anno nono decessit, & Musterii (quam ille urbem, Tarentasiam appellatam aliis, cum toto eo tractu, tyrannis tribus, qui gravi eam premebant dominatu, pulsus, imperio suo, civium partim voluntate, partim metu adjece- rat) in æde principe conditus fuit. Humberto hoc in Maurienna imperante Carthusianorum monachorum sodalitium sub annum millesimum & octuagesimū initium habere cœpit, Brunone quodam authore, qui abductis secum ex Parisiensi academia, ubi Theologiam profitebatur, in solitudinem quandam non procul à Gracianopoli (quæ in Gallia Narbonensi urbs) discipulis aliquot, sanctissime vitam instituit.

De Amadeo eo nomine secundo, Sabaudia comite primo.

A Madeus ejus nominis secundus Mauriennæ comes Segusianorumq; marchio (Otto Frisingensis Taurinorum vocat marchionem) decora juventa, corpore ingens, animi immodicus, dignus Humberto patre, cui successit, filius, primus ab Henrico quinto imperatore, quod optima fortissimaque variis bellis illius operâ fuerat usus, Sabaudia (quæ imperii Germanici, inquit Bodinus, provincia, & imperii feudum antea fuit) creatur comes, ea lege, titulum hunc cæteris omnibus, quibus præfulgebat, uti præferret, utque clientelari feudalivè in posterum jure imperium Romanum Sabaudia respiceret. Beaujoisii quoque ab eodem illo imperatore dominio donatur. Dependebat quidem (ut obiter hoc dicam) à Burgundia olim regno solum Sabaudicum, sed Burgundia in Romanorum tandem imperatorum concedente potestatem, per magistratus ab imperatoribus missos, administrari Sabaudia cœpit: qui cum superbe ac avare imperarent, bonique publici nullam haberent curam, Henricus tandem imperator Amadeum hunc provinciæ illi, cum comitis (uti diximus) titulo præfecit. Genuensem

sem comitem, qui ob spretas filiae suae nuptias, fines ejus ex improvise cum magna manu invaserat, maximaque ejus subditis, eorum agros vastando, & edificia incendendo, praedaque agendo, damna intulerat, Roma (quo cum Henrico imperatore antedicto, imperiali ibi insigni evinciendo Domini anno M C XI. fuerat profectus) magnis itineribus ad suos reversus, ingentibus undiq; contractis copiis, & socii avunculi Albonii & Veniciarum comitum implorato auxilio, bello adortus. Ceterum quia milium numero minus valebat, lociq; prohibebant angustiae, ne multitudine hostium posset circumveniri, unam tantum aciem instruendam existimavit. At suorum fretus multitudine Genevensis, duas instruere acies, inde universas vires in conspectum dare. Comes Nidoneus, cui in alteram aciem imperium erat, primo constanter initium pugnae accipere, conversisque in Albonii comitis militem signis, quod eam partem minus firmam hostium esse animadverterat, eam protinus facere impressionem, ut praegravante multitudine, cedere ille sensim cogeretur. Quo laxatis ordinibus, inter suos recepto, profligatam pugnam Amadeus accipit, Nidoneumque comitem, ante aciem suam in fronte fortiter pugnans,

pugnans, acerrimeque rem gerens, loco decedere cogit. Redit eo facto Alboniis animus, & versus in victores à victis terror, Genevensi nequicquam suorum ignaviam increpante. Quo (quod aviditate certaminis provectus in manifestum sese periculum dedisset) à Nicolao Columna nobili Romano, cui vulnus ille inflixerat, cæso tandem, pulsi in univ-
sum Genevenses, & pars in fugam effusi, pars à fronte & à tergo ab hoste circum-
venti, cæsi fuere. Victor Sabaudus, arci-
bus aliquot, inter quas Satenaya & Cur-
rillonum, funditus deletis, graviora lon-
ge quam acceperat ditionibus Geneven-
sis damna intulit. Cum Ludovico Crasso Galliarum rege, (cui Adelis soror ejus nupserat) grave illi dissidium interces-
sit, quod permolestè ferret, Ludovicum natu minorem regis filium, Roberto fratri ætate majori, ab utroque parente prælatum. Cæterum divinis melliflui il-
lius Bernardi monitis acquiescens tandè,
facta cum Ludovico juniore (patri is in regnum successerat) pace, in gratiam cū eo rediit. Dederat paulo ante ad eum ea ipsa de re litteras Petrus abbas Clunia-
censis, vir vitæ inculpatæ, & princi-
pum componendis dissidiis peridoneus, sed quod altiore deliberatione opus esse respondisset Sabaudus, nihil tum

perfici potuit. Earum literarum exemplum infra scriptum est.

Nobilissimo principi, & charissimo amico nostro domino Amadeo comiti & marchioni E. P. humilis Cluniacensis abbas salutem & eterni participium principatus: Gloriosus rex Francorum Ludovicus, & antemiserat, & nunc iterum nobis misit nuncios suos, quos & vobis dirigi, & per manum nostram, quod à vobis petierint, impleri rogavit. Qui quamvis per seipsum, utpote insignis flos & praeulgidum germinis vestri fidus, cuncta qua voluerit apud vos debeat obtinere, quia tamen me precum suarum mediatorem elegit; rogo ut sicut ipse hoc per me petendo efficacius se impetrare confidit; ita vos largiendo, non frustra eum istud sperasse monstretis. Cumque ipse superna gratia, & regni terminos pene duplicando, & juveniles annos virtutibus adornando, summa vestri generis gloria sit; non debet aliquam in precibus suis pati repulsam, cui & regia magnitudo & sanguinis communio cuncta de vobis sperare suadent. Et cum derivato à patre nomine & regis patris dicamini, decet vos & eius regno consulere, & ipsi ut filio in omnibus providere. Quod utrumque simul implebitis, si cum in praesenti negotio audieritis. Sed nolui illud his quas mitto literis inferere; quia

quia plenius id ab ore nunciantis, quam à manu scribentis accipere poteritis. Hoc postquam cognoveritis, quod tamen & jam audistis, Oro ne innocenti puero patrum peccata, nec regina vel regalium aulicorum veteres forsitan culpa, novo regi noceant. Quia juxta divinam prophetae sententiam, Non portabit filius iniquitatem patris, neque pater iniquitatem filij. Date operam (quod & facere praecunetis mortalibus, natura ipsa compellente debetis) profectibus & honori ipsius. Nam & in profectu ejus vos proficere, & honorem ipsius vobis (ut credo) gloriam parere sentietis. Cum eodem illo Galliarum rege Ludovico & Conrardo ejus nominis tertio imperatore, ingentique reliquorum Christianorum procerum (qui, concionante pro sacro bello eodem illo divo Bernardo, accurrerant undique, & sacra ab insigni pietate animique magnitudine certatim omnes arma, pernobili illo classico canente exciti, induerant) numero, in Asiam saeculi ejus anno quadragesimo sexto trajicit, sed re nulla preclariore gesta (Damasci enim Latinorum quorundam Theodorico Flandriae comiti, illi regendae urbi destinato, eam fortunam invidentium summa perfidia, expugnandi occasio amissa fuit) domum dum reveritur, morbum in Cipro, quo

ex itinere deflexerat, lethalem sibi contrahit, ex quo paulo post, anno sæculi ejus quadragesimo octavo decedit, & in sanctæ Crucis montanæ Abbacia, Cypro rege justa faciente, perhonorifice, & tali digna principe pompa elatus, sepelitur. Gravis eorum hic apparet error qui Amadei hujus opera Rhodum conservatam scribunt, quique aliâ nonnulla, quæ longo post tempore, ab Amadeo ejus nominis quarto gesta fuere, illi ascribunt: Abbatias (recepto hætenus utor vocabulo) Thamiseanam, eo in loco, ubi de Genevensi comite victoriam reportarat, & divi Sulpicii in solo Beaujoyfio, nato sibi filio (ita enim si liberos sibi nasci contingeret, facturum se promiserat) urgente vehementer uxore, & voti eum hujus subinde admonente, infirmiore jam præsertim filii valetudine, construxit. Sunt qui sæculi hujus anno septuagesimo secundo Amadeum Moriennæ comitem filiaæ suæ nuptias totamque successionis spem Ioannis Regis Angliæ filio obtulisse narrent: sed id, sub lato multo ante Amadeo hoc, fieri quomodo queat, non video: crediderim ab Humberto ejus id factum filio. Otto Frisingensis Amadeum hunc & Guilelmum Montisferrati marchionem Contrardi imperatoris avunculos appellat, sed in errore est: Amadeus enim

enim Conrardi avunculus non fuit, sed ex eadem cum eo natus proavia Adeli, quæ ex Humberto ejus Amadeum, ex Othone autem Italiæ marchione Bertham, Conrardi aviam, genuit. Scribit Andreas Thevetus vidisse se in Bithynia, in quadam divo Pantaleoni dedicata sacra æde, Arthi Sabaudi sepulchrum, illiq; Sabaudia comitem fuisse patrem: sed quis hic fuerit comes, id sibi, epitaphii literis plerisque vetustate abolitis, non apparuisse. Ingens hac tempestate luporum, homines integros devorantium, visa per Galliam colluvies.

De Humberto eo nomine tertio.

A Madeo Humbertus eo nomine tertius filius, anno post natum Dominum M C XLVIII. succedit, qui Sabaudia comes fuit secundus. Is juvenis licet, eam tamen sui apud omnis ordinis homines præclara majorum æmulatione, concitaret expectationem, ut quem allatus de extincto apud Cyprum Amadeo principe longe optimo suisque carissimo, in mortalium pectoribus nuntius provocaret dolorem, is ad solam virtutum, quibus inclarescere ille cœperat, cogitationem mitigaretur. Vxorē primam Flandriæ comitis filiam, nullis ex ea procreatis liberis, cum amisisset, tantum animo con-



cepit mœtorem, ut vix consolatione ulla
levari posse videretur: duorum tamen
optimorū virorum, qui in rupem quan-
dam ad Lemanium lacum (quam Arpe-
siam appellant incolæ) arctius sanctius-
que ibi vitæ genus professuri, secesserant
(ad quos ex Genevensis præsulis, viri in-
regerrimi, consilio, cum exiguo admo-
dum comitatu ierat) suavissimo allo-
quio, vehementer admodum confirma-
tus, animi morbum illum, radices ante-
quam ageret, depulit. Quin eam in ejus
pectore hominum illorum præclara mo-
nita habuere vim, ut exstructo anno sæ-
culi ejus nonagesimotertio eo ipso in lo-
co monasterio, eoque amplis donato ve-
tigalibus, monasticam quoque ibidem
vitam, in viginti monachorum, quos ex
Cisterciensi accersitos abbatia, ibi consi-
dere jussërat, sodalitia, profiteri non eru-
buerit: donec post revolutum demum
annum ab eo vitæ genere, ad comitatus
administrationem denuo, at perinvitus,
retractus, ad alteras nuptias suorum ro-
gatu animum cepit adjicere. Caterum
mortua, quam ex altera illa uxore pro-
crearat filia Agnete, & paulo post etiam
matre, ad pristinam illud vitæ genus
aspirans denuo (altius enim in ejus pe-
ctus quam quisquam ratus, salutare illi
sanctissimorum eorum hominum ser-
mones

mones descenderant) suorum nemine conscio, in remotum quendam à mortalium consortio locum (cui ad eundem lacum Lemanium sito, Altacomba nomen) abit, ubi celeberrimæ illius divæ Mariæ virgini dicatæ abbatia (cui à loco nomen inditum) jactis fundamentis, monachis aliquot ibi collocatis, ad eorum se vitæ institutum aggregasset, nisi obfistentium clamore flagrantissimisque victus precibus, ad suos denuo reversus, tertii matrimonii fortunam, liberorum quærendorum causa, tentare sustinuisset. Ex eo conjugio cum Thomas illi filius natus esset, in eo ipso lacus Lemani aditu, gratitudini testandæ, divæ Mariæ virgini & divo Mauritio martyri monasterium exstruit, cujus penes Priorem (eo enim nomine hujusmodi ædium sacrarum præfectos appellari mos est) monachosque aliquot, ex divi Petri Cluniacensis sodalitis usque accersitos, administrationem esse voluit. Ex Saracenica expeditione illa, quæ Acris civitas (Prolemaida nonnulli, Tamesim appellant alii) in Christianorum venit potestatem, domum cum Philippo Augusto Galliarum rege, reversus, in gravem lentumque ilico morbum incidit, qui vitæ tandem illi finem Domini anno M C C. attulit. Defuncti corpus in Altacomba,

quod exstruxerat monasterio, conditum fuit. Humberto hoc Sabaudis imperante Cantuariensis archipræsul Thomas, vir sanctis moribus, à nefariis aliquot sicariis Henrico Angliæ rege, ejus nominis secundo, connivente, in Londinensi urbe anno MC LXXI. trucidatur, cujus sceleris authores, Deo vindice ultoreque, gravissimas, quæ eorum etiam posteros infamarunt, dedere pœnas. Hac ipsa tempestate, anno scil. MCLXXXVII, Hierosolymorum sancta illa urbs, per Christianorum, qui eo in tractu erant, gravissima dissidia, undenonagesimo quam Godefridi Bullionii singulari virtute de barbaris recepta fuerat anno, ad VI kalend. Octobreis, Saladino Ægyptio, vix toto oppugnata mense, dedita fuit, cum insigni nota perfidiæ Raimundi Tripolitani comitis, qui ante quam prælium illud, Christiano adversum nomini, quod urbis sacræ deditioem antecessit, committeretur, in turpem se cum milite suo fugam dederat: haud dubio postea rumore, quod cum barbaris clandestinum icisset fœdus, præsertim cum nocte ea, qua Tripolim, urbem suam hosti tradere cogitarat, subito, Deo sceleris ultore, exanimatus, à vespillonibus circumcisus repertus esset.

*De Thoma Sabaudia comite
tertio.*

S Abaudia comitatum, Humberto mortuo; Thomas filius excepit, cujus, pueri adhuc, ætatem Burgundie comes, ejus avunculus, regendam suscepit: qui in Sabaudiam protinus profectus, & aliquanto ibi tempore hærens, imminentem Sabaudico solo tempestatem (fieri uti solet, ubi ad puerum, eumque orbem principatus aliquis devolvitur) singulari vigilantia, optimi cujusque ex indigenis ad eam rem consilio usus, mortalibus omnibus vehementer admirantibus, discussit, suum sororisque filium in eadem habens cura.

Cæterum Thomas ætate jam factus grandior, Guidonem Genevensen comitem interceptum oppressumque, una cum Beatrice ejus filia, quam ad Philippum Augustum Galliarum regem, cui eam desponderat, ille deducebat, capit: ducta autem (quæ jampridem, Thomæ comitis capta amore, in matrimonium hoc, insciis parentibus, consenserat) puella, Guidonem, offensior illi, ob negatam filiam, non ante dimisit, quam Genevensen comitatum Sabaudia fecisset clientelarem. Principatum Pedemontanum (ab expeditione illa, quæ adversus Albi-

B 5

geenses,

geenses, nova per Galliam Narbonensem ferentes passim dogmata, à proceribus plerisque Christianis fuit suscepta, in Sabaudiam reversus) Sabaudico comitatui, ex diffidio, quod, sublata in universum Principum Pedemontanorum stirpe, inter ejus provinciæ populum ortum erat, capta occasione, pro majore parte, Pignerolo capta, Vigenoque & Carignana vi expugnatis, adjecit. Castellis autem propugnaculisque, quibus gentem illam in officio contineret, varie erectis & præsidio munitis, populoque gravi tributo levato, & seditiosissimo quoque pecunia corrupto, occasionem omnem rebellionis præscidit. Et auxerat potentia, postquam Montisferrati marchionem & Astensem populum, Pedemontanis confederatos, profligasset. Tandem cum adversus Pontificem Romanum, in Frederici ejus nominis imperatoris secundi gratiam, bellum invitus reluctansque suscepisset, tantum ex eo facto animi mororem, quem gravis protinus excepit morbus, contraxit, ut ingravescente paulatim malo, vivendi tandem finem faceret. Decessit Montcalerii (quam ipsam imperio quoque suo adjecerat urbem) anno restitutæ salutis millesimo ducentesimo tricesimo tertio, & in marchionatu Segusiano ad Avillaneum, in divi Mi-

Michaëlis abbatia (cui divi Ambrosii fanum & Iuventium dono dederat) magnifico funere elatus, Amadeum filium reliquit successorem. Vixit hac tempestate Ludovicus Sabaudus, qui cum Christiani nominis hostibus pugnasse scribitur: sed quis illi fuerit pater, haecenus inquiri. Sub hac ipsa tempora, quidam, cui Odandrino nomen, vir militiae strenuus, quod ecclesiae Romanae causam adversus Fredericum imperatorem eo nomine primum fortiter sustinuisset, oppido Ferrariensi (quod ipsum Mathildis comitis Mantuanæ, insigni liberalitate, in ecclesiae Romanae venerat ditionem) à Gregorio octavo Pontifice donatur, primusque ex gente Estensi aut Atestensi (ut quidam appellant) Ferrariæ renunciatur marchio.

*De Amadeo ejus nominis comite
tertio.*

T Homæ Amadeus filius, ejus nominis tertius, ætatis anno vicesimo tertio, succedit, paternarum virtutum æmulus, & singulari admirabilique in fofores fratresque suos (quorum causa bellum suscipere haud est veritus) & vivo, & defuncto patre, pietate. Salassios Veragrosq; Lombardiæ transpadanæ populos, masculis hæredibus, Amadeo
corum

eorum tyranno fato functo, deficientibus, possessionibus suis, metu partim, partim voluntate adjecit, victo cęsoque insigni Petri fratris sui virtute, quem ab Imperatore (qui vacuas ab imperiis provincias, imperio accessisse affirmabat) acceperant, prefecto, homine morosissimo inquietissimoque (qui missos ab Armadeo Romam legatos, captos, & in custodia habitos, indignis tractarat modis) & Vallengibus superatis profligatisque. Cęterum ditionem Valesianam ecclesię Sedunensi, ad divi Garini ejus loci presulis (quo disfluadente repugnanteq; populus hic bellum illi moverat) preces, restituit, postquam ejus aliquanto tempore imperio paruisset. Lugduno inde (quo, Cluniaco à salutato Pontifice rediens, ex itinere, ut Carolo divi Ludovici Galliarum regis fratri, Beatricis sororis suę, filiam collocaret, deflexerat) domum reversus, paulo post, sæculi ejus anno M CCLVI (quo ipso anno & Raimundus Provinciae comes ejus socer, decessit) imperii vero decimo & tertio, Bonifacio filio successore relicto, vitam hanc cum meliore commutat, majorumque suorum, in monasterio Altecombano sepulchro infertur. Guelphorum Gibellinorumque infestę per Italiam factiones, quę aliquanto jam tempore cōquieverant, Frederico
ejus

ejus nominis secundo Imperatore, eas denuo resuscitante, vehementer sub hæc tempora recrudescunt, feminibusq; ejus motus haud ferme ulla civitas intacta fuit. Guelphis Guelphus Bavarie dux, Gibellinis natus in Gibellino oppidulo Henricus, hostes inter se infestissimi, ingrati mortalibus omnibus nominis dederant originem. Referunt annales prisca: Gravi inter Guelphum ducem Henricumque Gibellinum, qui patru sui Conrardi tertii imperatoris copiis præerat, commisso prælio, cum superatus tandem Guelphus, in urbem quandam suam se recepisset, in eaque obseslus, quas hosti placuisset, deditionis conditiones accipere fuisset coactus, fœminas (quibus solis exitus concessus, permissumque uti quantum ex rebus suis maxime sibi caris ferre possent, secum asportarent) veritas ne in maritos suos victoris exercitus sæviret crudelitas, sublati in humeros maritis, charissima sui parte, in hostium conspectum (fide amoreque conjugali affectum erga res quantumvis preciosissimas, superante) prodisse. Quam optimarum matronarum admirabilem in viros suos pietatem exosculatus imperator, neque eam fraudem habens ingratam, recepto in gratiam Guelpho, reliquis omnibus ignovit.

De Bonifacio comite .

S Abaudia comes quintus Bonifacius, Amadeo patre natus, fuit magna vi & animi & corporis, sed contemnendis, quam cavendis hostibus melior. Qui haud dubie ætatis suæ principes omnes iis naturæ dotibus anteisset, si fortuna illi super industriam non fuisset, & gloriæ avidior, ingentes spiritus, rationis circumscribere potuisset cancellis. Commisso quippe, postquam ex Flandria, ubi Margaretæ comiti adversus rebelles filios opem tulerat, rediit, cum marchione Montisferratensi atq; Taurinensi Astensique populo ad Taurinum (quam tum urbem arctissima premebat obsidione, summaque vi oppugnabat) acri prælio, dum hostium, quos paulo ante ad Ruppellam profligarat, vires, suis longe majores, stolide superbeque contemnit, una cum marchione Salussiano, juvene impigro (quem vnum inter intimos, & suorum omnium consiliorum habebat conscium) capitur, Taurinumque abducitur: ubi cum indignum in modum haberetur, neque libertatis spes ulla appareret, frustra que Alexander Pontifex eo nomine quartus ejus dimissionem urgeret, adeo ut sacris tandem Taurinensibus interdiceret, ex animi mœrore, & quidem

dem cum præbiti veneni suspicione, Domini anno M C C LVI. uxore non ducta, decedit. Potuisset, mehercule, Taurino tum potiri, si aut in suis aut in alienis consiliis, constantia illi fuisset. Verum ubi à viris militaribus persuasus non deferendam obsidionem, prælioque abstinendum censuisset, rursus ne alienæ sententiæ indigens videretur, in diversa ac deteriora, juvenili præceptus æstu, transibat. Sororem habuit sibi superstitem, unicam (uti ego opinor) Constantiam: sed ea præterita, Petrus ejus patruus, ex communi fratrum (qui revocata in usum lege Voconia, fœminas ab eo imperio tanquam incapaces arcebant) decreto, principatum adiit. Defuncti corpus, magno redemptum ære, in divi Iohannis Mauriennensis sacra æde conditum fuit. Incidit in hæc ipsa tempora, divi Ludovici Galliarum regis adversus Christiani nominis hostes, cum tribus fratribus, & ingenti aliorum hominum multitudine profecti, infelix luctuosaque illa captivitas.

De Sabaudia comite Petro.

Petrus Sabaudia, atque Richemondia quoque, Henrici ejus nominis tertii Angliæ regis (qui genitam sorore ejus Beatrice Eleonoram, uxorem duxerat) bene-

beneficio comes, Thomæ Bonifacique comitum, illius filius, hujus patruus atque successor, princeps fuit bellica virtute clarus, & ob strenue fortiterque gestas res parvus Carolus Magnus vulgo appellatus. Taurinum, Bonifacii comitis indignam & Taurinensium perfidia festinatam mortem uti ulcisceretur, gravi prementi obsidione, per missos ad eam explorandam nunciatur speculatores, rei frumentariæ penuria oppidanos hætenus haud laborasse (mirabatur quippe unde tanto tempore arctissime obsessis, commeatus suppeteret) quod socii navales supra ducenti, grandi illecti ære, paratum ad Padi fluminis ripam ab Astensibus commeatum, doliisque aliquot (quæ inter se concatenata justo libramento ita temperarant, ut superfusis fluctibus condita, neque subsiderent inumve peterent, neque hominum paterent conspectui) inclusum, Taurinum, plerisque secundo ea flumine sub aquis ad se trahentibus, protrudentibus autem à tergo ceteris, deportare essent soliti: urinandi quippe periti homines illi, procul hostium conspectu aquam subibant, occultoq; lapsu ad urbem usque penetrabant, per fistulas tubulosve quosdam aërem haurientes. Quod cum vicissim illi & per intervalla, ne deprehendi fraus posset, face-

facerent, facile dispositis per omnem ripam stationibus, quæ prætereuntes naves observarent, impositum fuit. Illis enim exstantium supra aquas fistularum huiusmodi conspectus, defixorum à piscatoribus, quibus scaphæ alligarentur, palorum stipitumve, ex longinquo præbuit imaginem. Sed ea tandem fraude detecta, strato protinus super flumine illo ponte navali, maximisque, qua maxime flumen patebat (quæ modico inter se distabant intervallo) actis trabibus, importandæ in urbem annonæ facultatem hosti Petrus comes ademit. Quo factò cum in suam protinus potestatem locum cum toto illo tractu redegisset, de consciis necis Bonifacii comitis, grave supplicium sumptum fuit. Maxima præsentium curarum parte ad Taurinum (quam ille urbem, aliquanto tempore post, summo imperatoris beneficio, ditionibus suis adjecit) liberatus comes, convertit animum ad vindicandas injurias eorum, quorum in Vaulxio solo à duce Chophingemio agri vastabantur, pecoraque passim abigebantur. Erat is, quem non postremi inter Germaniæ procures nominis principem, Imperator (Alfonsum hunc esse crediderim, cui de imperio cum Ricardo Anglo certamen erat) quod Salassios Veragrosque, imperio sub-

jectum populum, cæso quem ab antecessore ejus acceperant præfecto, Sabaudis parere principibus Petrus comes coëgisset, graviter ferens, provinciæ illi gubernatorem tum dederat: cui quod adVaulxium dominium jus prætenderet, eorum locorum expugnationem cordi ante omnes futuram existimabat: neque enim illi gravioribus tunc impedito negotiis bello illi vacare erat integrum: in Veragros itaque cum universis profectus copiis Sabaudus, Chophingemium, Chillonium, in Vaulxio tractu sitam arcem, negligentius, & nulla castrorum servata forma obsidentem, celeritate silentioque summis usus, improvise opprimit, & milite ejus fere omni cæso, capit. Capti quoque cum eo Nydowei, Gruyerei & Alberchi comites, Granssonique, Montfaulconi & Costonayi Montaignique dynastæ. Eo lætus successu Sabaudus, Mondovio expugnato, Vaulxio mox, universoque Aventico, & cæteris ad lacum Lemanium oppidis castellisque omnibus (inter quæ Rhomonum & Iuerdonum) vi partim, partim deditione potitur. Inde captivis omnibus ad se adduci jussis, singulari erga eos usus clementia, omnibus ignovit, ejusque, quod pro redemptione pendere debuissent, gratiam ea fecit lege ut Sabaudicis proceribus suam jurejurando

rando obstringerent fidem, illisque fidos se obsequentesque in posterum clientes futuros promitterent. Chophingemius juri omni quod ad Vaulxium agrum cōpetere sibi affirmabat, pro se posterisque suis, in Petri comitis ejusque successorum gratiam in perpetuum renuntiaret, Gruyereus & Alberchi comites, cæteri-que viri illi nobiles, jurisjurandi, quo Chophingemio, Vaulxii domini ergo, erant obstricti religione, soluti essent. Vrebat vehementer comitem Genuensem tot clarus victoriis Sabaudus. Ex ejus itaque in Angliam (Eleonoram reginam sororis suæ filiam uti viseret) profecti absentia, capta occasione, sparso de morte ejus (cujus se rei certa habere indicia passim jactabat) rumore, Vaulxium populum, quorundam ex nobilitate (quos donis promissisque corruptos, in partes suas pertraxerat) ad eam rem usus opera, ad rebellionem concitat, & Sabaudi præsidio castellis aliquot, in Genuensis solitis confinio, dejecto, suum uti intromittant, author est. Arces habebat duas in Vaulzio tractu, Cleesium nimirum & Roveum: qui in iis erant præfecti militesque, magnam undique locis finitimis, uti erat imperatum, intulere vastitatem, multosque mortales cum pecore & alia præda, cepere, cæsis gravique affectis in-

C 2

juria,

juria, quotquot ex Sabaudi subditis, negotii alicujus privati causa, iter illac facerent. Horum omnium apud Angliæ regem existens, certior factus Sabaudus, Faxo, inquit, sciat sentiatque (si permittat Deus) Genevensis, vivere adhuc Sabaudum, impetratoque ab Anglo rege pedum millium quatuor pro mensibus sex subsidio, in Sabaudiam, trajecto Oceano, continuatoque die ac nocte itinere, redit, adventusque sui, præsentia hæud opinata, prævenit famam. Diviso autem protinus milite, Cleesium & Roveum, uno simul tempore, hostem uti diduceret, obsidet. Sed ejus se paulo post obsessis voluntati permittentibus, de præfecto utroque sumptum supplicium, cæteris impune abire permissum. In Genevensis inde comitis agros tota belli conversa mole, cum inter Geisium & Nyonem vicos prælio Sabaudus Genevensisq; inter se decertaturi viderentur, Burgundiæ tandem Matisconensisq; comitem (quorum ipsorum magnopere intererat eam controversiam componi) singulari studio, pax inter eos facta fuit, ea lege ut Sabaudus Genevensis, pro factis eo bello sumptibus, ingentem pecuniæ repræsentaret summam, utque captas paulo ante Cleesium & Roveum arces Sabaudus retineret. Dimisso per eam pacem

utrim-

utrimque milite, peramœno ad Lemannum lacum loco urbem, quam Margesum appellavit, & arces ad hæc in Vienneſi ſolo quatuor, Voironam, ſancti Andreæ, ſancti Georgii, & ſancti Saphorini (quam divi Sampſonis appellant) Sabaudus condit. In Germaniam inde ad Ricardum Anglum, qui ſororis ejus Beatrix filiam Sanciam, Eleonoræ Angliæ reginæ ſororem, uxorem duxerat, cuique de imperio cum Alſonſo rege Caſtellæ contentio erat (errat quippe Paradinus qui Alſonſum tum ſublato, Ricardumque ſolum rerum potitum ſcribit; Ricardo enim Alſonſus ſuperſtes fuit) proſectus, cum Sabaudiæ Mauriennæque inſuitu fidem ſuam Ricardo tanquam imperatori obſtrinxiffet, in Taurinos, Veragros, Salaffios Vaulxiosque plenum merumque pro ſe poſterisque ſuis imperium ab eo obtinet. Miror Antonium Simphorianum (qui Sabaudiæ hiftoriam Gallico conſcriptam idiomate ante annos octuaginta in lucem emiſit) ſcribere, Petrum hunc ab Ottone ejus nominis quarto, beneficio hoc fuiſſe affectum: cum in conſeſſo ſit, Petrum anno demum ſalutis M CC LVI. ad comitatum perveniſſe, Ottonem autem imperatorem multo tempore ante, ſæculi nempe illius anno decimo octavo mortalitate inter-

ceptum. In Sabaudiam ex Germania reversus Petrus comes, longo molestoque conflictatus morbo, anno tandem post natum Dominum MCC LXVIII. in arce Chillon, naturæ concedit, postquam fratrem suum Philippum, Roma usque, ubi majorem partem fuerat, accersitum, hominē alioqui ecclesiasticum, sed nullis sacerdotii evinctum insignibus, bonorum suorum omnium & ipsius quoque comitatus instituiſſet hæredem: Cui, Antonini Pii imperatoris (qui moriturus fortunam auream in principis cubiculo poni asservarique solitam, ad M. Antoninum philosophum successorē, tanquam futuri imperii insigne transferri jusserrat & Vitellii, qui imperii positurus insignia, assistenti sed aspernanti consuli, exsolutum à latere pugionem, velut jus necis vitæque civium reddidisse scribitur, exemplo divi Mauricii annulum (quo à monasterii quod in Veragris situm, cum populum illum Salassiosque fratris sui imperio subjiceret, abbate fuerat donatus) hætenus apud se asservatum, futuri imperii tesseram symbolumque tradi imperavit, ea lege ut (ita enim facturum se promiserat) eum ipse gestaret, & successorī suo gestandum quamdiu viveret relinqueret, qui & quotquot post eum in Sabaudia essent imperaturi, eadem

eadem illa conditione uterentur ; ita ut futuris deinceps comitibus omnibus investituræ (ita cum vulgo mihi loqui liceat) in posterum serviret loco. Scribitur idem olim & magnus quoque factitasse Alexander. Qui moriens, postquam interrogatus cui regnum relinqueret, ei qui optimus esset, respondisset, circumferens oculos, ex assidentium amicorum turba Perdiccam delegit, cui detractum digito annulum tanquam optimo & qui sibi succederet dignissimo tradidit. Constantiæ filiæ suæ (nam qui improlem obisse ajunt, mihi falli videntur) Guigoni Albonio nuptæ comiti, quam in comitatum succedere ipsiusmet vetuit, (quod Salicæ id Voconiaque repugnaret legibus, quæ scæminas ab illustrium dominorum arcent successionem) præter legata, sed ea maxima amplissimaque, reliquit nihil. Iustissimum mitissimumque dominum nobiles juxta ignobilesq; luxere, editoque in ducendis exequiis mœroris quodam certamine, majorum in Altæcombę monasterio monumento intulerunt.

De Philippo comite eo nomine primo.

PETRO Philippus frater, Mauriciano donatus annulo, succedens, gentile decus magno capeffit animo, qui & Bur-

gundię (ut quidam opinantur) ab uxore
fuit Palatinus, pacis artibus quam militię
major & clarior, atque ad eam functio-
nem perquam idoneus, si illi vitę ge-
neri jam pridem, Lugdunensi Valentio-
que episcopatibus, & aliis aliquot eccle-
siasticis conspicuis dignitatibus (quas fi-
ducario omnes jure, Commendam ap-
pellant, possidebat) renuntiare visus non
fuisset. Staiim enim ut sanctius illud au-
gustiusque vitę genus deseruit, uxorem-
que duxit, omnia illi retro & in pejus
fluere cępere. Continua illi invaletudo
cum esset, capta hinc pomęria sua pro-
ferendi occasione Bernates Friburgen-
sesque, & quod (quia belli insolens) ar-
mis non assuevisset, injurię oportunus
videbatur, cum Rudolpho Habsburgensi
imperatore (qui Helvetiis bellum tunc,
neque infelici successu, intulerat) fędus
faciunt, Sabaudoque loca aliquot, sibi
finitima, Partenacum arcem inter hęc,
ab imperatore adiuti, adimunt. De qua
injuria graviter apud Pontificem questus
comes, cum per colloqui quod Lauso-
nii inter Pontificem Rudolphumque im-
peratorem habendum erat, occasionem,
Pontificem apud imperatorem, causam
suam acturum sperasset, nihil ab impe-
ratore æqui reportare potuit. Quę eum
res vehementer torlit, morbumq; auxit:
quo

quo decennio fere toto exagitatus, finem tandem vitæ anno salutis M C C L X X V implevit. Vivus bona sua inter Thomæ fratris sui filios, Thomam, Amadeum & Ludovicum partitus, Amadeum ætate medium, quem non pudendum pœnitendumve comitem Sabaudis fore censebat, Thomæ natu maximo, præclara ejus indole, & amore, quod à pueris eum educaſſet, impulſus, prætulit, & in proximo ſibi faſtigio collocavit, Sabaudiaque comitem, etiam ſe vivo, Mauriciano illi annulo tradito (ne fratres ſcilicet ejus adverſus ſupremam hanc ſuam voluntatem, ſe mortuo, moliri quicquam poſſent) haberi, pecuniamque, ejus quæ nomen præferret, cudi voluit: Thomæ autem quicquid ejus avus patruusq; Petrus in Pedemontano occupaffent principatu; Ludovico Baronatum Vaulxium & in Bieugeoifio Veremoifoque ſolo arces aliquot relinquit. Cæterum cum Thomam ætate priorem, pari nobilitate & hac etiam dignum fortuna, niſi Amadeus potior viſus fuiſſet, graviter admodum ferre intelligeret, fratrem ſibi à patruo, quem neque verbo neque factò ullo unquam læſiſſet, prælatum; ſupremis cavit tabulis, ut quicumque ex tribus illis fratribus donata ſibi parte non contentus, teſtamentum ſuum (judicii ſui docu-

mentum) impugnare, fratribusve illius ergo controverſiam movere ſuſtineret, omnibus, quibus à teſtatore donatus eſſet, privaretur, ejuſq; legatum caducum fieret. Mortem imminere ſibi videns denuntiari per præconem in Sabaudia Burgundiaque publice jubet, Si mortalium ullum, cujuſcunque is ordinis aut conditionis eſſet, læſiſſet, aut debito inſcius fraudaviſſet, is ad ſe venire ne gravaretur, curaturum, omnibus quam cumulatiſſime uti ſatiſfieret. Supelleſtilem omnem, eamque pretioſiſſimam, & regia haud inferiorem (maximis quippe gratiſſimam ſibi familiam hanc imperatores regesque & finitimi plerique proceres muneribus fuerant proſequuti) iis qui in egeſtate eſſent, Altc̃combanæ autem Abbatix (in qua majoribus ſuis uti jungeretur, ſepulturæ ſibi locum delegerat) veſtis eccleſiaſticae varii generis ornatusque, cujus ingens erat modus, plurimum legavit, annuoſque monaſterii illius proventus veſtigaliaque longe fecit auctiora. Deſunctum fratris filii, egregie tum concordēs, & proximorum certaminibus inconcuſſi, omnibus qui trite funus comitabantur mœrentibus, mœrentes ipſi extulere, digni, proſecto, tali patruo talique ſtirpe adoleſcentes.

De Amadeo proximo ſcribemus capite.

pite. Thomæ autem Ludovicique infra suo loco, cum de minoribus natu in gente hac agemus, plenior fiet mentio.

*De Amadeo comite eo nomine
quarto.*

A Madeus ejus nominis quartus, comes octavus, Magni à corporis partim robore (cui par animus) partim à rebus præclare gestis, sortitus nomen. Thomæ Sabaudi (cui Amadeus eo nomine comes tertius frater) & Beatricis Fliscie filius, Sabaudici comitatus habenas anno M C C LXXXV. post Philippum comitem patrum regendas suscipit: Basgæo quoque & Bresla universa (cui situ innexum Basgæum) Sibyllæ uxoris beneficio potitur. Cum Genevensi comite Amadeo, Humbertoque Delphino Viennensi (qui Pedemontanum principem Thomam, per speciem acceptæ à patruo, dum fratri ætate minori postponitur, injuriæ, concitare adversus Amadeum, at frustra, nitabatur) grave diuturnumq; vario even-
tu, & alternante subinde fortuna, bellum gessit, quo vix dum exorto, & in ipsis quasi cunabulis Thomas Princeps Pedemontanus, incorrupte erga fratrem fidei, dum suos in insidias, non procul à divi Andreæ fano, ab Humberto Delphino pertractos, à fuga frustra revocare conatur,

natur, pugnans cadit, cum non levigentis Sabaudicę universę incommodo atque detrimento. Multis enim præclaris animi corporisque conspicuus dotibus, & prælio strenuus & consilio bonus erat. Gloriantem ea victoria Delphinum, cum metus, neque vanus is, incessisset, futurum, uti Sabaudus, cui magnę erant copię, fraternę ulciscendę necis causā, arma in se verteret, illi avertendo bello, Genevensi comiti, ut Ludovici Sabauditiones agrosque invadat vastetque, auctor est. Non fefellit eā Delphinum spes: ut enim fratris sui agros populari, vicos ædificiaque passim incendi, frumenta succidi, prædas agi, ejus subditos captivos abduci, cędibus denique grassari intellexit Sabaudus, nisi illatā fratribus suis (quorum cęsus alter, alterius destructi vastatique agri) vindicata injuria, ense latus se cincturum negavit. Cum singulari itaque cura injurias has ultum ire festinans, Genevam cum militum non contemnenda manu, summo silentio signisque occultatis, quam maximis itineribus potest, contendit, in hostilesque prius pervenit agros, Genevensi occupato infestoque ponte (cui, ut tutum liberumque ex Sabaudia in Vaulxium solum fraternasque ditiones, aditum haberet, quam rem magni certaminis futuram

turam crediderat, præsidium firmum imposuit) quam quid ageretur, sentire Genevensis potuit. Qui inopinato ejus adventu vehementer consternatus (neque enim Delphinatu, nisi cedis fraternæ expetitis à Delphino pœnis discessurum, prorsus sibi persuaferat) in fugam se protinus, rebus suis desperatis, dat. Sabaudus victoriæ ea se fuga hosti confessione expressisse ratus, castellorû aliquot (quibus de comæatu præsidioque abundè providit) expugnatione contentus (qua una re intercludendi sibi ad fraternas ditiones aditus, hosti potestatem ademit) hostem persequi destitit. Diu admodum stetit bellum hoc, maximoque subditorum utrimque incommodo, dum urbes aliquot ultro citroque capiuntur, spolianturque, agricultura jacet (unde fames pestisque, vicina & cohærentia inter se mala, ortæ) gestum fuit, donec per missos à Pontifice, Angliæ Rege & Burgundiæ duce legatos, facta tandem pace, controversia ea omnis sæculi illius anno **xcviii.** fuit sublata. At non diu admodum ea pace gavisi utrimq; subditi sunt. Delphinus enim (qui sua retinere privatæ domus, de alienis certare, regiam laudem esse existimabat) ubi Friburgenses, quibus suppetias Sabaudus miserat, à Bernensibus prælio victos cognovit, nihil

nihil præstiti paulo ante jurisjurandi (quod haud diuturnum vinculum apud avidos periculorum, & decoris securos) motus religione, bellum denuo per eam occasionem, dissuadentibus nequicquam amicis, renovat, gravemque in Sabaudi agros facit irruptionem. Deum obtestatus Sabaudus uti sceleris atque perfidiæ Delphini testis adesset, necessario copias parat, & in hostem ducit, Bellocombamque oppidum ex itinere, cæsis omnibus qui adversa ferebant arma, expugnat, spoliât, evertit. Goncellinum inde (in eum se locum, non ausus dimicare fortunamque periclitari, Delphinus receperat) cum flexisset, fœcialem ad Delphinum mittit, perjurioque & ignavia, quod se absente terras suas invasisset, exprobratis, duelli illi, aut id si malit, concurrendi cum universis utrimque copiis, conditionem defert. Abi, responderet ad ea Delphinus (insensus Sabaudæ æmulatione prava, quod cum violatione fidei maculosum egregia fama anteibat) renuncia principi tuo, non in unis corporis viribus hominis consistere gloriam: si aliter ille existimet, habere me tauros quamplurimos, qui longe hac in parte cum superent. Ad universi autem prælii aleam subeundam quod attinet, si exercitus nunc illi sit instructissimus, futurum propediem

pediem ut ego non minoribus instructus
copiis, eum, ubicunque locorum fit, ad
internecionem persequar. Stativa paucos
ibi dies cum habuisset Sabaudus, ubi ne-
que ab hoste copiam pugnandi fieri, ne-
que res suas diuturniorē ibi moram pati
videt, quod re frumentaria pabulatione-
que ab hoste intercluderetur, retro, un-
de venerat, Barrauxia arce, quæ non
multum in oppugnando præbuit moræ,
ex itinere intercepta, deletaque, insidia-
rum quæ parabantur ignarus, abit. Cæ-
terum ad Silvetteum saltum cum perve-
nisset, pecoris plurimum secum trahens,
qui in iis locis clam à Delphino in insi-
diis conditus fuerat armatus miles, ubi
ille præteriisset, ejicit protinus se, extre-
mumque carpens agmen, eadem maxi-
mam facit, cæterisque in fugam actis, ca-
ptivos aliquot, amissæque prædæ bonam
recipit partem. Celeriter ad Amadeum
hujus cladis fama perlata est: sed cum
longius, jam progressum hostem se con-
sequi posse desperaret, in cepto perseve-
ravit itinere, bellum primo quoq; tem-
pore redintegraturus. quod haud dubie
fecisset, nisi Carolus Siciliae rex Delphi-
num Genuensemque illi denuo, pace in-
ter eos facta, reconciliaisset. Oppidum
erat ea tempestate non ignobile in agri
Pedemontani situm confinio, Iurea:
Inu-

Inuream appellant alii, Eporediamque olim dictam ajunt. Hærebant in ea adhuc pristinae illius inter Guelphos Gibellinosque factionis reliquiae, pari viris faminisque obstinatione in mutuas cædes ruentibus. Cædibus quippe ac incendiis grassari, cognatis ac affinibus ultimam vim adferre, & sacra denique non secus ac profana violare, fas esse putabant. Imo virtutis & gloriæ ducebant loco, si ad ostendendum factionis studium, maxime crudeles evasisent. Tot tantisque periculis quo defungi in universum semel tandem cives possent, non alia melior visa via, quam si in Amadei hujus ex Sabaudia usque accersiti, ditionem potestatemque communi consensu concederent. Nam quam tollendo illi malo, dum Guelphi Philippum Moreæ principem (cui paternum genus è Thoma Sabauda principe Pedemontano, mater ex Roberto Altissiodorensi Græcorum imperatore erat) Montisferrati marchionem Gibellini, suæque quemque causæ patronum ea lege, ut, principatus inter eos divisa potestate, alternis imperarent annis, deligunt, viam inierant; ea potius dum superbe avareque nimis dati à principibus illis præfecti jus dicunt, malo facem prætulit. Noluit solus ea tyrannide potiri comes Sabaudus, sed Moreæ principi (cum quo pa-

ribus

ribus populum illum regeret auspiciis) illi ipsi, cujus paulo ante meminimus, voluit communicatam, nullum inter datos ab utroque magistratus dissidium futurum affirmans, quod Moreus sibi sanguine proxime junctus, utriusque autem subditi ejusdem gentis nominisq; essent. Nec fefellit eum illa opinio: statim enim ut communi utriusque edicto (gloriæ dominationisque certamine inter eos cessante) ne quis factionum harum ullam in posterum faceret mentionem, veritum fuit, studia partium fuere sublata, & controversiæ illius memoria una cum ingratisimo utrique parti nomine, evanuit, urbsque ipsa multis casibus defuncta, longa pace cuncta refovente, sub tutela Sabaudicæ mansuetudinis hætenus acquiescit. His intento rebus, & in omnes curas distracto Sabauda, nuntiatur Genevensem comitem, ex diuturniore ejus absentia capta occasione, castellum quoddam, cui Gaillardo nomen inditum, summo studio diligentiaque in Arvi fluminis ripa, haud procul à Genevensi urbe, condidisse, firmoque præsidio munivisse, ut quotiescunq; in Sabaudiam excursions facere vellet, tutus illi semper ad eum locum foret receptus. Eo accepto nuncio, domum, rebus Iureæ ex iententia constitutis, properat, hostisque exem-

plo, in Geisii tractus confinio arcem, quam Marnalzum appellavit, ad finium suorum defensionem, simul ut hostiles ex ea agros infestos faceret, admirabili celeritate exstruit. Maximæ ex castellis hisce editæ utrimque strages, donec Guilelmi Foucignii Geisii dynastæ insigni stratagemate, arx Marnalza capta deletaque fuit. Ad cujus acceptæ cladis rumorem, accurrens propere cum equitum manu Sabaudus, adeo in tempore venit, ut lætum insolentemque ea victoria hostem & præda grave agmen trahentem, opprimeret, antequam de adventu ejus quicquā ille rescivisset: Foucigniano milite omni, paucissimis demptis, aut cæso, aut capto. Foucignio ipsi vix elabēdi spatium superfuit. Dum ad Marnalzum eo modo res geritur, Delphinus (qui in Sabaudi perniciem una cum Genevensi comite videbatur conspirasse) Sabaudi res orsus obterere, Robertum Mombelium Entremontii dominum, Sabaudi clientem, per Ioannem Albonium fratrem suum, magnis muneribus, & majoribus promissis ad studium sui perducit, efficitque ut exuto erga Sabaudum obsequio, fidem sibi suam obstringat, Entremontiumque suo beneficio possidere palam testetur. Graviter eam tulit injuriam Sabaudus, Mombeliique detestatus perfidiam,

diam, firmo validoque in finitimis Genevensi solo locis, præsidio relicto, Entremontianam arcem obsidet, & ita mox circumvallat, ut re frumentaria & pabulatione interclusi obsessi, jumentis, equis, gliribus, felibus, canibus, & cæteris id genus impuris animalibus, quæ profana fædaque in usum necessitas vertit, jam absumptis, virgulta postremo & stirpes & internatas saxi herbas vellentes, Sabaudi se tandem, postquam nihil in Delphino præsidii esse intellexere, voluntati (neque enim alias ille deditionis condiciones admittere) permittere, & Entremontium illi regulum tradere cogerentur. Entremontio ad pedes sibi abjecto, & pœnam multis lachrimis deprecanti, delicti illius Amadeus, qua erat indulgentia, gratiam fecit. Cujus suæ lenitatis eum tulit fructum, ut admirabili fidei obstinatione forti in posterum ejus toto eo bello opera uteretur. Interea dum Entremontiam arcem Sabaudus obsidet, Genevensis (qui aliud longe ejus obsidionis exitum expectarat) hominum quorundam inquietorum (quibuscum & cum Foucignio, affinitate fædereque jamdudum sibi juncto, consilia clam sua communicarat) opera, in Genevensem urbem intromittitur. Ea urbs (obiter hoc dicam) soli loci Episcopo (qui ipse una cum Genevensi comi-

te, licet omnem is semper moverit lapidem ut humeris jugum hoc suis excuteret, Sabaudi imperium respicere erat solitus) antiquitus paruit, neque comiti (cujus, late alioqui imperitantis, imperii fines, urbis muris terminabantur) quicquam in eam urbem juris fuit. Displicuit vehementer factum hoc civibus cæteris, qui pro Sabauda fidem & arma usque ad supremum spiritum retinere obstinati, Sabaudicis ilico prolatis signis, Sabaudicoque in clamato nomine, tantisper dum Sabaudus (quem eorum quæ acciderant extemplo fecere certiores) accurrit, urbem fortiter, duce Ioanne Filliersio equestris ordinis viro (qui ad omnia quæ agenda forent, quieta cum industria aderat) tuentur, & pulsas cæsisque levi certamine, qui contraria ferre ausi fuerant arma, reliquis, qui ejus conjunctionis inventi conscii, affinesque (Genevensi fuga jam elapso) catenas iniiciunt, spoliatasque eorum ædes funditus everunt. De illis statim ut in urbem venit Sabaudus, sumpto supplicio, rediit oppidanis concordia. Cæterum arce quæ aliquamdiu restitit, paulo post expugnata, quotquot in ea inventi, occisione omnes (solis demptis matronis aliquot, quæ ex urbe in eam profugerant, quibus parcitum fuit) occisi fuere. Pulsus quoque paulo

paulo post & loci fuit præsul, quod is cum Genevensi de eo in urbem denuo introducendo, consilia clam habuisse fuisset compertus, Rouvereumque (quæ ejus parebat imperio arx) à Iacobo Quartio Chabloisii præfecto, vi expugnatum direptumque fuit. Enimvero cum defuncto tandem Humberto Delphino, extinctoque paulo post Amadeo comite Genevensi, bellum quoque simul sublatum finitumque crederetur, æterna nihilominus hæreditariaque quasi, in liberorum animis paterni illius in Sabaudum odii mansere semina. Genevensi Guilelmus, Delphinó Ioannes (cui Henricus præsul Metensis, frater) filii, succellere, optimè inter se, majorum suorum exemplo, concordēs adolescentes. Bellum itaque conjunctis animis viribusque cum redintegrarent, & plurima agro Sabaudico, ab ea parte qua divi Andree sanum est, inferrent mala, filio suo Eduardo, juveni impigro, & cui par cum illis ætas, in Pedemontanum secessurus agrum, belli illius summam Amadeus committit, bono eum animo esse jubet, belloque & armis rempublicam attollere, sibi pacem domumque curæ fore. Accipere paternum imperium Eduardus (cui principium illa militia fuit) & nobilissimo atque fortissimo quoque ex

propinquis, clientibus & amicis evocato, haud temnendæ manus ductor, adversus hostem magna cum cura & mox gloria tendit. Quo (postquam dubio accipitique aliquamdiu ad divi Andreae fanum Marte cum illo pugnasset) singulari sua suorumque virtute, tandem profligato, victor discessit, gaudente supra modum ad ejus victoriæ nuncium patre, quod cunctis super vota fluentibus, quâ de filii sui præclara indole, animo spem conceperat, ea quoque se haud frustratum videret. Varius belli hujus successus eventusque fuit: & cum nunc hunc, nunc illum, nunquam diu eodem vestigio stare solita fortuna, benignioribus oculis adspiceret, necesse erat, ut destructis brevi depopulatisque misere utrimque agris, qui steriles neque fecundi satis per se, cum minore plerumque quod acceperant fœnore, reddere erant soliti, intentisque alimentorum pretiis, plurimi indies fortunis provolverentur, & gravi rerum omnium pressi inopia, solum tandem verterent, donec eorum diuturnioribus moti malis calamitatibusque, viri aliquot graves, & magni utrimque nominis, inter quos Tarentesius archipræsul, Moreæ princeps, Guigo Allemanus Valbonnoisi regulus & antistes Gratianopolitanus (qui docta elegantique oratione

ratione plurimum ad eam rem contulit) pacis parti utrique fuere authores; quæ ipsis conciliantibus tandem cum coisset, Guilelmo comiti Genevensi Agnes, Foucignio Maria, Sabaudi filia, nupsere. Non amplius biennio ea stetit pax. Delphinus enim (nam reliqui duo datam socero fidem violare, sollicitante licet Delphino, nefas duxere) oblatam præter spem potiundæ Ambrunayæ (ad pontem Ainsium cum opulentissima abbatia situm oppidum hoc) occasionem omni fide potiore habuit. Monachi eo in monasterio inter cæteros erant tres, ex Delphinatu oriundi, præter animum ad flagitia præcipitem, inimici antistitis sui, comitis Amadei propinqui, viri sanctis moribus integerrimæque vita, quod ab eo vitiorum suorum gravibus feriisq; verbis subinde admonerentur. Hi cum admoniti nihilo fierent meliores, neque resipiscerent, duriusque idcirco ab Abbate, juxta monasterii præscriptum legesq; haberentur, in hominis optimi, ipsi sceleratissimi, clam conspirantes necem, ad rem atrocem animum adiiciunt. Delphinum itaque (cui se principi rem longe gratissimam facturos, si oppidum una cum monasterio illi traderent, haud erant nescii) per speciem invisendi parentes adeunt, multisque illi verbis Abbatem

rem hunc hostem illi esse infestissimum, sinistrosque passim de eo sermones cum non levi nominis ejus ignominia ferere, graviterque ferre si aliter quis sentiret aut loqueretur, odisse etiam, indignisque tractare modis (cujus rei ipsi fecissent periculum) quocunque ex Delphinatu eo locorum commigrassent, persuadere conantur. Profecti longius, Abbatem abbatiâmq; & simul oppidum ipsum, si præsidium acciperent, furtim tradituros se pollicentur. De Abbate, parum sibi curæ esse, quænam eum fortuna, quisve maneret exitus, respondet Delphinus: at oppidum sibi si tradant, summi se beneficii id habiturum loco. Vbi asperatum Delphinum, & posse Abbatem perverti, satis hominibus illis facinorosis patuit, in monasterium illico redeunt, intromissioque, ea quæ insequuta est nocte, per averfam monasterii portam, quem à Delphino in eam rem acceperant, milite, Abbatem in ipso sacræ ædis vestibulo (precibus enim matutinis pro recepto more decantandis, ad templum illo ipso tempore properabat) comprehendunt, & ad multò ante præcogitatum revoluti facinus, injecto cervici ejus laqueo, ex fenestræ cujusdam transverso tigno suspensum, nefariis manibus necant. Quo scelestissi-

stissimo patrato facinore, Delphini mox palam proferuntur signa, illius inclamatur nomen: facinorosi autem monachi illi monasterii in se suscepta protinus procuratione, in suam suorumque rerum monasterii proventus omnes converunt, mirantibus mortalibus omnibus facinus adeo nefandum conscio Delphino perpetratum. Et mirum mehercule erat, virum ea nobilitate ita temere vitæ profligatissimæ monachis fidem habuisse. Sed quid non designat suo nunquam contentus, & alieni appetens semper animus? Vtinam nostro hoc deploratissimo ævo non eadem cæcitate plerique mortalium (eodemque avaritiæ abrepti æstu) laborarent, indignioraque his committerent! Quam velim eorum semper animis illud Iulii Cæsaris observari: *Consueſſe deos immortales, quo gravius homines ex commutatione rerum doleant, quos pro scelere ulcisci velint, iis secundiores interdum res & diuturniorem impunitatem concedere.* Quanquam ad monachos hos quod attinet, non diu admodum tantum facinus tulerunt impune. Sabaudus enim, ut quæ ad Ambrunayum acciderant, intellexit, non contemnendam ilico, rei indignitate commotus, equitum peditumque eo misit manum. Hic cum summo silentio &

sine strepitu ullo iter facere iussi, Ambrunayo statim ut in conspectum venire, potiti sunt, cæsisque qui Delphini nomine locum invaserant, comprehensos monachos, totius hujus tragædiæ aucthores, & compedibus vinctos, ad ecclesiasticum cui subiecti erant magistratum (ita imperarat Amadeus) puniendos ablegant. Graviter factum hoc ferens Delphinus, ruptæ pacis culpam in Amadeum comitem, quod urbem nihil ad se pertinentem, vi occupasset, conferre. Cum iis itaque quas apud se tum habebat copiis in Verboyneos irruptionem facit, Mirebellumque arcem obsidet: qua deditio-
ne, an præfecti (quod quidam opinantur) proditione (ajunt enim ipsummet Delphinum proditoris paulo post ab eo exegisse pœnas) incertum, potitur tandem. Cæterum ubi Amadeum comitem, utriusque generi Austriæque ducis, & propinquorum suorum, Roberti præsertim Burgundiæ ducis (cujus filiam Blancam, Sabaudi filius Eduardus, uxorem duxerat) auxiliis confirmatum, maximas adversum se copias ducere intellexit, in Delphinatum evestigio, arce illa restaurata, validoque munita præsidio, & com-
meatu in eam subvecto, trajecto rursus Rhodano, rediit. Admirati subitum hostis discessum Sabaudus sociique proce-
res,

res, ejusque, quod hoste non viso, in fugam se dedisset detestati ignaviam, divi Germani fanum (in Bieugeojfii soli ingressu situm oppidum, peropportunum ex Breslano agro in Sabaudiam ire volentibus) exercitu in eas oras ducto communi consilio obsident: sed cum longam obsidionem, magno sibi ad cætera impedimento viderent fore, neque ita facilis esset expugnatio (quod Delphinus quæ parabantur à perfugis edoctus, de justo præsidio, re frumentaria, cæterisque ad diuturniorem obsidionem tolerandâ rebus necessariis, abunde oppido prospexisset) stratagemate quodam uti constituunt. Obsidionem itaque præter obsessorum spem opinionemque solvunt, & quasi ad Languienum oppugnandum totis castris properarent, præ se ferunt. Cujus rei per speculatores certiores facti obsessi, oppido illi ut succurrerët, breviori itinere ac per tramites occultos, hoste prævertendum rati, divi Germani relicto fano, Languienum citato festinant gradu. Sabaudus quod volebat, consecutus, converso opinione citius itinere, divi Germani fanum repetit, obsessumque aliquamdiu locum (frustra qui egressus paulo ante fuerat, regredi conante milite) vi capit, non sine suorum (fortiter sese tuentibus oppidanis, qui ad unum caesi

cæsi omnes) insigni strage; arcemque, quæ aliquamdiu adhuc se tenuit, præfectus, à comineatu instructissimam licet, quod militem fere omnem amisisset, dedere tandem coactus fuit. Admiranda profecto militum eo sæculo erga duces fuit observantia, ingens obsequiū. Oppidum vi licet miles, & quidem cum gravi suorum occisione, cepisset, & in prædam sibi idcirco dari non injuria deposceret, à spoliatione tamen, quod ita Sabaudus cæterique procures (quibus durum videbatur, cum cæsis oppidanis propemodū omnibus, nulla fere eo in oppido vacua à luctu domus esset, gravioribus miserum populum calamitatibus premere) missis per urbem præconibus imperaret, abstinere. Gravi quoque edicto, pluribus passim per vicos plateasque erectis crucibus, matronarum virginumque pudicitia, (cum sempiterna eorum principum laude) consultum fuit. Neque militum fuit quisquam, qui vel abjectissimo scorto vim inferret. Amberievo inde oppido vi quoque expugnato, maximis, qui subsidio venerant, donati muneribus, ad suos rediere. Vehementer utriusque oppidi amissione consternatus Delphinus, Guigone filio, & bonorum suorum omnium, & inveteratissimi simul illius adversus gentem Sabaudicam odii, suc-

successore relicto, ex animi mœrore paulo post decedit. Annus jam aderat Domini millesimus trecentessimus & quartus, quo, cum Philippo Galliarû regi ingens adversus Flandros (qui memorabili illa de Gallis ad Cortracum parta victoria, ferociore, induciarum, quas cum rege fecerant securi, in bello nihilominus perseverabant) exercitus esset educendus, ut quas Sabaudus Delphinusque in mutuam perniciem instructas multis jam annis habebant copias, iis eo bello uti posset, omni ille studio inter eos uti pacificaret, laboravit. Qua tandem procurata pace, & milite utrimque dimisso exauthoratoque, equitatus omnis, & peditû magna manus ad eum protinus transiit, adeo ut supra trecenta hominum armatorum millia, in exercitu suo Gallus (si veri annales) haberet. Copiis quas Gallo Sabaudus auxilio misit, Eduardum filium (quem equestri paulo post gladio rex Galus cinxit) præfecit. Cujus cæterorumque procerum, qui subsidio venerant, singulari virtute, victoriam tandem dubio ancipitique aliquamdiu licet prælio, de Flandris rex reportavit, cæsis millibus supra triginta, & plurimis captis. Intoleranda eo tempore plerosque sitis in regio exercitu exstinxit: Antissiodorenseni comitē inter cæteros. Flandris

in univēsum tandem debellatis, dona amicis cæterisque qui subsidio venerant, pro cuiusque merito, rex dedit. Eduardus in Sabaudiam rediit. Sunt qui scribant, Amadeum hunc ejusque successores hæredesque ab Henrico Luxemburgensi imperatore, quod ipse majoresque ejus imperatorio orti sanguine, ita de imperio meriti essent, quodque in Italiam euntem imperatorem per ditionis suæ fines concessio transitu, regio ubique apparatu, in omnibus imperio suo subiectis locis, excepisset, & Berna usque, Romam, ejus coronationem augustiorem sua præsentia uti faceret, deduxisset, imperii in Astensi oppido renuntiatos principes. Cæterum quia sæculi illius anno decimo, ipso Assumptioni virginæ festo die, Amadei hujus unius potissimum virtute fortitudineque, Rhodus insula in Christianorum venit potestatem (in qua ad annum usq; M D XXII. quo, toties frustra Turcis petita obsessaque, à Solimano tandem per vim capta fuit, perseveravit) & Magni meruit nomen, & ut Sabaudix insignia, quæ eadem & imperii erant (Saxonix ducum, ex quibus Sabaudici orti proceres, insignibus interstincta hætenus) scuto equitum Hierosolymitanorum sodalitiis Ioannitani, cruce scilicet argentea
in ru-

in rubri coloris clypeo, ipsis petentibus equitibus (qui Rhodo ab imperatore Constantinopolitano donati tum, Rhodiā ab eo tempore equites dicti fuere) in navatæ virtutis præmiū decorarentur, utque ædibus, quas Lugdunī sitas habebant equites Templarii (quorum funditus ea tempestate extirpatorum, jure ne an injuria variant annales, bona Ioannitanis cessere) ab ejus sodalitiī præfecto donaretur. Errant graviter, quippe qui Amadeo ejus nominis secundo per Sabaudiam imperante, Rhodum captam, cæteraque, quorum meminimus, contigisse ajunt. Ortum ab Rhodi hac expugnatione symbolum illud quadriliterarium FERT. Sabaudicæ ab eo tempore familiæ proprium mansit. Variæ symboli hujus traduntur interpretationes, & pleræque prorsus absonæ: verissima illa, qua FORTITVDO EIVS RHODVM TENVIT, eo significari plerique autumant. Avenionem post collocatam Leopoldo Austriæ duci filiam suam Catharinam profectus, ut genero suo imperatori Constantinopolitano suppetias adversus Christiani numinis hostes procuraret, sæculi ejus anno x x i i i. idibus Octobris decedit, & in Altecombano monasterio sepelitur. Scribitur Amadeus hic quod sex illi uxoriq̃ue ejus uno
codem-

eodemque tempore per nocturnam quietem visi infantes, qui flexis Deum orabant genibus ut comitem Sabaudum ejusque uxorem, sobolis compotes facere dignaretur, in Cluniacensi monasterio sex infantum, qui pro Sabaudia principum salute statas perpetuasque Deo dicerent preces, instituisse collegium, cui per opimos annuos constituit proven- tus. Singulari quippe divini numinis dispensatione accidisse sibi persuaserat, ut sibi suæque uxori infantes illi appa- rent, præsertim postquam uxorem suam, sterilem hætenus, gravidam ex eo tem- pore factam cognovit. Ejus collegii (cui **CONVENTVS SANCTVS**, quod etiam- num hodie obtinet, inditum nomen) le- gibus cautum inter cætera fuit, ut simul atque aliquem ex hisce infantibus, tale quid quod castis innocuæ illius atriis moribus repugnaret, & malitiæ præ se fer- ret specimen, designare contingeret, illo moto, alius protinus in ejus substituere- tur locum. Cautum quoque, ut, eorum infantum aliquo, ea ætate ex luce hac de- cedente, non aliæ in æde illa sacra, in qua sepeliendus esset, dicerentur preces quam quas divis Innocentibus festo die cani consuetum est. Videtur Amadeus, si ve- rus Paradinus, filium quoque habuisse Ludovicum. Scribit enim Amadeo ejus
no-

nominis sexto, ex Amadei hujus filio Amadeo nato, patrum fuisse Ludovicum & simul tutorem, eumq; decessisse paulo post Amadeum quintum fratrem suum. sed labitur ille, & eorum quæ paulo ante vere dixerat, haud meminisse videtur, Ludovicum nimirum Amadei sexti tutorem, Amadei quinti (sexti patris) fuisse cognatum, patrulem scilicet, & ex Ludovico Vaulxio natum. Sunt qui tertiam Amadeo huic ascribant uxorem, Delphini scilicet Viennensis filiam: sed mihi ea de re compertum nihil hactenus. Referunt Hollandiæ annales dignam (meo judicio) quam obiter hic ascribamus rem. Imperabat sub hæc ipsa (inquiunt) tempora per Hollandiâ Florentius ejus nominis quintus, is ipse quem Gerardus Velsius, inauditi antea facinoris, cum Ghysberto Amstelio, Hermannoque Woerdeno socero, societate inita, per insidias captum, & viginti unoq; confossum vulneribus, infami parricidio trucidavit. Hic variis crebrisq; cum Fribus Flandrisq; commissis præliis, cum nobilitatis meliorem amisisset partem, & plerosq; etiam gravis, quæ per ea tempora grassata fuit, pestis sustulisset, optimum atque opulentissimum quemque in Hollandico agro, ex eo hominum genere qui rem tractabant rusticam, conqueri

præcepit. Singulorum inde moribus facultatibusque spectatis, secrevit à vulgo, quorum virtus opesq; eminebant: Quadraginta hi fuere, novæ nobilitatis seminario destinati. Hos ipso Dominico natali festo die, sub salutis annum MCCXCV. Hagamcomitis, in regiam adduci iussos, postquam communicatis consiliis, liberaliter accurateque adhibitos solenni convivio habuisset, remotis tandem epulis, in equestrem cooptavit ordinem, qui honoris amplissimus gradus, clypeoque (quod acceptæ nobilitatis, quam in posteros transfunderent, esset insigne) donavit. Admonitos deinde, quando in id fastigium recepti essent, ut obliti status, quem suo beneficio exuissent, præclaris in posterum, & dignitati quam obtinerent convenientibus animum intenderent actionibus, dimittit. Magnam ea res comiti, apud eos in quorum familiis vetus nobilitas, (qui in contumeliam factum hoc accipientes, mancipiorum eum passim deum appellabant) invidiam conflasse scribitur. Quasi vero ulla existat nobilitas, quæ non ab huiusmodi aut his non absimilibus parvis exilibusque iniuriis, & olim apud Romanos rerum dominos (cum Fabii, Lentuli, Cicerones, Pisones ex agris ad imperia vocarentur) & hoc nostro majorumque nostrorum

ævo per virtutem (in cujus actione illa consistit) ortum habeat. Legimus , magnum illum Alexandrum Macedonię regem, cum Alexandriam urbem in Tanais annis ripa condidisset, incolas novę urbi dedisse captivos, quos, reddito pretio dominis, liberarat, quorum posterī (inquit Quintus Curtius) nunc quoq; nondum apud eos, tam longa ætate, propter memoriam Alexandri, exoleverunt. Pręclare mehercule Cicero, cum cognomen suum (ut Hadrianus Iunius, vir rarę reconditęque eruditionis , author est) ob ciceris leguminis vilitatem , fastiditum atque invisum intelligeret, amicis aliud sumendum suadentibus , respondit, se nomen Ciceronis longe redditurum illustrius, quam vel Catonum, vel Catulorum , vel Scautorum. quę cum primis illustres apud Romanos familię erant. Quare gravem mihi hominum (quos in nobilium album à Florentio comite relatos ostendimus) posteris injuriam fecisse videtur, quisquis historię hujus author est, quod eorum simul nomina nō ediderit. Omissum id fortassis ab eo, ne tam vilia prodendo exordia, eorum animos offenderet. verum meminisse debebat, eadem fere (uti diximus) ubique gentium verę nobilitatis , & quę virtutis pręmium sit, rudimenta cunabula-

que esse, & humili obscuroque, aut saltem minus generoso loco ortos, stirpis sæpe suæ propagini & ex se genitis virtute partum generosum (inquit idem Iunius) nomen & titulum, quasi transcriptum relinquere. Sed natura mortalium hoc quoque nomine prava sinistraque dici potest, quod majorum nostrorum (quos æmulari aut nolumus aut nō possumus) tædium nos capiat; & quo degeneramus magis, longiusque ab eorum integritate, simplicitate, candore, fide, cæterisque quibus claruere, nomenque sibi atque ingratae posteritati peperere, emigramus virtutibus, eo magis eorum nos, qui umbrā virtutis potius, quam virtutem ipsam amplectimur, pudeat pœniteatque. Quanquam non postremas ego inter familias nobiles tenere existimem, qui ab illis genus ducentes, suamque ad eos originem referentes, per tot annorum spatia (trecenti enim & amplius effluxere anni) nominis sui claritudinem, nulla degeneris affinitatis sordidaeve functionis intercurrente labe, queant extendere.

De Eduardo Sabaudiae comite.

Eduardus Sabaudiae comes nonus, Amadei proxime antepositi, cui, divi Mauricii, anno post natum Dominum

MCCCXXIII. mense Octobri, accepto annulo, successit filius, ita ab adolescentia vitam instituit, ut avo patrique (ut erat acri atque impigro ingenio) in omni virtutum genere simillimus evaderet. Magna in eo militiæ (cujus exercitium cæteris omnibus præferebat) erat scientia, cui clementiam summam conjunxerat, hosti qui strenue rem gesserat, ingentem ab eo cladem accepisset, licet (quod in Sessainsiæ arcis apparuit expugnatione) parcere gloriosum sibi ducens. Liberalitatis (qua nulla dignior magno principe virtus) usq; adeo erat amās, à prodigo parum uti abesset. Cui rei modum nullum cum faceret, excederentque longe annuos ejus proventus maximi, quos quotidie faciebat sumptus, subditū sibi populum solito longe majoribus tributis uti premeret, necesse omnino fuit. Hugonem Foucignium, sororis suæ Mariæ virum (cui juvenili temerarioque consilio, cujus solam dominandi libidinem causam habebat, nunquam ab eo læsus, arma intulerat) præliis aliquot, eo præsertim, quod ad Alingesium Sabaudorum parentem arcem, quam Delphinus obsederat, commissum, cum superasset, maximasque ejus subditis, Montforchieria & Sessainsia deinde) quæ Genevensis comitis imperium respiciebat

arx) inter cæteras expugnatis , Beaugesioque (quod Foucignius paulo ante castellum inváserat) recepto , & Lucingeo oppido una cum arce vi capto , clades intulisset ; acri tandem ad Varejam (Montem Mortarii appellant alii) commissa pugna , in qua & strenui militis & boni imperatoris officia simul exequiebatur , cladem insignem accipit exercitu prope universo , quem , hostilibus contemptis viribus (quæ copiarum quas Guigo Delphinus , Guilelmus Genevæ comes , cui Amadeus filius successit , & Hugo Genevensis , Guilelmi comitis frater , adduxerant , accessione , maximum acceperant incrementum) vinci non posse , (minus jam cupiditatibus suis , inter obsequia fortunæ , temperans) sibi persuaserat , deleto profligatoque , ducibus aut captis (in quibus Robertus Burgundus Antusieresi comes & Beauieuusii regulus cum Amadeo Challanno , Fenicis in Pedemontano solo domino , cujus magna apud Sabaudum erat authoritas) aut cæsis. Captus quoque ipsiusmet Eduardus fuit comes : sed accurrentibus protinus , ad Guilelmi Bourgii (quem equestri ordinis virum longa ætas gnarum militiæ fecerat) clamorem , Hugone Bozelesio , nobili & impigro juvene , Guilelmi filio , Entremontioque regulo , hostibus

stibus eripitur, nequicquam iis qui manus illi iniecerant, Alberti Suffonnagei, (qui haud procul aberat) missio tubicine, auxilium implorantibus: Ille enim prælio alibi intentum se, neque discedere inde posse simulans, servatæ olim ab Eduardo vitæ sibi beneficium, simili beneficio compensare voluit. Ad Galliarum enim regem à Delphino missus legatus, cum interfecto in regis conspectu Ægrevilleo, regii palatii præfecto, in præsentissimo vitæ periculo versaretur, Eduardi, qui tum forte fortuna aderat, precibus supplicio subtractus fuit. Apparet hinc, nullum male collocari beneficium, quod in homines probos & virtutis amantes confertur: & ut nihil tam firmum, cui periculum non sit, etiam ab invalido; ita quoque mortalium nullum esse, cujuscunque demum is fortunæ conditionisve sit, qui non aliquando vel maximo potentissimoque principi usui esse & laboranti succurrere possit. Quod divini haud dubie Numinis singulari providentia dispensationeque accidere ita solet, ad mutuæ hominum inter se societatis conservationem. Hugoni Genevensi Vareia illa parebat arx, quam obsessam sibi proculdubio subjecisset Eduardus, & gloriæ prædæque plurimum partum fuisset, si feli-

citati suæ franos imponendo , aut gloriam cum modo, aut prædam cum cura habuisset ; neque decem dierum , ad extremas jam redacto angustias hosti, ut, si interea temporis non succurreretur, arcem dederet, concessis induciis, suæ sibi cladis, accurrente ad solvendam obsidionem cum magna hominum multitudine Genevensi, ipsemet author fuisset. Cæterum dum Britanniae Burgundiæque ducum generi focerique implorata ope , novum denuo abluendæ prioris ignominiae labi, exercitum instruere parat, in Parisiensi ecce urbe (quo, ut à Gallo quoque rege auxilia accerferet , fuerat profectus) mœrore, quem, ob rerum paulo ante præclare gestarum gloriam adverso eo prælio defloratâ , animo conceperat, consumptus, Domini anno MCCCXXXIX. moritur , majorumque suorum in Altemcombæ monasterio sepulchro infertur. Talis eos plerumq; manere solet exitus, qui, quietis saturi, bellum, suis confisi viribus , temere, animi solummodo oblectandi causa , adversus eos suscipiunt , à quibus neq; lacesciti neque læsi unquam fuere. Acerrime quippe desinere plerumque solet, facile quod ab iis, qui quo plura habent, acrius quæ non habent cupiunt, & satietate famem (ut quidam ait) parant, sumitur bellum ; Deo nimirum pacis

cis omnis authore, oppressorum per injuriam, patrociniū in se suscipiente. Prudenter mehercule populus Romanus uti illatas sibi injurias bello acerrime persequi solebat, sic nunquam sine causa, nec fere nisi provocatus, arma aliis inferre consuevit. Libet obiter rem hic ascribere, quæ sub hæc ipsa incidit tempora, cognitione profecto haud indignam: unde talium avido lectori appareat, quam sint hominum plerorumque, etiam doctissimorum, fluxæ, dubiæ, incertæ, atque etiam sæpe (quod magis mireris) ipsæ sibi adversæ, vel in ejusdem quoque argumenti disceptatione, sententiæ; quorum tamen si conscientiam appelles, ea pro utriusq; causæ defensione adferent argumenta, eas rationes (etiam ii, quibus cæcis avaritia, omnia honesta atque inhonesta vendere mos est) ut præter unā solamque æquitatem, nihil ob oculos habuisse videantur. Quam quoq; incertæ fragilesque iis possessiones hæreditatesque sint, quibus earum retinendarum causa, iudicio sisti, litemve sustinere necesse est, jure quantumvis optimo illi nitantur; præsertim si adversarius obtingat, qui præpotentis alicujus (cujus commendatio vim necessitatis adferat) innitatur patrocinio. Cæso ad Corracū sæculi hujus anno secūdo, inter procures

ceteros , Roberto Atrebatensi comite, cum Robertus ejus ex Philippo filio (qui eo vivo decesserat) nepos, repræsentationis illi jure eo in comitatu , uti contendebat, succedere deberet, senatus Parisiensis (Parliamentum appellant) Mathildi Philippi sorori, Robertique junioris amitæ (quæ Ottōni Burgundiæ nupserrat comiti) causâ cognita, Philippo Pulchro rege Præside, bonorum illorum controversorum possessionem adjudicavit; nequicquam se jure potiorē clāmitante Roberto. cui, ne omnino privatam vitam ageret, comitatus Bellomontanus , multo minoris dignitatis, ac opibus tenuis fuit attributus. Præbuit ea res (eam ipsam præsertim sententiam , eodem illo Parisiensi senatu , sæculi illius anno xxxi , in Philippi Valesii Regis gratiam , confirmante) gravissimis quibus Gallia multis ab eo tempore annis agitata fuit motibus, occasionem, maximamque in hominum animis peperit admirationem: præsertim postquam vix toto ab eo tempore elapso decennio, diversum prorsus in simili plane causâ judicium ab eo ipso senatu , illo ipso rege sententiam primo loco dicente, ferri viderent. Habet ea res in hunc se modum: Io. Dux Britannia, Petri & Ioannis rufi, ducum, hujus filius, illius nepos, Lugduni

duni oppressus ruina muri, filium Arturum reliquit. Is dux, duobus deinceps matrimoniis liberos tulit: ex Beatrice vicecomite Lemovicum, & Avennarum in Annonibus domina, procreavit Ioannem tertium ac Vidonem: ex Iolantide comite Montefortis progeniit item Ioannem, cui nupsit soror Ludovici comitis Flandri. Ex Vidone nata est Ioanna & cognomine & offenso corpore Claudia. Ioannes tertius dux nullos genuit liberos, superstes fratri Vidoni. Is Claudam fratris filiam nuptui dedit Carolo comitis Blesensis minori filio, ex Margareta Philippi Valesii Franciæ Regis sorore suscepto. Mortuo Ioanne, ejus frater item Ioannes jure materno comes à Monteforti, affirmans se legibus vocari ad Britanniam obtinendam, Nannetes occupavit, fraternumque aurum, quod in Lemovicum arce asservabatur, illuc profectus, sibi depromi jussit. Exin Brestum, quod oppidum arcemque præsidium Caroli Blesensis infederat, regressus ad deditionem compulit, Rhedones etiam in potestatem redegit, & Veneti se advenienti dedidere. Postulabat ab rege Franco, ut se in fidem reciperet, Britannia ducatum esse beneficium Francorum regum. Adversarium habebat Carolum Blesensem. Is uxoris Clau-
dæ

dæ causam agebat, illam esse Vidonis filiam, qui pater si viveret, sine controversia successurus fuisset Ioanni tertio defuncto, quod ab eo frater secundus natus foret: Ioannes vero, qui nunc fratrum reliquus esset, tertius numeraretur: ac æquum esse, eodem loco filiam haberi, quo pater si viveret haberetur: hoc in multis aliis publicis privatisque causis constitutum observatumque. Ille contendebat: testabatur recentē etiamnum memoriam, & id quod secuti fuissent patres Parisienses Franciæque compares in comitatu Atrebatensi adjudicando Mathildi amitæ, excluso Roberto fratris filio. Quod si mulieres in hæreditatibus paternis præferuntur fratrum jam mortuorum filiis, multo æquius esse, se virum, se patruū, præferri fæminæ Claudæ, fratris jam mortui filiæ: quando jam in Roberto Atrebate huius causæ præiudicium factum sit, filios filiasve patrem in ducatibus comitatibusq; non referre, nō eodem loco, non eodem jure censendos. Se Ioanni tertio duci fratri uno gradu propiorem esse quam Clauda fratris filia sit. Hæc plurimis verbis summaque contentione in senatu, sedentibus comparibus, præside rege, acta. Secundum Blebensensem sententia lata, statutumq; aliam aliorum ducatum comitatumq; causam:

fam: nec Atrebatres eodē jure agere quo Britannos. In causſa Atrebatenſi palam factum edoſtosque judices, eodem mulieres jure quo viros eſſe ad comitatum Atrebatenſem obtinendum, nec patrum repræſentandorum conſuetudinem in Atrebatibus receptam. Ioannes id iudicium non æquo, jureve, ſed in gratiam regis, qui Bleſenſis avunculus eſſet, factum ratus, relicta in Nannetibus uxore filioque Ioanne adhuc puero, ac amicorum fideliffimis, qui res interea tuerentur, in Angliam, quo Atrebas antea pari dolore trajecerat, profeſtus, cum Eduardo rege fœdus percuffit. Ius (inquit tandem Paulus Æmylius, quibus verbis eum ſermonem finit) cauſſæque dubia, utrum patruſi an fratrum filii ad res imperiaque obtinenda vocandi ſint, ingentium toto terrarum orbe motuum origo exſtitit.

De Amadeo eo nomine quinto.

Eduardo antediſto rebus humanis exemplo, Amadeus eo nomine quintus frater ejus Avenione, ubi tum temporis apud Ioannem Pontificem ejus nominis vicesimum ſecundum, degebat, evocatus, divi Mauricii annulo, ab ejus provinciæ ordinibus invitatus reluctanſque (quod modeſte de ſe ſentiens, tanto ſe o-

se oneri imparem diceret) donatur ;
Margaretæque defuncti Eduardi filiæ
(quæ missis , ut patrem decessisse intel-
lexit , legatis , Sabaudiam sibi tanquam
paternorum bonorum veræ unicæque
hæredi tradi poscebat) præfertur. Ne-
que enim (quod longa jam consuetu-
dine obtinuerat) fæminis aditum ad
eum honorem patere illius provinciæ
procures volebant, quamdiu virilis ex ea
familia stirpis , iusto legitimoque natus
thoro, aliquis reliquus esset. Quam rem
edoctus Britannia dux Ioannes, Marga-
retæ maritus , auri magna accepta vi, u-
xori iuri quod ad comitatum Sabaudi-
cum sibi esse contendebat, uti renuntia-
ret, author fuit. Princeps fuit pius, intur-
bidus , prudens, fortis, nullius repentini
honoris, adeo non principatus appetens,
& pacis amantissimus, ab omni ambitio-
nis fumo aliorumque invadendi bona
desiderio in tantum alienus, ut in iis quæ
iure ei deberentur cōsestantis haud ad-
modum esset anxius, sollicitusque. Cæ-
terum cum Guigo Delphinus Viennen-
sis (quem parta ad Vareium victoria E-
duardique comitis mors insolentio-
fecerant) Sabaudicum Foucigniumque
agrum depopularetur , caedibus , incen-
diis passim grassaretur, & hominum pe-
corumque prædas ageret, subditorum
tan-

tandem suorum , qui de atrocibus hisce injuriis (quæ eo usque provectæ jam erant , ut , consumptis longe lateque frumentis, neque terra, quæ per hostiles incursiones coli haud poterat, aliud proferente , in maximis se angustiis constitutos viderent) frequenter apud eum querebantur , importunis victus precibus, postquam admiranda liberalitate eorum inopiæ necessitatique prospexisset, Amadeumque Genevensem comitem, & Hugonem Geisii dominum, fædere cum iis factò, in suas pertraxisset partes, arma adversus Delphinum (Philippo Moreæ principe , & Ludovico Sabaudò Vaulxii regulo, cognatis patruelibus, auxilia adducentibus) sumit , justoque conscripto exercitu Monthousium (quam Humberto fratri suo una cum Foucignio agro donarat arcem Delphinus) obsidet , eaque, dedentibus sese obsessis, quibus quæ erat clementia parci voluit , singulari sua virtute potitur tandem ; postquam primus inter suos , periculo omni spreto, cunctantibus ceteris, in murum scalis admotis, evasisset, & rem ausus incredibilem atque inauditam , multoque magis ad famam temeritatis, quam gloriæ insignem, in subjectam planiciem, sequentibus præ pudore certatim militibus (quibus quod prima oppugnatio non successisset,

sisset,

rid

sisset, animi nonnihil decreverant) præcipiti saltu semetipse, ingenti animi periculo majore (quippe armis fulgentibus conspicuus, unus præcipuè telis petebatur) immisisset, dignaque prorsus spectaculo edidisset. Eum locum valido munitum præsidio, commeatuque necessario in eum importato, cum militem exauthorasset Sabaudus, ad motis intempesta quadam nocte, in Delphini gratiam, clam ad muros scalis, Hugo Genevensis recipit. Cujus infortunii in Sesselensi oppido certior factus Amadeus, cum ea quam tum cogere potuit manu, Monthousium recta, suppetias adducente Genevensi comite, pergit, ubi commisso cum Hugone Genevensi, ad arcis radices, conflictu, victor, Ioannem Sabaudum, quem primo captum congressu hostis abducebat, recipit; & Monthousio denuo, dedente quarto obsidionis die Hugone Genevensi, potitur. Duobus inde medio inter Montmellianum & Aspremontium loco (ex quo, & quidem solo, ad Chamberyum urbem erat aditus / conditis castellis Marchesio Motterioque (quæ modicis inter se stadiis distabant, ne procul repetendum esset mutuum auxilium) Delphini, qui eam se civitatem ejusque suburbia injecto igni corrupturum jactabundus fuerat inter-

mi-

minatus, vanas spes vanosque illufit conatus. Vrebat accepta ad Monthoufium clades mirabiliter Hugonem Genevenfem. vindictæ itaque & abolendæ ignominia avidus, Villegrandam arcem, milite commeatuque à Delphino acceptis, obfidet, expugnat, fpoliat, evertit: fed accurrentibus eveftigio Amadeo comite Genevenfi, & Ludovico Sabaudo, arx illa una cum oppido reftauratur, meliorque longe poft excidium renatæ, quam integræ fuit facies. Sed nihilo propterea magis quiefcentes Delphinates, Perrieream in Sabaudico folo arcem, ad motis clam falis, & promptiffimo quoque fuccedente, fæculi ejus anno xxxi i capere tentant: ubi infidia parum ceflere, ad vim tranfgrefsi, palam locum obfidet, eoque, poftquam ipfemet Delphinus, qui fuis fubfidio venerat, dum propius loci fitum contemplatur, ab emiffa forte ex arce fagitta ictus, cecidiffet, deditione tandem potiuntur. Obfelli ad unum omnes, incolumitatem pacti licet, increpantibus nequicquam tribunis nobilitateque, tanquam fidem per fcelus abrumperent, ab incondita & in futurum ob amiffum principem, acta multitudine, quæ ea victoria ex libidine fua ufa fuit, interfecti fuere: non fexus, non ætas, miferationem attulit: arx fpoliata &

diruta funditus. Guigoni Delphino cum Humbertus successisset frater, Galliarum rex Philippus Valesius, pacis Sabauda juxta Delphinoque author fuit. qua cum subditorum summo utrimque gaudio confecta tandem, sanctioris puriorisque vitæ ingressus iter Sabaudus, pietatis varie exercendis officiis totum se tradidit, ædesque aliquot sacras construxit, partim à fundamentis (inter quas Dominicanorum ad Montmellianum monasterium) partim restauravit, proventibusque annuis auxit: & in his sacellum arcis Chamberianæ & abbatiæ Altecombanæ, in quam collecta undique majorum suorum ossa inferri voluit. quibus ipse paulo post, sæculi ejus anno quadragésimo secundo, Amadeo filio impubere successore relicto, cum subditorum omnium, vicinorumque principum (quibus erat longe carissimus) summo luctu decedens, junctus fuit. Rem de Guigone hoc Delphino, quem ad Pierrieream arcem telo confossum supra ostendimus, maximæ admirationis referunt annales, & dignam quæ mortalibus omnibus ante oculos semper obversetur, unde manifesto intelligant, Deo uti securitatem nostram, ita quoque & ultionem curæ esse.

Delphinus Allobrogum (inquit inter ceteros

ceteros qui historiam hanc tradidere Paulus Amylius) bellum cum Sabaudis (ut inter finitimos assolet) ob finium controversiam gerebat, bello inclitus, sed alienarum uxorum pudicitia infestus. Bohemus auxilio illi socio amicoque cum ire constitisset, filius ejus Carolus (ut Pontifex Pius narrat) per quietem visus est sibi videre; viri divina specie præditi jussu, præstanti juvenem forma, editiorem in locum raptum, detractaque veste exsectum; sibique interroganti, cur & quisnam tam egregia indole adolescens tam fœde atrociterque haberetur; responsum, Delphinum aliena cubilia attrectare solitum, meritas pœnas numini dare. Somnium filij in præsentia elusit pater, bidui viam progressus, certum nuntium accepit, Allobrogem in oppugnatione oppidi, vulnere accepto, decessisse. Quod minus memorabile & fortassis vanum credi posset, nisi sub idem tempus occubuisse telo hostium, ejus gentis annales authores essent, & in agro Parmensi, ubi nocturna quiete id obversatum fertur, eadem Virginis, ut monumento foret, Bohemum struxisse, locupletasseque vesticiliis, hancque rem testatam tabulis Bohemi regis, legisse se Pontifex tradidisset. Hactenus Paulus Amylius, cui Franciscus Belleforestus & Bernardus Girartius consentiunt.

*De Amadeo eo nomine Comite
sexto.*

AMadeo quinto Amadeus succedit filius, puer admodum, ætatis anno scilicet nono, salutis vero MCCCXLII, datique qui ætatem ejus regerent, Ludovicus Sabaudus Vaulxii regulus (quem non recte Paradinus patrum illi fuisse scribit: cui triennio post fatis sublato, Guilelmus Baumeus, suæ gentis nobilissimus, communi nobilitatis ordinumque provinciæ ejus decreto sufficitur) & Genevensis Comes Amadeus, qui eo illum nomine in sacra ablutione donarat. Viridem dictum scribunt, quod ejus coloris vestibus ut plurimum ipse ejusque ministri domesticique uterentur. Alii ita appellatum ajunt, quod annos natus duodecim, in equestri ludicro herbacei coloris vestem gestans, victoriâ reportasset. Mortuo Roberto Siciliae rege, principatus Pedemontanus, qui Roberto paruerat, pro majore parte in Amadei hujus Iacobique Sabaudi Moræ principis, viri longe optimi fortissimi-que, concessit potestatem, Ioanna regina, Roberti nepte, quod faminam patrio amore in id fastigium recipi populus Pedemontanus negaret, exclusa. Vbi primum Sabauda ætas militiæ patiens fuit

pulsam

pulum Seduno ab incondita Valesianæ
 ditionis multitudine, præfulem, supera-
 ris primum prælio Valesianis, & Seduno
 deinde urbe vi expugnata, captisq; dedi-
 tione Valeresia (in quam ejus civitatis
 canonici confugerant) & Turbellone ar-
 cibus, juraque antiqua pati coactis, in-
 pristinum restituit locum. Renovatum
 deinde inter ipsum Delphinumque bel-
 lum. Cujus hæc fertur causa. Hugardus.
 Geisii regulus, grandi à Delphino acce-
 pta injuria, eo deserto, in Amadei quin-
 ti, Amadei hujus patris, partes transie-
 rat, Geisiumque baronatum illi ejusque
 posteris clientelari subjecerat jure. Cujus
 facti pœnitētia ductus paulo post, accer-
 situm ad se Hugonē Genevensē morti
 jam proximus ea lege hæredem instituit.
 ut ejus dominatus causa, soli Delphino,
 vero legitimoque domino suo, fidem
 suam obstringat. Offensus ea hominis
 inconstantia Sabaudus Hugoni ad se uti
 veniat, & ejus loci ergo Hugardi exem-
 plo juramentum sibi præstet, denuntiari
 jubet. Ad quæ cum protervius ille (ut
 erat linguæ immodicus) responderet, ni-
 hil sibi cum Sabaudia comite Geisii do-
 minatus intuitu, negotii esse, facileque
 in eius, cui fidem suam jurejurando
 illigasset, futurum potestate, ut adversus
 Sabaudi injurias se tueatur atq; defendat;

non tenuit iram Sabaudus. Itaque Florimontum arcem, cum eo, quem arrogantis illius responsi quasi certus convenire jussérat milite, obsidet, eaque tandem per vim, magna hominum edita strage, potitur. Qua capta, validoq; præsidio munita, ad Geisium obsidendum recta pergit, quæ ipsa quoque, munitissima licet alioqui, & à milite instructissima urbs, post durissimam aliquâto tempore toleratam obsidionem, & post crebras in hostilem exercitum factas excursions, in Sabaudi potestatem deditione tandem una cum arce venit. Indignari supra modum ob amissum Geisium Hugo Genevensis, & Sabaudia fines (Delphino stipendia militi præbente) depopulari; arces aliquot, & in iis Mordesum & Messieresium (quibus vi captis, nulli neque ætati neq; sexui parcitum fuit) demoliri funditus. Bonnevauxium autem quia expugnari non poterat, igneis varie injectis telis, una cum iis qui in eo erant mortalibus (quos omnes, militibus per summam crudelitatem exitu prohibentibus, ignis hausit) corruptum fuit. Non impune diu tantum scelus tulit Genevêsis : simul enim ex suorum querelis quæ ille designasset, cognovit Sabaudus, consenso ilico equo, hostem (qui spoliis prædaque dives, diviso bifariam milite,

lætus

latus ovanſque, omnia magis quam præ-
 lium exſpectans, incedebat) continuato
 die noctuque itinere perſequi properat.
 Aſſecutus, ad Dalomievum, agmen unū
 (alteri in Arboſiis Guilelmus Baumeus
 occurrit) tanta animorum alacritate
 impetum in illud facit (haud ſegnius in
 altera parte pugnante Baumeo) ut cæſis
 utrobique pleriſque omnibus, reliquis
 captis, & præda recepta, nemo ſuperelli-
 et, qui acceptæ cladis nuntium domum re-
 portaret. Qua non contentus victoria
 Sabaudus, ulterius progreſſus Bellomar-
 chiam arcem expugnat deletque, & Tur-
 rim deinde Pineam obſidet. Cæterum
 Delphino Delphinatum ſub eos ipſos
 dies in Philippum Valeſium Galliarum
 regem tranſferente, Guilelmus Baumeus
 (quem nobiliſſima inter Allobroges or-
 tum familia, Galloque longe gratiſſimū,
 in Galliam Sabaudus illi impediendæ rei
 fruſtra ablegarat) ita cum Gallo agit: ut
 certis juſtiſque inter Delphinatum Sa-
 baudiamque (vicina & connexa inter ſe
 loca) conſtitutis limitibus, litium bello-
 rumque materia omnis in poſterum in-
 ter eas provincias præcideretur. Conve-
 nitque præterea ut Bonam Petri Borbo-
 nii ducis filiam uxorem Sabaudus duce-
 ret, utque (quoniam cum utriuſque id
 conjunctum cōmodo) quæ trans Guye-

rum Sabaudus possideret oppida castellaque, ea Galli regis filio natu maximo tanquam Delphino, quæ ex adverso, eis eundem annum Delphinus obtineret loca, ea Sabaudus omnia cederent, & ab ejus posteris, una cum iis quos in Verbonneo solo habuerat agris, possiderentur. Foucignius quoque baronatus & Beauforti dominium penes Sabaudum ex illius ipsius contractus legibus manferre. Placuit quoque ut Genevensis comes, Villarique regulus, & nobiles in Delphinatu alii nonnulli (in quos supremum sibi dominium Sabaudus arrogabat) in Sabaudi in posterum fide clientelaque essent. Longo molestoque defunctus tandem bello Sabaudus, & Galli regis amicitiam sibi conciliasse lætus, militem omnem exterum, cui ampla opulentaque dederat stipendia, quod eius operam necessariam amplius haud haberet, pro majore parte dimittit. Exauthoratus miles ille cum Mediolanum se ad Ioannem ejus loci archipræsulem, ingentis spiritus virum, qui Luchino fratre, vicecomite Mediolanensi fato functo, eum principatum invaserat, contulisset, archipræsul per opportunam Pedemontanum principatum imperio suo adiiciendi occasionem se nactum ratus, præsertim quia militem suum Sabaudus jam dimississet,

illi

illi ipsi dimisso à Sabaudò militi, aliisque ex latronibus prædonibusque, quos spes prædæ transversos egerat, aut quibus ob egestatem ac metum maxima peccandi necessitudo, passim coactis, stipendia clam constituit, Pedemontanumque agrum uti incurserent, prædentur, & hostilitatem in eo exerceant, imperat; ea tamē conditione, ut quasi nulli merentes, privato paucorum latrociniiis suetorum & capite censorum consilio, Davidis (cui Magni cognomē) & Roberti Pinji (quos cuicunque flagitio promptos, duces sibi deligerent) auctoritatem sequuti, bellum hoc suscepissent, præ se ferrent. Parent illi, Pedemontiumque (communicatis cum Salussiano marchione, qui milite comineatuque eos, si opus esset, se iuvaturum promiserat, clam consiliis) ingressi, agros depopulantur, pecora abigunt, villas ædificiaque passim incendunt. Non tulit eam injuriam Sabaudus, sed quotquot varie sparsos habebat, convenire propere iussis militibus, prædones hos (qui trans alpes etiamnum hæreere illum existimabant) in abbazia Estaffardiana (quod in ea provincia situm monasterium) imprudentes atque inopinantes opprimit. Illi repentino metu perculsi, sibi quisque pro moribus, consulunt, alii fugere, alii arma capere,

magna

magna pars vulnerati aut occisi. Davidi Robertoque ducibus captis laqueo gulam liCTOR fregit. Ita dignum illi moribus factisque suis exitum vitæ invenere. De reliquis captis eodem modo supplicium sumptum. In archipræsulis hujus Ioannis mentionem quando incidimus, operæ erit, memorabile ejus inter multa factum, quo pontificium summæ severitatis imperium facetissimo obsequii genere magni fecit, simul & elusit, inquit Paulus Iovius, ex eodem Iovio hic inferere.

Cum à Pontifice (inquit) expetentibus Florentinis, Avenionem, ut coram adesset, sub anathematis pœna citaretur, latissima fronte respondet, se uti fidelem dictoque obedientem servum deceret, instructa professione Avenionem mature perventurum, ut præsentì obsequio, projectus ad pedes, sacrosanctum pontificem veneraretur. Cæterum legatos misit, qui per omnes urbis regiones amplissimas domos, persoluta ejus anni pensione conducerent, ingentemque omnis generis commeatus copiam compararent, qua numerosus comitatus aleretur. In id porro quæstor multa onustus pecunia adeo profuse operam intendit, ut mirum in modum annona in foro cresceret, nec peregrini negotiosique homines ex omni Europa ad pontificiam aulam confluen-

fluentes, ullum omnino pro hospitio tectum. in urbe conductore vacuum reperirent, & publice populus & inquilini de annona caritate conquererentur. Quibus insolitis vocibus permotus Pontifex Mediolanenses legatos cuncta prodige cœmentes vocat, causam querit cur tantum commeatus accumularent, totque passim amplissimarum ædium hospitia inani sumptu ad querelam publicam conducant? Legati ita parare se iussos à Ioanne præsule respondent, qui septem millia armatorum equitum totidemque peditum præsidij & comitatus causa sit adducturus. Intellexit ilico Pontifex quo rerum suarum periculo Ioannes tantis instructus viribus foret expectandus, leniterque subridens, tanti itineris laborem, præsuli tanquam occupato, & præclare pontificij nominis studioso, benigne se remittere dixit. Legati autem cum dimitterentur, honestissimis à censu virtutis, aut parum ditibus, conductas domos gratuito concesserunt. Ita ut commeatum quoque omnem, aut sacratis cœnobiis, aut e plebe miseris & egentibus largirentur. Et hæcenus Iovius. Vaulxium inde baronatum (ut eo unde digressi sumus redeamus) à Guilelmo comite Namurcensi, qui Catharinam Ludovici Sabaudi Vaulxii reguli filiam & hæredem unicam uxorem duxerat, Amadeus comes

mes emit. Alii Catharinam hanc Iacobi Sabaudi Moreæ principis filiam fuisse autumant: cum quo Iacobo Sabaudo grave comiti Amadeo dissidium paulo post intercessit, quod missum ad se viatorem, qui comitis illi iussu diem diceret, & una adolescentem quendam nobilem ex gente Provannesia (cujus bona per vim invaserat) interfecisset. Gravi-ter quippe ferens comes & magistratum contemptum, & jussis suis non paritum, trajectis evestigio, ex senatus sui consilio, cum militum non contemnenda manu, Alpibus, oppida castellaque aliquot Moreani principatus capit; Thurinum nimirum, Pinerolum, Savillanum, Vigonem, & Escarraphiū. Sed dum Carignanum, reliquam illi, armis virisque opulentam urbem, una cum arce obsidet, annuissis, fortiter sese defendentibus obfessis, Guilelmo Baumeo & Iacobo Chalcantio, viris sibi longe carissimis, eam sibi cladem, quod in sanguine sibi proxime junctum virum principē arma ver- tisset, Deo ultore, accidisse ratus, Moreo, facti illius ductus pœnitentia, in gratiam recepto, ablata restitui protinus jubet. Ordinis equestris sodalitium in angelicæ Annunciationis honorem primus Amadeus hic instituit, & primæ nobilitatis viros (quibus ipse præsideret) in collegium

giuno illud allegit quatuordecim, quos aurea singulos donat torque, ex qua tres dependentes lacinię dictionē hanc FERT (quod Amadei magni comitis symbolum fuisse supra ostendimus) singulæ repræsentabant, quæ venereo connexæ inter se nodo, divæ Mariæ virginis ab angelo salutatæ (ea enim res sodalitio nomen dedit) effigiem præferebat. Primi sodalitii hujus, præter ipsum Amadeum, fuere equites: AMADEVVS GENEVAE COMES, ANTONIVS BEAVIEVSIVS, HVGO CHALONIVS ARLAII REGVLVS, ALMONDVVS GENEVENSIS, IOANNES VIENNENSIS FRANCIAE ADMIRALDVVS (qui in Hungariam adversus Christiani nominis hostes missus fuit) GVILELMVS GRANSSONIVS, GVILELMVS CHALOMONIVS, ROLANDVS VERSYVS BORBONIVS, STEPHANVS BAVMEVS nothus, CASPARVS MOMMEVRIVS, BARLEVVS FORASIVS, THEVNARDVS MENTHONVS, AMADEVVS BONNARDVS, & RICHARD. MVSARDVS Anglicus. Carthusianorum inde ad eum locum qui Petrus Castellus dictus, in quo pro illius sodalitii equitum salute statæ perpetuæque ad Deū fierent preces, construxit monasterium; cavitque ut quandocunq; ex eo collegio aliquē ex luce hac decedere con-

tin-

tingeret, alius ab eo qui rerum per Sabaudiam tum potiretur, in ejus surrogaretur locum; quod in perpetuum ita obtineret: simulque ut annis singulis divæ Virginis Mariæ annuntiationi festo die equites ejus sodalitiî omnes cōvenirent, & simul festum illum agerēt diem, utque in defunctorum locum alios tum comes (uti diximus) substitueret. Erant & aliæ nonnullæ ejusdem sodalitiî leges, quas variis inscriptas libellis, equitibus una cū torque tradi comes jussit. Amadei sequuti exemplum Ioannes & Ludovicus undecimus Galliæ, Eduardus tertius Angliæ reges, & Burgundiæ dux Philippus, is qui Bonus dictus, Ioannes Epiphaniæ seu stellare, Ludovicus multo tempore post, eo antiquato, divi Michaëlis, Eduardus Garterium seu ligulæ coloris cyanei, in divi Georgii honorem, Philippus autem aurei velleris sodalitiû instituire. Eo instituto sodalitiû, adversus Fredericum marchionem Salustianum, qui cum Ioanne archipræsule & Mediolani duce paulo ante (uti demonstravimus) conspirarat, & fidem temere mutarat, proficiscitur, quem durissime in Salustiano oppido, post adempta ei loca aliquot, obsessum, supplicem tandem ad se in castra, mantili collo obvoluto (quod summæ submissionis indicium) venire, &

& in procerum omnium totiusque exercitus conspectu (quo majorem homini fastuosius paulo ante palam locuto incuteret pudorem) pœnam deprecari & fidem sibi suam jurejurando denuo obstringere cogit. Hoc vix liberatum bello Sabaudum gravius protinus excipit malum. Constituta quippe in Galliis pace, cum militi Anglo (cui Robertus Canolus, Ioannes Angrithus & Annequinus Bougardus præfecti) in Lombardiam, ut Montisferratensi marchioni adversus Vice-Comites Mediolanenses auxilium ferret, esset eundum ; fieri vix poterat ut populo Pedemontano propter inopiam, & propter eam quæ inter utramque provinciam est, vicinitatem, non esset gravis injuriusque. Quam indignissime rem ferens Sabaudus, armis sumptis , Anglos (quorum ingens erat multitudo) eam ut injuriam à suorum humeris propulsaret, bello adoritur , cujus infaustus prorsus (non sine magno ejus pudore) fuit successus : eaque res forte, quam consilio melius gesta. Illi quippe villas passim rapiendo, & Riverolo oppido, Pavonioque & Marthiniano castellis expugnatis , ipsum tandem comitem , in Lausia obsesum arce suæ haud dubie fecissent potestatis (suburbiis enim jam captis, potentissimi quippe ex Sabaudica nobilitate, in

e or um

eorum venerant manus) nisi Guilelmi Granſſonii (qui unus ex captivis erat) ſingulari fide , præſenti periculo fuiſſet ſubtractus. Is enim, ut bis mille & quadringentis , quas ipſe & Antonius Beauieuſius pro diſſione ſua daturus ſe promiſerant , contenti libris, & obſidionem ſolverent, & comiti, à quo læſi nõ fuerant , loca adempta reſtituerent, cœptumque iter , ab injuria & maleficio temperantes , continuarent, facile (qua valebat ſacundia) perſuaſit. Hic fuit exitus belli quod repente ortum , prius tamen finitum eſt, quam rex Anglus quicquam de eo reſciſceret. Ingenti inde conſcripto exercitu , quem una cum Ludovico Borbonii duce, non minoribus inſtructo copiis, adverſus Petrum Caſtellæ regem , qui Blancam conjugem ſuam , Borbonii ducis & uxoris Amadei ſororem , duabus intercluſam culciſtris , in Mariæ Padiliani pellicis gratiam necarat, ſæminæ affinitate ſibi conjunctę tam indigna nece commotus , ducere ſtatuerat ; ubi Petrum regem Henrici fratris nothi manu trucidatum, meritaſque ſceleris ſui pœnas dediſſe cognovit ; omiſſo paratu invadendæ Hiſpaniæ , adverſus Crajevicium Bulgariæ deſpotam , qui Ioannem Palæologum (Alexium alii fuiſſe ajunt) imperatorem Conſtanti-

nopo-

nopolitanum, per amicitie speciem comprehensum in vincula conjecerat, arma vertenda putavit, atque militem in Græciam transducendum, ortumque interpellandum, cujus materia oportune alebatur. Conspirarat clam perfidus ille tyrannus adversus Ioannem Palæologum imperatorem (in cujus tamen fide clientelaque antiquitus erat) cum Amurathe Turcarum principe, qui facta per eam occasionem in Ioannis ditiones irruptione, loca illi omnia (Constantinopolitana & Nicopolitana urbibus demptis) ademit. Hanc propinquo suo à cliente, & nomini Christiano ab homine Christiano, illatam per summum scelus injuriam, vindicaturus Amadeus, difficillimi periculosissimique itineris suscipit molestias. Caterum quoniam rex Hungarus in continenti bellum se, cum sexaginta millium armatorum exercitu, gesturum promiserat, statuit ipse, diversi ut irrumperent, mari, contractis omnium gentium auxiliis, rem gerere. Erant ex Burgundica Sabaudicaque nobilitate in ejus comitatu, Hugo & Ludovicus Chalonii fratres, Argueli hic, Arlaili ille, Amadeus Genevensis Anthoni, Ioannes Mombelius Entremontii, Aimardus Seisselus Daifi, Amadeus Paleus Varambonii, Amadeus Chabreii,

& Humbertus Chyuroni, reguli. Ex cæteris accurrere provinciis, Ioannes & Gautherus Viennenses, Theobaldus Neuf-chastellus, Rupis, Esparrei, & Bafseti dynastæ, Philippus Lambryus, & Monteforti in Germania comes. Omnibus his exercituique universo, Stephano Baumeo (quem Admiraldi donarat munere) præfecto, ad multa millia hominû in naves impositos, præter Inusiam (cujus tractus dominam, archipræsuli Patrasio, Inusum, in quod se oppidum plurimis amissis locis, illa receperat, arctissima prementi obsidione, reconciliavit) Callipolim (quam imperatori Constantinopolitano parentem urbem Amurathes invaserat) Amadeus transmisit. Cum ad littus appulisset classis, acerrimo protinus cum barbaris, Christianos magnis conatibus terra prohibere conantibus (quos inopinatus ejus tantis cum copiis adventus vehementer consternarat) commisso conflictu, victor tandem excensionem in terram facit, trinisque circumdatam castris urbem obsidet. Primi agminis cura Stephano Baumeo (cui classis, maritimæq; oræ imperium mandatum diximus) & Casparo Mommeurio castrorum præfecto, quibus Sabaudus Burgundusq; parebat miles, demandata fuit. Alterum ipsemet Sabaudus comes

mes (cui Esparreus, Bassetus & Anthonus reguli, aliique magno numero principes viri, quibus in Gallos Germanosque milites imperium erat, aderant) ducebat. Tertio princeps præerat Methelinus, qui qua mari alluitur oppugnandam urbem susceperat. Verum cœpta jam oppugnatione, cum barbari (qui vicinum urbi collem occupaverant, neque quicquid ad impediendos hostium conatus excogitari poterat; segniter exsequebantur) Chalonio Genevensique comitibus, quos in subsidiis Amadetus cum equitibus cataphractis expertæ audaciæ quingentis, collocarat, gravem admodum crebris ex loco superiore emissis missilibus, cladem inferrent; omiſſa oppugnatione laborantibus fortiterque sese defendentibus sociis opem ferre coactus fuit. Toto illo pugnatum fuit die, omniaque eadem utrimque, quæ fuerant in priore prælio, erant, præter animos, & victoribus absecunda re auctos, & hostibus fractos. Tanta itaque barbarorum edita fuit strages, ut sanguinei undique rivi torrentis instar decurrerent, truncataque passim jacerent corpora. Binis jam præliis victos barbaros gravis inceſſerat metus. Paucis ad moriendum, pluribus ad fugam animus erat: quam cum ea quæ inſequuta nox est, incolæ capeſſerent, op-

pido postridie Sabaudus hominibus vacuo, at rerum omnium copia referto, nemine repugnante, potitur, Michaëlemque Travenayum illi præficit. Est qui scribat, Ioannem Palæologum imperatorem Constantinopolitanum sæculi huius anno LXXII. coactum à Turcis adversus Bulgariæ despotam cæterumque rebellem sibi populum auxilium petere, Callipolim, quam hætenus hypothecæ (inquit) loco habuerat urbem, Amurathi dono dedisse, Amurathemque ejus permissu Adrianopoli, quam urbem obsidione domitam, imperio suo subjecerat, sedem fixisse. Hic ille est Amurathes, qui sæculi ejus anno LXXII. à Carbilovicio (alii Severianum Triballum appellant) Serviæ despotæ Lazari Bulcovicii servo, ut domini sui (quem Amurathes crudelissime trucidarat) indignam ulcisceretur necem, vulneribus aliquot acceptis, fuit confossus. Eo die (in viam ut redeamus) quieti militum concessio, postero in Græciâ cûrsus instituit: sed varie tempestatis subito exortæ violentia disjectæ naves, cum quem ceperant cûrsus tenere non possent, variosque, barbaris summa vi insequentibus, subire cogentur portus, Tenedoné tandem omnes, in quem se portum navis prætoriam cum duabus actuariis receperat, pervenere.

nere. Tenedone ex Constantinopolitani Patriarchę (cujus magna apud Amadeum erat autoritas) consilio solventes, Bulgariam versus vela faciunt, quo cum ventis remisque tandem appulissent, Manthopolim urbem; statim ut in terram fuere egressi, primo capiunt impetu, obsessamque deinde Suzopolim vi capiunt. Navali inde ad portum, quem Estaphada incolę appellant, cum barbaris commissa pugna, victores facti, & portum, in quem tutissimus classi universę erat receptus, & navibus hostilibus quamplurimis potiuntur, arcemque munitissimam Asilotham deditionem facere cogunt. Hisce victoriis clarus Amadeus misso ad Bulgarię tyrannum (hominem ad omnia infidum atque importunum) faciali, bellum illi, nisi Constantinopolitanum imperatorem missum protinus faciat, jubet denuntiari. Messembico inde, pulcherrimo eo in tractu oppido, interea dum à rege barbaro responsum adfertur, per vim expugnato, cæsis ad unum omnibus, qui in eo erant, ut sociis suis, qui illa in oppugnatione ceciderant, parentarent, locum miliri in prædam Sabaudus dat. Ad alteram inde belli hujus molem animum atque arma contulit, Varna in eodẽ illo tractu urbe & situ & opere munitissima, quę Bulgaro parebat,

obsessa. Cujus urbis, multis diebus & laboribus consumptis, cum haud ita facilis videretur expugnatio, postulantes uti induciæ essent oppidanis, inducias ea dat lege, ut duodecim principes civitatis Andrenopolim ad Bulgariæ missi tyrannum, imperatoris Græci dimissionem urgeant procurentque: Interea dum ab Andrenopoli legatio renuntiaretur, induciæ manerent. Plures ibi dies cum stativa haberet Amadeus, proceres aliquot ab exercitu nonnihil digressi, Limenonem, amœnissimo loco sitam arcem, deditione una cum oppido capiunt. Quamquam haud diu admodum ea potiti, quod Antonio Sabaudæ notho Champagnei regulo, quem loco illi præfecerant, per obsequii cultusque simulationem ab oppidanis (qui variis quotidie muneribus donisque animum ejus illexerant) ex arce in urbem & ex urbe in insidias, quas Bulgarus non procul ab arce collocarat, temere protracto captoque, qui in præsidio erant, eum salvi si vellent, locum tradere cogerentur. Horum procerum exemplo, cum nonnulli alii ex nobilitate Calocastreum occupare cogitarent, cæsis, fraude detecta, qui in summitatem arcis jam pervenerant equestri ordinis viris sex, & ex cætera nobilitate novē, dilapsi protinus reliqui (quos

(quos non dolor modo, sed pudor etiam, quod temere eam rem essent aggressi angebat) ad exercitum rediere. Illis blando alloquio confirmatis, mittit ilico (haud quaquam rudis tractandi militares animos) comes (cui in ore crebro erat, armis & amori commune esse ut dolores innumeri gaudium breve excipiant) qui locum illum propius obsideant, suorumque ulciscantur necem. Illi arce primo potiti impetu, repertos in ea mortales omnes (ita facere iussi) interficiunt. Reversi interim missi ad Bulgarum à Varnensibus, referunt, non abnuere tyrannum dimittere Constantinopolitanum imperatorem, si Varnam circumfidere, bellumque in finibus ditionibusque suis gerere Sabaudus desinat. Eo accepto responso, patriarcham Constantinopolitanum ad Bulgarum, ut de controversiis omnibus suo nomine cum illo transigat, Sabaudus ablegat. Ille demandato sibi munere hoc fide optima perfunctus, dimissum à Bulgaro imperatorem Græcum Constantinopolim reducit. Lætitiâ illius diei, concursumque civitatis, & vota pene inferentium cælo manus, quod Græciam à tyrannide Turcica Sabaudi armis vindicatam, ejusque beneficio Ioanni imperatori vitam, & pristini status reverentiam dignitatemque concessam viderent,

rent, nemo verbis satis expresse-
rent, Constantinopolim ipso tandem
quoque profecto Sabauda, cum à Ioan-
ne imperatore (qui vitam salutemque
suam illi uni acceptum se ferre palam
prædicabat) populoque Constantino-
politano universo, summa cum benevo-
lentiâ fuisset acceptus, & magna (post-
quam Deo immortalis quantus maxi-
mus poterat habitus fuit honos, quod
ingentem victoriam facilem etiam fecis-
set) libertatis auctor per universam ur-
bem (variis passim per vicos plateasque
extrema lætitiæ editis signis) fama cele-
braretur, ridicula quædã prorsus, si sup-
plicii vanitatem, cognitu non indigna, si
Græcorum perpetuâ levitatem juvat in-
rueri, intervenit res. Militiæ fessâ labori-
bus, otio voluptatibusque (quarum ferti-
lis semper Græcia) ea in urbe nobilitas
dum indulget, adolescens quidam inter
eos, hospitis, ad quem diverterat, filiæ a-
more captus, nocte quadam concumbe-
re cum illa repertus est. Quod factum
graviter, uti par erat, puellæ ferens pater,
ad Comitem rem defert, eique de grandi
hac injuria conqueritur. Benigne ho-
minem allocutus comes, condigno ado-
lescentem supplicio affecturum se pro-
mittit. Cæterum eo in vincula abduci
jussu, postquam non aliam tali delicto

pœnam statutam intelligit, quam barbæ in publico mortalium omnium conspectu abrasæ probrum, eanique rem maximæ ibi ignominia duci loco, lætus sum mopere quod carissimum sibi juvenem, (quem de vita periclitari arbitrabatur) servare, & offensi nihilominus hominis Græci animo posset satisfacere, grandi evestigio in divæ Sophiæ foro exstructo theatro, destinatum eorum qui in amoris peccassent leges, cauteve minus amassent, radendis barbis tonsorem accersiri, & juvenem simul, (qui capitis accessendum se putabat) in theatrum produci jubet. Officio suo fungi jussus tonsor, magno cum apparatu instrumenta omnia proponit, inde adolescēti, cui primæ lanuginis adhuc dum ætas rarios pilos produxerat, toto ridente affatim foro (universa quippe urbs ad spectaculū hoc accurrerat) barbam præsecat. Ridiculo hoc supplicio peracto, magno graviq; comes & stupri convictus adolescens, levati uterque cura sunt: ille adolescentem (cujus amicitia apud animum suum nihil carius habebat) ut servaret, hic quam ob pollutam stupro hospitis domum, capitis sibi pœnam imminere certo habebat persuasum, quomodo evaderet. Mirari interim vehementer Sabaudus Græcorum aut insipientiam aut stu-

piditatem, quod rei pretiosissimæ non majorem gererent curam, pudicitiaque virginalis violationem, rei vilissimæ, barbæ (quæ quo secta sæpius, eo plenius uberiusq; provenit) novacula abrase, præpostero prorsus judicio exæquarent. Ad adolescentem inde converso sermone, Cave, inquit, juvenis, in eundem hunc lapidem denuo in posterum impingas. Quæ enim ridiculo isto Græcorum more de te nunc sumpta pœna est, pro nostro tum sine veniæ spe ulla sumetur. Cæterum in Sabaudiam constitutis in Græcia rebus, eoque confecto bello rediturus Amadeus, à Ioanne petit imperatore, ut quando plurimas in ecclesiis Græcis cæremonias, quarum in Latinis usus non esset, vidisset exerceri, ecclesiæ se Romanæ adjungere, & ad illius ecclesiæ (à qua nisi cum gravi animarum periculo haud dissentiretur) præscriptum Græcarum ecclesiarum cæremonias confirmando, Romano Pontifici (tanquam summo post Iesum Christum in inferiore hac visibilique ecclesia capiti pastorique) cultum observantiamque tribuere in posterum vellet. Promittit ita facturum se Ioannes Imperator: & ut comitem (cui Græcorum fidem suspectam esse videbat, quique, nisi promissa præstarentur, coactus videbatur) in ea confirmaret

opinione, principum aliquot regni sui liberos obsides una cum imperiali diademate (quo nihil habebat pretiosius) Peram ad eum mittit. Ex opposito urbis Constantinopolitanæ sita, Genuensium imperio ea tum parebat civitas. Nec diu moratus, Romam, eo se promisso uti liberaret, proficiscitur: sed cum paucarum triremium adversus Amurathē, Turcarum principem, subsidium frustra à Pontifice postulasset, domum re infecta rediit. Potuissent fortassis tum, cum summo orbis Christiani bono, duæ hæ, divisæ hæctenus, uniri inter se ecclesiæ, si Amadeo comiti Romam venire per negotia sua integrum fuisset. Facile quippe ille, qui Constantinopolitano tam longæ processionis suscipiendæ author fuerat, Pontifici purpuratorumque patrum collegio ne tantilli dispendii evitandi causâ, rem longe utilissimam, & cum totius orbis Christiani conjunctam bono commodoque, intermitterent, persuasisset. Sed quæ rei tot sæculis, cum summo mortaliū omnium desiderio exoptatæ, perficiundæ oblata fuit occasio, nunquā amplius rediit. Sabaudo quo minus cœpto feliciter operi incumberet, bellum, quod illi rebus omnibus prævortendum erat, obstitit. Barnabas enim Mediolani vicecomes, ejusque frater Galeacius, Pedemon-

montanum, interea dum ad Constanti-
nopolim ille distineretur, invaserant a-
grum. Iunxerant illi sese Fredericus mar-
chio Salussianus, per speciem vindican-
dæ (uti ajebat) acceptæ nuper, cum fi-
dem suam Sabaudò obstringeret, palam
ignominia, & Philippus Sabaudus Iaco-
bi Moræ principis filius, mira pravi-
tate animi atque ingenii in præcipitia
conversus, quem adversus patrem Sa-
baudumque principem vicecomites cõ-
citarant, & in bellum hoc traxerant.
Cæterum eum bellum istud exitum tan-
dem habuit, ut retro unde venerat, ad
primum adventus Amadei in Sabau-
diam nuntium, cum universo milite
suo abeunte, Lombardiamque repeten-
te, eo qui vicecomitum exercitui præ-
erat, singulari alioqui in omnibus labo-
ribus periculisque virtute atque indu-
stria & manu prompto viro (Mona-
chum appellabant) Salussianus Philippus-
que Sabaudus (quibus terga vertere in-
decorum visum) primo impetu, quod
exiguæ illis essent copiae, commissio ad
Fossanum conflictu, superarentur. Quo
vix finito prælio, Philippum Sabau-
dum, juvenem licet, lethalis invasit
morbus (ex prælii illius molestiis, an
aliunde contractus, incertum) ex quo
paulo post vivere desit. Divino (me-
her-

hercule) Numine, quod sumptis adversus patrem armis, paternæ observantiæ cultusque legem, pessimo ad posteritatem exemplo violasset, pœnas ab eo justissimas exigente. Gravi inde ab iisdem illis vicecomitibus (qui Valentia Castaliaque oppidis captis, Astam obsidebant) pressum bello Ioannem Montisferrati marchionem, cui per affinitatem erat connexus, quodamitam ille ejus Margaretam uxorem duxerat, opemque suam extrema jam senectute implorantem, adversus vicecomitem (quorum alteri Blanca soror ejus nupserrat) injurias tyrannidemque, una cum filiis tribus impuberibus, Secundino, Theodorico & Guilelmo, tuendum defendendumque suscipit: postquam ut in gratiam concordiamque eos reduceret, frustra aliquamdiu laborasset. Accurrentibus quoque in Montisferraten-sis auxilium Majoricæ rege & Galileæ principe, quos pupilli (eorum enim pater iis ipsis diebus vivere desierat) sanguine quâ proxime attingebat, superatus cômisso ad Astam (quam Otto Brunsvichius tuendam susceperat urbem) in ipsa Duersei amnis ripa, prælio, magnaque ex parte cæsus vicecomitum fuit miles; obsidionemque qui Astam obsederant, post varios inde vario eventu edi-

tos conflictus (quibus Montfaulconi regulus inter cæteros , cum summo totius Sabaudici exercitus luctu, cecidit) solvere coacti fuere. Vlpianumque (quod oppidum divi Benigni abbas invaserat) pupillis fuit restitutum. Haftenus quidem adversus Barnabonem & Galeacium vicecomites in Montisferrati marchionis gratiam, bellum Amadeus gesserat : verum postquam eo illi temeritatis fuere provecti, ut ecclesiæ Romanæ, imperiique & Ioannæ reginæ Neapolitanæ agros invadere non reformidarent, Pontificiis Carolique ejus nominis quarti imperatoris (qui Avenionem eam ob causam, cum pontifice Gregorio undecimo collocuturus venerat) præficitur copiis , & ad eum unum (postquam tot per annos militum, atque hostium gnarus, trium illorum principum rogatu, belli illius administrandi curam in se suscepisset) imperii summa respexit. Obsessam principio, trifariam diviso exercitu , urbem Comam, & munimentis operibusque septam , ne exitus inclusis ab urbe , neque aditus foris ad auxilia intromittenda esset, vi tandem expugnat, eamque una cum arce , quemadmodum convenerat, Ioannæ reginæ, cui antea paruerat, reddit. Pari deinde captis felicitate fano divi Yaci, fano divi Germani, Trouchano, Bourgio, Dalesio,

lesio, Magnano, Carisio, Buronso, Con-
 duelio, Verrone, Castellamo, oppidisque
 aliis aliquot, & proximo deinde ver-
 trans Sezeum non procul ab urbe Ver-
 cellensi Confluentia fanoque sancti An-
 geli & Gallia, Thesinum vado transit,
 maximamque passim in Papiensi Medio-
 lanensique agro facit vastitatem. Sed pa-
 ce cum Galeacio, qui Virtutum comitem
 filium suum, Amadei natum sorore, ad
 illum ea de causa miserat, ea tandem le-
 ge facta, ut fratrem ille suum adversus A-
 madeum, illique confederatos principes
 re nulla juvaret, in Barnabonem bellum
 omne transfert. Scelestissimo, & quovis
 viro, nedum principe, indignissimo au-
 su, panem vinumque omne in Vicomer-
 cato oppido Barnabo vicecomes corru-
 perat, Sabaudum scilicet, eo quem ven-
 turum sciebat, è medio uti tolleret. verum
 cum, detecta fraude, divi Mauricii annu-
 lum aceto Sabaudus immerisisset, bibere
 ex eo iussi, quos venenum læserat, pristi-
 nam mox omnes sanitatem (si veri an-
 nales) recepere. Vicomercato Bruneum
 (quod ad Adeam amnem situm oppidum)
 profectus, ponte super eo flumine sterni
 iussit, eoque castellis propugnaculisque
 utrimque duobus munito, Mappelium
 & Carmosum arces expugnat. Quibus
 obsidendis intento Amadeo, ponti A-
 deano

deano imposita castella Barnabo vicecomes summa vi oppugnat. Cæterum fortiter sese defendentibus obsessis, ubi Amadeum comitem cum maximis copiis appropinquare cognoscit, soluta protinus obsidione, Mediolano timens, diurnis et nocturnisque itineribus contendit. Quæ quidem urbem Sabaudus tum obsedisset, si auxilia quæ à Pontifice Coutii adducebat regulis intersepta, Iulique annis transitu prohibita non fuissent. varias enim eo loci Barnabo fossas duxerat, additis cataractis, quæ clausæ aquam sisterent, funibus autem subductæ, vectibusve levatæ, tantam derepente aquarum totum eum tractum inundantium effunderent vim, ut transiri nullo modo fossæ possent. Hærentem in solo Mantuano militem pontificium, & ulterius progredi haud ausum, dum maximis copiis patrui sui Barnabonis iussu, Virtutum adoritur comes, fortiterque ab eo fidei illi violationem exprobrante repellitur; Sabaudus via sibi incepto forti, opportunitatem speculatus, per Moncleriam fossam (qua sola patebat transitus) cæsis fugatisque queis hostis ejus loci, ad quem non ita facilis erat accessus, custodiam delegarat, facta, Bononiam venit, pontificiisque se jungit. obstupescunt plurimum ad præclari immortalisque illius

illius facinoris famam mortalibus omnibus. Iunctis ibi copiis, cum ex Placentino Parmensique agro ingentem confæderati egissent prædam, & magnas sibi quisque parasset opes, captum de obsidenda Placentia consilium, gravis, quò Sabaudus subito corripitur morbus, interrupt. Mutinam itaque lectica militari eo delato, in Galliam Coutyus, cæteri eo unde venerant, (nam æstatis extremum erat) redierunt. Diximus paulo ante, Carolum eo nomine imperatorem quartum Pontificemque Avenione inter se collocutos. Is ab eo colloquio in Germaniam rediturus, cum facto per Sabaudi (qui viribus corporis receptis, in Sabaudiã jam reverterat) ditiones itinere, singulari cù benevolentia ab eo fuisset acceptus, habitusque; Sabaudò ditionum suarum omnium, in pleno ad Chamberium principum aliquot Electorum, legatorumque, qui à variis missi regibus proceribusque, illi tum forte aderant, consessu, augusto insignis solio habituque, dominium imperiali authoritate confirmavit, postquam quæ clientium imperii partes sunt, plene ille imperatoriis advolutus genibus implevisset. Scribit Iulianus Taboetus imperii eum vicarium ab eodem illo imperatore principemque renuntiatum, quod ditiones sex, Chablai-

sum scilicet, vallis Augustę principatum, Susam, Sabaudiam, Valesium, & tractum Genevensem, stabili ac supremo jure possideret. Mutina in Sabaudiam, post Pisanam urbem, vicecomitum eorundem vexationibus infestationibusque, milite eorum cæso profligatoque, liberatam, reversus Amadeus, de Salussiano marchione Frederico (qui ejus absentis agros invaserat) ulcisci se constituerat; nisi Galli regis autoritate diffidio illo sublato, in gratiam illi inter se rediissent. Cum in eadem tempora hæc Ioannis Flischii præsulis Vercellensis (qui in arce Mojoneta ab Hibleto Chalautio, equestris ordinis viro, ad Biellei oppidi civiũ preces diligenti custodia asservabatur) incidisset captivitas, & vicecomites Mōtisferratique marchio, proceresque in eodem tractu alii nonnulli, quantum quisque poterat, episcopatui detraherent, misertus præsulis optimi, & suam misere implorantis opem, Amadeus comes, militum aliquot cohortes Bielleum (cujus jam oppidi partem vicecomites occupant) mittit. Quorum inopinato adventu, territo dilapsoque mox vicecomitis milite, ab oppidanis in urbem Sabaudus ea intromittitur lege, ut oppidi in se suscepto imperio, annis totis triginta sub præsulis sui potestatem eos haud redire, vice-

vicecomitibusve (qui superbo atque immodico imperio desiderium ejus fecerant) tradi pateretur. Bielliensium sequuti exemplum vallis Andornensis incolæ, quique Boxium, Morteillanum, & Moxium montes habitant, Amadeo se, Vymailliea & Verruca arcibus illi traditis, submisere. Amadeus supremo sibi ea in loca dominio retento, quod in episcopi haud esse potestate videret, adversus finitimorum injurias ea tueri, proventus annuos omnes fructusque præsulī permisit. Bellum quod tempestate hac inter Venetos Liguresque seu Genevensē populum propter Tenedum Græci sibi insulam, infestissimis gestum animis, Amadei hujus singulari cura, anno ex quo ultimo inter eos bellatum fuit sexto, pace inter provincias illas facta, fuit sublatum; Tenedosq; cum utriusque populi consensu Sabaudō ejusque posteris in perpetuum cessit. Coma quoque civitas, Ioanna regina Neapolitana (cui hætenus paruerat) fato tum functa, sua se sponte Amadei permisit imperio. Idem & fani Marthiniani Castelmontique fecere comites. Enimvero ad justam & quæ armis ferendis esset idonea ætatem Amadei hujus filius Amadeus jam pervenerat. Bressano itaque eum comitatu, baronatuque Basgeo, ut unde pro con-

ditione dignitateque sua, se vivo, vitam agere posset, haberet, pater donat. Quo latus dono adolescens, actis patri gratiis, utriusque provinciae procures, nobilitatemque omnem ad se, fidem sibi suam jurejurando ut obstringant, venire jubet. Evocatus inter ceteros Eduardus Beauieusii, Beuioloisii, & Foresti regulus, cum parere negaret, bellum illi protinus, connivente clam, imo (ut nonnulli autumant) jubente patre, Amadeus movet, Beauregardiamque, ad Ararim fluvium sitam arcem Lermumque primo impetu capit. Induciis deinde biennialibus (in quas ad Burgundi Borbonique ducum preces Amadeus consenserat) finitis, cum de pace frustra fuisset actum, Thoyseyum visabaudus capit: qua re consternati vehementer quibus arcis cōcredita fuerat custodia, vitam incolumitatemque pacti arcem dedunt. Idem qui Montmerlium tenebant, faciunt. Aderant eo bello Amadeo Petrus comes Genevensis, Hugo Chalonius, Ioannes Philippusque Montbeliardi, regulus Sanctacrucius, & Gautherus Viennensis, magni omnes nominis procures. Locis illis potitus Amadeus, cum promotis castris, Chalomonium, principem eo in tractu civitatem, effugiis insecutis omnibus, gravi obsidione premeret, veritus Eduardus, ne eo quid-

quoque amisso loco deterioribus longe conditionibus pacem facere cogeretur, reconciliandę cum Amadeo gratię viam quærebat. Ludovicum itaque Borboniũ adit ducem (erat is Amadeo avunculus) promittitque, si eo authore cum Amadeo in gratiam redire queat, & liberos sibi nasci non contingat, testamento se eum hæredem scripturum. Obsequutus avunculi voluntati Amadeus, recepto in gratiam Eduardo, adempta eo bello loca omnia (Beauregartio solo excepto castello, quod in Amadei hujus Bressani quamdiu vixit mansit potestate) postquã clientis officium implessët, restituit. Sunt qui ab Eduardo hoc hæredem Borboniũ Institutum scribant, quod ob levia quædam juveniliaque delicta, in carcerem Lutetianum conjectus Eduardus, Borbonii opera pristinam dimissus libertatem recuperassët. Cæterum ad Amadeũ hunc nostrum illius patrem ut redeamus, in Neapolitano ille solo, ad divi Stephani fanum annis jam gravis, dum Ludovico Andium duci adversus Urbanum, qui sextus eo nomine Pontificiam tum (plerisque ex purpuratis patribus, qui Gebennensem cardinalem, cui Urbano septimo nomen inditum, illi substituere, reclamantibus) administrabat sedem, opitulatur, oppidis non-

nullis jam captis, postridie calendas Martias post natum Dominum anno M CCC LXXXIII. cum magno exercitus totius luctu, fato an veneno (quod quidam opinantur, qui una cum Andium duce, ingentique militum equorumque multitudine, fontanæ aquæ, quam veneno hostis corruerat, haultu exanimatū scribunt,) decedit, & Altecombam deportatur. Amadeo filio (divi Mauriti ad eum, per Casparem Montmeurium primæ nobilitatis virum, misso annulo) tanti principatus opumque, quas à majoribus traditas habebat, & ipse longa imperii possessione cummlaverat, successore relicto. Funus per laudes & memoriam virtutum ejus celebre fuit. In Palæstinam eo finito bello princeps optimus, Christianæ ibi religionis proferendis pomœriis, proficisci constituerat, sacroque illi bello fortunas suas omnes vitamque simul devoverat, & Pontifex Andiusque ingentem se, suis sumptibus instructam paratamque classẽ, & militem, cui ipsi stipendia præberent, subsidio missuros promiserant. sed destinata salubriter, omni ratione potentius fatum, discussit, supremoque Numini, à cujus unius nutu res mortalium dependent, aliter tum visum fuit. Miror summopere, quid Paulo Æmylio, præclaro alioqui Gallicarum rerum
scri-

scriptori, in mentem venerit, scribere, Amadeum hunc (eum ipsum enim esse oportuit, quod rerum per Sabaudiam istum potiretur) prælio eo quod ad Cresciacum anno M CCC XLVI. commissum fuit, regi Gallo suppetias tulisse, postremique agminis fuisse ductorem : cum in confesso sit Sabaudus id temporis ætatem militiæ nondum patientem fuisse. Sed in hujus rei mentionem quando descendimus, lubet obiter hic tristissimū luctuosissimumque illum Caletensis oppidi incolarum (qui in hæc ipsa incidit tempora) commemorare casum. Pugna illa, quæ ad x. cal. Septembreis, quantū nulla alia, tot nobilissimis clarissimisque cæsis ducibus, funesta Gallis, (quorum maximas copias parva Anglorum fudit manus) patrata fuit, victor Angliæ rex Eduardus Caletum protinus obsidet. Oppidum hoc est maritimum in confinio Picardiæ, Gessoriaco (quam Bononiam nunc appellant urbem) finitimum, quod Itium olim portum (unde commodissimum è Gallia in Britanniam trajectum fuisse prodidit Cæsar) pleriq; fuisse existimant. Ea oppugnatio parum cum procederet, vallo fossaque castra munire hybernaculaque (excita domo uxore) ibi ædificare Eduardus rex cœpit, & ad exercitum in hybernis ipse permansit. Un-

decimum jam mensem tenebat obsidio, & Franciæ rex Philippus, provocato nequicquam ad pugnam æquo loco committendam Anglo, quod per munitionē hostium ad obsessos pervadere haud posset, præsidii tantum spem ostenderat: deditiois capere consilia oppidani, ubi intelligunt omnes suas fortunas in extremo sitas, hostem infestum, auxilii spem nullam, penuria rerum necessariarū bellum trahi non posse. sed iratus ab longinqua obsidione rex Anglus gravissimas imperat condiciones: Ni ferro ignique misceri omnia vellent, sex civitatis primores ad supplicium producerentur, cæteri oppidani cum singulis abirent vestimentis. Cum ploratu lamentisque & planctibus tota urbs personaret, & in senatu civitatis, inter indignitatem necessitatemque (ferro enim an fame acrius urgerentur, incerti erant) animi ancipites distinerentur, silentiumque ac torpor (inquit Æmylius) cæteros defixisset, qui eorum primus sedebat (erat is Eustatius à fano Petri) surrexit, seque iræ hostium offerre ac patriæ vitam cōdonare professus, æmulationem pietatis reliquis iniecit. Surrexere ejus mox exemplo Ioannes Ariacus, Iacobus & Petrus Wissantonii fratres / reliquorum duorū, cum insigni posteritatis injuria, igno-

ignorata hæcenus nomina) primi potentissimique civitatis, & sanguine inter se juncti omnes. Hi restem collo, oppidi claves dextra ferentes, in amictu interiore, capita pedesque nudi ad pœnas producti, necari à rege jubentur. Attoniti tam atroci imperio duces nobilitasque cætera, monere orareque regem; ne magis iræ quam famæ dignitatisque consulendo, tantam victoriam crudelitate macularet. magnam eam rem illi invidiam conflaturam, versurumque fortassis aliquando, ut res humanæ sunt, in Anglos exemplum, si obsessis & fame domitis, fæda etiam mors oppetenda sit. Cum in sententia rex perstaret, lictoremque agere juberet, Philippa regina, Guilelmi Hannoniæ comitis filia, uterum gerens, productos eos recteque illigatos forte ut vidit, mariti regis advoluta genibus, uti iræ moderaretur, hominumque illorum (quorum, mehercule, in contemnendis ac despiciendis pro civium salute periculis, virtutem pietatemque; nulla erit tam surda posteritas, nulla tam ingrata fama, quæ non in cælum debitis laudibus ferat) vitam sibi condonaret, multis ab eo lachrimans verbis contendit. Diu rex gravidæ caræque conjugis precibus repugnavit: victus ad ultimum, voluntati ejus permissos è conspectu suo facessere

protinus jubet. Illa fortunæ eorum misera, receptos in ædes suas, laqueis sub-
 latis, accurate & liberaliter, præbitis et-
 iam epulis, habet, & senis deinde singu-
 los nobilibus aureis vesteq; donatos, ex-
 tra castra, præsidio adversus militum in-
 jurias adhibito, deduci curat. Ioannes
 Viennensis præsidii Gallici præfectus,
 cæterique duces, in Angliam pecunia re-
 dimendi captivi abducti sunt. Oppidani
 laribus fortunisque omnibus relictis cum
 singulis vestimentis, cultu quam maxime
 miserabili, alias quæsituri sedes, post ci-
 bum captum oppido excessere. Triste
 profecto, & cui à multis retro sæculis,
 nullum in Christiano orbe hoc simile
 visum spectaculum. Pari periculo, at im-
 pari præmio, primi postremique civium
 erant. Illis hoc in Galliis beneficii con-
 cessum, ut cæteris omnibus prælati (ita
 enim rex jusserat) ad vacuos possessori-
 bus honores dignitatesque eveherentur.
 At miserrimæ plebeculæ non eadem pu-
 blice habita ratio. Multi privatim extor-
 rium domo. penatibusque miserati ca-
 sum, suis eorum inopiam facultatibus
 sublevarunt. Deditione Calesio, undeci-
 mo mense quam oppugnari coeptum e-
 rat, hunc in modum potitus Anglus, tri-
 bus tantum extrema ætate ex veteribus
 retentis incolis, sacrificio nimirum, &
 duo-

duobus qui iurium consuetudinumque loci gnari erant, novam protinus Anglorum coloniam in eam urbem deduxit. Triginta sex ex opulentissimis Londinensis urbis mercatoribus, præter ingentem aliorum hominum (qui magno numero, quod plurimis maximisque locum illum rex immunitatibus iuribusque donarat, accurrerant) multitudinem, cum familiis suis universis eo loci commigrarunt. Annis fere ducentis & duodecim Anglis Calesium paruit; donec tandem Franciscus Guisii dux, sui sæculi ducum non postremus, flexo sub anni millesimi quingentesimi quinquagesimi octavi principium, præter mortalium omnium expectationem, ab eo quod instituere simularat, ad locum illum, opinione citius, itinere, Nieulayo & Risbano, munitissimis, illud terra, hoc mari arcendo hosti propugnaculis, & arce tandem ipsa, summa celeritate (facto, non consulto in re tali opus esse ratus) expugnatis, Dunfortium nobilem Anglum, loci præfectum, quibus ipse vellet conditionibus (inter quas ut Angli omnes oppido abirent, nam idem olim Angli factitarant) deditionem facere coëgit. Tentarat quidem eam ipsam rem, sæculi quod proxime hoc nostrum antecessit, anno xxxvi, ingenti Burgundiæ dux Philippus conatu ap-

tu apparatuque : & magna cum victoriæ tenebat spes. sed cum milite Flandro (qui tumultuario delectu eductus, diuturnioris impatiens moræ, domum redire gestiebat, neque imperio autoritateque, neque gratia, precibus aut precio in officio contineri poterat) quia plus illi molestiarum quam cum hoste ipso erat, obsidionem, princeps laudis glorięque avidissimus, cum summa animi ægritudine, solvere coactus fuit. Duodequadraginta post annis Albertus Austriæ Arcidux, Rodolphi imperatoris frater, Belgicæ ab Hispaniarum rege Philippo præfectus, cum inferendo Anglis bello opportunum maxime locum illum esse animadverteret, eadem qua Guisus dux simulatione celeritateque usus, inceptoque suo occultato, haud diu admodum obsessum, singulari fortitudine, mortalibus omnibus admirantibus, sæculi hujus anno **x c v i.** suæ fecit potestatis. Res enim trepidæ, metus ingens, malum improvisum oppidanos uti deditionem facerent coëgere.

*De Amadeo eo nomine Comite
septimo.*

A Madeus septimus eo nomine, Sabaudia comes duodecimus, Ruber di-
cus, ætatis anno vicesimo tertio Ama-
deo

deo patri succedit. Cui postquam iusta
 magis licet more recepto fecit, Théodori-
 co Marchioni Montisferratenſi, quod
 Yureenſes ille & Corivayeos adverſus
 abſentem concitaſſet, bellum movet,
 ſubditosq; illos, ſumpto de conſciis ſup-
 plicio, arceque Corivaya deleta, in offi-
 cio continuit. Cum Sedunenſibus ob pul-
 ſum episcopali ſede Eduardum Sabau-
 dum Philippi Moreæ principis filium,
 gravi quoque geſto bello, Eduardum,
 Seduno urbe expugnata, arcibusque illi
 imminentibus Moria & Turbillone de-
 ditione captis, priſtino loco reſtituit. E-
 jus quoq; ſucceſſori Humberto Fillienſi
 rebellem Valeſienſem Sedunenſemque
 populum, ſumptis in Guyeri comitis
 (qui præſuli patruus avunculusve erat)
 gratiam armis, parere cogit. Qui poſt Pa-
 radinum Taboetumque ex profeſſo hi-
 ſtoriam hanc tractantes, de Sabaudicis
 obiter ſcripſere rebus, nulla poſterioris
 huius rebellionis facta mentione, prius
 illud bellum, reſtituto Eduardo, feliciter
 primò ceſſiſſe tradunt: verum illo denuo
 (uti ajunt) deſecto deturbatoque, cum
 bellum Sabaudus redintegraret, à Se-
 dunenſibus, Valeſiſque ſub ſalutis an-
 num MCCC LXXXVII I. victus fugatus-
 que ſupra quatuor hominum armatorum
 millia amiſit. Penes authores fides ſit.

Fredericum marchionem Salusianum , qui fines ejus cum magna hominum manu populabundus invaserat , locaque jam aliquot occuparat , saniora protinus capere consilia coëgit. Nicea inde Insu-
brumque principatu, à civibus ipsis ultro delato, sine cæde & sanguine potitur. In-
dicto siquidem in eam rem concilio, cū opinionibus inter se populus Niceanus, cui à Ladislao rege Neapolitano desti-
tuto rectore opus erat & alii Lancelotum Durassium fuisse, & Niceanum populum ab eo defecisse scribunt) variaret, & circa consilium eligendi successoris , in plures factiones scinderetur , plerisque ducis Genuensis, aliis Delphini Viennensis, nōnullis Virtutum comitis imperium cupientibus , Ioannes tandem Grimaultus Bueli regulus (qui privata gratiæ aditum apud Sabaudum quærens, Sabaudū longe potentissimum , cujus unius virtute adversus mortalium omnium injurias facile tuti forent , cæteris omnibus præferendum censebat) partim consilio , partim precibus evicit , ut missis ad Sabaudum legatis, sponte sua in ejus ditionem imperiumque concederent. Idem & Lozierii & vallis Sturianæ fecerunt incolæ , & boni fidelesque semper man-
fere. Sed rebus ad Niceam constitutis, Buellioque provinciæ illius Satrapea do-
nato,

nato, cum domum reversus Amadeus, ad venationem (quo se exercitii genere frequenter curarum vacuus oblectabat) denuo rediisset, oblatum forte fortuna aprum, vehementius, admissio equo, dum persequitur, in terram, equo cespitante, prolapsus, grave in femore dextro vulnus accipit: quod dum negligit, uxorisque, quam gravidam tum fecit, nihilominus indulget amplexibus, gravi correptus morbo, & vulnere debilitatus paulo post (medico qui ex Africa Borbonium ducem comitabatur, nequicquam bene sperare jubente) calendis Novembribus, anno sæculi ejus xcvii. moritur, & in Altecombano monasterio sepelitur. Plurimis barbari illius circumforanei medici suspecta vehementer fides fuit; corruptumque eum existimabant, quod dum caput Amadeo raderet, pellem locis aliquot incidisset, eaque exulcerationi illi adhibuisset medicamenta quæ deteriorem indies Amadei valetudinem facerent, ipsomet Amadeo pessimi scelestissimique medici perfidia perire se subinde clamitante. Sed comprehensus ille, & ex vinculis causam dicere iussus, ita sese expurgavit, ut nullius convictus sceleris Sabaudia decedere juberetur. Otto quoque Granstonius, primæ inter Sabaudos nobilitatis, acceleratæ A-

ma-

madeo comiti mortis suspicione haud caruit, quod medicum illum in Burgundiam curasset deducendum. Sabaudia itaque, Gallia, Burgundia, Germania-que exulare coactus, in Angliam concessit.

*De Amadeo ejus nominis octavo,
Duce primo.*

Natus anno à virgineo partu MCCC
LXXXIII. superstitē adhuc avo
paterno Amadeo sexto, Amadeus qui
ejus nominis octavus dictus fuit; Ama-
deo patri sæculi illius anno XCVII,
divi Mauricii accepto annulo succedit.
Sed patrem puer quod amisset, Bona
Biturica, matrona optima prudentissi-
maque filii & totius simul comitatus cu-
ram in se suscipit, altercantibus nequic-
quam de ea inter se Bona Borbonia pue-
ri avia, Ludovico Sabaudo Moræ
principe (qui sororem ejus uxorem du-
xerat) & comite Genevensi, qui una
cum Philippo Burgundiæ duce (cujus
summa tum apud omnis ordinis homi-
nes erat autoritas) & pueri tutelam &
comitatus ipsius administrationem cer-
tatim ad se omnes trahere; sed præ cæte-
ris Bona Borbonia, quæ in suis manibus
nepotem educari convenire affirmabat.
Ea res, fœmineum imperium plenisque
aver-

averfantibus, maximis deinde dissidiis
 divisionibusq; occasionem præbuit. Ne-
 que antequam principatus in se curant
 Amadeus (Maria Burgunda, quam in-
 fanti infantem parentes desponderant,
 uxore ducta) transtulisset, tumultus illi
 conquievit. Postquam enim principis
 per se munia obire ccepit, tam gratum
 acceptumque mortalibus omnibus ejus
 fuit imperium, ut nemo esset subditorum,
 qui non felicem beatumque tali se prin-
 cipe prædicaret. paribus quippe inter se
 lenitate gravitateque eam potentiam ita
 moderabatur temperabatque, ut neq; fa-
 cilitas contemptibilem, neque formida-
 bilem odiosumve faceret severitas. Scri-
 bit Guilelmus Paradinus (obiter enim
 id annotandum hic putavi; ut qui divinum
 nobis Numen graviter videmus offen-
 sum, eam ipsam ejus placandi, nisi malis
 nostris immori velimus, viam tandem
 aliquando, quam populus hic, ineamus)
 maximis sub hæc tempora Italiam vici-
 nasque regiones vexatas fuisse calamita-
 tibus, maximis afflictas miseriis, dum
 gravis hinc pestilentia subitæque mor-
 tes, illinc civilia infestissimis exercita o-
 diis bella, & ecclesiam fœde deforman-
 tia passim grassantur schismata, quæ om-
 nia dirus rubescensque cometes, visque
 paulo ante cœlestes faces (magnarum

semper calamitatum prænunciæ) portenderant. His avertendis ab irato immissis plagis Deo, iratoque Numini propitiando, cum supplicationes in urbibus oppidisque, & per fora omnia conciliabulaque essent indictæ, immensam mortaliû civitates oppidaque in alba passim veste circumeuntium, & vicina adeuntium loca, videre erat multitudinem; perduellionisque divinæ arcessebatur, quicunque eo sumpto habitu cæteris se non aggregasset. Ex panno lineo albo ea facta vestis, ad imos defluebat pedes, faciemque ex eodem capita velabant panno. Nullum per universam Italiam Pedemontanumque agrum hominum erat genus, nulla ætas quæ illi se pœnitentiæ generi sponte non obstrinxisset. Incedebant eo passim tristi habitu proceres fœminæque principes, & reliqua utriusque sexus nobilitas universa: incedebant pueri senesque: incedebant nuptæ innuptæque: incedebant denique propiore etiam religione, episcopi præsulesque, & reliquus clerus omnis: neque erat quisquam qui præcipuum sibi quid in hoc rerum statu arrogaret, aut ab hoc se vitæ genere eximi cuperet. Erat quippe in pari communique calamitate, par omnium luctus; par quoque scelerum, quibus divini in se Numinis iram provocarant, ad-
mira-

mirabili & haftenus per Italiani inaudito poenitentiae genere, detestatio: adeo ut mensibus totis tribus, quibus piis hisce actionibus fuit immoratum placando Deo, certatim omnes odiis inimicitiiisq; positis, cultu, qui inter omnia vilitate notabatur, incumberent, litesque & forensis strepitus omnis toto eo tempore, tanquam religioso, cessaret. Sed ad institutum nunc redeamus. Diximus cum de Amadeo ejus nominis quarto scriberemus, equites sodalitiæ Ioannitani, qui in Templariorum equitum bona successerant, illum ipsum Amadeum, quod ejus porissimum singulari fortitudine, Rhodus insula una cum urbe in Christianorum concessisset potestatem, ædibus iis, quas in Lugdunensi urbe Templarii possederant, donasse. Eas ipsas ædes, Sabaudicas ab eo tempore appellatas, Amadeus tandem hic in divi Petri Celestini (cujus paulo ante in divorum relati numerum, memoriam religiosissime colebat) gratiam sodalitiæ Celestino, quod illa tempestate cepit, donat, Ludovicoque imperat filio, ut ædem eo loco sacram, & pauculis, quos eo evocarat monachis commodam exstruat habitationem. Ceterum quem aureorum septuaginta quinque annum monachis illis redditum Amadeus hic constituit, magnum hic, Ludo-

vici filij ejus, qui & monasterii ipsius pomœria protulit, beneficio, accepit incrementũ. Amadeo ejus jam facto ætatis, ut ferendis armis esset idoneus, accidit ut Ioannem præsulem Leodicensem episcopatu populus Leodicensis pelleret, pulsumque armis porro (Pierweisii reguli filio illi successore dato) persequeretur. Quam illatam fratri suo à subditis contumeliã cum graviter Guilelmus Hannoniæ ferret comes, Ioannis protinus Burgundiæ ducis (qui utriusque sororẽ, uxorem duxerat) opem adversus Leodicenses implorat. Suscipit defendendum Leodicensem Burgundus, Amadeoque (cui sororem suam Mariam collocarat) ut missis suppetiis in belli illius communionem veniat, author est. Non exiguum ejus confederationis fructũ sensit Leodicensis. Cæso enim eo quod ad Tungros nono calendas Octobris salutis anno MCCCCVIII. commissum fuit prælio ipsomet Pierweisio, totius illius tragiæ authore, ejusque filio (qui Leodicensem se præsulem nominabat) una cum Salmesii in Arduennis comitis filio, & ex Leodicensi populo (qui maximam victoriæ fiduciam in numero reposuerat) supra viginti octo millibus, debellatum protinus, Bavarusque in pristinum restitutus fuit locum. A-

madei Virii (quem spectata militiæ, ex
 primaria inter Sabaudos delectum nobi-
 litate, copiis, quas Bavaro subsidio mi-
 ferat, Sabaudus præfecerat) cæteraque
 nobilitatis Sabaudicæ singularis & pro-
 pe incredibilis in conflictu hoc apparuit
 virtus : quam admiratus Burgundus, Vi-
 rium, amplissimis invitatum stipendiis,
 apud se una cum recentis ex Sabaudica
 delectis juventute retinuit, & prætoricæ
 ascriptos cohorti, corporis sui adhibuit
 custodiæ. Demonstratum paulo ante
 fuit, quo jure Ludovicus bonus Bor-
 bonii dux Beaujoisio, Dumbarumque,
 post Eduardum postremum eorum lo-
 corum dominum, potitus sit principa-
 tu : restat nunc, ut quomodo ea res la-
 tenti inter Sabaudum Borboniumque
 dissidio occasionem præbuerit, dica-
 mus. Existimabat Borbonius Dumba-
 rum se principatum, quod terrarum Ro-
 mano imperio subjectarum finibus con-
 tineretur, supremo possidere jure; neque
 fidem suam ulli mortalium ejus ergo ob-
 strinxerat. Sabaudus ex adverso ejus
 loci dominium summum ad se trahere,
 & Borbonium, nisi principem sibi lo-
 cum earum possessionum intuitu & fi-
 dem simul suam deferat, non aliter ad
 dominatus illius communionem admit-
 tere : dissimulare tamen interim, quod

Bonam Borboniam, Ludovici ducis sororem, aviam paternam habuisset. Cæterum dum hæc inter utrumque principem serpit paulatim controversia, Amadeus Virius (is ipse, cujus paulo ante mentionem fecimus) Ludovico Borbonio duci bellum suo privatim nomine, faciali ad eum misso denuntiat; omnibus admirantibus mortalibus, quod solis usitatum proceribus in bellis indicendis consuetudinem homo privatus, & nulla ex parte cum tanto principe conferendus sibi arrogare fuisset ausus. Majorem ea res odio, quod adversus Amadeum sororis suæ nepotem Borbonius conceperat, occasionem præbuit; præsertim cum loca jam castellaque aliquot in Beaujoilloisio & Dumbarum tractu expugnante Virio, in suspicionem venisset, Virium (cui ad exercitum conscribendum vires opesque deerant) non nisi conscio, imo instigante clam Sabaudo eam rem ausum aggressumque. Alii Ioannis Burgundi ducis (qui ob exortas jam pridem inter Burgundicam Aurelianensemque, cui favere clam Borbonii, familias, gravissimas discordias, quibus prope ad ultimum dimicationum ventum est, Borbonio insensuerant) clandestinis consiliis, Virium eo progressum audaciæ existimabant. Ut ut est, Burgundi principis longe potentissimi

mi subnixum favore, ea Virium, haud clam Sabauda (ex quo spes opesque ejus penderent) conatum, propius vero est.

Cæterum qui susceptorum temere ab hominibus fortunæ angustioris, adversus potentiores, consiliorum exitus fere esse solet, idem horum quoque fuit. Borbonius quippe cum expedita adversus Virium profectus manu, loca ea omnia quæ ille ceperat, sibi denuo (Virio in Bressios, ejus haud exspectato adventu, profecto subiicit. Et Sabauda (utrique juxta infestus) nisi Virius sibi dedatur, bellum illaturum se minatur: ut dederetur à Sabauda (qui belli illius culpam omnem à se removit) obtinuit; ea tamen lege, ut instar bello capti habitus, ubi Borbonio de damnis & injuriis eo illi bello illatis satisfecisset, dimitteretur. Diffidio illo inter Borbonium Sabaudumque sublato, quæ de fide clientelari, quam à Borbonio Sabaudus poscebat, reliqua inter eos erat controversia, ea Betrii ducis (quem ipsum Sabaudus avunculū habebat) arbitrio auctoritateque composita ex utriusque voluntate fuit, Borbonii filio Clermontii comite, fidem suam pro Ludovico patre, Sabauda (ut Franciæ habent annales) obstringente. Sed non diu admodum ea concordia stetit. Carolo enim ejus nominis

sexto Galliarum regi cum Caroli ducis Aurelianensis confœderatorumque ejus suspectæ vehementer essent actiones, ministrisque aliquid advorsum se illos moliri plane haberet persuasum; evocatis ad se amicissimis quibusque, iisque quorum summam in se voluntatem egregiamque fidem perspexerat, erat inter eos Burgundiæ dux Ioannes, & Amadeus hic noster, qui equites cataphractos quingentos, quibus Amadeum Virium (in cujus adhuc hominis animo, ad contumeliam inexperto, recentis ignominia, nuperrima illa captivitate acceptæ, memoria, vindictæque simul hærebat desiderium) præfecerat, secum adduxit, cæterique Burgundicæ factionis proceres, ex eorum consilio, qui Aurelianensis Borbonique ducum agros depopulenter, eorumque subditos, urendo tecta sataque, vexent, mittere statuit. Amadeo Virio Fierbourgioque regulo ea data provincia fuit. Illi non segniter imperata facere, & quacunque pergerent, agros, domos, homines, vastate, urere, cedere; & eo quidem insensius, quod Borbonius in agro Charoloisio idem paulo ante factitasset, Burgundî nimirum odio, quod major ejus unius tum apud regem & per universam Galliam, quam cæterorum regii sanguinis principum

om-

omnium esset autoritas. Quæ res cum Berrio, Borbonio, & Aurelianensi duci plurimum displiceret; non adversus eum solum, sed Sabaudia quoque comitem Amadeum (qui Burgundi ducta sorore, instructissimum semper, quo laboranti, si opus esset, posset succurrere, habebat exercitum) inter se conspirant. Per illa quippe tempora, quicumque Gallicam rempublicam agitavere, honestis nominibus, alii quasi jura populi defenderent, eorumque qui pacem concordiamque deferrent fidei diffiderent, pars quo regis autoritas maxima foret, bonum publicum simulantes, pro sua quisque potentia certabant; neque illis modestia, neque modus contentionis erat. Cæterum conspirationis hujus quam fuerit funestus calamitosusque exitus, si singillatim aut pro magnitudine parem disserere, tempus quam res maturius deseret. quamobrem ad inceptum redeo. Sigismundo imperatori cum schismatis, quo graviter tum ecclesia Christiana (tribus uno simul tempore pontificatum Romanum invadentibus) laborabat, tollendi causa, in Galliam proficisci constitutum esset (neque enim missis legationibus quicquam hactenus fuerat profectum) imperii proceribus, ut extra Romani imperii fines proficiscen-

tem Imperatorem , recepto antiquitus more, comitarentur, fuit imperatum. Accurrere præter principes Electores, duces imperii quatuor, totidem Lantgravii, & par marchionum comitumque (inter quos secundus Sabaudus hic noster) numerus, cum decenti omnes & suæ quisque dignitati conveniente comitatu. Sed morbo Sabaudus in itinere (verone , an quod ob tacitas cum Aurelianensi duce, qui Burgundi hostis erat capitalis, similitates, ejus fugeret consortium, simulato, incertum) correptus, domum sæculi ejus anno decimoquinto , imperatore permittente , redit. Ea tempestate cum Genuæ odiis diffidiisque atrociter respublica agigaretur, atque haud procul seditione res esset ; mittit eo, domum reversus Amadeus, qui per alterius negotii simulationem, nonnullorum clam civium animos tentaret, videretque num eorum hominum opera imperatoris locum illum imperio posset adjicere. Quo mari Ligustico (quod plerisque Tusciæ imperitat locis) potiunte imperatore, liber ad Italiam illi aditus , & minus ad coronam imperialem obtinendam esset obstaculi. Sed cum secundo clam Genuam is qui à Sabaudis in eam rem missus fuerat, venisset, patefactis ejus tandem consiliis, suorumne indicio, an quod minus

pru-

prudenter circumspēctēque suscepto incumberet operi, dubium prorsus, Barnabæ Guanonis (quem mediæ fortunæ, at haud malum alioqui hominem, ducem sibi Genuenses per discordias, Georgio Adurnio sua sponte boni publici causâ eum magistratum ejurante, fecerant) jussu comprehenditur, & capitis, causâ indicta, condemnatur. Sed factum hoc non diu impune Barnabas dux tulit; postquâ anno vixdum vertente ducatu privatus, Genuâ universa à Thoma Fregosio pelleretur. Conatus hic quamquam minus feliciter tum cessit; confirmatus tamen in ea quam de Sabaudia principum perpetua constantique erga Romanos imperatores voluntate animo conceperat opinione Sigismundus imperator, Amadeum, ex Anglia sæculi illius anno decimo septimo reversus, primum in arce Montluetana non procul Lugduno (alii paulo ante in concilio Constantiensi factum id affirmant) Sabaudia ex comite facit ducem; ut optime scilicet de se patreque suo & universo imperio meritam gentem illam grandiorē aliquo beneficio sibi faceret obstrictiorem. Quin metuente Sabaudo, ne civitatum Vallensium exemplo; confederatis Helvetiis, societate cum iis inita, Geneva Lausannaque se jungerent, plenum illi merumq; bien-

niopost, in eas civitates, Marthino Pontifice eam donationem approbante, permisit imperium. Cæterum piis præclarisque semper intentus operibus Amadeus, tollendoque quod inter Carolum eo nomine septimum Galliarum regem & Philippum bonum Burgundiæ ducem (qui Ioanni duci patri ab Aurelianensis factionis hominibus cæso, successerat) infestissimis gerebatur odiis, bello, cum diligentem sedulamque aliquamdiu operam navasset, variis ultro citroque missis legationibus, ut Atrebatî tandem inter eos pacificaretur effecit; pulsas Gallia omni qui cædem illam patrarant, ejusve conscii fuerant. Inter quos Tanneguyus Chastellius, Ioannes Louverus Provinciæ præses, Ioannes Aurelianensis notus, Guilelmus Avangourius Clermonti præsul (cui in episcopatum suum se recipienti, soli manere permissum) Ioannes Cadorius medicus regius, Robertus Maconus ex equestri ordine, & Ioanna Bonnettea Ioyeusi dynastæ uxor. Bello inde per Philippum Mediolani ducem (qui quem adversus Florentinos Venetosque conscripserat militem, contra Sabaudum, quod cum Venetis ille societatem fecerat, vertit) Sabaudia illato finibus, Novariaque & Vercellis occupatis, copias protinus Sabaudus, quantas

potest maximas conscribit, Burgundia-
 que ducis implorato subsidio, in Lom-
 bardiam ducit: quam depopulatus, non
 exiguum agro Mediolanensi, vicis villis-
 que passim incensis, cladem infert. Ete-
 nim Sigismundo imperatore (qui Italiã,
 ut aurea supremaque illa corona insigni-
 retur, aditurus, in procinctu jam existens,
 à Philippo duce ut per ejus sibi fines iter
 facere liceret, impetravit, quique Ama-
 deo optime cupiebat) authore, cum ab
 armis utrimque esset discessum, in gra-
 tiam tandem, Novariam Vercellatque
 restituyente Mediolanensi, Amadeique
 filiam Mariam uxorem ducente, redi-
 tum fuit. Interea dum cum Anglo rege
 Burgundoque acerbum Galliarum rex,
 quo, dum parum in amicis præsidii est,
 regni sui potio rem amisit partem, gerit
 bellum, consiliaque erigendæ ex tam gravi
 casu reipublicæ secum agitarat, capta ex
 diuturniore hac ejus absentia occasione,
 Delphinatum Auran tiæ princeps inva-
 dere cogitans, missâ ad Sabaudum lega-
 tione, supp etias ea ab illo obtinet lege, ut
 Delphinatus eum tractum, in quo Gra-
 tianopolis sita, Montes adhuc, & Vien-
 nam Sabaudum, si victoria potiretur, tra-
 deret. Sed alius longe quam sperarat uter-
 que, suscepti illius belli fuit exitus. Del-
 phinatum enim cum Varenbonio regulo
 (erat

(erat is qui Sabaudica adduxerat auxilia) vix ingressum Aurantium Gaucourtius (quem hominem nobilem & magnis opibus clarum loco illi Gallus rex præfecerat) apud Anthonum, commissio cum eo prælio, castris exiit, deletisque ejus copiis, destitutum omni spe fugam capessere, Anthonumque trajecto Rhodano celeriter repetere cogit. Captus eo fuit prælio Guilelmus Viennensis fani Georgiani dominus Burgundus, alique magno numero nobiles viri, & cæsi supra trecenti. Gravi hoc ipso tempore, sub annum scilicet sæculi illius xxxi. inter Renatum Andium, & Antonium Lotharingum Vaudemontis comitem Ferrii filium, exorto dissidio, quod Burgundi partes Vaudemontius, Galli è contra Andius sequuti fuissent, quodque Elisabetham Caroli Lotharingiæ ducis ejus nominis secundi filiam hæredemque unicam, Andii uxorem, à Lotharingiæ successione arceri debere affirmante Vaudemontio, Basiliensi tamen concilio pro Andio fuisset judicatum; Antonio Burgundus Sabaudusque magna misere auxilia: sed majora fuere quæ ab Amadeo missa. Equitum quippe optime armis instructorum ingens erat numerus, quibus Imbertus Sabaudia præfectus (Marchallum appellant) & Saixii regulus, magni

magni clarique ambo duces , & consilio
boni imperabant. Ceterum acri, ubi pri-
mum in conspectum ventū est , ad Bub-
nevilleum in campis Villemanis com-
missō prēlio, victor tandem Vaudemon-
tius discessit; Renatusque hostibus un-
dique cinctus , & à suis desertus fortiter
pugnans capitur , & ad Burgundum du-
citur. Inter omnes Vaudemontianos so-
ciosque præcipua laus ejus belli vel ipsis
non diffidentibus hostibus penes Sabau-
dicum equitem fuit. Capti una cum Re-
nato Andio, Metensis præsul, Rodemar-
queus regulus , & Arcyus vicecomes,
multique alii primæ nobilitatis viri , Sa-
baudix Burgundixque præfectis Anto-
nio Tholongoeono & Imberto antedicto
traditi fuere, iisque permissum, ut inter
militem illos suum, pro cujusque virtute
meritoque dividerent. Ætatis jam an-
num quinquagesimum & sextum Ama-
deus attigerat , decesseratque uxor ejus
Bona plures apud eum enixa partus; cum
expendentem apud animum suum, quot
quantisque casibus atque periculis mor-
talium exposita semper atque cincta un-
dique vita sit, principum maxime etiam
potentissimorum , simulque viræ nobis
hic (ubi firmum perpetuumque nihil,
sed vanitati omnia subjacent) brevem
incertumque præstitutum esse terminū;

mortalium caducarumq; harum rerum, & mundi quoque ipsius grave capere coepit tedium, animumque ejus vitę cōmutandę, & sanctius puriusque in posterum instituendę seria subiit cogitatio. Ceterum eam antequam rem aggredere-tur, viros aliquot nobiles ex equestri ordine, quorum summa apud eum fue-rat semper autoritas, quique in paucis illi chari erant, hujus sui consilii partici-pes facere voluit, ut in suam pertractis sententiam idem vitę persuaderet genus; simulque ut quos in supremo potentię collocatus fastigio, in gaudiorum om-nium admiserat communionem, eorum quoque suavissimo in solitudine confor-tio frueretur. Duobus itaque ex his in secretiorem ad se vocatis locum (erant hi Claudius Saixeus, Sexteum appellant alii, & Henricus Columbiersius, viri tum genere inter suos, tum factis clari) hisce ad eos verbis usus scribitur.

Facit, viri mihi longe gratissimi, singu-laris meus in vos amor, & vestra longo mihi jam tempore spectata, multisque ex-emplis comprobata fides, certo mihi ut per-suadeam, nihil mihi tam posse accidere a-cerbum, nihil tam triste, nullam dignita-tus fortuna mutationem, qua à meo vos consortio aut possit aut debeat ullo tem-pore separare. Cujus hercule mei in vos a-
moris

moris tanta vis est, adeo inter se nostri
 juncti colligatique invicem spiritus sunt,
 ut quamvis presentiam mihi vestram
 subtrahi contingere aliquando queat; nun-
 quam tamen, quamdiu hac me aura frui
 clemens ille patietur Deus, vestri animo
 meo memoria sit excisura. Peto itaque à
 vobis, & si vestri id patiuntur mores,
 vos obsecro, ut, quoniam olim rei agitata
 animo meo, nunc promenda tempus adve-
 nit, quietumque & solitarium vita genus,
 procul ambitione ac foro, profiteri, in po-
 sterum mihi constitutum est; vestram
 mihi societatem ne denegetis. Quod si à
 vobis impetrare me permittitis, mihi ma-
 ximus laborum atque operum meorum e-
 rit fructus, neque vosejus suscepti consilij
 unquam pœnitebit. Eam enim vestri me
 curam habiturum semper promitto, ut vi-
 ctus vestitusque genere mihi exaquemini,
 posterique vestri non ingrato vos principi
 obsequutos intelligant.

Admirati vehementer viri illi nobiles
 tam benigne familiariterque se à suo
 principe compellari, & eos singularis in
 se affectus in viro tanto stimulos, multis
 illum rationibus ab ea sententia deduce-
 re conari, ostendereque, imperium ejus
 & late patere, & esse Dei beneficio nunc
 florentissimū armis virisque, facta cuna
 principibus finitimis onanibus pace, im-

peratoris regumque Christianorum omnium conciliata amicitia, nunc etiam titulo dominatus aucto. Subditorum ad hæc commemorare erga eum amorem observantiamq; singularem: præclaram insuper, cujus Deus eum parentem fecisset, sobolem (adeo ut nihil illi ad summam felicitatem deesse videretur) ob oculos ponere: obtestarique eum ne quietis solitudinisque desiderium pluris quàm subditorum suorum salutem æstimaret: regendo in longa pace concredito sibi à Deo populo diligenter porro incumbere, eum in officio contineret, curaretq; ut per homines honestissimos, virosque fortissimos leges & judicia administrarentur: veram hæc ad æternam comparandam salutem viam esse. Hæc pro sua in eum observantia haud occultasse. cæterum ejus se consiliis non adversaturos. *Quandoquidem (respondet ad eadux) felicitatem mihi vos quandam attribuere & fortunam meam tantopere video prædicare; quid de ea, quam regibus principibusque plerique hominum, qui rebus caducis & fluxis, quæ hic relinquenda sunt, hominis bona metiri solent, ascribunt, sentiendum judicandumque sit felicitate, prorsus vos ignorare intelligo. Aliiter enim longe, illius si felicitatis vel minimum fecissetis periculum (mihi credite)*
sen-

sentiretis. In sola quippe unaque libertate, cum felicitatis hujus quam vos tanti facere video, summa sita potissimum sit; necesse est ut vel inviti mecum fateamini, qui procul ab hominum strepitu privatam agunt vitam, eorum longe optimam esse conditionem, libertatemque illis obtingere, quam in principe viro etiam potentissimo temere requiras. Cateris quippe mortalibus in eo stare consilia, quid sibi conducere putant: principum virorum diversam esse sortem, quibus praecipua rerum ad famam dirigenda; ut omittam, vix anno vertente tot voluptatis illecebras percipere virum principem, quot vel uno interdum die hominibus privatis videmus obvenire; si verum sit, potissimam voluptatis nostrae partem ex sensibus, suam trahere originem. A visu (si lubet) ordiamur. Quis privato cuique varias regiones, terras, urbes, oppida peragrarè lustrareque, & admiranda ac pulcherrima quaque iis in locis impune contemplari, longoque visu lumina sua satiare, quandocunque lubeat, liberum esse negaverit? At viro principi, multorum hominum odiis invidiaeque (quæ eminentis fortuna comes assidua, altissimisque adhæret) obnoxio semper, nemo eam impune asseruerit libertatem: cum metus eum semper exagitet, ne aut in decorum peccet, aut ea apud dignitate forte

non inferiorem committat, quæ personam suam dedeceant, aut nomini suo apud rigidos illos morum aulicorum censores maculam aliquam possint inurere. Accedit huc quod (cum nemo celerius opprimatur quam qui nihil timet) periculo ea haud careat res, cum fieri possit (quod regibus atque principibus viris plerisque fines suos temere & sine iusto prasidio egressis legimus contigisse) ut insidiis excepti comprehensique, etiam ab eo quem nunquam laeserint offenderintve, in tetrum aliquem coniciantur carcerem, in quo quam diutissime asserventur; necentur etiam per summam crudelitatem nonnunquã. Abstineo dicere quod dum procul abeunt, vicinorum principum injuriis ditiones suas subjectumque sibi exponant populum, & in pradam quasi tradant. Esto (subinferente Claudio Saixeo) demus, princeps illustrissime, hominum privatorum meliorem hac in parte esse conditionem: sed hoc nobis non negaveris, quæ auditu percipitur voluptas, eam vobis esse propriam, cum aures vestras ea tantum circumsonent, quæ læta gratæque, neque quenquam in regum principumve aulis comitatuve reperire sit, qui eorum actiones sermonesque omnes non prædicet, mirisque semper laudibus exchat: aliis enim vocibus
eorum

eorum auribus obstrepere offensæ vetat
metus.

*Sed quam quæso (respondet ad ea dñx)
ex falsis & non suis laudibus (solet quippe
magna semper fortuna comes esse adula-
tio, pessimum veri affectus venenum) ca-
pere queat, quem tantopere vos admira-
mini princeps hic voluptatem; cum eas
sibi à plerisque (quibus omnia principum
honestæ atque inhonestæ laudare mos est,
quique principum potentiorumque be-
nevolentiam blanditiis assentationibusque
colligere soliti, ad voluntatem loquun-
tur, & auribus serviunt) ascribi vi-
deant virtutes, quarum vix tenuem sapius
in se umbram inveniat. Veras demum
eas mihi visas semper laudes, quæ à libe-
ro & adulari nescio profectæ ore, & vos
testor, & meminisse posteros volo. Nam
tribuere homini quod in eo non reperias,
quid hoc quæso aliud est quam summa
eum afficere contumelia? Caterum ad
eam voluptatem quæ in gustu consistit
quod attinet, non ignarus equidem sum,
ob ciborum vinique omnis generis in adi-
bus nostris redundantiam, varietatem, at-
que suavitatem, beatos nos vulgus homi-
num predicare: verum eduliorum viniq;
voluptatē ex gustu, sapore, appetentiaque
qui metiuntur, nā aliter illos longosenti-
re ega existimaverim. Ut enim vera sensus*

hujus voluptas in ciborum potusque desiderio atque delectu consistit potissimum: ita crebra illa ferculorum varietas, in-tempestivaque convivia, & perpotandi pervigilandique insana dulcedo, sui secum ut plurimum fastidium adducere, & omni hominem appetentia privare solet. Enimvero optimum cibi condimentum fames est: quam dum tempestivioribus epulis eruditoque luxu plerique prævertunt principes, imo procul à se arcet, nunquam cum voluptate cibum capiunt. At populi longe melior conditio est. Illi enim (soliti alioqui parco & parabili victu ad implenda natura desideria defungi) quia certi statutique dies sunt, quibus genio indulget, & grata amabilique vicissitudine convivium celebrat, summa cum voluptate quibus non assuevit, vescitur cibis; quorum nos satietas, vilissima quaque edulia, & quæ vix attactu homo agrestis dignetur, appetere cogit. Quemadmodum enim nimia opes magna jactura locum faciunt; ita nihil magis in ciborum nos adducit fastidium, quam frequens ille rerum non necessariarum superfluarumque apparatus: & dum majorem sæpius incontinentia, quam sanitatis & virium reficiendarum habemus rationem, excogitata ab ingeniosis gulis irritando palato varia condimentorum genera. Quorum eo usque nunc pro-

profecta hominum ars est, ut etiam solstitiali, & alieno prorsus tempore varia & multa venatio appareat, dum speciem ferina carnis ex mansueto sue condimentis facere callent. Gulosius enim quò coniungitur cibi, luxuriosiusque struuntur fercula, eo citius eorum nos capit satias tediumque. Caterum ad actiones publicas, & rei-publicæ administrationem quod attinet; res humana ita se habent, ut rerum praeclare gestarum gloriam non ipsi quidem principi, sed aut fortunæ fatore, aut iis quorum princeps consiliis utitur, ascribi plerunque videamus: sed si detrimenti est contra quidpiam publice accipi, utpote praelium aliquod amitti, aut civitatem locumve aliquem ab hoste capi contingat, principis id culpa socordiaque factum, clamare omnes ilico. Adeo ut quicquid rei-publicæ accidat, siue prosperum id, siue adversum, rei male gesta culpa in principe, bene vero decus penes alium sit: & cum recti factorum sibi quisque gratiam trahant (vel ignavis quippe in victoria gloriari licet) unius invidia ab omnibus impune peccatur. Omitto dicere, suspicionibus sollicitum semper esse principis animum, dum belli tempore, ne suorum quispiam cum hoste clam conspiret, & consilia illi sua detegat; pacis autem, ne ex iis quos durior habuerit imperio, exoriat aliquis, qui

adversum se insurgat, metuit. Hanc euentam sustinet princeps; cuius ceteri mortaliū expertes, quietam in summa animorum tranquillitate vitam, inter propinquos amicosque suos ducunt. Quod principi non ita facile factū est. Dominandi enim insana effrenaque libido, propinquitatis consanguinitatisque iura omnia imperio posthabet. Atqui erunt fortassis nonnulli, qui felicitatis summam in multarum rerum bonorumque possessione consistere, & vel eo solo nomine principes beatos existiment, quod plurima possideant. Non vere hercule. Nihil enim viri principis, quam hominis cuiusvis alterius, etiam infimi, melior hac in parte conditio est. Plurima enim possideat licet, plura tamen (ut animus humanus nunquam exsaturatur) appetit semper, & presenti nunquam contentus fortuna, ut effusa affluant opes, meliorem sibi dari optat. Imo dum ambitioni modū statuere potius haud est, & nihil pensi neque sancti habet, ceteris mortalibus longe est infelicior: agrum enim aliquem herediumve hi; at regna principatusque integros ille insatiabili, & quæ neque copia neque inopia minuitur, cupiditate concupiscit semper, & spe animoque devorat. Non negaverim equidem, plurimum viro principi ad tranquillitatem comparandam conferre.

silens

*fi leni moderatoque imperio (nam hoc quoque laudi nobis honorique verti video) subditorum suorum sibi studia animosque conciliare omni studio conetur , neque potentia sua ad impotentiam utatur : sed ut in perpetuo propterea metu versari , suspicionibusve desinat indulgere , id equidem , (quæ humana conditionis miseria est) haud libenter concesserim . si-
 ve enim ingentem hominum circum se multitudinem , siue magnam videat solitudinem , æque semper in metu est , dum ne quid aut novi insolita turba moliatur , aut parandis struendisque sibi insidiis solitudinem illam occasionem præbere posse suspicatur . Caterum quod plerique hominum vel eo saltem nomine beatos nos existimant , quod de subditis nostris domesticisque bene merendi facultates abunde nobis suppetant , falluntur hercule plurimum , & quidem vel ipsis vobis , verum dicere si velitis , non dissimulabimus .
 Quotus enim quisque meorum quæso est , qui non statim ut insigne aliquod meum sensit beneficium , discedendi à me quærat occasionem , secessumque simul , in quo accepti illius beneficii fructus percipere possit ? Cujus ipsius desiderii eo majores in ejus animo generatur stimuli , quo quod accepit majus præclariusque donum est . Porro finem ut faciã , & in pauca rem con-*

traham, plurima subinde vel inviti principes facere coguntur, quibus subditorum suorum à se alienant animos, metumque illis (qui amoris rarus comes) incutiunt: veluti cum de fontibus supplicium sumunt, vel subdito sibi populo pecunias, necessitate coacti, imperant, aut in eorum capita tributum, in bona mercesque vectigal aliquod, unde pecuniam cogant, imponunt. Omnia hæc propius consideranti mihi nemo, viri amici, persuaserit unquam, privatorum hominum vitam nostra meliorem esse ut negem. Quin verissime ille mihi dicere visus est, qui (quanto majus est regnum fastidire, quam accipere intelligens) eam dignitatis regia vilitatem esse asseruit, ut mortalium nemo sit, qui, si quot quantisque calamitatibus miserrisque regum undique obnoxia atq; exposita vita sit perspectum haberet, inventum ante pedes diadema regium tollere à terra dignaretur. Hæ sunt, viri amici, rationes quæ me impulere, cur maximis turbulentissimisque quibus mundus hic agitur tempestatibus, subducere me & in Republicum secessum (monasticum ibi vitæ genus professurus) abire constituerim. Vos vestra me societate (quod vehementer vos obtestor) frustrari haud patiamini. Ad principatus mei administrationem quod attinet, Ludovico filio ea à me provincia deman-

*demandabitur. Is meo parentium imperio
 locorum omnium curam geret; suprema
 nihilominus penes me manente dominatu,
 & rerum summa.* Respondere ad ea u-
 terque (magis ejus voluntati ne refraga-
 ri velle viderentur, quam quod ea ipso-
 rum esset mens; sperabant enim haud
 diu admodum, ut principum subita ple-
 runque consilia sunt, in ea cogitatione
 perseveraturum Amadeum) in ejus se
 futuros potestate, & quamcunque jube-
 ret subituros fortunam, facturosque
 quod imperaret: imo gloriosum admo-
 dum ducere sibi, quod unus se vitæ il-
 lius socios deligere, & consiliorum suo-
 rum participes facere non fuisset dedi-
 gnatus. Eo capto consilio nocte quadam,
 consciis solummodo duobus hisce, Thone
 (quæ ad lacum Lausanensem sita
 urbs) cum perexiguo domesticorum
 suorum comitatu Amadeus discedit, Ri-
 palliumque migrat. Aedes sunt amplissi-
 mæ sumptuosissimæque, quas ipsemet
 Amadeus, adolescens adhuc, ad eun-
 dem lacum, primo ab oppido illo lapide,
 loco longe amœnissimo, ingentibus im-
 pensis construxerat. Erat eodem in lo-
 co monasterium divo Mauricio jam o-
 lim ab Amadei majoribus (quorum sin-
 gularis erga divum illum tutelarem exti-
 tit semper pietas observantiaque) dedi-
 catum.

carum. Hoc ingressus monasterium, monastico sumpto protinus habitu, idem quod monachi illi vitæ genus profiteri cœpit. Cinerea & oblonga quam induit, fuit vestis, quam ingentis pretii inaurata cinxerat zona, super hanc ejusdem coloris chlamys, aurea (illi quam Romani gestare solent imperatores, haud absimili) insuta cruce gravis. Caput ex eodem colore velabat capitium, ex quo cucullus dependebat oblongior, quo in humeros rejecto, galero purpureo, cardinales imitati, monachi illi utebantur, bacillumque nodosum inflexumque altera tenebant manu. Ioannes Marius de hoc vitæ Amadei instituto paulo aliter in hæc scribit verba.

Amatus cum uxorem Margaritam Philippi audacis Burgundia ducis filiam amisisset, mundo & statu ducali relicto, constituit vitam eremiticam amplecti, locum ad eam rem peramœnum prope lacum Lemanium deligens, quem magnis ædificari curarat impensis, gubernaculis ducatus Ludovico filio majori traditis, patri Philippi ducis Sabaudie, qui Philibertum genuit, maritum Margaritæ Austriacæ, qui sine heredibus masculis obiit anno Domini MDIIII. Amatus vero in eremo degens per aliquot tempus una cū decem nobilibus atate provectis vitam solita-

litariam uixit, prominentem barbam alens, vestimentum vile indutus, ac clavam nodosam in manu gerens. Quæ res licet novi exempli esse videretur, tamen ipse non primus virorum principum fuit, qui reipublicæ gubernaculis relictis, quieti se dediderunt. Hactenus Marius. A quo non prorsus dissentit Æneas Sylvius (qui sub Pii secundi nomine Pontificatui deinde præfuit) cujus in quadam ad Petrum Noxetanum epistola, verba sunt hæc. A Florentia Mediolanum petivimus, & superato Iovis monte per lacum Lemanium Tononum venimus, memorandam Ripalliorum eremum introivimus, in qua dux Sabaudie Amadeus detulit habitum cultumque, sancto cuiusdam Eremitæ similem, quem viri decem ex equestri ordine sequebantur, qui sæculo renuntians, promissam barbam, & hispidum pallium, & retortum baculum mundanis rebus prætulerat. Abit longius ab utroque Enguerandus, qui Amadeum ducem, ejusque in eremo illa socios, racemorum liquidæque loco, optimis quibusque cibis & vino præstantissimo usos scribit. Sed ego Sylvio testi oculato potius assenserim. Cæterum subitus hic inopinatusque Amadei ducis discessus (inde enim divertit oratio) regulos nobilitatemque reliquam omnem, quos consiliorum suorum igna-

ignaros esse voluit, vehementer perculit. Neque subditorum ejus quisquam fuit, quem non commoveret illa facies, Sabaudum principem, & tot provinciarum ditionumque paulo ante dominum, relicta fortunæ suæ sede, sponte sua exire de imperio. Nihil tale viderant, nihil audierant. Missis itaque protinus ad eum illis ipsis, quibus animi sui sensum aperuerat, Saixio & Columbiertio regulis, plurimis illi rationibus, subitum illum inopinatumque & alieno prorsus tempore discessum ejus personæ dignitati-que haud convenire, ditionumque quibus imperaret, ordini ecclesiastico, nobilitati atque populo reliquo vehementer displicere, demonstrare conantur. Respondere paucis ad ea Amadeus, neque mentem sibi defloruisse, neque vires potentiamque imminutas esse. Curaturum itaque sese, ne damnum ullum respublica Sabaudica ex hoc suo discessu capiat. Converso inde ad eos sermone, ambages mitterent, inquiebat, viderentque ne datam sibi paulo ante fidem fallerent, spemve suam destituerent. Illi quoniam quo se modo promisso illo expedirent, non videbant, enimvero idem vitæ ingredi iter, idem sibi vestis genus (ita enim Amadeus volebat) sumere. Provinciarum deinde suo parentium imperio
ordi-

ordinibus, una cum utroque filio ad se venire iussis, Ludovicum natu majorem, in spem imperii genitum, Pedemontanum renuntiat principem, minorem Genevensi donat comitatu. Reliquarum autem suarum provinciarum omnium, tam earum quæ trans, quam quæ cis Alpes sitæ curam administrationemque eidem Ludovico tradit filio: at ea lege, ut penes se rerum nihilominus manente summa, in sua sit potestate ea illum procuratione, quotiescunque lubeat, aut ille mereatur, privare. Ducis quoque retento titulo, de rebus maxime arduis, & reipublicæ Sabaudicæ statum salutemque concernentibus, nihil inconsulto se statui voluit. Rebus hunc in modum constitutis, cum ex domesticis suis ministris viginti tantum apud se manere jussisset (idem & à Saixio Columbiersioq; eandem eremum ingressis factum) reliquos domum redire, filiisque suis parere in posterum voluit. Quis fuerit tum Sabaudicæ habitus, qui singulorum animi, quæ digredientium à tanto principe lachrymæ, nemo facile dixerit. Cæterum in Ripalliis esistenti Amadeo varii cum monasterii illius præfecto (Priorem appellant) viro sanctitatis admirandæ, fuisse congressus, varii subinde sermones, plurimumque hominis optimi consuetudi-

tudine delectabatur. Cæterum eundem repetenti sæpius sermonem dicentique Amadeo, hominē qui mundi hujus curis molestiisque renunciasset, sibi non videri absimilem nautæ qui post gravissimos exantlatos in æquore labores, tranquillum tandem tutumque investus portū, aliorum cum pelagi tempestatibus advorsisque fluctibus non sine naufragii periculo luctantium, ex loco tuto, sui jam securus, certamina lætus videt. Non quia (ut quidam inquit) vexari quenquam est jucunda voluptas , sed quibus ipse malis careas , quia cernere sua-ve est.

*Nunquam , princeps serenissime (sub-
 infert ille) infelicitis mundi hujus decur-
 sum verius meliusque , quam maritima
 contuleris navigationi. Quemadmodum
 enim videmus, eos qui navigandi maris-
 que sunt insueti, salo nauseaque confectos,
 gravem illum tetrumque sentina odorem,
 & molestam navis qua vehuntur haud
 ferre agitationem, mirabilemque plerum-
 que intra se, subverso ex frequenti illo in-
 ordinatoque pelagi motu stomacho, sentire
 commotionem , cui dum mederi volunt
 malo, in phaselum celocemve aliquam ex
 oneraria desiliunt, quasi tempestatis sen-
 tinaque vitii quod conflidentur, navis
 magnitudo, non perpetua illa fluctuum
 mari-*

maritimorum faciat agitatio. Eodem quoque modo nos, quibus mundi hujus perpetui quasi fluctus molestiaeque mentem vehementer turbant, animumque semper faciunt inquietum, malo illo levare nos posse certo arbitramur, si principatibus, dignitatibus, honoribus & functionibus denique publicis omnibus valere jussu, in solitudinem nos eremumve aliquam abdamus. Sed decipimur (mihi credite) veri subinde specie, dum non minus in angusto abjecto ve aliquo tugurio, quam in principatu sublimioreve dignitate aliqua constitutos, mundi nos undique hujus circumstant exagitantque tempestates. Veniam mihi dabis (princeps illustrissime) si liberius te quam mea conveniunt fortuna, compellem. Fidem enim meam quoniam tibi habes obstrictam, cogit munus mei ratio, ut, procul ab omni adulatione (quod perpetuum malum regum principumque, quorum opes saepius assentatio, quam hostis evertit) vera tecum loquar. Hac verborum itaque meorum summa est. Exiguum admodum esse, principum aulas, magna illa palatia, & frequentes hominum fugere cœtus, si ipsum te non fugias, disertis id ipsum Servatore nostro consignante verbis, cum inquit, QVI VULT VENIRE POST ME, ABNEGET SEMETIPSUM. Quasi dicat, seipsum de-

ferat, & totum se mihi tradat. In eremum
animi solitudinemve aliquam qui secedunt,
si mundum, hoc est, humanos illos affectus,
animorumque vagos motus eodem secum
conferunt, quid admodum quaso, illi,
quam quod aërem locumve mutant, pro-
ficiunt? Neceſſe ante omnia, princeps se-
renissime, est, ut animum mentemque,
ab hujusmodi, quas mundus secum cir-
cumfert vanis curis cogitationibusque va-
cuam purgatamque prorsus habeamus.
Militem quippe Christi (inquit D. Hie-
ronymus) perfectio est exutam mentem
habere à cunctis terrenis negotiis. & tu-
multu sæculi, juxta illud Apostoli: Ne-
mo militans Deo, implicat se negotiis se-
cularibus, ut ei placeat, cui se probavit.
Quemadmodum enim fieri haud potest, ut
qui supernis infernisque, & quæ adlatus
sunt, uno simul tempore contemplandis
rebus intentus est oculus, in propositum
sibi scopum recta feratur: ita quoque sa-
lutis sibi propositum scopum (qui in sui
odio, & propria voluntatis abdicatione
consistit potissimum) haud facile attigerit
animus, qui humi defixus semper, cura-
rumque perpetuo quasi aestu quodam flu-
ctuantis tranquillitatem omnem averſatur,
neque in altum attollere se potius est. Cui
malo obnoxii plerique mortales sunt, qui
aut in voluptates immersi, aut avidi ho-
noris,

noris, potentia, divitiarum, variis inutilibusque, quas mundus hic agnatas habet, cogitationibus, extricare se nunquam possunt, quique à mundo ipso, ter miseri infelicesque deferuntur, ipsum antequam deserant. Quibus enim uxores non sunt, cum fado plerunque impotentique conflantur amore, indomitaque, & effrenata ardent semper libidine. Matrimonio junctos perpetui comitantur angores sollicitudinesque, diurni & nocturni circumstant metus, dum sibi, conjugii liberisque suis semper aliquid defuturum metunt. Qui calibem ducunt vitam, illos amissa cara conjugis cruciat desiderium, & liberos sibi ex ea natos velint. Alios opum divitiarumque per fas nefasque congerendarum transversos abripit insatiabilis & sine modo cupido, illique uni studio cetera posthabent. Sunt quos cupidos querelarum, iniqua vicinorum aliquem lite demorari, probrisque & maledictis impetere perpetuo juvat. Non desunt quoque qui ob vilissimi lucelli spem, importandis exportandisque mercibus, maximis subinde periculis vitam exponere non vereantur. Agricultura studium (quo libero moderatoque homine nihil dignius) alios detinet, sed ita ut toti in eo occupentur, neque laboris ullum nocte dieque faciant modum. Alium alius quaestui faciendo propositum ha-

bet scopum : neque dies ulla est , qua non aliquas semper animorum serenitati obducatur tenebras , & caligine quasi quadam homines illos involvat ; usque adeo ut & noctes etiam totas , quieti aliqui à natura destinatas , insomnes plerique mortalium , recurrentibus animoque semper obversantibus iisdem illis diurnis actionibus cogitationibusque transducant. Verum enim vero finem uti faciam nullum adversus omnia hæc animum humanum varie inquietantia distrahentiaque semper mala , praeclarius praesentiusque reperire remedium est , quam ut blandientem plenumque illecebris ac incitamenti peccandi mundum , hunc valere serio jubeamus : hoc est , ut facto inter corpus animumque divortio , repudii animus corpori libellum mittat , utque sua sibi habere corpus jubeat , nihil sibi commune cum illo retinens. Incidentes verò calamitates , quas effugere mortalium nemo potest , velut asperos esse ventos , quibus nostra in hoc procelloso mari navigatio , dum ad aeternae salutis tendimus portum , nunquam non sit exposita , impavidus cogitet. Insuper ut non ita penitus in alicujus nos tradamus amicitiam , ab eo ut separari divellique grave nobis deinde molestumque sit , ut locus nullus , nulla ita nos teneat afficiatque urbs , eam reliquis

domi-

domiciliis ut præferamus, invitiq; inde,
 alio migraturi, aliasque petitori sedes, a-
 vellamur. Plurimum quoque eodem con-
 tulerit, nihil si privatim, nullos agros,
 aedes nullas, pecora nulla, nullas deni-
 que possideamus opes, verissima malorum
 omnium irritamenta, & quæ possessa mil-
 le nobis supremi in nos Numinis iram con-
 citandi præbent occasiones, amissa ani-
 mum varie excruciant. Hac serenitatis
 præclara face animis nostris pralucen-
 te, hac mentium parta tranquillitate, dictu
 mirabile, quanta protinus in nobis animo-
 rum fiat commutatio, adeo ut veteris illius
 natura positis exuviis, in novum prorsus
 aliumque transformemur hominem, red-
 damurque perquam idonei recipiendis,
 quacunque divino illi spiritui mentibus
 nostris infundere visum fuerit donis.
 Quemadmodum enim, cera nisi prioris fi-
 gura deletis vestigiis, formam aliam nullã
 admittit: ita animus nullam vera virtu-
 tis, nisi quod partim infudit natura, par-
 tim pravi paulatim affixere mores, subla-
 tum penitus vitium sit. Quæ res uno vite
 solitaria beneficio comparari commodissi-
 me potest, quippe cui longo usq; diuturno-
 que exercitio effervescentes animi motus
 illos comprimere, & in rationis adigere
 obsequium, facile sit. Quo enim modo fe-
 ras immanesque bestias cicurari paula-

tim, tractabilesque & disciplina cum tempore capaces magistrorum diligenti cura fieri videmus; eodem quoque qua animos nostros efferare, pestiferoque suo veneno inficere solent, fastus, venus, odium, avaritia, & id genus vitiorum portenta, succidi eradicariq; paulatim, & rationi locum tali secessu facere in cōfesso est. Quippe pietatis ea vis est, ut, cum abjectis longe infra se terrenis rebus omnibus, caelestes solummodo meditetur quaratque, cogitationes quoque actionesque omnes sibi cōformet. Profecto cui cum felicitatis portum attingere Dei beneficio datum est, na solida is ter felix, meo iudicio, ad veram virtutem fundamenta jecisse convincitur. Neque ut aliter accadat fieri potest, cum divinis decantandis laudibus intenta semper lingua humanum loquitur nihil, aversique ab omni caducarum mortaliumq; rerum & quicquid sui pulchritudine mentem nostram distrahere, & in sui nos amorem attrahere queat, obtutu oculi, universitatis hujus contemplanda fabrica toti sunt intenti, admiranturque & adorant tot praeclarorum admirabiliumque operum architectum atq; opificem. Cum procul quoque ab omni turpium fabellarum obscenarumque cantilenarum (qua animis bene constitutis expugnandis vera certaue instrumenta, &

vali-

valida quasi machina quadam sunt) auditione aures. Cessantibus quippe voluptatum illecebris illis omnibus, quibus mens humana occupata delinitaque, varie distrahi & in avia abripi ut plurimum solet, fieri non potest, quin in se paulatim illa reversa, suis met adminiculis, aliena, praterquam divina opis, haut indiga, ad vera virtutis decus citato properet gradu, plenamque atque perfectam tandem aeterna illius essentia cognitionem percipiat: cuius semel inflammata accensaque desiderio, terrenarum protinus rerum omnium obliviscitur, divinisque contemplandis rebus adeo immoratur intentaque est, ut vix cibi potusque capiendi libidine ulla tangatur, aeterna illius felicitatis dulcedine, & suavitate admirabili ob oculos semper obversante & humana illa omnia demorante. Ad quam rem consequendam profuerit plurimum, hominum divino cœlitus afflatorum Numine, lectitasse scripta, eorumque, quos vita puritas innocentiaque cœlestibus illis spiritibus aggregavit (quos nobis tanquam presentia vivaque ad virtutem exempla imitandos proponere debemus) vitas & res gestas intruere semper, ut ad earum normam vitam nostram exigamus componamusque, & quemadmodum pictores, ut oppositam sibi à magno aliquo artifice depictam tabulā,

quam proxime exprimant, diligenter ad omnia, etiam minima quæque, ut ductus lineamenta que omnia assequi possint, attendere videmus: ita quoque & nos ad ea quæ à purioribus illis animabus imitanda nobis relicta sunt, quam proxime (præclaro ad posteritatem exemplo) mores nostros conformare, eorumque, haud injucunda recordatione perfrui convenit. supremi ad hoc Numinis ferventissimis assidueque precibus invocato auxilio. quo si confirmemur, faustum, si (quod absit) destituamur, infustum prorsus quicquid conabimur, sortiatur exitum, & vanus omnis noster erit labor.

Hæc fere fuere quæ de mundo rebusque ad mundum pertinentibus deserendis, præclara, neque ducis auribus ingrata, complexus oratione vir ille sanctus Amadeo ob oculos ponenda putavit: quod cum secessum vitamque solitariam, & ab aula disjunctam strepitu delegisset, res tamen maximi momenti, ad dictionum suarum spectantes statum, suo nihilominus arbitrio reservasset. Ingens hoc ipso anno qui à nato Domino fuit MCCCXXXIX. procerum ecclesiasticorum Basileæ (in Helvetiis ad Rhenum ea sita civitas) convenit numerus. Quod eo loci Hussitanæ Bohemorumque doctrinæ extirpandæ, ecclesiæ totius Christianæ concilium, conventumque Marthi-

nus eo nomine quintus, & post eum Eugenius quartus pontifices indixerant; Iulianusque cardinalis Cæsarinus ab ipso met Eugenio pontifice, ut concilio illi cum legati apostolici titulo præsideret, Basileam ab anno inde sæculi ejus xxxi. (quo ipso indictio ea facta) missus fuerat. Cæterum post crebras frequentesque cum eo hominum genere institutas habitasque disputationes, cum ad procerum ecclesiasticorum vitam moresque reformandos deventum tandem esset, Philippus Mediolani dux (qui capitali in Eugenium flagrans odio, nullum non hactenus moverat lapidem ut orbis totius Christiani utriusque ordinis proceres principesque, missis etiam in eam rem legationibus adversus eum, variis illi gravibusque objectis criminibus, concitaret) ea arrepta occasione, Eugenium graviter in pleno patrum consensu accusat, efficitque tandem ut plerisque etiam cardinalium (qui suo privatim nomine Pontifici erant infensissimi, reliquos enim factio Arragonica ob Neapolitanum suscepta regnum hostes illi fecerat) in suam opinionem pertractis, communi omnium calculo (proceribus etiam sæcularibus plerisque in eam sententiam euntibus) Eugenium pontificatu privandum, aliumque illi substituendum esse censeretur.

Dicitur, ea re constituta, Eugenio Pontifici dies, ut de iis quorum accusabatur, in pleno se concilii illius confessu coram purgaret. Vocatus sæpius cum non compareret, sed legatos tantum quosdā mitteret (qui ipsi statim ut Basileam venire adversariis ejus se junxere) Concilii proceres, Plaisanceus, Bononiensis, Venerus, Arlesius, Arragonius & Cyprius cardinales Eugenio cōtumaciæ condemnato, pontificatuque, concilii generalis obtentā auctoritate, privato (Sigismundus quippe imperator, qui vitandi schismatis causā, Eugenio prudenter hætenus fuerat patrocinatus, paulo ante mortem obierat) Amadeum hunc nostrum, sanctitatis pietatisq; apud omnis ordinis & homines opinione clarum, in ejus locum (vehementer eam urgentibus rem, Philippo Mediolani duce, qui Amadei filiā uxorem duxerat, & Cardinali Cyprio, cui cum Sabaudica familiā vetus intercedebat affinitas) Felicis ei quinti nomine indito, substituunt, Eugenio nequicquā publico confessu concilio illi auctoritatē abrogante, & aliud in ejus locum in Ferrariensi urbe (quod Florentiam deinde, peste eo in loco grassari incipiente, fuit translatum) indicente. Amadeo in hunc modum pontifice electo, mittuntur proximus qui electionis illius apud Ripal-

lios

lios existentem certiores faciant. Excusare primo omnibus se modis Amadeus, & tanto se fastigio splendorique sustinendo imparem prorsus dicere, cum quod rebus terrenis (ad quas redire animus haud esset) jamdudum renuntiasset, tum quod militiae assuetus haecenus, Ecclesiasticarum rerum nullis imbutus esset rudimentis. Supremum illum magistratū alii nulli deferri verius posse, quā qui ætatem omnem in eo vitæ genere consumpsisset. Pessime rebus suis consulere & ingēs in suum caput accersere periculum, quicumque ecclesiasticarum rudis rerum, ad eam dignitatem adspiraret. Varia ejus rei exstare exempla, & visum id salutis anno MCCXCIII. cum Petrus Moroneus anachoreta professione, Celestini assumpto nomine, eremiticam vitam cum pontificia commutasset. Ille enim quod ejus in se rei, cujus rudis ignarusque esset, suscepisset administrationem, Pontificatu mense ejus sexto abdicato, in carcere vitam tandē, animi moerore confectus, finiit. Secundæ enim res (ut quidam ait) acrioribus stimulis animum explorant, quia miseriæ tolerantur, felicitate corrumpimur. Quid si idē & mihi, idem qui profiteor vitæ genus, contingat? Hæc quidem in pontificatus deprecationē multis verbis allegabat

gabat Amadeus. Sed Bolonierii, qui Cancellarii apud eum fungebatur munere, & legatorum, quos Mediolani dux Philippus miserat, cedens tandem rationibus, liberorumque suorum (qui in magna felicitatis suæ ponebant parte, quod patrem suum, singulari suo merito ad id fastigii pervenisse gloriari possent) victus precibus, mutato consilio, in patrum concilii potestate futurum se dixit. Quibus verbis electione comprobata, pontificii protinus ei pontificiam induto vestem à legatis (ita enim facere iussi erant) delati exhibitique sunt honores. Ipse paulo post ditionum suarum nobilitate universa comitante, Basileam proficiscitur. In quam urbem, deducuntibus cardinalibus, archiepiscopis, episcopis, abbatibus, præsulibusque reliquis, & qui consilii illius causa eo venerant, theologis, jurisconsultisq; omnibus, ut venit (& quidem in tanta utriusque sexus omnis dignitatis & omnis ætatis hominum, qui ex omnibus Christiani orbis partibus ad rei novitatem accurrerant, frequentia, ut plurimi conferta multitudo oppressi interirent) sacris per dierum aliquot, juxta receptum in ecclesia morem, intervalla, gradatim initiatur, episcopali inde (ceremoniis solennitatibusq; quibus ad eam rem, uti consuetum est, interven-

nien-

nientibus omnibus) insignitus dignitate,
 ad exstructum ex adverso ædis ejus urbis
 primariæ theatrum, latus utrinque car-
 dinalibus diaconis duobus cludentibus,
 deducitur. Ibi postquam assedisset, qui
 ad dextram erat cardinalis pontificium
 sacro vertici galorum, episcopali prius
 per eum qui lævam cinxerat, sublato,
 imponit: purpuratis reliquis cæteroque
 clero cum ministerio aulico omni in ec-
 clesiastico decentique habitu atque cul-
 tu utrimque circumstantibus, inconti-
 ta hominum reliqua multitudine festis
 vocibus acclamante, & fausta lætaque o-
 mnia novo pontifici imprecante. Inde
 eodem illo cardinali, qui sacra tiara ca-
 put Amadeo cinxerat, alteroque pontifi-
 cias de more pro suggestu venias, illo
 Latinis, vernaculis verbis hoc, publican-
 tibus, ad Dominicanorum sodalium æ-
 dem solemnè pontificaliue pompa Pon-
 tifex novus deducitur, comitantibus
 quotquot concilio intererant proceribus,
 qui equites omnes iter hoc peregere.
 Ordo autem comitatus erat talis: Primi
 equitabant qui cardinalibus præferri so-
 litas gerebant peras, domesticique eorum
 cæteri: hos pontificii sequebantur mini-
 stri (inter quos qui à cubiculis Pontifici
 erant, peras gestabant rubras) & hos
 cardinalium propinqui affinesque. Ho-
 rum

rum proxime premere vestigia duodecim ex eorum numero, quibus equorum commissa cura (Angarios vulgo vocant) rubro singuli vexillulo, in quo pontificia videre erat insignia conspiciui. Pone hos Basiliensis urbis magistratus, signiferque ibant: quem ex sodalitia Teutonorum equitum quidam, sodalitiis ipsius gestans insignia, crucem nimirum nigram in argenteo scuto, sequebatur: & hunc Sabaudicæ nobilitatis non postremus, vexillum pontificium Sabaudicis permixtum insignibus, præferens: infra hunc adequitare is cui sodalitiis equitum Hierosolymitanorum vexillum gestandi demandata erat provincia. Horum signiferorum, quibus vehebantur equi phalerati erant, ipsi autem, galea dempta, cataphracti omnes, & paludamento serico, in quo sua cujusque videre erat insignia, conspiciui. Post signiferos duodecim generosissimi albentes phalerisque insignes & regio instrati ornatu ibant equi, quibus ex coccineo serico frontalia fimbriis auro intextis purpuraque distinctis erant: quatuor inde nobiles scutati, coccinum singuli galerum summo baculo præferebant. Horum vestigium continuum sequebantur cubicularii pontificii; & hos principum legati nobilitasque Romana omnis, quos subdiaconus Apostoli-

stolicus pontificiam ferens crucem, sequebatur, cui apparitores virgis caduceoque insignes aderant duo. Post hos ex iis qui Pontifici maxime erant intimi duodecim, rubro omnes vestitu facem singuli albam, duo alii argenteam singuli lucernam cum suo lumine sacrae venerandaque hostiæ (quæ ab asturcone albo sub umbella, quam circumdederant aulaa purpura auroque fulgentia, & pontificiis decorata insignibus, gestabatur) præferebant. Pone hostiam ibat sacrista: & post eum illi, quibus concilii patres pro librariis amanuensibusque (secretarios vulgus appellat) utebantur. Erat inter hos Æneas Sylvius, is cuius paulo ante meminimus. Proximum his agmen, confistorii pontificii advocati cantoresque, & scripturarii, sive actorum conscriptores, & qui à rationibus erant. Hos sequebantur subdiaconi duo, Græcus Latinusque. Instratis post hos equitabant equis Archiepiscopi, Episcopi, abbates & Ecclesiastici præsules reliqui, quos proxime cardinales, & hos ipsiusmet tandem exiguo intervallo, Pontifex equo albo, & regio coccinoque ornatu instrato sublimis sequebantur, subeuntibus gestantibusque vicissim umbraculum octo ex proceribus. Ingens dextra lævaque Pontificem nobilium armatorum ad

corporis custodiam delectus comitabatur numerus. Post hos designator hospitiorum curiæ (marschallum appellant) missilia, ubi conferti maxime homines (omnis enim civitas ad excipiendū spectandumque novum Pontificem effusa erat) jacere & quidem ad arcendā, quæ circumstabat multitudinem, ne gradienti Pontifici impedimento esset, procullius. Ultimi ibant qui ex Germania, Gallia, Italia, Hispania, & Sabaudia magno venerāt numero viri nobiles. Ædem Dominicanorū sodaliū ingressus Pontifex, ubi populo qui accurrerat bene fuisset precatus, cardinalibus proceribusque cæteris pedes osculandos præbuit, deinde sumptuosissimo epulo omnes splendide, & pro pontificia dignitate opipare in Basiliensis præsulis ædibus excepit. Magistratibus inde ministrisque curiæ suæ constitutis, viros aliquot graves, doctos & sanctitatis opinione claros celebresque in cardinalium allegit collegiū. Erat inter hos Ioannes monachus Dominicanus, vir concionibus publice habitis conspicuus, qui paulo post decessit; & celebris ille Decretorum doctor Panormitanus, qui à Pontifice Eugenio Basileani legatus missus, quæ pro jure ejus confirmando allegaturus erat decreta, canonesque iis ipsis, qua valebat eruditio-

ditione, gratiaque, adversus eum, infam
 nundinatione usus est: sed hic catdina-
 latu tandem abdicare se coactus, in pa-
 triam suam inglorius rediit. Amadeus
 quoque Thalarius Lugdunensis archipræ-
 sul, Ludovicus Romanus, & Ludovicus
 Allemanus archipræsul Arlesius (admi-
 randæ pietatis eruditionisque viri om-
 nes, adeo ut postremus miraculis quo-
 que mortuus inclaruerit) purpureo do-
 nati fuere galero: sed non diu admo-
 dum, fato paulo post sublatis, priores duo
 eo usi sunt. Plerique fuere tum præsules,
 quos Eugenium deseruisse graviter do-
 luit pœnituitque, eos supplices sibi in-
 gratiam secum redire passus ille est, hu-
 manissimeque habuit. Divisa scissaque
 hunc in modum detestando schismate
 (quod septimum & vicesimum fuit) cum
 non levi orbis totius Christiani incom-
 modo sacrosancta ecclesia, Galli primo
 Helvetique Felici favere; cum quibus
 conspirare Mediolani dux, Sabaudi, Pe-
 demontani, Neapolitani que. At ab Euge-
 nio potior nihilominus Italiæ stabat pars:
 Veneti in primis (qui Eugenio cive glo-
 riabantur) Florentiniq; & Thuscia qua-
 si universa, pro qua grave longumque
 cum Mediolanensi duce & Hispano rege
 bellum Eugenius gesserat. Burgundiæ
 quoque dux Philippus solus inter Gal-

lia procures (ex Felicis uxoris fratre genitus licet) Eugenio adhærebat, dissidio quodam , quod cum Felice illi olim intercesserat (dum cœptum ob Beaujoloisium dominatum , cum Borbonio duce bellum Felix trahit, & lentius segniusque, ambos in gratiam inter se reducendi cupidus, administrat) motus. Huic principi quia magnæ tum opes , magnæque erant clientelæ , facile ille reges principesque Christianos cæteros , in suam tandè pertraxit opinionem , Eugenioque adjunxit. In Felicem imperator Fredericus eo nomine tertius primo propendebat : sed eo paulo post deserto , in Eugenio concessit partes. Germani, quia mediis erant animo, neutros se mediosve appellare. Enimvero aliquanto tempore factiones hæ divisionesque Christianum exercuere orbem ; donec Eugenio alios prorsus mores induente, & pro severitate crudelitateque (quibus pessimis vitiis præsulum procerumque animos vehementer à se alienarat) clementiam benevolentiamque prudenter amplectente, tanta protinus animorum facta commutatio est , ut regum principumque & mortalium reliquorum omnium studia erga Felicem prorsus defervescerent. Quod cum Mediolani dux Philippus (qui unus excitatæ illius adversus Eugenum

tragediæ author fuerat) animadvertet, dedecori sibi futurum existimans, si solus animum adversus Eugenium obstinaret, fœderis quod inter Italiæ proceres initum tum, author fuit. Illi fœderi Eugenius quoque pontifex cum subscripsisset, Imola Bononiaque urbes & Flaminia universa ad eum, ex fœderis illius legibus rediere. Quem Bononiensibus tum præfecit (id enim obiter, propter rei novitatem factique atrocitatem, inferendum hic putavi) Balthasarum Offidam, nullis hominem literis, sed vasum astutumque, dolo comprehensum Franciscus Sfortia (fœderis inter Venetos Florentinosque dux) corio ursino recens detractor, vivum insui iussit, manuum membrorumque reliquorum omnium usu illi adempto, sed cibo abunde præbito. Qui vermibus ex recenti illo corio magno enatis numero, paulatim absumptus, & diuturniore simul pædore examinatus vitam misere (lento sublatus morbo) finiit. Sfortiam moverat quod homo crudelis plurimos viros optimos; & in nulla deprehensus noxa, quod res novas eos Bononiæ moliri posse, temere suspicaretur, nulla legum servata forma de medio sustulisset (& inter hos Italorum nobilissimum Antonium Bentivolum, quem per colloquii speciem

comprehenderat) idemque de Sfortia facere constituisset. Crediderim avaritiam savoritæ causam præbuisse, nec quicquid homini huic crudelissimo visum turpe quod esset quæstuosum. Diximus paulo ante, Burgundiæ ducem Philippum solum inter Galliæ proceres Eugenii sequutum partes, cæteris, ut Felicem desererent authorem fuisse. Idem cum & Galliarum regi Carolo ejus nominis septimo persuadere conaretur, perfecit tandem ut pessimæ hujus in ecclesia divisionis regem tædere inciperet, utque cogitationes eo tandem suas convertendas existimaret, ut male inter se concordēs Eugeniū (cujus causam meliorem esse censebat) Felicemque in concordiam reduceret. Cui rei dum non intermisso nocte dieque labore, totus intentus Carolus rex est, crebrasque nunc Romam, nunc Basileam, nunc in Sabaudiam mittit legationes, Eugenium (cui jam Germania omnis, publica ad eum missa legatione, se submiserat) lethalis corripit morbus, ex quo paulo post ætatis anno sexagesimo sexto, pontificatus decimo quinto, & à nato Domino M cccc xlvi. ad vii. cal Martias decedit. In ejus locum Cardinalem omnium suffragiis Nicolao quinto surrogato, Sabaudia dux Ludovicus Felicitis pontificis filius, concordia in eccle-

clesiam invehendæ, tollendique perniciosissimi illius schisinatis cupidus supermodum, ad Galliarum regem Carolum in Bituriges mittit, qui suo illum nomine vehementer obsecraret, rationem aliquam inire ne gravaretur, quo debitus Nicolao pontifici honos, debitumque ab omnibus præstaretur obsequium. Plurimum quippe illi dolebat quod totius illius schismatis causam omnem in unum solumque patrem suum conferri passum videret, & quidem præter meritum ullum familiæ Sabaudicæ, quæ singulari semper observantia Catholicam Romanamque ecclesiam fuerat profecuta. Alatis eodem illo tempore ad Carolum regem de Nicolai pontificis electione literis, quanquam ex senatus sui cōsilio pro supremo sibi subditisque suis Nicolaum habendum decrevisset pastore; non tamen committendum sibi existimavit, ut à cœpto pacificandæ in universum ecclesiæ opere desisteret. Legatos in eam rem Lugdunum mittit, Ludovicumque Sabaudum ducem idem uti faciat, simul ut & Basilea eodem mittatur, sedulo monet. Conveniunt proximo Iulio mense Lugduni præter legatos regios, archipræsul Trevirensis, & quos præsul Coloniensis Saxonizque dux (qui in Galliam sub illud ipsum tempus ad Carolū regem

ejus ipsius negotii causa venerant) misere. Accurrerant quoque à Felice pontifice eodem missi , Ludovicus Allëmanus Arlesii cardinalis & Præpositus Moniovensis. Post varia Lugduni habita colloquia, negotioque in mensem usq; Novembrem extracto, placet tandem ut Genevam omnes se conferant : quo coram cum Felice collocuti, ejusque ex ipsomet mente intellecta , certi quid statuere deinceps possent. Illis ad profectiōē hanc se parantibus, advenere oportune admodum Dunoisii comes à Gallo missus rege, legatique aliquot Angli, qui una cum reliquis, & Archiepiscopo Embrunensi, Malicorneoque regulo , & Massiliensi præfule Siculi regis legato , Genevam omnes abeunt. Cæterum cum eorum quæ Genevæ convenerant, Nicolaus pontifex pacis avidissimus factus certior, missos à regibus principibusq; ad se legatos, cardinaliumq; collegium ad deliberationē adhibuisset : & regū, Galli præsertim filiiq; (cui ante cæteros res ea cordi erat) & principum reliquorum vehementissimis motus inductusque precibus , plura tandem multo quam constituerat, adversario Felix concessisset , pristinam protinus, tenebris summo cum mortalium omnium gaudio pulsas , tranquillitatis faciem Ecclesia recepit. Felix quippe qui

invi-

invitus pontificatum susceperat, Bolo-
merii, hominis animo perfisi & subdo-
li, avaritiam ac libidinem occultantis, &
cardinalium quorundam, quibus cardina-
latu se abdicare durum videbatur (erat
inter hos Panormitanus Abbas) rejectis
rationibus, quibus turpe illi futurum de-
monstrare conabantur, si nulla quæsitum
ambitione, sed ultro absenti à concilii
patribus delatum pontificatum, quena
totos jam annos novem possedisset, de-
poneret; regum se principumque (quo-
rum legati idem ab eo quod à Nicolao
pontifice, contendebant) voluntati per-
misit: & quia ante omnes pristinam ec-
clesiæ faciem tranquillitatemque restitui
cupiebat, concilio Basiliensi (quod pau-
lo ante, veniente cum magna militum in
eas oras manu Ludovico Delphino Viē-
nensi, Caroli Galliarum regis filio, dila-
bentibus præ metu patribus, fuerat solu-
tum) authoritatem omnem abrogat, eo-
que Lausannam translato, postquam cō-
ventum unum (sessionem appellant) ce-
lebrasset, pontificatui tandem in pleno
cardinalium procerumque reliquorum
confessu publice palamque, omnibus qui
aderant vehementer admirantibus, re-
nuntiat, & jus omne quod ad eum ha-
ctenus habuerat, in Nicolaum quintum
Pontificem, cum singulari admiranda-

que abjectione animique submissione transfert. Quam in tanto principe, tot regum procerumque affinitatibus præfulgente, admirati singularem modestiam, concilii illius Lauzannensis præfules, publico cum elogio prosequendum celebrandumque decrevere. Quod in hæc conceptum verba :

Sacrosancta Lauzannensis synodus in spiritu sancto legitime congregata, reverendissimo & carissimo filio Amadeo, pridem Felici Papæ quinto, salutem & omnipotentis Dei benedictionem. Tam maxime de venerabili ecclesia meritus es, ut præsentibus habeant uberrimam tuarum laudum memoriam, futuris quoque tui nominis felix sempiternaque recordatio relinquantur. Tu ad ecclesiam subsidium evocatus quanta unquam fuit persecutione vexata venisti. Tu illi profusa liberalitate, summa industria, exacta diligentia, dedita opera opitulatus es. Tu tandem tranquillam populo Christiano concordiam reddidisti pariter & pacem. Leguntur quã multi qui belli pacisque tempore inservierunt ecclesie, commemorandis per omne sæculum obsequiis : sed personæ causâ, rerum temporisque disparitas supereminentiam meritorum coarguunt. Novit orbis universus sanguinis tui regiam claritatem : vidit & audivit quam continuas solli-

sollicitudines indefinensque certamen, pro
 auctoritate sacrorum generalium conci-
 liorum, & veritate catholica sustinendis
 nobiscum inisti, opulenta quiete abjecta
 retrorsum. Nunc autem dum per tua hu-
 militatis excelsum medium pax in omnes
 Christianos diffunditur; quo te nomine
 nisi zelatorem concordiae, pacisque au-
 thorem appellent? Quas ob res congratu-
 lationibus, promeritisque honoribus per-
 sonam tuam prosequi cupiens hac sacro-
 sancta in spiritu sancto legitime congrega-
 ta synodus, universalem ecclesiam repræ-
 sentans, & inter cetera considerans, quod
 te ipsum parvi facere voluisti ut pacata
 quietaque exaltaretur ecclesia; Te Sabinē-
 sem episcopum, sanctæ Romanæ ecclesiæ
 cardinalem, sedis apostolicæ in terris &
 jurisdictionibus dilectorum ecclesiæ filio-
 rum, nobilium virorum ducis Sabaudie
 & principis Pedemontium, ac Montisfer-
 rati, & Saluciarum marchionum, in co-
 mitatu & territorio Astensi, nec non in
 provincia Lugdunensi citra Sagonam, at-
 que Augustensi, Lauzanensi, Basiliensi,
 Argentineni, Constantiensi, Curienti &
 Sedunensi civitatibus, & diocæsesibus le-
 gatum vicariumque perpetuum facit,
 creat & nominat. Tibique in sancta Dei
 ecclesia primum post Romanum pontifi-
 cem locum pro tempore constituit, confi-

gnat, & decernit: qui quidem tibi ad suam
 presentiam accedenti assurgens, duntaxat
 oris osculum exhibendo. Atque ut altissi-
 mi in terris honoris, quem sola dilectione u-
 niversalis pacis contempsisti, multa mani-
 festaque in tua persona signa remaneant;
 tibi ut habitum, & insignia papalia, dem-
 ptis delatione corporis Christi, annulo pi-
 scatoris, cruce in pedibus, ac umbraculo,
 deferre, ac insigniis ac potestate legati uti,
 quoties te extra terminos tue legationis e-
 gredi contigerit, valeas. Nec non ut in cu-
 ria Romana vel generali concilio persona-
 liter comparere minime tenearis, concedit,
 & indulget per presentes. Datum Lau-
 zanne, & c. septimo calendas Maij, anno à
 nativitate Domini MCCCCXLIX. Præ-
 clarum, herculè, & tali dignum principe
 (cujus actiones omnes cum pietate mo-
 destiaque, & boni publici cura semper
 fuere conjunctæ) elogium, schismate
 omni ea cessione sublato, pristinaque
 Ecclesiæ tranquillitate restituta, Ripal-
 lios ad pristinum vitæ genus Amadeus
 rediit: ubi divinis piisque meditationi-
 bus actionibusque totus intentus, sæculi
 tandem ejus anno (ut plerique opinan-
 tur) quinquagesimo secundo (alii enim,
 quinquagesimo demum nono obiisse
 scribunt) mense Januario, non sine com-
 paratæ sanctitatis opinione decessit, se-
 pul-

pultusque fuit. Felix (inquit Pius secundus Pontifex, cujus sub Æneæ Sylvii nomine paulo ante meminimus) princeps, si senium suum ecclesiasticis titulis non fœdasset. Scribit Amadeum hunc Bodinus, cum de marchionatu Saluciarum cum Delphino contenderet, & sua se voluntate ad Galliæ senatum uterque contulisset, victum fuisse: ac rursus alio judicio anno M cccc. fractum, & omnem causam restituere damnatum. Ab Amadeo hoc statutorum Sabaudicorum, anno sæculi illius tricesimo, mensis Junii die x v i i. libri quinque publici facti sunt, quibus hic præfixus titulus: Nos Amadeus dux Sabaudia, Chablaisii, & Augustæ princeps, marchio in Italia, comes Pedemontium, Gebennesium, Valentinesis, & Diensis, dominusque civitatis Niciæ, & Vercellarum. Author est Paulus Iovius, Philippum Mediolani principem, priorem uxorem securi percussisse, ut Amadei hujus filiam eventu sterilem duceret; non sine dote modo confectis nuptiis; verum, ut soceri societatem promereret, ultro traditis Vercellis.

*De Ludovico altero Sabaudia
Duce.*

Ludovicus Sabaudia dux alter, Amadei ducis primi filius, Genevæ existens comes, & Pedemonti princeps, e-
vecto ad pontificatum patri anno post
natum Dominum M cccc xxxix. suc-
cedit, paternarum virtutum, & pietatis
insignis æmulator, & cui Dei merus a-
morque rebus cæteris omnibus carior
semper fuit. Quibus impulsus, patri, sua
partim sponte, partim ut eorum homi-
num quorum rumore arguebatur in am-
bitionem flexisse, animis eam eximeret
opinionē, in eam rem satis alioqui pro-
penso, sed aliorum consiliis plus æquo
tribuenti, abdicandi pontificatus, Galli
regis ad eam rem usus opera, author (uti
ostēdimus) validissimus fuit. Cui sanctis-
simo ejus proposito cum vehementer
Bolomerius Sabaudia Cancellarius, ho-
mo omni flagitiorum scelerumque cō-
scientia merfus (qui ut erat avaritiæ ex-
trēmæ, per fas nefasque ingentes cum
multorum injuriis coacervarat opes) sui
quæstus causa fuisset adversatus, du-
biumque non esset quin longe ante pon-
tificatui Felix, validus semper spernendis
honoribus, fuisset renuntiaturus, ni ejus
unius obstitissent consilia, gravi succen-
sus

sus ira Ludovicus, statim ut pacificatum fuit, hominem nefarium comprehendi, & eorum quorum accusabatur, palam convictum, in vicinum lacum, ingenti collo ejus alligato saxo (ridente gauden- teque nobilitate universa, cui semper ille fuerat adversatus) postquam ex vinculis caussam dixisset, abiici jubet. Decedente sub hos dies Philippo Maria Mediolani duce, qui Mariam Ludovici sororem uxorem duxerat, cum populus Medio- lanensis Tyrannidis omnisq; primorum civitatis imperii pertæsus, in libertatem se vindicare volens, duodecimviratum in urbe sua, arce funditus everfa, & Phi- lippi ducis, quod avarius crudeliusque imperasset, testamento varie lacerato, in- stituisset (populi scilicet imperium juxta libertatem, paucorum dominationem regiæ libidini propiorem esse ratus) sup- plexque à Frederico ejus nominis tertio imperatore, ingentis ad eum pretii aureo missio scypho (qualem singulis annis mis- surum se promittebat) ut nullius in po- sterum dominatui subiiceretur, petisset (subjerat quippe reipublicæ cura, frustra à Philippo translata, si apud generum ejus relinqueretur) Veneti capta hinc occasione, cum maximis in Mediolanē- sem agrum irruunt copiis, oppidaque ali- quot, inter quæ Placentia, Cremona,

Lau-

Laudum Pompeium, capiunt. Quorum exemplo cum & Fraciscus Sfortia Philippi gener loca quoque aliquot in eodem tractu invasisset, Ludovicus hic ea quoque uti volens occasione, Valentiam, opportunam finitimamque sibi urbem aliasque nonnullas occupat. Cæterum belli quod inter Carolum Galliarum regem eo nomine septimum, & Ludovicum hunc anno sæculi ejus quinquagesimo secundo exortum, & compressum paulo post, variæ feruntur causæ. Graviter molesteque admodum Carolum regem tulisse ajunt nonnulli filii sui Delphini Viennensis à se discessum, qui quod ferocia ætatis, pravisque impulsoribus, Gallia relicta ad Philippum Burgundiæ confugisset ducem, grave adversus Burgundum animo Gallus odium conceperat, eique jufferat denuntiari, non falso (mehercule) vaticinio, quod vulpem in suo foveret sinu, qui ejus olim pullos esset comesturus. Ludovico quoque duci, quod filiam suam Carolam Delphino se haud conscio despondisset, non minus (inquiunt) infestus, annos totos quinque matrimonium hoc variis artibus fuerat demoratus: sed spe ac juvenia properus, diuturniorisque impatiens moræ Delphinus cum Burgundo agit, ad Sabaudum mitteret, qui filiam ejus Carolam, legitimam sibi

sibi (uti aiebat) uxorem , ad se vel tandem mitti postulerent. Missus in Sabaudiam Montaguius regulus , cum adventus sui causam Ludovico duci exposuisset , Carola ei (quod rem æquissimam postuleret) Namurcum ad Delphinum sponsum suum cum ingēti apparatu multoque comitatu traditur abducenda. Exceptam perhonorifice puellam, uxorem protinus eo in oppido Delphinus ducit. Torfit mirabiliter Carolum regem carere , quod in sui contemptum factum id existimabat. Quem itaque Picardiæ bellum illaturus conscriptum habebat militem , ut provinciæ illius oppida aliquot ad Sequanam, Peronam, & Fanū Quintini inter hæc, quæ ex pacificationis Gãdensis legibus Burgundo parebant , per prodicionem clam occuparet, eum ipsum (postquam detectis insidiis, diligenter in omnem partem Burgundus providisset) adversus Sabaudum convertere statuit. Nec alia tam intima illi causâ cur bellū hoc susciperet. quanquam ne temere, & sine causâ susceptum videretur ; Valentiam Confluentiamque , & loca aliquot alia in Mediolanensi sita agro (in quem sibi ducatum jus esse præ se ferebat) quasi ad se pertinentia, sæciali in eam rem misso, tradi sibi postuleret. Ad bellum itaque res jam in Sabaudia cum spectaret, accidit

dit peropportune, ut missus à Pontifice legatus, pacis inter Gallum Anglumque faciendæ causâ, cardinalis Toutevilleus Lugdunum eo ipso tempore veniret. Is enim dissidii illius factus certior, nisi Carolo Ludovicoque inter se in gratiam reductis haud conquievit. Vera quidē sunt, quæ de Delphini ad Burgundum transitione tradunt, qui hujus rei sunt auctores: sed cum sub annuñdemum quinquagesimum sextum eam transitionem factam constans scriptorum omnium sit opinio; fieri non potest ut originem hinc habeat bellum hoc, quod quadriennio ante ceptum restinctumque (ut diximus) fuit. Belleforestus alique, qui historiam hanc ex professo tractarunt, Sabaudum ambigua fide in amicitia regis Galli fuisse, excursionemque in ejus agros fecisse, & hinc Gallo suscipiendi adversus eum belli præbitam occasionem scribunt. Alii, plerosque ex nobilitate Sabaudica, duro imperio habitos (fortassis quod à suscepta de pontificatu deferendo sententia Felicem ejus patrem deducere conati fuissent) apud Gallum ea de re conquestos, Gallumque in eorum gratiam bellum suscepisse affirmant. Sed horum auctores quoniam non omnes sunt, mihi quoque in incerto relictum sit. Robertus Gaguinus Sabaudum in Carolum regem

nonnihil commiffisse, & regem ea propter irritatum (sunt ejus hæc verba) expeditionem adverfum eum suscepiffe refert : fed delicti modum fcribere (inquit) non poffum, quem à fcriptoribus non accepi. Cæterum quod Paradinus fibi videri fcribat, pacis illius conveniffe legibus, ut Delphino Carola Sabaudi filia, Amadeo contra Sabaudi filio Iolanda Galliæ regis filia natu maxima nubèrent; neque id ego affirmaverim: præfertim quod plerique historiographorū Carolæ cum Delphino nuptias in annum demum quinquagefimum sextum aut feptimum incidiffe & Namurcis celebratas fcribant. Ludovici hujus filius fecundo genitus Ludovicus, ducta Carola Ioannis regis Cypri filia unica, cum in Cypri fuceffiffet regnum, à Iacobo Carolæ uxoris fratre notho (ut ferme acerima proximorum odia funt) invifo forori infenfoque, hominē longe fceleftiffimo, Ægypti Sultani auxiliis, regno pulfus fuit, cæfis fugatifque quas Ludovicus equitesque Rhodii subsidio miferant, copiis, Iacobusque tanta potentia subnixus, regnum invafit. De Cypri regni amiffione fcribens alicubi Pius eo nomine pontifex fecundus, post beneficiorum quæ in Carolam reginam (quæ Romana prougerat) contulerat; enumeratio-

nem, hisce tandem sermonem illum finit verbis.

Sed digna Dei ultio, cum nos apud Mantuam conventum ageremus, regesque hortaremur, ut in tutelam religionis assurgerent, neque hinc Turcas, inde Saracenos in Christianos favire permetterent, huius Ludovici pater, qui multa promiserat, inter primos repertus est qui orthodoxa fidei auxilium negavere. Ipse quoque Ludovicus adolescens, cum per Padum navigaret is, essetq; Mantua propinquus, eo in loco ubi Mincius Pado miscetur, haudquaquam dignatus est nos visere, aut nostram benedictionem exposcere: quibus de rebus saepe oratores Sabaudenses alloquuti, eorum facta damnavimus, futurumque diximus, ut in pœnam eorum quæ pater faceret, filius regnū amitteret, frustra q; opem ab alijs peteret quam suus pater negasset ecclesia: sicut postea cum magno religionis damno sequutum est. Crediderim cum Paradino, Ludovicum ducem in mittendis Pio pontifici supplicis segniorem minusq; fuisse obsequentem, quod meminisset adhuc, Pium ante adeptum pontificatum, cum rebus suis minus lautis patri suo Felici pontifici sub Aenæ Sylvii nomine à secretis esse, eo deserto ad Eugenium Pontificem hostem ejus tum capitalera transisse. Ea quip-

quippe humanæ conditionis est fragilitas, ut, quoniam bona malæque non sua natura, sed pro affectu plerunque æstimantur, quæcumque ab eo cui minus bene volumus geruntur proficiscunturve, in odium, iudicium nostrum vertat, & aliorum malefacta, quam ejus optime ab ipso cogitata, probemus magis. Cæterum cum Amadeus Ludovici filius natu maximus patri avoque similimus ad solitarium vitæ genus, quam ad rempublicam, aptior esse videretur, & à bellis molestiisque (patrem in hoc referens) adhorreret; prorsus alia autem longe in filio natu minimo, adolescente decora proceritate, eximia spēs, qui ad gloriam via virtutis grassaretur, apparet indoles, cujus jam specimen aliquod dederat; nobilitatis, procerumque Sabaudicorum omnium animus in Philippum propendere magis cœpit. Illum præ patre fratreque (cujus per ignaviam ætatem agentis, si patri succederet, cervicibus onus impositum iri aiebant, sub quo concideret) amplecti, illum admirari, illū unum observare comitarique, illi, objecta spe principis loci, obsequi: donec advertit Ludovicus pater, forte an quod audierat? qui ut erat valetudine non satis firma, & abdomine gravis, in suspensiones indulgētior, ne quid adversum

se Philippus tandem filius, juvenis potentia promptæ & studio popularium accinctus moliretur, vehementer, vergentibus jam annis suis, metuebat. Alii offensi erga Philippum filium animi causam fuisse ajunt, quod ex equestri ordine duos, ipsi Galloq; regi longe gratissimos, interfici ille jussisset. Ad Galliarum itaque regem Ludovicum ejus nominis undecimum generum suum una cum Amadeo filio, sæculi ejus anno sexagesimo quarto, irarum plenus profectus, querelas ad eum suas, defert. Ille confirmatum oratione sua locerum securum ab ea parte esse jubet: missoque protinus ad Philippum ex domesticis suis quodam primæ nobilitatis juvene, quoniam cum eo communicare quæ vellet, haberet, petit, ad se venire, statim dimittendus, ne gravetur. Nihil subesse mali suspicatus adolescens, ad regem ilico propèrat, à quo, contra datam fidem retineri jussus, in Lochesiam abducitur arcem, ubi biennio toto, cum summo nobilitatis Sabaudicæ procerumque (apud quos patris alienatio amorem auxerat) luctu, captivi instar habitus fuit. Cæterum biennio eodécursu, Ludovicus dux Lugduni, quo Galli regis conveniendi causâ venerat, imperii sui anno vicesimo sexto (neque enim ducis titulo, antequam ad pontifi-

catum

catum eveheretur pater, usus fuit) de-
 dit. Corde ejus in Cælestinorum sacra
 æde (quam adolescens patre iubente eo
 loci exstruxerat) sepulto , corpus Gene-
 vam deportatum Annę uxoris ejus exu-
 viis sociatur. In eadem illa æde epita-
 phium quod infra ascripsimus , illi posi-
 tum fuit. (*tantum*

*Sunt quibus est animus sublimia condere
 Nominis æternique monumenta forent.
 Nō sic illustres Amadeus & hic Ludovicus
 Sabbatia primi constituere duces, (tum
 Ille suum, hic nobis Cælestinenfis hor-
 Insignem topiis pomiferumq; dedit. (tus,
 Alter at hanc posuit tanto adẽ principe na-
 Hic ubi fulgebat regia sella patris. (nores
 Ad quid ea ? ut populis ulla non laude mi-
 Perpetuum canerent hos mernisse decus?
 Nō. sed in hoc solū ut votis penetrare liceret
 Calum, & caliculis thura Sabæa dare.
 O pietas! divū curavit uterq; triumphos,
 Neuter ob id divū de grege pulsus eat.
 Extæ tamen nostri Ludovici hic jure, Ge-
 Ossa ad dilectæ cōjugis ossa jacent. (bennis
 Mille quadringētos annos sex & decies sex
 Claudebat tristis funeris atra dies.
 Subtrahe eo ex numero decies sex, annus e-
 Cælestinenfes hanc subiere domū. (rit quo
 Per hæc ipsa tempora, anno scilicet re-
 stitutæ salutis MCCCCLIII. ad quar-
 tum cal. Iunias, in quem tum diem fe-*

riæ pentecostales incidere, Byzantium, Thraciæ oppidum, ultra Chalcedonem Bithyniæ urbem situm (quod Constantinus magnus à Gallieno, & Pertinace imperatoribus eversum, à fundamentis restauravit, & Constantinopolim de nomine suo voluit appellari) celeberrima illa imperatorum Orientis sedes, à Mahomete eo nomine secundo imperatore Turcico, Georgii Serviæ despotæ ex Maria filia, muliere Christiana, nepore, quinquagesimo quarto obsidionis die, Constantino Palæologo imperatore inter cæteros cæso, cū sempiterno Christiani nominis probro per vim, haud incruentis utrimque certaminibus, expugnatur. Nihil illa victoria fuit crudelius. Quanta enim cædes, & strages promiscui sexus, & ætatis edita sit, quomodo in excelsissimos quosq; eminentissimæ civitatis viros, variis suppliciorum generibus sævitum, quot virgines matronæque (ex quibus Constantini imperatoris vidua filiæque fuere) violatæ, & post violationem per summam crudelitatem dissecatæ, templa quoque quomodo (divorum reliquiis canibus passim objectis) profanata, & quæ alia præterea tum in contemptum Christianæ religionis perpetrata scelera flagitiaque sunt, ne in operis quidem iusti materia, nedum hujus tam alieni ab eo

ab eo argumento, plene satis exprimi potest. Everſo Orientis imperio Mahometes, epicureiſmum amplexus licet, & tam à Mahometiſmo quam à Chriſtianismo, in quo tamen ad annum ætatis uſque xxv. diligenti matris cura perfeveravit, averſus; Mahometicæ blaſphemiæ ibi ſedem fixit. Veriſſime profeſſo Velleius Paterculus, Quemadmodum urbiũ imperiorumque, ita gentium nunc florere, nunc ſeneſcere, nunc interire fortunam dixit. Admiratione dignum, neque myſterio carere videtur, cæptum anno poſt natum ſervatorem ccc xxxiii. Conſtantini imperatoris, Helenæ filii auſpiciis, imperium Conſtantinopolitanum, poſt mille centum viginti & novem annos, imperante ejuſdem nominis Conſtantino, cui ipſi quoque mater Helena nomine, everſum finitumque fuiſſe. Sunt qui avaritiam & ambitionem expugnationi huic cauſſam præbuiſſe ſcribant, dum cives ditiores recusant ulterius contribuere ad alendos & conducendos milites; pauperiores vero jam ſatis exſpoliati ditiorum opibus inhiant; & ex rapto vivunt. Nullum (hercule) unquam Chriſtianis barbarus ille impiusque tyrannus ademittit locum, quo non per Chriſtianorum principum mutua inter ſe diſſidia potitus ille ſit. Quo-

ties enim Christiani principes procereſque concordēs agunt, ſpernitur Turca: ubi diſſenſere, dum ſibi quiſque contra æmuloſ ſubſidium vocant, accitus in partem, adverſum omnes valetſcit. Utinam, utinam, qui rerum nunc per Chriſtianum potiuntur orbem, propius apud animum id vel tandem expendant ſuum, neque diſſidere obſtinati, finitima imperio Turcico loca reliqua, quibus tyrannus ille cum tot armatorum hominum millibus imminere certo dicitur, graviffimum, & morte ipſa crudeliuſ jugum per juges ſuas diſcordias accipere patiantur.

*De Amadeo Sabaudia Duce
tertio.*

NONUS ex hac familia eo nomine Amadeus Sabaudia dux tertiuſ, vir non ſui ſæculi, ſed omniſ ævi ſanctiſſimuſ, optimuſ, ſimpliciſſimuſ, & ſimulationum neſciuſ, nulloque virtutum genere Ludovico patre (cui ſalutis anno MCCCC LXVI. ſuccedit) avoque inferior. at ægro ſemper corpore, & morbo epileptico comitialive ut plurimum obnoxio, par negotiis neque ſupra erat. Cum bello itaque potiora omnia duceret, ſubditis ut de eo deſerendo, alioque ſibi præficiendo cogitarent,

tarent, & consilia subinde inter se conferrent, occasio præbita. Sed constitutis tandem rebus, cum sorore sua Bona (quæ Mediolano Sfortianorum tyrannide pulsa, ad eum confugerat) ad Galliarum anni proxime insequentis mense Augusto profectus regem, humanissime ab eo acceptus fuit. Quin ut quam ejus sibi gratus esset adventus, publice palamque testaretur, solis regibus quando inaugurantur reservata munia, obiri ab eo rex voluit. Quæ res subditos ejus (admonitos, obsequium in principem suum, reverentiam in nomen Gallicum, decus quisque suum & fidem retineret) in officio continuit, & ut nihil adversus eum, tanti principis patrocinio tutum, moliri auderent, fecit. In egenos pauperesque cum supra modum, & ad prodigalitatem usque, auri argentique negligens, esset effusus (adeo ut permagnum quotidie hujusmodi hominum numerum in aula sua aleret) ea de re à proceribus iisq; quorum consilio utebatur, admonitus aliquoties, nullâ arcem, nulla propugnacula, nulla mœnia æque ditiones suas conservare respondit, atque hominum egenorum (qui ipsi Deo curæ) singularem hanc curam. In ea una provinciarum suarum omnium vires roburque, quod nulla queant ex-

pugnare castra, nulla evertere tormenta, consistere. Eos ille homines commilitones suos appellare, eos accurate liberaliterque habere, iis cibum potumque & detractas subinde corpori suo vestes, de sua præbere manu, eorū convicū ac familiaritate gaudere, & propter nonnunquam discumbere. Versis illuc omnium mentibus, cum à legato forte quodam extero, nullos num canes haberet venaricos interrogaretur, ingentem se postridie illi hujusmodi canum numerum ostensurum respondit. Reversum autem ad horam condictam hominem, cum canes nulli apparerent, in proximum abducit triclinium, unde in subjectā aulæ planiciem despectus erat: ibi mensam illi admirabundo oblongam instratam, & ciborum omnis generis refertissimam, accumbentesque ad eam mendicos pauperesque quam plurimos ostendit, atque hisce hominem affatur verbis: Isti, vir amice, canes sunt, quibus in vita hac, cuius brevis incertaque periodus est, cælum ego venor alimenta que expedio, quæ manna omni præstantiora, famem mihi in perpetuum sistant. Ad quæ dicente inter alia legato, 'Inveniri sæpius homines improbos inertesque, qui paupertatem simulent, & mendicando, quam manibus ea quæ ad cultū victum-

que

que suppeditent, parando vivere malint: Nolim tam anxie ista ego inquirere, respondet ad ea dux. Si in actiones enim nostras pari curiositate divinum illud inquirere vellet numen, & quotiescunque à recto deflectimus, dignas de nobis sumere pœnas, neque pro odio gratiam redderet, non (hercule) beneficiorum, quæ tam larga liberalique in nos ille confert manu, tantus esset cymulus. Alia præter hæc complurima in pauperum patrociniū allegante dūce, & variis ea ex Scriptura sacra depromptis confirmante exemplis; cum ejus orationem interpellans legatus, ad paupertatem plures quam ad divitias esse aspiraturos, si omnibus ea mens esset principibus, responderet; Ad sapientiam etiam plures haud dubie, subinfert protinus dux, aspirarent. Divitiarum quippe opumque quemadmodum superbia, fastus, luxus, insolentia, temeritas, stultitia, injuriarum illatio, iniquitas, rapinæ, scelerum denique omnium impunitas commites plerunque esse solent: ita è contra sapientiam, sobrietatem, æquitatem, justitiam, simplicitatem, rerum præclararum meditationem, modestiam denique, innocentiamque, & virtutes cæteras omnes, in paupertatis comitatu invenire est. Hæc de paupertate præclara Amadei

du-

ducis fuit opinio. Morbum, molestissimū
licet continuumque, tulit patientissime ;
adeo ut qui consolandi confirmandique
ejus caussa ad eum quotidie ventitabant
procures , eos ipsemet consolaretur , &
multis præclarisque rationibus ad paciē-
tiam hortaretur. Deum nunquam nobis
viciniorē esse demonstrans , quam
cum maxime variis corpus hoc exercet
cruciatibus : nullaque remedia, quæ ani-
mę vulneribus curandis adhibentur, tam
facere dolorem, quam quæ maxime
sunt salutaria. Diu eo morbo excrucia-
tus , Aureliæ ex alvi tandem profluvio,
sub Iunii mensis exitum sæculi ejus an-
no septuagesimo primo , vivendi finem
fecit, cælestemque animam cælo reddi-
dit, Philiberto filio successore relicto. Di-
gnus (hercule) princeps cujus pia præ-
claraque facta atq; famam nominis, cum
laude & bonis recordationibus posterī
prosequantur. Sunt qui miraculis sepul-
chrum ejus claruisse scribant. Author
Platina est, cum Paulo pontifice Roma-
no Italiæ universæ pacem procurante,
dubitarent multi num Amadeus hic ejus-
que frater Philippus, Bressæ tum comes,
qui eo anno Venetorum stipendiis mili-
taverat, extra pacis illius leges essent ha-
bendi ; Galeacium Mediolani ducem,
petentibus Venetis , ut inter fæderatos
Phi-

Philippus quoque censeretur, negasse id fieri posse; dixisse enim (verba sunt Platinæ) nunquam se pro amico, & socio habiturum, quem rex Francorum hostem haberet. Verum tantum (inquit) valuit Paulus blanditiis, & pollicitationibus, ut legatum Galeacii contra principis sui decretum, in sententiam suam traheret. Ob quam rem iratus Galeacius, & Laurentium Pifaurenses legatum suum exilio multavit, & Sabaudienses ita bello vexavit, ut pacem exposcere cogeret, quæ quidem ex arbitrio regis Franciæ, ad reginæ, & uxoris Galeatii (quæ Sabaudi ducis erant sorores) preces composita paulo post fuit. Miror unde Franciæ regem, Amadeum Philippumve hostem habuisse dicat Platina, cum neminem legerim hactenus qui dissidii hujus meminerit.

De Philiberto Sabaudia Duce quarto.

Philibertus ejus nominis primus, Sabaudia dux quartus, Amadeo duci tertio patri, infans adhuc, ætatis anno quarto, Domini vero M cccc lxxi. succedit, sub Iolandæ matris, mulieris longe prudentissimæ (quæ Ludovici undecimi Galliarum regis soror erat, quæq; diligentem admodum decennio fere toto, Genevæ præsulis defuncti,

ma-

mariti sui fratris, usa consilio, pueri curam gessit) existens tutela: ad quam ipsam hinc Galliarum rex Ludovicus Iolanda frater, illinc Carolus Burgundia dux, ducum sui sæculi longe potentissimus factiosissimusque, & Sabaudicæ genti per varias affinitates innexus, contrariis prorsus inter se animis principes, modis omnibus, aspirabant, attraxerantque in partes suas, ille Philippum Sabaudum Bressæ, hic Iacobum Sabaudum (sui postea fundi calamitatē) Rhomontii comites, & infantis ipsius patruos: dissimulante interim prudenter admodum ipsa Iolanda, & paribus eorum viribus parique potentiæ, parem prorsus voluntatem tribuente, donec tandem, Caroli rebus versis (felicem earum hætenus successum, sive ipsius perturbatione, sive errore aliquo, sive fortuna interpellante) amisso ad Granstonium prælio (quo supra trigesies centena coronatorum millia illi deperiere) Carolum (in quem alioqui, cum Ioanne Ludovico Genevensi præsule, magis at clam, propendere visa fuit) aversari & unacum Renato Sicilia rege Galeacioque Mediolanensi duce, proceribusque aliis quamplurimis Burgundo hætenus confederatis, mutato cum fortuna animo, Ludovici Regis fratris sui partes sequi cœpit.

cœpit. Quod cum Burgundus, secundo jam ad Moratum seu Mureium, altero & vi cesimo à Granstoniensi pugna die, fractus prælio, haud difficulter animadverteret, simulque quantum rebus viribusque suis (vehementer jam duobus illis adversis præliis imminutis) si Sabauda se liberosque in fratris sui daret clientelam, esset decessurum; comprehensam ex Genevensis præsulis Rhomontique comitis fratrum consilio Iolandam, custodiisque asservatam, in Burgundiam cum ministerio suo omni abduci, & in arce Rouveresia imperat asservari. Verum Philibertum ducem cum suæ quoque una cum matre potestatis factum crederet, falsum se insigni custodū pueri fide intellexit, qui statim ut quid Burgundus moliretur sensere, sublatum ex Burgundorum conspectu puerum, Camerinum (ubi sine periculo ullo illi esse licebat) transferunt. Eo autem Camerini existente, accurrit eodem protinus Genevæ præsul, homo inconstans, & cui præter episcopalem gravitatem pessima & immodica erat cupiditas. Cujus indolem cum perspectam haberet Ludovicus rex, animum ejus per quendam ex sodalitiis Rhodii præfectis (Commendatorem appellant) cui plurimum deferre solitus ille erat, expugnat. Eo inciente,

Burgundum, turpe in servitiū mutatus, deserit, Philibertumque puerum, ejusque fraterculum Carolum (quem Protonotarium appellatum, una cum matre in Burgundiam abductum, Paulus Æmylius author est) & simul Camerinum, & Montmelianum arces regi in potestatem tradit, locumque in quo Sabaudæ thesaurus mundusque muliebris omnis asservabatur capit, sibi que retinet. Graviter admodum eam tulit injuriam Burgundus, præsertim quod eo bello quod in Rhomontii comitis (cui Genevensis frater erat) suscepisset gratiam, tantas accepisset clades. Quo ipso bello infami tandem Nicolai Campobachii hominis longe sceleratissimi proditione (ut ferme intuta sunt adversa) ad Nanceium cecidit. Potuisset (Hercule) salvus esse, si quanta illi nobilitas, & fortuna fuit, tanta rerum prosperarum moderatio fuisset, & iis qui ejus sacramentum cunctis circa hostilibus, non exuerant, quiq; ejus illum proditionis admonuerant (quod & Ludovicus etiam undecimus Galliæ fecerat rex) fidem habuisset. Sed prævaluerant jam fata consiliis, omnemque animi ejus aciem præstrinxerant. Negabat itaque se credere, spemque in se benevolentiae ex merito aestimare profitebatur. Quippe ita se res habet (inquit eleganter quidam)

dam) ut plerunque qui fortunam mutaturus est Deus, consilia corrumpat, efficiatque, quod miserrimum est, ut, quod accidit, id etiam merito accidisse videatur, & casus in culpam transeat. In Rouverea arce captivæ instar detenta Sabauda; quanquam, quantum Ludovico regi fratri suo homini omnium vaferriimo, cum quo jamdudum nonnihil illi dissidii intercesserat; tribuendum fidendumque esset, non ignorabat; avida tamen libertatis & videndorum liberorum, metu omni posito, nobilem quendam Pedemontanum (Riveroto cui nomen) juvenem circumspectum cautumque; Lugdunum ad fratrem suum clam mittit, oratque obnixissime, sui liberandi rationem aliquâ inire ne gravetur. Ad ea rex, quanquam cum sorore sua Iolanda non prorsus sibi conveniret, non propterea tamen ejus se causam neglecturum respondet, sed missurum propediem qui in Galliam eam adducat, Carolum Amboisium Chaulmontii regulum, & Campaniæ præfectum, summæ nobilitatis virum. Facit quod promiserat rex; missusque cum nonnullo milite Amboisius, facto sine maleficio ullo per Burgundi ditiones itinere, abductam ex Rouveresia arce (quod illi factu facile, quod negligentius illa custodiebatur).

cum ancillarum ministrorumque comitatu omni Sabaudam, in proximū Galli regis imperio parentem transfert locum. Turones jam Lugduno sororem ibi suā opetiturus Ludovicus rex venerat: ubi postquam hospitia publica illi decrevisset, & nobilissimum quemque honoris causā, in ejus urbi jam appropinquantis misisset occursum, ipsemet tandem ad urbis portas progressus advenientem humanissime cum omni comitatu excipit, Salve, inquit, Burgundiæ domina. Quod cum jocosè ab eo sibi obiici facile ex ejus illa vultu animadverteret, Imo Franca prorsus, domine, & jussis tuis obsequi paratissima famula; respondet. Abductam inde in hospitium, honorificentissime liberalissimeque tractari rex jussit. Cæterum in ingeniis, haud diversis, haud quoque diversa erant desideria. Ille diuturniorem mulieris consuetudinem averfabatur; hæc ut quam citissime in Sabaudiam fratris impotenti dominatu liberata, cum liberis suis remeare posset, vehementer cupiebat. Moribus enim inter se (inquieti uterque animi) optime quoniam congruebant, alterius alter indolem ex sua metiri, actionesque omnes habere semper suspectas, & raros idcirco quærere congressus, fieri inter eos uti solet, qui amorem simulantes affectu nullo

nullo ducuntur. Rex itaque ut quæ sorori ejusque pedissequis munera dare constituerat, quam citissime apparerentur, utque quæ faciendis in domuitione ejus sumptibus sufficeret, pecunia, in numerato esset, diligenter providit. Quod autem inter se injere tum fœdus, in tabulas publicas in posterorum gratiam referri rex voluit. Petierat quidem inter cætera ab ea rex, ut quæ inter filias ejus, & Castelli Guyonii regulum Rothelini-que marchionem convenerant matrimonia, ea (quoniam Burgundo uterque favere) haud procedere pateretur. Verum in sua id potestate constitutum illa negante, quod filias suas animum ea in re obstinasse diceret, molestus illi amplius rex haud fuit. Sed octiduo apud se retentam, latamque receptis liberis, lætus ipse cum lectissimo comitatu, post firmatam jurejurando utrimque amicitiam, dimittit. Mansit fraternus ab eo tempore inter eos amor; maxime cum petenti, ut Philibertum filium suum, à nobili quodam ex Delphinatu viro (quæ Luisii appellabant dynastam) institui, & in Gallicos formati mores pateretur, quo Gallico à puero imbutus idiomate moribusque, necessitudine quoque amicitiaque Gallico paulatim nomini illigaretur, Sabauda eam rem haud abnuisset. Quæ

quam ne sic quidem regio, in suspensiones plus æquo semper prono, satisfactum animo. Cum enim nobilium aliquot Sabaudorum conatus eo tendere certo sibi persuasisset, ut pulso Luifio, adolescentis in se curam transferrent, ut eo se metu liberaret, suæ adolescentem potestatis facere constituit. Qua in re Bressæ, Chamberi & Myolansî comitum (quibus plurimum semper tribuerat) usus opera consilioque, Gratianopolim Taurino Philibertus, Argentorio regulo (quem per speciem inferendi comitibus antedictis belli, quasi hi Luifium juventæ pueri moderatorem comprehendere in animo habuissent, in eas oras Ludovicus miserat) procurante abductus fuit. Inde cum Blacam Mariam Mediolanensem, Galeacii Vicecomitis, & Mediolani ducis filiam puer adhuc, ætate sibi parem puellam uxorem duxisset, generi in se curam Galeacius suscipit, & in ducatus, propter pueri ætatem, administratione, in principum quorundam potentissimorum eam ad se prava æmulatione certatim trahentium magna licet contentione, aliquanto tempore fuit. Summa cum laude gloriaque eo munere Mediolanensis functus est, detectaque singulari suâ cura (cum eius unius tum vigiliis niteretur, ne quod respublica Sabaudica detrimentum caperet)

caperet) quam adversus puerum Ioannes Ludovicus episcopus Genevensis, ejus patruus (qui turbidus miscendis seditionibus, per summam perfidiam fraudemque ducatum invadere, & puerum capere constituerat) moliebatur, conjuratione, & oppresso captoque Vercellis præfule (haud perinde instruendo bello intento, quam frequente ciendis tumultibus) Taurinumque in custodiam abducto, imminensem puero perniciem prudenter avertit. Verum adversus infidi patruī fraudes, soceri diligentia (à quo multa comitate in speciem liberum cultus fuit) tutus infelix adolescens, vixdum exacto ab ea conjuratione anno, dum Carolum Galliae eo nomine octavum regem amitæ suæ filium Lugduni invisit, improvisa morte sæculi ejus anno octuagesimo primo, postquam vitæ annos decem & quatuor, potentia decem explevisset, non diu admodum cum morbo conflictatus, non sine præbiti ab iis, qui captivi præfulis causæ patrocinebantur, veneni suspitione, indiciiisque manifestis, sublatus fuit, cum summo finitimorum principum omnium subditorumque suorum (quod summa in eo morum dulcedo ac suavitas, & adversus amicos æqua, & par sui in ea ætate æstimatio inimitabilis esset,

luctu. Sed optima quæque rapere solita mors, ostensum tantum terris juvenem optimum, ultra esse passa non est. Mortem ejus dirus, qui sub illos ipsos dies apparuit, prænuntiare visus est cometes, quem periti cœlestium, regis principisve mutationem plerumque portendere existimant. Illi succedit improbi Carolus frater.

De Carolo Sabaudia Duce eo nomine primo.

CAROLUS eo nomine primus, Sabaudia dux quintus, Philiberti ducis (cui anno post natum Dominum MCCCCLXXXI. successit) frater protonotarius Sabaudicus appellatus hætenus, omnibus belli ac rogæ dotibus eminentissimus sui sæculi princeps, tantis animi corporisque præditus fuit donis, virtutis ea indole, ea in Deum pietate, eo corporis robore, ut inter reliquos qui eum antecessere Sabaudia duces, optimos licet illos, unus velut inter ignes luna minores, emineret: sed fato malo (quod optimos inter nos diurnare haud finit) in ipso ætatis fortunæque flore, cum annos nondum totos septem ducatus præfuiſſet, victoriis aliquot jam clarus, sæculi ejus anno octuagesimo octavo rebus humanis creptus, quam de se apud omnis ordinis

dinis homines princeps optimus concitaret expectationem, explere non potuit. Veneni à Ludovico marchione Salussiano clam procurati suspicio erat, incerta tamen. Hunc enim optimum aliqui principem, & in quo morum suavitas erat admiranda, multus lepos, gravi persecutus bello, quod quam Sabaudiae principibus ejus majores ditionum suarum intuitu, detulissent semper clientelam obsequiumque, illi denegasset, victum tandem & bonis fortunisque omnibus (quas mortuo Carolo duce, & postquam triennio integro iis caruisset, Mediolani ducis, quem ipsum una cum Carolo adversarium quoque habuerat, beneficio recepit) tanquam laesae majestatis reum exuerat, & eo redegerat miseriarum, ut nemo esset mortalium quem ejus non miseretur. Cæterum quia cum duobus longe potentissimis principibus illi res erat, non fuit mortalium quisquam qui inopem, & incertis vagantem sedibus, aut tecto recipere, aut auxilio sublevare auderet. Dolebant vehementer viri boni omnes, optimos, & moribus inter se congruentissimos principes, tam infestis inter se animis, quasi in mutuam conjurassent perniciem, bellum gerere. Credibile est, gravius exarsisse Sabaudum quod à Salussiano, ætatem suam, quasi tanto im-

parem oneri, sperni sibi persuasisset. Quæ ipsa tamen ditionum suarum fines protulit, & Gabienses (Vagenos Silius appellat) alpes Ligurinas incolentem, populum ferocem admodum superbumque vicit, domuit, & sibi parere coëgit.

De Carolo ejus nominis secundo

Sabaudia Duce.

CAROLO primo Carolus ejus nominis secundus filius (quem Ioannem Emanuellem nonnulli, alii Ioannem Carolum appellant) anno salutis humanæ octuagesimo octavo supra millesimum, & quadringentesimum succedit, infans adhuc, & ætatis anno primo nondum completo. In ducatus procuratione propter ejus ætatem manente, matre ejus Elanca femina longe vigilantissima. Quæ Philippi Sabaudi Bressiæ comitis principis sapientissimi, Delphinatusque Caroli regis (apud quem æquabili auctoritate, & gratia vixit) jussu præfecti, consilio usa semper, & authoritate tuta, optime ea administratione, subditorum nemini gravis, molestave functa fuit, & eorum qui libidine atque avaritia, & mutandi dominatus amore impulsæ, infantis sprete ætate, novis moliendis rebus animos habebant intentos (quibus ut formidabilem, ita bonis se præbebat facilem

lem affabilemque) consilia facile discus-
sit elusitque, præsertim cum diligenter
admodum ratione, consilio, præceptis
pueritiam ejus foveret, provideretque ut
ad pietatem ante omnia ab infantia ex-
erceretur, utque hominibus vitiosis, &
voluptatum administris (qui principum,
quorum tenera adhuc ætas, depravan-
dis animis, vitiorum scelerumque im-
punitate proposita, operam omnem, cum
non levi reipublicæ damno impendere
solent) nullus ad eum, donec juventæ
lubricum exiret, pateret accessus. Profi-
cipientem sub hæc tempora sæculi illius
anno MCCCCXCIV, in Apuliam Carol-
um ejus nominis Galliæ regem octa-
vum, Neapolitani nimirum regni oppu-
gnandi causâ, & per Sabaudicæ fines iter
facientem regio prorsus Blanca appara-
tu, purpura auroque, & unionibus ipsa
insignis excepit atque prosecuta est, e-
quoque (cui Sabaudò inditum nomen)
generosissimo, quo Neapolitano illo
usus bello, variis gravibusque periculis
ereptus ille fuit, donavit. Quin auro ar-
gentoque (qui belli nervus) destituto re-
gi (cunctis admirantibus mortalibus
quod rebus omnibus imparatus tam lon-
ginquam atque difficilem expeditionem
bellumq; non necessarium, cujus non in-
felix tamen fuit successus, suscipere fuisset

ausus) quicquid in ornamentis esset , contulit , graviter sibi dolere quæsta quod majore eum subsidio juvare haud posset. Decessit admodum juvenis Carolus dux , fortunæ , in quam alebatur capax , & in omnium virtutum exempla genitus , ducatus (cujus habenas eo mortuo Philippus Bressæ comes suscepit) anno septimo , Domini vero M cccc xcv.

De Philippo eo nomine secundo.

Philippus ejus nominis secundus Sabaudia dux septimus , sine terra antea dictus , quod ex paterna hæreditate pars minima , Bressanus nimirum comitatus , ad eum tanquam natu minimum , pervenisset , Ludovici & Amadæi octavi ducum , illius filius , hujus nepos , gentile anno M cccc xcv. Carolo secundo duce fatis sublato , ætate prope confecta , imperium accipit , vir gravis , & sapiens , & demerendis hominibus genitus. Cui quod prælio strenuus , & consilio bonus esset , feliciter plerunque , quæcunque moliretur , succedere solebant. Sed ejus quoniam amplior à nobis alibi facta mentio , breviores hic erimus. Pro Carolo Burgundiæ duce aliquandiu cum stetit , Gallia tandem regis , à quo maximis affectus beneficiis , divi Michaelis equitum sodalicio ascriptus , & magnus

tandem supremusque Franciæ factus fuit
magister (qui comes Palatinus olim, de-
inde Franciæ Seneschallus dictus fuit ma-
gistratus) partes inter abruptam contu-
maciam, & deforme obsequium, con-
stanter sequutus est. Supremum sæculi
ejus anno *xcvii*. Camerini obiit diem,
postquam annum, & menses sex ducatu
præfuisse, & Philibertum filium re-
liquit successorem. Nonnulli veneno sub-
latum autumant. Componendis regum
principumque, Italogum præsertim, dis-
sidiis plurimam semper princeps opti-
mus, & persuadendi callidus; operam
navasse, neque periculum sumptusve ul-
los in provectiore etiam ætate, ejus rei
promovendæ causâ defugisse scribitur,
præsertim cum plerique eum judicem
poscerent. Summa apud Ludovicum e-
jus nominis undecimum, at major (uti
diximus) apud Carolum octavum Gal-
liæ reges ejus fuit autoritas. Neapolita-
num enim gesturus bellum Carolus, Ge-
nuam eum Bressæ adhuc tum comitem
cum exercitu misit, ut ne quis per absen-
tiæ suæ occasionem à Genuensibus mo-
rus exoriretur, provideret, utque nova-
rum rerum avidum semper populū illum
in officio contineret. Pulso, dum in eo
itinere Carolus rex est, Florentia per se-
ditionem Laurentio Medice civitatis fa-
miliæ-

miliarque suæ (qua vix ulla per Europam
tum opulentior florentiorque) facile
principe; reditum illi ad suos & ad pri-
stinum magistratum à Carolo rege im-
petrayit; sed ut quam perdiderat pretio-
sissimam, & regia haud inferiorem su-
pellectilem (quam tumultus haud dubie
originem, avaritia sævitæ causam præ-
bente, seditionis authores involarant)
reciperet, id equidem in ejus haud fuit
potestate. Videbat (mehercule) vir lon-
ge optimus, qua animi erat sagacitate,
hominum quorundam (quorum magna
apud reges principesque est autoritas)
aut inscitia ignorantiave, aut supina ni-
mis oscitantia, maximas non solum in-
terdum rei bene gerendæ deperire oc-
casionēs, sed graves clades calamitates-
que provinciis optime aliqui constitu-
tis importari, quæ, si quod possunt de-
bentque, illi vellent præstare, facili nego-
tio cum summo reipublicæ fructu com-
modoque averti, populusque in officio
contineri posset. Quod ipsum verum de-
mum eorum, qui in principum versan-
tur aulis, munus est.

*De Philiberto Duce eo nomine
secundo.*

BReve Philippi ducis fuit imperium,
quod filius ejus Philibertus, ejus no-
minis

minis secundus, Pulcher à decenti elegantique corporis constitutione dictus, anno restitutæ salutis MCCCCXCVII, excepit. In Ludovici undecimi Galliarum regis (qui amitam ejus Carolam uxorem duxerat) aula unâ cum Carolo octavo Ludovici regis filio (quem bello Neapolitano fuit sequutus) eductus educatusque, animi ornamentis omnibus non minus quam corporis excelluit, usque adeo ut antecessorum suorum nemini quicquam in ullo virtutum genere concederet; neque princeps esset ullus qui civitates tam bene haberet moratas constitutasque, subditumque sibi populum (peccantibus, quatenus exemplo non nocebatur, ignoscendo, agendoque medium, plurima dissimulantis, aliqua inhibentis, & conscienciæ magis quam famæ consulendo) clementius tractaret, nemo, conciliandis parandisque regum atque principum finitimorum animis aptior. Ludovico Galliarum rege ejus nominis duodecimo, bellum in Mediolanensi gerente ducatu, equites cataphractos optime armatos ducentos in auxilium ejus, prima etiamnum florescente juvenia adduxit. Quo præclaro facto, Galli regis animum vehementer sibi devinxit. Philippus archidux Austriæ ex Hispania ea tempestate, salutis nimirum

anno

anno MDIII redux, postquam Lugdunum se contulisset (ubi pax inter Francos Hispanosque, Cæsarem & archiducem ipsum eorumque confæderatos sociosque promulgata fuit) in Sebusianos, inde ad Margaretam sororem suam, Philiberti hujus uxorem invensendam profectus fuit, & ab utroque honorificentissime exceptus dimissusque in Belgium rediit. Decessit tandem Pontdeini Philibertus eo ipso in cubiculo in quo natus fuerat, sæculi ejus anno quarto (qui annus mortalium puniendis peccatis à Deo, uti plerique opinabantur, constitutus, plurimis propter aëris intemperiem, & optimo cuique fatalis fuit, ad v. idus Septemb. haud multum viginti quinque annos egressus, imperii anno circiter sexto. Præreptus immature, & fructu gratissimæ conjugis societatis, & consummatione evectæ in altissimum paternumque fastigium imaginis defectus est. Admirandæ eo mortuo in Margareta Austriacæ ejus uxore constantiæ patientiæque apparuere exempla. amisso enim viro, & juvene admodum, & quo, ut author Paradinus, neque ditio-rem potentio-remque principem Sabaudia (ad acceptas quippe à majoribus provincias proventum annuum duodecim ducatorum millium, quæ Mediolanensis pen-
debat

debat ducatus, adjecerat) neq; pulchriorem sol eo tempore aspexit, acerbissimum eum casum tulit patientissime, iis solummodo procurandis intenta rebus, quæ ad animæ ejus salutem apud Deum promovendam facere posse existimabat. Sunt qui Ludovicum ejus nominis duodecimum Galliarum regem, animo ab eo alieniore factum suspicentur; & quidem in Renati Sabaudi fratris ejus nothi (qui orto fotte inter ipsum, & Philibertum uxoremque ejus Margaretam dissidio, ad Gallum transierat) gratiam. Sepelitur in abbazia quadam, quæ Brouisia vulgo dicta, quam Margareta ejus uxor post ejus excessum, ut voti religionē carissimi mariti socerique manes liberaret, maximis sumptibus exstruxit. Successit defuncto Carolus frater eo nomine tertius, eodem quidem patre cum Philiberto, at non eadem natus matre. Quæ res maximo paulo post bello præbuit occasionem.

De Carolo Duce eo nomine tertio.

CAROLUS ejus nominis tertius Sabaudia dux novus, princeps optimus, atque clementissimus, meliore in omnia ingenio animoque quam fortuna usus, Boni meruit nomen, Philibertoque Pulchro fratri, anno quarto supra millesimum,

num, & quingentesimum, mense Septembri, successit; quo ipso anno & proxime præcedente, grassata per Sabaudiam Delphinatumque gravissima pestis, tantam mortalium edidit stragem, ut mortuorum humandis corporibus agrisque colendis homines deessent. Filius erat Philippi secundi ducis ex uxore altera Claudia Brossefia. Decennio toto, & amplius, tranquillissimus ejus fuit principatus, & is Sabaudia universæ status, ut populus per universam Europam nullus majore quiete, otio, libertateque frueretur; donec anno sæculi ejus decimo sexto, quem pro recuperando ducatu Mediolanensi, Franciscus Angoulemius ex Caroli sorore (cui in Italiam profecturus regni procurationem ille demandavit) natus, ad Gallia tum regnum eveetus, conscripserat militem, eo ipso adversus Helvetios, graves ad Brianconium usq; excursiones facientes, & Delphinatum depopulantes, uti coactus fuit. Gallo enim exercitum in eam expeditionem educenti, & per Sabaudia fines iter facienti, cum auxilia Carolus dux subministrasset, Helvetiorum (qui Chinnaxium, in Pedemontano solo sitam arcem, oppido spoliato, incendere) grave in se odium concitavit, præsertim ob negatum per fines suos transitum commea-

tumque.

tumque. Et ne victis quidem superatis-
 que Helvetiis, Mediolanoq; dedito, con-
 ceptum adversus eum illorum hominum
 odium conquievit, qui genti illi eo bello
 fuerant confederati. Qui graviter admo-
 dum ferebant, quæ Gallo in Sabaudia Pe-
 demontioque patuerant civitates, earum
 portas sibi claudi, Gallumq; magno tor-
 mentorum bellicorum apparatu com-
 meatuque, & rebus aliis à Sabaudis ad-
 jutum. Revertentem à felici illi Medio-
 lanensi expeditione Franciscum regem,
 & pedibus cum omni suo comitatu Ca-
 merinum usque, religionis votique ex-
 solvendi causâ, iter facientem, cum ho-
 norificentissime dies aliquot Carolus
 dux ad suas deductum ædes, excepisset,
 habuissetque, Lugdunum tandem ille,
 gratiis quam maximis duci avunculo suo
 actis, rediit. Cæterum non diu admo-
 dum is erga Sabaudum in Francisci re-
 gis pectore mansit affectus. Dissidio e-
 nim gravissimo inter eos paulo post ex-
 orto, maximis Carolum ducem cladi-
 bus, omnium eorum oblitus, & odium
 pro gratia reddens, ingenti in Sabaudiam
 misso exercitu (cui Philippus Chabotius,
 maris Gallici præfectus imperabat) affe-
 cit, & potiore ditionum ejus parte (Ca-
 rolo quinto imperatore pro eo pugnan-
 te licet) spoliavit tandem. Gravissimi

hujus diffidii has Julianus Taboëtus adfert causas : Philippus (inquit) Sabaudiae dux Francisci regis avus maternus, & Caroli hujus pater uxores habuit duas; Margaretam Borboniam, & Claudiam Pontieuranam: ex hac Carolus, ex illa Philibertus; & post eum Ludovica Francisci regis mater, nati. Philippo mortuo filius ejus Philibertus liberorum natus maximus ducatum excipit. Huic, prole nulla relicta, defuncto, sororem aetate proximam, & cui uterque cum illo communis parens, non Carolum ex altero tantum parente fratrem, & annis longe minorem (qui feminas, tantae utpote moli impares, à Sabaudico semper dominatu exclusas, neque populum Sabaudicum foeminæ unquam imperio subditum fuisse, contra, variis in eam rem adductis exemplis, contendere) succedere debere affirmabat, Franciscus rex, non aetatis solum prerogativa, sed quia inter Philippum ipsum, communem eorum omnium parentem, & Margaretæ Borboniae propinquos, cum uxorem eam esset ducturus, convenisset, & quidem (uti agebat) Sabaudicæ provinciæ ordinibus in ea pacta consentientibus, ut quicumque ex eo matrimonio nasceretur liberi, Philippo patri indiscriminatim in ducatu, nulla prorsus sexus habita differentia, se-

cundum ætatem succederent. Frequentibus itaque, & quidem per integrum decennium ad Carolum ducem missis legatis, debitum matri suæ ex legibus contractus hujus matrimonialis, sibi porro jure successionis ducatum Sabaudicum, saltem ea loca quæ in Gallia Lugdunensibus Rhodanum extra imperii Romani limites sita, aviæ suæ Margaretæ Borboniæ, ex jure donationis propter nuptias obvenerant, sibi tradi postulat; Bressani adhæc cum emolumentis proventibusq; omnibus, annis proximis quadraginta perceptis, & quicquid præterea donationis illius propter nuptias intuitu, aviæ suæ antedictæ debitum fuit (quod centum & octuaginta aureorum millibus æstimari ajebat) cum usuris omnibus. Pedemontanum quoque tractum, qua Arlesio junctus principatui, Provinciæ membrum partemque esse, neque ab ea separari posse affirmabat. Querebatur insuper, quod Taurinum, Pignerolum, Montcalerium, Carignanum, & civitates arcesque reliquas trans Padum (interceptas, uti ajebat, stantibus belli tumultibus, & Roberto Siciliæ rege, Provinciæ comite Pedemontanoque principe fato functo) ducatus suo adjecisset. Quod comitatus Nicæus, & portus Villefrancæ, eidem Provinciæ comitatui

annexa hætenus inseparabiliter loca, per ipsorummet civium prodicionem Sabaudi nunc imperio parerent. Quod arces munitioraque aliquot Saluciani marchionatus, eadem cum Delphinatu censeris solita loca, per vim à Delphinatu divulsa, Sabaudia ducibus, nulla prorsus juris servata forma, fuissent attributa, & eo quidem tempore, quo Roberti regis filius (cujus bona jure substitutionis Gallia regibus obvenerant) infans, utroque parente orbus, & regno Siculo dejectus, decesserat. Super hæc: Quod oblatum sibi à Gallia rege ordinis divi Michaëlis insigne, & centum simul cataphractorum equitum, cum congiario annuo duodecim millium aureorum, præfecturam, contemptim Carolus dux recusasset. Quod denique, quo in Gallicum nomen flagrabat odio, Burgundica Hispanicaque sequutus signa, Caroli quinti imperatoris partes, foedere cum illo inito, semper sustinuisset: & eo quidem tempore, quo infelici infaustoque ad Papium congressus prælio, superatus ab eo captusque fuit. Has odii à Gallo adversus Carolum ducem tanta animi contentione suscepti causas præcipuas fuisse author est Taboëtus. Qui per ejus belli occasionem bonis fortunisque prope omnibus Carolum ducem exutum, cuncta-

cunctarumque prope ducatus sui urbium dominatu spoliatum tandem, porro scribit, dum Sabaudia (inquit) partem unam, eamque cæteris fertiliorem, Bernenses; alteram, quæ montana pleraque, Franciscus Galliarum rex; tertiam, hoc est, civitates quasque præcipuas, & provinciæ totius robur Carolus imperator, ad se quisque certatim trahunt. Haud admodum diversa his, de alienato à Sabaudis regis Francisci animo, & cur loca illa, quorum nunc meminimus, sibi tradi postularit, imo invasisset tandem, Guilelmus Bellayus Langey regulus, qui in principatus Pedemontii regis nomine procuratione fuit, vir insigni familia ac perinde opibus (de quo merito dubites rogane an bello præstaret) & Paulus Iovius scripsere; quæ paucis subicere visum fuit.

Offendit (inquiunt) regem Franciscum Carolus dux: Quod vasa sua aurea; argenteaque & quicquid habebat pretiosi, pignori opposuisset, ut Carolus Borbonii ducem perduellem & Francisko regi bellum (cujus ipse exstimulator esset acerrimus) moventem, mutuo juvaret.

Quod tamen si Francisko regi avunculus esset, uxoris tamen Lusitanæ (erat hæc uxoris Cæsaris germana soror) ille;

cebris (inquit Iovius) depravatus, assiduifque defatigatus precibus, neglecto Gallo, se totum ad authoritatem nutumque Cæsaris victoris contulisset; 3. illicque, Gallo ad Papium capto, de grandi hac victoria, datis ad eum literis fuisset gratulatus.

4. Quod nullum non movisset lapidem, ut Helvetios à fœdere, quod cum Gallo illis intercedebat, retraheret.

5. Quod Astam urbem, dono sibi à Cæsare oblatam non recusasset, (Bel-layus ab eo emptam scribit) filiumque tanquam fidei obsidem in Hispaniam ad Cæsarem misisset, qua ipsa tamen urbe (quam supra centum annos sine controversia Galli possedissent) nullum certius Gallis regibus in Italia patrimonium esset: verum eam Cæsar, qui Gallos Italia penitus ejectos, ulla ad spem reditus in Italiam, certa sede potiri, nolebat, avide expetenti Lusitanæ, nec abnuente viro ejus, facile (inquit Iovius) concessit. Quæ urbs conjuncta inclusaque subalpinis oppidis Allobrogico regno præclarum amplitudinis & roboris decus additura videretur.

6. Quod Niceam Provinciæ urbem Massiliensium coloniam, à Gallis (quorum ditionis antea, nec omnino dubiū juris illa, inquit idem Iovius, fuisset) ur-

gentis belli necessitate pecuniæque inopia coactis, certa pecunia oppigneratam sibi eripere nollent, ne opportuna, & munitissima urbe, quæ Galliam ab Italia disterneret exueretur, rege eam plurimum flagitante, restitutaque pecunia redimere contendente. Is enim urbem excelsa arce validam, & propter Herculis Monæci portum magnas navigationibus commoditates afferentem, si bellum gerere oporteret, magno sibi usui futuram providebat.

7. Imo quod indicto inter Pontificem & regem Gallum colloquio, ne celebrando quidem conventu illi urbem hanc patere voluisset.

8. Quod Gallo regi Mediolanum properanti, ut legati sui Merveillesi (quem Mediolani dux necari iusserat) indignam necem ulcisceretur, transitum per fines suos negasset. Cæterum conceptum ex hisce causis odium, usque eo regis à Sabaudi amicitia alienavit animum, easque in ejus pectore egit radices; ut quam de susceptæ (inquit Bellayus) adversus Genevenses expeditionis fausto felicique successu, spem animo ille conceperat, ea Galli unius potissimum occultis conatibus frustraretur. Neque enim Veretsii dynasta, in Sabaudico quidem solo natus, sed ex intimis Galli regis ministris,

Guidoque Ranconius, ut Genevensibus adversus Sabaudum suppetias ferrent, nisi conscio, imo jubente fortassis etiam clam rege, in animum unquam induxissent. Hæc expendentem, simulque quanta in vicini, & quidem potentissimi regis (qui puncto temporis maximum rebus suis, in utramque fortunam momentum adferre queat) amicicia (qua nulla illi accidere posset oportunior) præsidia sibi sita essent, ejus inquam regis, cujus vires potentiamque (quod Imperatoribus, quorum imperia una cum vita terminantur, negatum) in successoribus etiam perseverare, & quasi perpetuari videmus, debuissent dubio procul (inquit porro Bellayus) movere Sabaudum, ut Imperatori, in cujus nuper amiciciam venerat, principi, in quo, quod procul abesset, præsidii minimum, & cujus temporarium momentaneumque esset imperium, regem vicinum, potentem & longa vetustaque sibi necessitudine junctum, in cujus etiam posteris, illius beneficii memoria mansura perpetuo esset, præterret, & cum eo in gratiam redire cuperet. Sed eorum, quibus regem offenderat, sibi conscius (inquit) super gratiam invidiam facti esse, & reconciliationi locum haud patere existimabat. In qua illum opinione confirmante,

quæ huiusmodi illi consilia suggesserat, uxore, ut fortunam belli tot cladibus adversam, opportuno erga Gallum regem merito mutaret, induci haud potuit. Fuit quidem (inquit Iovius) aliquando magno consiliorum æstu iactatus Sabaudus, vir egregie probus & ad æquitatem proclivis, nec alieni unquam appetens, an Gallo regi de Nicæa obsequendum foret, quum in eam nullum aliud quam inveteratæ possessionis jus sibi esse fateretur. Verum Franciscus Sfondratus senator, Mediolano Cæsaris nomine legatus in Allobroges missus, eum ab huiusmodi consiliis impense deterruit, testatus eum adversus Cæsarem facturum, si quicquam cum rege Gallo pepigisset. Eo modo Sabaudus, neque jubendi, neque vetandi potens, ne Cæsarem offenderet, cognationis jura, & Allobrogum principum amicitiam veterem, quæ hætenus illi cum Galliæ regibus inviolata permanferat, ea minaci obtestatione perterritus, tueri non potuit; miserabili profecto conditione, quod cum neutrum offendere vellet, utrique demum, sicuti mox evenit (cum ejus regnum paulo ante opulentum ultra citraque Alpes avitæ atque antiquissimæ hæreditatis, à propinquo rege pariter, & ab affine amicoque Cæsare indigne lacerari conspiceretur) se

prædæ futurū prospiceret. Helvetii quoque Genevensium moti precibus denuntiari Sabaudō jubent, si Genevensibus molestus esse pergat, se sociorum confœderatorum causam, quæ sibi cum illis communis esset, haud neglecturos. Ad ea cum minus clementer respondisset Sabaudus, grave sibi ab Helvetiis bellum imminere facile (inquit Bellayus) intelligebat: quod sine Galli regis auxiliis illos haud suscepturos, quia non dubia erat suspicio, mittit propere ad Carolū imperatorem (quem Tunetana illa clarum victoriā Panormum, quæ Siciliæ urbs, venisse fama erat) docetque quanto in discrimine res suæ sint. Quod ita clam ab eo fieri haud potuit, ut non emanaret, & ad Galli regis perveniret aures, erga quem gravius offendit, quod loca aliquot in Italia sita ab Imperatore sibi tradi postulasse diceretur, daturus pro iis in jus ditionemque Cæsari, quicquid in Gallia citeriore citra alpes ipse possideret à Nicæa inde ad eum usq; locum, qua ad confœderatos aditus erat, Genevensi etiam oppido in ea cessione comprehenso. In summas maximasque (hercule) Galli regis res difficultates videbatur coniiciendæ, si ea tum inter Cæsarem Sabaudumque paxio successisset. Suo quippe undiq; Cæsar imperio, in quam-

cunque sese verteret partem, Gallos erat
 cincturus conclusurusque, regemque in
 tantas conjecturus angustias, ut quam
 demum dubiis suis rebus consulendi viā
 inire conveniret, haud facile esset reper-
 rurus. Rebus hunc in modum constitu-
 ris, necesse omnino erat, ut quacumque
 posset ratione (inquit Bellayus) ingens
 hoc à cervicibus malum suis tempestive
 rex averteret, provideretque diligenter,
 ne scalam Sabaudus in regni sui finibus
 fabricaret, per quam facilis in ipsum re-
 gnum pateret ascensus. Simulatione ta-
 men tantisper rem extrahendam statuit,
 dum quæ ad Vellyum, legati pro se mu-
 nere apud Imperatorem fungentem, per-
 ferenda dederat mandata, perferrentur;
 & voluntatis suæ Sabaudus fieret cer-
 tior. Postulavit ab eo per ditiones sibi
 suas transitum uti concederet, ut loca ea
 quæ sibi liberisque præclaro hæredi-
 tatis jure, matris suæ Ludovicæ intui-
 tu, obvenirent (quæ nullo, uti aje-
 bar, cum titulo hæctenus ille possedis-
 set) sibi redderet. Neque enim diutius
 ea penes illum loca manere rex volebat,
 cujus fidem tantopere habebat suspectā,
 & in cujus foret semper potestate, in
 Gallici regni hostium manus, quoties-
 cumque luberet, ea tradere. Ad ea, quod
 à Sabaudis accepturus esset responsum,
 quia

quia facile erat suspicari, & parum spei erat, Sabaudum voluntate quicquam facturum, vim adhiberi & metum placuit. Ad bellum itaque sese parare, & stipendia, aliaque quibus ad eam rem opus esset decernere. Guilelmoque Furstembergio, nobili claroque tribuno, (qui paulo post ad Carolum imperatorem defecit: Iovius exauthoratus à rege Gallo scribit, quod legiones prædæ habuisse, regiamque pecuniam intervertisse accusaretur) militem uti conscribat, & in Galliam protinus ducat, imperare. Nec mora, Galli, duce Philippo Chabotio, maris præfecto, coactis copiis, transalpinis (inquit Iovius) oppidis, quæ pertinent ad Allobrogum fines, inermem desertumque ab omnibus, ducem exuerunt; transgressique Alpes, aliquot munita oppida subalpinæ regionis, imprimisque Taurinum, Fossanum, Penarolum, & Cherium occuparunt. Ac nisi Antonius Leua eductis Mediolano copiis, cuncta invadentibus occurrisset, repressaque Gallorum audacia, iusti exercitus vim rebellantibus ostendisset, futurum erat; ut Vercellæ, & magna pars subalpinæ ditionis in potestatem Gallorum devenirent. Neque tamen ulla res (inquit) in ipso bene cœptæ provenientisque victoriæ cursu Philippum
magis

magis retardavit, quam Ioannis Lotharingæ cardinalis adventus: is enim ad Cæsarem cum amplissimis de pace mandatis missus, ubi in castra ad Taurinum pervenit, sua autoritate, quæ apud regem erat eximia, Philippo persuasit, ut subsistere citra Duriam amnem, neque ulterius arma proferre vellet, ne summæ spei paratæ pacis atque concordie occasionem, offenso exacerbatoque Cæsare, corrumpere. Existimabat namq; se Cæsarem, suppressis armis, suspensoque bello, molliorem atque faciliorem inventurum; utpote quem neque vi subigi, neque ullo rerum suarum periculo permoveri posse intelligeret, ut quicquam suo nomine indignum cum armato hoste pacisceretur. Sed bello paulo post denuo recrudescente, Sabaudia prope universa Gallus intra menses paucissimos comitis Fani Paulini virtute potitur. Quæ causæ Franciscum Galliarum moverint regem, cur Carolo duci bellum inferret, si Taboëto; Guilelmo Bellayo, & Paulo Iovio fides sit habenda, hætenus ostendimus. Ego quanquam unam alteramve ex iis bello illi obtendi fortassis potuisse, non iverim inficias, præcipuam tamen primamque fuisse existimaverim dominandi imperii que fines proferendi insanam diramque libidinem,

nem, materiem omnium malorum: quæ ubi semel in mortalium animos invasit, cessant ilico amicitia consanguinitatisq; jura omnia, eaq; non ex re sed ex commodo æstimantur: adeo ut, nisi statim feræ huic immanique belluæ fræna inje- cerimus, in gravissima quæque vitia mox prolabamur, quin & religionis tandem animo paulatim nostro subrepat con- temptus. Vidimus (proh dolor) id tem- pestate nostra in hoc ipso rege Francisco, principe alioqui optimo, sanctissimo, re- ligiosissimoque, & cui (digno quem ad exemplar veræ gloriæ sequentes reges le- gant) parem à multis retro annis regem Gallia non viderat. Qui cum Turcarum imperatore Solymanno turpe fædus in- iisse non contentus, eo tandem prorupit, ut quando viribus Cæsaris imparem sese vid eret, barbarum hunc crudelemque (cui Christiani sanguinis hauriendi sum- ma semper sitis) tyrannum Constantino- poli usque (non viso ullo unquam fæ- culo exemplo) in Galliam primus Fran- ciæ regum accerferet. Quo facto, & di- vinum graviter offendit numen, Galliæ- que res, florentissimæ tum, occidere at- que deflorescere paulatim ab eo tempore cœpere, & mortalium omnium grave in se provocavit odium, partoque à pri- scis olim Galliæ regibus (gravioribus,

tem-

temperatioribusque à cupidine imperii/
ob strenue fortiterq; adversus Christia-
ni nominis hostes , gestas res , glorioso
nomini vim quandam inferre visus est.
Cæterum quod Philippum ducem Ca-
roli hujus patrē , cum Margaretam Bor-
boniam uxorem ducturus esset , scribant
promissile (& quidem provinciæ Sabau-
dicæ ordinibus astipulantibus) ut qui-
cunque ex matrimonio hoc nascerentur
liberi , patri in ducatu , sexus nulla pror-
sus habita ratione , secundum ætatem
succederent ; id equidem (quod cum bo-
na Gallici nominis venia mihi dicere li-
ceat) nemo facile mihi persuaserit. Phi-
lippum enim ducem virum sapientissi-
mum , æquique observantissimum , po-
pulum autem Sabaudicum , veterum ju-
rium consuetudinumque retinentissimū
semper fuisse comperior ; adeo ut verisi-
mile non sit , aut hunc validum semper
fœmineo spernendo imperio , vel ubi in-
fantis etiam filii tutelam ad se anxia ma-
ter vidua traheret (quod haud facile im-
petratum) in hujusmodi pacta consensisse :
aut illum , cujus majorum in eo cura
semper ne imperii decus fœmineo do-
minatu dehonestaretur (quod nisi obti-
nuisset , Eduardo comite fato functo , filia
ei Margareta Britannia nupta duci , non
autem Amadeus quintus frater Philippi
hujus

hujus atavus successisset) quicquam futuræ conjugii, quod moribus Sabaudicis refragaretur voluisse polliceri. Neque est quod in affinitatis illius gratiam ab eo id factum opinemur, cum in confesso sit, nonnullos ex ejus majoribus, jam pridem, non illi solum, sed regum etiam principumque potentissimorum domui per affinitatem innexos fuisse. Porro quas Guilelmus Bellayus, cur regis Galli amicitiam imperatoris præferre Carolus dux debuisset, in medium profert rationes, earum plerasque ego, pro vetere gentis illius more, ab affectu studioque in principem magis, quam ex vero profectas celebratasque crediderim. Quod enim Cæsarum imperia momentanea esse, & una cum vita occidere, Gallie vero regum vires potentiamque immensam, in hæredibus etiam perseverare continuarique dicat; quam quæso frivolum id? Quasi vero imperatoris functionis limitibus, Caroli Cæsaris tot tantisque avitis regnis conspici vires potentiaque circumscriptæ, non aliunde amplissimum acceperint incrementum. Cui imperatorium decus (quo ipso plerosque ex majoribus ejus ante eum claruisse legimus, quodque in ejus hætenus posteris adhærescit). Romani imperii procures acceleravere, ut regio titulo rebus-

rebusque cæteris parem sibi regem Gallum, dignatione ejus magistratus antiret: præsertim postquam virtus, gloria, opes, atque alia optanda viris principibus illi superarent: quibus tantum fastigium, invalidum alioqui inermumque per se, & alienæ (quod visum sæpius) indigum opis, pro majestate tueri posset. Quod non ita pridem adhæc Carolum ducem in Cæsaris amicitiam venisse; Galliæ autem regem principem vicinum, longa vetustaq; illi necessitudine junctum fuisse, neque ulla perinde firma imperii munimenta, quam vicini principis amicitiam esse affirmer; non negaverim equidem Sabaudum Gallo regi fuisse avunculum. Quæ, hercule, res movere merito Gallum debuisset (nisi speciem magis in amicitia ejus, quam vim Carolus dux tenuisset) ut Ludovici junioris Galliæ item regis exemplo, beneficiis avunculum sibi conciliaret, non irritaret injuriis. Illi enim cum ante annos plus minus quadringentos & quinquaginta, gravis cum Sabaudia comite Amadeo secundo, avunculo suo, quod graviter ille ferret Ludovicum fratri ætate majori in regno à parentibus prælatum, intercessisset altercatio, non conquievit, donec, divi etiam Bernardi ad eam rem usus opera, in gratiam cum avunculo rediret.

Sed id quoque ausim asseverare, plures illi familiæ cum gente Burgundica, principibusque illi confæderatis, quam cum Francica intervenire hæcenus affinitates cognationesque; neque ullam illi, imperii præsertim principi, Cæsaris, qui honoratum matrimonio sororis suæ uxoris, in arctissimam affinitatem receperat, amicitia, oportuniorem, quod procul abesset, (in quo offensæ minimum, gratia par) accidere potuisse. Quod aliter evenerit, divini id numinis (cujus singulari providentia curaque inferiora hæc gubernantur) dispensatione ita accidisse: nihilque semper florere, ætatem ætati succedere meminisse nos convenit; pristinum tamen decus pristinamque rebus publicis, quas tristes hujusmodi exagitarunt casus, redire tandem faciem, si nobis veræ virtutis. Postulat nunc tempus, ut eo unde digressi sumus redeamus. Non restitit primum Gallo Sabaudus, cum quod maximis in Genevense bellum (quem populum ex eo Galli in Sabaudum odio, capta occasione, rebellem sibi, frustra ad officium reducere, Bernatibus pro eo pugnantibus, fuerat conatus) factis sumptibus, exhaustus, tanto gerendo bello imparem se videret; tum quia Carolum imperatorem (cujus Africano illo feliciter defuncti bello,

bello , nihilo minor fama apud hostes quam apud suos confederatosque erat) controversiam eam omnem (per maiestatem enim imperii , per amicitiae affinitatisque fidem eum fuerat obtestatus) facile pro autoritate sua compositurum sperabat. Tulit graviter eam Sabauda factam injuriam Carolus Imperator. De Gallo itaque rege Romæ apud Pontificem in pleno purpuratorum patrum legatorumque principum consensu luculenta habita oratione , questus pluribus, quod principis affinitate sibi juncti, & in augusti imperii clientelam recepti , imo imperii vicarii, è cujus ipse sorore genitus esset , se absente terras agrosque invasisset, in Galliam maximis mox itineribus cum omnibus suis copiis , ut afflictò oppressoque affini opem ferret (interea dum Tarantasiæ hostis , locum aditu difficillimum , perfidorum quorundam hominum agrestium , quorum fluxa plerumque fides , proditione expugnat) sæculi ejus anno xxxvi. intento atque infesto exercitu contendit. Animis infestissimis inter duos potentissimos orbis Christiani monarchas annis aliquot , post deditum Imperatori Fossanum (Francisco Salussiarum marchione, qui paulo post in oppugnatione Carmaniolæ glande trajectus occubuit , à

Gallo ad eum deficiente) vario eventu, cum non levi Pedemontani populi clade, bellum gestum fuit. Pro Imperatore Guastius marchio, quem vicarium sibi per Italiam, & Mediolani proregem fecerat, pro Gallo Guido pugnabat Ranco-
nius, bello illi & provinciæ Pedemontanæ à Gallo præfectus, magni ambo clari-
que duces, & fama rerum gestarum flo-
rentes. Postquam variaissent secundæ ad-
versæque res non fortunam magis quam
animos hominum, novasque ad exerci-
tum suum ipsismet Galliæ rex, tempore
anni difficillimo adduxisset copias, qua-
rum adventu, Taurinenses Pignerolique
arctissima qua premebantur obsidione,
fuere liberati, induciæ tandem trime-
stres quinto cal. Decembris sæculi ejus
anno tricesimo septimo factæ, & in alte-
rum trimestre extractæ fuerunt. Quibus
exeuntibus, neque pace, quod speraba-
tur, succedente, longe infestioribus ani-
mis bellum redintegratum gestumque
fuit. Indixerat sæculi ejus anno quadra-
gesimo primo Ratisbonæ (quæ Augusta
Tiberia dicta olim urbs) comitia Caro-
lus Cæsar, ad agendum de componendis
circa religionem controversiis. Eo cum
Sabaudus quoque tanquam imperii ve-
nisset princeps, de rege Gallo multis apud
Imperatorem procuresque, & Germaniæ
totius

totius ordines, verbis questus est, quod nullo suo suorumve merito, fortunarum ditionumque suarum partem meliorem, subalpina nimirum oppida cum Taurinio ille invasisset detineretque. Respondendi ad eas querelas legato, qui à Gallo missus fuerat, facta potestate, scripto ab eo factum id fuit, sed divisus vehementer inter se proceribus oppidisque, & rebus supra modum turbatis, cum perfici nihil posset, bellum denuo (uti diximus) inter Imperatorem Gallumque cœptum gestumque fuit. Annus jam agebatur restitutæ salutis M D X L I I I. Quo ipso anno præter mortalium omnium opinionem classis Turcica, quæ ex centum & quinquaginta navibus, quæ remis agebantur, constabat, Hariadeno Ænobarbo nobili pirata duce, postquam à Gallis, uti diximus, accersita æstatem ferre totam in Massiliensi otiosa hæsisset portu, Nicæam Provinciæ portum (in quam urbem, Nissam appellatam nonnullis, Geneva pulsus antistes, sedem suam transtulit) Galli regis (cui amicissimo, inquit Iovius, regi, opem suam imploranti, ea Solymanus Turcarum imperator auxilia submisit) decreto iussuque terra marique acerrime oppugnata, & muris propugnaculisque omnibus crebro continuoque æneorum

tormentorum verberare nudatam (fortiter sese tuentibus obsessis, & magno præsentique animo Turcarum vexillo, cæso signifero, capto) assumptioni divæ virginis Mariæ festo die, capit, diripit, vastat, incendit. Sed arcem quæ in extremo urbis agro posita, subjecta late maria despectat, arduoque calle urbi conjungitur (antiquorum Provinciæ regum, inquit Iovius, opus, clarissimorumque sæpe ducum carcere, & misero vitæ exitu nobilitatum) singulari virtute fortitudinique, Pauli Simeonis præfecti, qui Rhodiæ militiæ ascriptus erat eques, egregie defensam, & Alfonso Gualtio, ad quem captæ urbis rumor nondum pervenerat, cum maximis copiis com meatuque in obsessorum, quos undique clausos, & hætenus sine in vecto, quia ibi pauci erant, ex ante præparato sustentatos, gravis tum fames premere cœperat, auxilium, continuato diem noctemque itinere, in tempore accurrente (cujus adventus fama gaudium, & metum invicem Turcis obsessisque præbuit) expugnare haud potuit. Inde Gualtius cum Sabaudo Niceam ingressus, collaudavit Simeonem militemque, quod tanta clade amissæ urbis icti, animum non despondissent, nec fructum secundarum rerum sentire hosteis passi, arce eos arcuissent,

cuiſſent , civesque in arcem profugos cum fide tutati eſſent. Amplo inde in arcem commeatu, rebusque cæteris ad diuturniorem obſidionem tolerandam neceſſariis abunde importatis, cum his copiis , quas metu Ænobarbi (qui ea ſpe potiundæ arcis deſtitutus , verſus Maſſiliam ad Tolonis portum , qui Tarenta antiquitus fuit , inquit Iovius , eſt reſectus) conſcripſerat, aliquot etiam additis cohortibus , Montevicum ampliſſimam inter ſubalpinas urbes civitatem obſidet. Movit eum potiſſimum, quod urbs tam nobilis & potens , ſicut defectione ſua traxerat aliquot populos , ita recepta inclinatura rurfus animos videbatur ad veteris imperii reſpectum. Nec ſeſellit eum opinio hæc. Statim enim ut poſt duram multamque oppugnationem , fortiter ſeſe defendentibus civibus , deditione tandem (quam dolo expreſſam Iovius ait) eo eſt potitus , caſtella ignobilia octuaginta quinque , oppidi illius imperium reſpicere ſolita , in Cæſarianorum menſe Novembri fidem redierunt, eaque vulgata res omnium ferme animos ad Cæſarem avertit. Ex Tholonis portu na- ves actuaras duas , in quibus maximus captivorum numerus erat, & puellæ inter hos virgines nobiles eximia forma quam plurimæ , plurimi quoque pueri,

ad Solymannum Constantinopolim Ænobarbus (qui donis ac pecuniis acerbe per eum tractum conquirendis, plus invidiæ, quam virium Gallicis partibus addidit) misit. Quorum, profecto, hominum miserrima futura erat conditio, & de salute eorum actum fuisset, nisi Garcias Toletanus, vir bello inclitus, Neapolitani proregis filius, cum triremibus aliquot in Turcas actuarialque acriter invectus, conferta ab omni parte pugna, victor tandem, receptos captivos, in pristinam vindicasset libertatem: quos domum, præsidio ad eorum custodiam adhibito, curavit deducendos. Munera quoque donaque quæ Solymano mittebat Ænobarbus, per eam victoriam suæ Garcias fecit potestatis. Luxenburgensis oppidi ipsa hac tempestate miserabilis intervenit clades: Gallorum quippe, Caroli Aurelianensis ducis Francisci regis filii virtute, opulentissima regionis ejus urbs facta ditionis, à Cæsarianis biennio post oppugnata, ad Cæsaris denuo, licet magnis additis operibus eam egregie Ioannes Melphitanus muniisset princeps, imperium ignobili deditione reddiit. Bellum, quod in Cambresio gestum solo, obsidioque Landresiana, & deserti à Gallis Carignani pro Cæsare occupatio, in annum proxime insequentem incidere.

incidere. Successerat in Pedemontana
 rum præfectura Guilelmo Bellayo Lan-
 geyo (qui paulo ante mortem obierat)
 Franciscus Borbonius Angieni sive An-
 guiani regulus, Vindocinensis ducis fra-
 ter, regii sanguinis & spiritus juvenis: Is
 cum Cæsarianorum consilia in eo verti
 videret, ut occupatis locis omnibus, quæ
 positu regionis aditum ad Italiam præ-
 berent, Italiæ adeundæ facultatem Gallo
 præriperent, Carignanum opere muni-
 tissimum locum obsidet, at frustra, do-
 nec desperata vi, clausis omnibus ad ur-
 bem aditibus, verteret consilium ad mo-
 ras, haud ignarus paucorum dierum in-
 esse alimenta. Cæterum dum obsessis o-
 pem ferre totis castris, commeatumque
 in eam urbem importare Gualti mar-
 chio parat, hostem ad Cerisolum obvi-
 um habet. Ibi collatis signis pugnatum
 per unam ferme horam fuit. Superatus
 tandem marchio, & à fortuna, quæ pri-
 ma ad eum impressione inclinare visa,
 destitutus, postquam insignis manu, vo-
 ce, vulnere, diu pugnam sustentasset, è
 media tandem cæde cum paucis effugit,
 amissamque prope victoriam singulari
 fortitudine ex ejus denuo manibus An-
 gujanus extorquet, & Carignanum pau-
 lo post (obsestum acrius quam oppugna-
 tum) in deditionem recipit, omniq; circa

agro potitur ; postquam suprema omnia admirabili constantia sub Pirro Columna (cujus majores Cæsaris ditioni plurimum addiderant) & Felici Arconio comite , ducibus bello clarissimis , tollerassent obsessi , confectaue paucitas oppidanorum , opere , vigiliis , vulneribusque , quæ semper eosdem urgebant : sed obstinatos mori , nulla magis vis quam fames expugnavit. Ad novem millia hominum prælio hoc dicuntur cæsa, prope duo millia capta. Hoc ipso anno (qui fuit sæculi ejus quadragesimus quartus) cum alium denuo Spiræ Nemetum Cæsar conventum procerum civitatumque Imperii omnium (etenim legationes ad ejus imperium ex omni se Germania effuderant) haberet , & Galliæ rex Franciscus (cujus legati negato sibi ad ea comitia aditu, quæ regis sui nomine habebant perferenda mandata , typis excusa, emisere) imperii hostis fuisset pronuntiatus , cum quia imperii principem Sabaudia ducem , virum longe optimum, bonis fere omnibus , nullo ejus merito, exuisset ; tum, quod ejus impulsu stipendioque, anno superiori Turcica venisset classis in mare Ligusticum (graviter eam rem urgebat Cæsar) & in Sabaudia ducis, Imperii principis , agrum invasisset, captaque Nicea cum portu , magnis viribus

ribus arcem iis locis obsedisset, & tormentis acriter (uti ostendimus) oppugnasset. Bellum illi inferendum Carolumque ducem Imperii, principem in ditiones bonaque sua reducendum esse imperii ordines (quos ejus casum miserantes, ea tum cura maxime intentos habebat) censent, semestremque Cæsari adversus Galliæ regem in equitum millia quatuor, peditum *xxiv*, pecuniam decernunt, gravissimisq; vetant pœnis ne quis Germanici nominis Gallo milites, aut militantem, urbe, tecto, mensa, lare recipiat. Ingenti itaque collecto exercitu in Galliam Imperator, & rex Anglus (Imperatori is se junxerat) diversi irruptionem faciunt. Luxenburgum Cæsar minus pertinaciter defensum, deditione (paulo ante uti à nobis dictum est) recipit. Hinc in Campaniam verso itinere Ligniaccum expugnat. Sandiserio deinde Thyerriaque arce ille, Bolonia Anglus (quæ tentata sæpius à patre ejus res, at frustra) post diuturniorem oppugnationem potiuntur. Multorum sanguine ac vulneribus ea Cæsari Angloque victoria stetit. Ingens hinc sequuta Lutetiæ trepidatio: sed, Deo afflictam tum Galliam propitiis respiciente oculis, facta præter expectationem omnem, monacho quodam Hispano internuntio, pax, metum illum

illum omnem sustulit. Cæterum recrudescente denuo anno sæculi ejus quinquagesimo primo bello hoc, Chierasium & Santdamianum Pedemontani soli oppida vi expugnantur. Captas autem biennio post stratagemate quodam Vercellas, in eodem tractu urbem tenere Galli (quod magna Cæsar auxilia adducere dicebatur) cum non possent, spoliata deferunt. Tantos fortunæ fluctus, tot miserandos casus, cum aliæ super alias clades cumularentur, adversamque ejus fortunam detractarent, qui prosperis ejus rebus ad obsequium certare solebant, patientissime Sabaudus, bonis fere omnibus, ab eo qui Ludovicam matrem, & per eam ipsum avunculum præferebat, exutus licet, tulit, neque animo unquam defecisse visus est: donec tandem ejusdem illius sæculi anno quinquagesimo quarto, qui decimus nonus illi turbatæ reipublicæ, æviternis illis (quæ nullis fortunæ subjecta casibus) donandum bonis, ex infelici statione hac, beatum vere principem (quo alii diutius eum dominatum tenuerunt, nemo tam fortiter reliquit) extrema jam ætate eripere Deo visum fuit. Verissime (hercule) historicorum celeberrimus Tacitus dixit: *Non esse mala vel bona quæ vulgus putet, multos qui conflitari videantur adversis, beator.*

beatos, ac plerosque quanquam magnas per opes miserrimos, si illi gravem fortunam constanter tolerant, hi prospera inconsulte utantur. Vercellis sepulto Carolo, Emanuel Philibertus filius successit. Scribit Taboëtus (sed penes eum fides sit) uxorem sibi Carolum dari postulasse Margaretam sororis suæ Ludovicæ filiam, Francisci regis sororem, eaque negata, Emanuelis Portugalliæ regis filiam duxisse.

*De Emanuele Philiberto, Duce
Sabaudia decimo.*

Emanuel Philibertus, Sabaudia dux decimus, Carolo patri suo anno quinquagesimo quarto supra millesimum & quingentesimum succedit, princeps longe clarissimus. In Caroli quinti Imperatoris (ex quo spes opesque ejus pendebant, quique non secus eum fratremque ejus Carolum, quam suum fovit sanguinem) aula à puero enutritus, tantos mox in omni genere virtutum, & in re bellica fecit profectus, ut nemini non esset admirationi, & (quod de Pompeio magno dictum) citius dux quam miles evaderet. Præclara itaque ejus perspecta indole, accitum ad se benigne Carolus Imperator appellat. Maeste virtute esto Emanuel (inquit) apud me tibi omnis
honor

honos atque præmium erit, & quo frequentior mecum fueris, senties eam rem tibi dignitati atque emolumento esse: lætumq; promissis juvenem, equitum milibus quatuor, quos corporis sui custodia bello Germanico ascripserat, præfecit. Neque tanti Imperatoris expectationem ille fefellit: eximia enim singularisque ejus, toto eo bello existit fides. Cæterum regna ditionesq; suas omnes, Carolo imperatore (qui plenus honorum in Hispaniam rediit) in Philippū filium suū sæculi illius anno quinquagesimo quinto transferente, Belgicarum provinciarum ab eodem rege Philippo, præfectura donatur. Quo supremo magistratu ita functus fuit, ut nondum exacto quadrienio, ad ditiones suas abiens, magnum sui apud eum populum gentesque finitimas, princeps optimus relinqueret desiderium. Fortunam, & vivo, & mortuo Carolo patre, novercam sibi aliquamdiu, adversus omnes ejus impetus infractus immotusque, ita reverenter semper habuit, ut ejus tandem misertus Deus, avitis bonis illum restitueret. Post acceptas enim illatasque tantas invicem clades, & partam sæculi ejus anno quinquagesimo septimo mense Augusto, ejus ductu auspiciisque (universis enim castris rex Philippus eum præfecerat) memorabilem

lem illam de Gallis ad S. Quintinum victoriam, urbemque ipsam paulo post expugnatam, & post captas ex adverso à Gallis Calisium, Guyneum, Thionvillam & Dunkerckam urbes (divino haud dubie numine victoriam clademque æqua quasi lance inter utrumque partiente, ne si alteri paullum modo tribuisset fortuna, conditionibus pacis uti detrectaret is, qui superior videretur, neque æqua contentus esset parte, qui omnia habiturum se confideret) pace inter Philippum Henricumque reges biennio post facta, bona ditionesque suas omnes (civitatibus aliquot, Taurino scilicet, Villanova, Astensi, Quiersio & Chivalio demptis (quas aliquanto tempore Gallo retinere permissum) recepit, Henrici regis sorore Magareta (ita enim convenerat) uxore ducta. Cæterum postquam civitates illas quas Gallus retinuerat, tradi sibi postulare tandem Sabaudus cepit, qui à rege Carolo eo nomine nonio (Francisco is fratri tum successerat) ejus rei causa missi Lugdunum venerant legati, morasnectere, adversam regis voluntatem causari, & multa in excusationem adferre: In primis Niceam & Villafrancam urbes dependentiaque ab iis loca Provinciæ comitatui annexa antiquitus, Provinciæ comitibus paruisse semper,

Ioannamq; reginam Roberti regis Neapolitani, & Provinciæ comitis neprem, & post eam Ludovicum eo nomine primum Andium ducem (cui bona sua omnia salutis anno MCCCLXXX, illa donarat) ea possedisse, illique Ludovicum successisse filium. Exorto autem inter Andiam Aragoniamque familias, per causam Neapolitani regni bello, Sabaudia procures ea usos occasione, Niceam, & Villafrancam finitimas oportunasq; augendo principatui suo urbes, contra jus fasque, nullo ad eas titulo invasisse, neque unquam (monitos rogatosque licet sæpius) eas tradere voluisse. Cæterum cur Galliarum rex ad ea sibi loca jus esse dicat, causas illi esse justissimas, inter quas Caroli Andii ducis Provinciæque comitis, & Neapolitani ex ea familia regis postremi testamentum, quo bonorum ille suorum omnium, Ludovicum ejus nominis undecimum Galliarum regem, Carolum Delphinum ejus filium, & quicumque in Franciæ regnum in posterum essent successuri, instituisset hæredes. Oportere itaque Sabaudum, antequam postularis ejus rex satisfaciat, loca illa regi, qui verus legitimusque eorum dominus sit, restituere. Idem & de Piedemontano principatu facere debere Sabaudum, quem ipsum Provinciæ quoque

que antiquitus illigatum (quod ex editis super ea re anno M C C C V I, tabulis videre esset) & à Ioanna regina antedicta (quam sæculi illius ipsius anno LXII, eo pulsam, Provinciæ ordines, ut pecuniario se subsidio ad principatum illius patrimonii sui partem, recuperandum, juvare vellent, orasse in confesso est) possessum fuisse ajebant. Astensem adhæc comitatum, publicum regni Gallici patrimonium, quem à Ioanne Galeacio Mediolani vicecomite Valentiniæ filiæ, dum Ludovico Aurelianensi nuberet duci, Caroli regis atavo, dotis nomine datum, & à Carolo quinto imperatore occupatum, contra jus fasque Sabaudus hæctenus possideret, ab eo cum proventibus ad eum usq; diem perceptis, reposcere. Controversum quoque hæctenus inter Galliæ reges Sabaudiaq; principes Salutianum marchionatum, quia sibi rex Carolus adjudicari debere affirmabat: monebant, ut quibus rationibus ea, quæ pro se reges Galli in causâ hac adduxissent, vellet impugnare, in medium tandem proferret, & simul tot interpositis ejus ipsius controversiæ causâ senatus decretis parere ne gravaretur. His dicebant accedere: Quod cum Sabaudi procures, Genevensis Comitatus Faucignique dominatus

respectu (quod à Delphinatu ea dependant loca) Galliarum regis sint beneficiarii, convenire omnino ut fidem suam antecessorum suorum exemplo, qui idem factitassent, Carolo regi eorum locorum ergo obstringant, ejusque se Sabaudus profiteatur clientem. Ostendere ad postremum, dum Philippus Sabaudiarum dux salutis anno M C C C C L X X I. Margaretam Borboniam uxorem duceret, illaque dotis ad eum nomine coronatorum aureorum millia sexaginta, & suppellectilium adhuc pretiosissimæ plurimum adferret, matrimonii illius legibus cautum inter cætera tum fuisse, ut qui ex eo conjugio primus nasceretur filius, Baugeum is comitatum, & in Bressano solo Satrapæam Bourgiam (Galli Castellaniam appellant) præcipui inter liberos titulo possideret, ea lege ut eo defuncto, liberi reliqui ex eodem illo matrimonio, ejus locum repræsentarent, & in ea dominia proximus natus post eum succederet. Enimvero contractui illi standum si sit, dubium esse nemini, quin Ludovica Francisci primi regis mater, ex antedicta Margareta cum Philiberto fratre nata, Carolo posterioris conjugii filio, in hæreditatis à communi patre profectæ aditione præferri, (æquari saltem) debuerit, eorum saltem bonorum à quibus lege Salica

lica non excluderetur : inter quæ Baugium comitatum Bourgiumque esse, extra controversiam omnem cum sit, insignem, hercule, Ludovicæ ejusque posteris factam injuriam, quod vel eorum saltem locorum potiri non potuerint, suffragantibus præsertim, & ea illis bona deferentibus cōtractus illius legibus, quibus disertis id caveretur exprimereturque verbis. Multa præterea alia cur promissa exuenda censeret rex, à legatis regiis eo colloquio dicta allegataque sunt: sed quæ, postquam repente turbare fortuna cœpit, motusque illi, quibus florens illa quondam super regna omnia cætera Gallia misere conflagravit, exorti, fructu suo caruere; præsertim postquam altercatio ea omnis nuperrima illa pace penitus fuisset sublata. Quin cum eo regis Galli jam recidissent res, ut finitimorum illi principum, & eorum quoque cum quibus longum diuturnumque regibus Gallis fuerat dissidium, amicitia, ad intestina dissidia pacanda, & civiles motus comprimēdos opus omnino esset; Bourdillonio (haud perinde Sabaudi metu, quam fidei suorum diffusus) imperat regulo (Pedemontanis eum Franciscus eo nomine secundus rex, Caroli regis frater, præfectum dederat) ut Taurinum, Villam novam Astensem, Quiersum &

Chivafium oppida Sabaudæ ejusque uxori in manum tradat; ea lege, ut vicissim Savillanum, Pignerolum una cum Abbatia adjacente, Ginolleum, & quicquid eorum locorum respiceret imperium, à Sabaudò protinus reciperet. Monitus ea de re Bourdillonus præfectus, tribunos militum, quibus eorum locorum custodia demandata erat, centurionesque convenire jubet, quibus cum mandata regis cognoscit, quod optimum factu esset exquirens; placet tandem, omniumque in unum congruunt sententiæ (non improbantibus consilium quos negotii hujus cum Sabaudò tractandi causâ, jampridem in Sabaudiam rex miserat) quando nullius magis interesset quam ipsiusmet regis, non properari, certiora exspectanda esse jussit. In regis quippe, quod administrando regno nondum illi maturâ esset ætas, ea de re statuere negabant esse potestate. Rem quippe esse maxime arduam, præsertim quando ultimo (uti aiebant) Lugdunensi conventu, inter regios Sabaudique legatos convenisset, Niceam urbem una cum arce locisque illi subjectis, & perceptos, ab anno inde MDCCLXXXVIII, (quo Ludovico Grimaldo tradente in Sabaudorum principum ea venerat potestatem) fructus regi restitui debere. Reddi etiam convenire

nire Conynum, Fossanum, Savillanum, Mondevisum, & dependentia ab iis oppidis loca, relinquire penes regem Quiersum cum toto suo tractu. Equum quoque esse ut quæ facta salutis anno mccc quinquagesimo quarto inter Galum regem Sabaudumque pace, convenissent, ea Sabaudus (sua illi adversus quemcunque videretur salva manente actione) præstaret; utque quæcunque Astensi subjecta comitatui possideret oppida, castella, vicosque, Gallo restitueret. In confessio adhæc esse, quæ Ludovicæ Sabaudæ Francisci ejus nominis primi regis matri, hæreditatis, Philippo patre defuncto, debita fuerit pars, ea ejus hæredes haud debere frustrari. Idem quoque de universa Philiberti ducis (cujus ea, ex iisdem quippe cum illo nata parentibus, unica solaque hæres esset) hæreditate censerì debere, demptis tantum Romano imperio subjectis, iisque locis, ad quæ recepta antiquitus per Sabaudiam consuetudine, sæminis non patet accessus. Latæ quoque quinto Idus Iunias Domini anno mcccxc, à senatu Parisiensi sententiæ, qua regis Delphini Salutianus marchionatus imperio parere, Sabaudus marchioni loca ea omnia quæ illi, marchionatuique ademerat, restituere jubentur, à Sa-

baudo paritum nondum fuisse. Esse autem loca hæc, Bargesium, Caoursium, Pancalierum, Ennecam, Villamnovam Soleriam, Moretteam & Murellum, quatuor ad hæc quinqueve; quæ Solieri regulus possidet castella, Carignanum, Monasterolum, Cardeam, Vigonum, Villam francam, Cavallimoursum, Raconisum, Moullebruneum, Caraillum, Someriueam, Camaraigneam, Cauallerionum; Polongnieresum, Cazalgrazam, Fortpassum, Fauleam Malazanam, Vilefallettam, & Busqueam. Conynum enim, Fossanum, Montevicum, Sauillanum, & Centallum eo instrumento quod anno DCCCCLXVII. Otto magnus imperator, dum Aleranum propinquum suum Salussianum creat marchionem (is enim marchionum primus fuit) confici iussit, contineri tanquam marchionatu subiecta loca, extra controuersiam esse. Quæ tamen ipsa paulatim à marchionatu alienata Prouinciæ comitibus cessere. Enimvero hinc esse quod duplici sibi nomine ad ea loca jus esse reges Franci contendunt, cum quod marchionatus Salutiani (qui ad Gallos recidisset reges) limitibus contineantur, tum quod Prouinciæ deinde comitibus (quos sacro intentos bello Sabaudix principes per injuriam iis spoliassent) paruissent. Ad Taurinum quod

quod attineret, non fuisse regem Francum colloquio illo Lugdunensi ea urbe, quasi nihil ad eam juris haberet, priuatum, sed quoniam non satis solidis tum temporis rationibus jus ille suum confirmasset, permillum illi fuisse, ut intra certum id tempus, si ita illi videretur, facere posset. Quamquam ad eam rem probandam longiore indagatione haud admodum esset opus, cum in recenti sit memoria, ejus loci cives, cum à Carolo duce salutis anno MDXXXVII, desertos se & quasi in prædam datos viderent, Franciscum eo nomine primùm adiisse regem, & ejus suase sponte imperio submisisse, orantes multis verbis, ut in fidem, & clientelam se urbemq; receptos, Gallis in posterum regibus parere pateretur. Placuisse oblatam conditionem regi (qui clementer appellatos eos dimisisset) scriptoque (cui senatum Gallicorum omnium, & eorum qui sequuti sunt regum accessisset consensus autoritasq;) quæ convenerant, mandata fuisse. Quæ omnia cum propius expederet præfectus Bourdillonus, honori suo omnino convenire suarumq; esse partium existimavit, reginam Caroli regis matrem, Navarræ regem, regis per Galliam universam vicariû, regii sanguinis procures, Comestabilem, Franciæ mareschallos, & Cancellariû, priuatq; consilii regii senatores

(penes quos omnes, imperii tum, propter ætatem regis, vis ac potestas, honor penes regem) eorū omnium facere certiores, demississimeque eos orare, ut restitutionis illius rescriptum corrigere atque reformare, illique una cum rege subscribere, annuloq; singuli illud suo signare (senatum Gallicorū, Parisiensis præsertim, & ejus quod ærario regio rationibusq; propositum est consilii, accedente autoritate) ne graventur, ne sibi (cui à Francisco ejus nominis secundo rege eorum locorum custodia fuisset demandata, cuique ejus magistratus ergo fidem suam obstrinxisset) suorumve cuiquam vitio olim verti posset, quod eorū regni procures, dum consulta cum illis integra adhuc haberet, non præmonuisset, quod multis aliis; & intra & extrà Galliā in re simili contigisset. Hoc suum consiliū gratum ratumq; haberent nec ne, magis regis interesse quā sua; suam quippe fidem exsolutam esse; ad regē pertinere ne quæ semel placuissent, rescindendo, alios in posterum segniores præfectos ducesq; faceret. Ad se quod attineret, quoniā regni Gallici ordinū, quos in eam restitutionē consentire æquū erat, conventū indicere per bella hæc civilia integrū nō sit, regis, reginæ matris, Navarreni regis, principū sanguine regi conjunctorū, & eorū quo-

rum rex consilio uteretur, voluntati iustisq; obsequi paratū, se dummodo (si tantisper dū rex adoleverit, & ad justam pervenerit ætatē, exspectari non queat) utriusq; regis procerumq; antedictorum, Comestabilis, Marechallorū, & Cancellarii, senatus deniq; privati eam esse mentem voluntatemq; per publicas sibi tabulas eorum omnium manu subscriptas annuloq; signatas (quibus ipsis parlamentorū Gallicorum, Parisiensis præsertim, & consilii ærario regio præfecti accedat authoritas) constet. Obsecrare iterū se, ne in malam partem consilium hoc suum quisquam accipiat. Regis enim omnium maxime, & sua inde quoq; plurimum interessē ita fieri. Hæc fere sunt quæ (ad rem hanc quod attinet) senatui regio Burdillonus ad xvi i, cal. & Octob. anno à partu virgineo MDLxi i, respondit. Multos circa unā rē ambitus fecerim, si quæ de negotio hoc Belleforestus aliiq; Gallico addicti nomini scriptores multis porro tradunt verbis, omnia exequi velim. Qui adversus ea pro Sabaudi scripserit causā, neminē mihi legere contigit hætenus. Quanquā mirari nō possim satis, cur legati Lugdunum missi, Bourdillonusq; præfectus Sabauda controversa loca reliqua omnia reddere iussus, ea quæ nuperrima illa inter Gallū Hispanumq; reges pace, matura

utrumq; præhabita deliberatione, super locorum Sabaudæ adeptorum, restitutione, convenere, in anxiam nunc denuo vocent disputationem, regiamq; obnitantur voluntati, postquam omnis illa tot annorum altercatio, matrimonio, quod inter regis Caroli amitam Margaretam, & Emanuele Philibertum ducem per eas pacis leges fuit contractum, natis præfertim ex eo conjugio liberis, penitus fuisset sublata. Hæ Bourdilloni præfecti literæ (ad rerum ordinem ut veniamus), magnis in senatu regio contentionibus jactatæ, diversis studiis accipiebantur. Vicit pars quæ tradi loca, nec differri Sabaudum malebat, & splendidissimus quisque eodem inclinabat: In priore itaq; decreto perstitum fuit, aliudq; ad eum denuo missum mandatū; alii codicilli; quibus rescribat rex: Gallos ea non uti cōsuetudine, ut quæ senatus privatus decrevisset, ea parlamentariorū consensuum, præfectorumq; rationū examini iudicioq; deinde subjicerentur, aut ab alio mortalium ullo quam ab eo qui senatui status (ita augustū illud appellant collegium, quod principi semper adest, eumq; quocunq; proficiscitur comitatur, in quod & proceres pleriq; provinciarum præfecti, allegi solent) à secretis esset subscriberentur. Majorē enim parlamentaria præfectorumq; ætarii cognitione,

gnitione, ejus senatus esse dignitatem. Cæterum ad senatum ipsum quod attineret, Navarrenum regem cæterosq; senatores, Bourdilloni in hac occasione (quoniam ita rex vellet juberetq;) desiderio ut satisfacerent, regios codicillos, licet sine exemplo, & præter consuetudinem, manu annuloq; suo signasse. Restitueret itaque sine ulla ulteriore mora Sabaudus quæ jussus erat loca, dummodo in eorum ex adverso possessionem rex collocaretur, quæ ex colloqui illius Lugdunensis præscripto regi Sabaudus tradere tenebatur. Erant hæc Savillanum, Petrousea, Pynerollum & Ginolleum. Sed Savillanum, & Pynerollum rex Henricus tertius dum sæculi ejus anno septuagesimo quarto in Galliam ex Polonia Carolo fratri in regnū successurus, properat, facto per Taurinum itinere, Emanueli duci (à quo honorifice ad modū, maximis ad ingentis comitatus effusis sumptibus, fuit exceptus, quiq; officii causâ ab domo profectus fuerat) in uxoris ejus amitæ suæ & Caroli filii gratiam, donavit, restituitque. Literis hisce Gaillonio VI kal. Octob. missis, infra regem subscribere regis mater, rex Navarrenus, Ferrariensis (pontificius tum apud Galliæ regem legatus) & Guisus cardinalis, Rupis ad Yonam princeps, & Guisus Aumaliusq; duces, Annas quoque Mon-

moren-

morentius, Franciæ Comestabilis, cum Ioanne de Selva privati consilii senatore. In ima tabula, Roberteti scribæ nomen erat. Caterum quomodo porro inter regiones Sabaudiq; legatos transactum, & quibus hæc utrimq; facta conditionibus traditio sit, quia referre longum foret, ad Franciscum Belleforestum (ex quo hæc decerpimus) ejus cognoscendæ rei avidum lectorem remitto. *Repetebat quoque Sabaudus à Bernatibus* (inquit post Lancelotū Voisinum qui de statu religionis, & reip. in regno Galliæ commentarios, sed suppressio nomine, Latine scripsit) *magnam partem, quam illi, è sua ditione bello olim ceperant, eaq; res apud solennem Helvetiorū conventum, frequenter fuerat inter illos agitata, affirmantibus Bernatibus regionem illam sibi jure belli, quod legitime susceperant, cessisse. Eo tamen, cum Hispanica illæ Albani copie ad Belgicam expeditionem profectura expectarentur, quod anno fuit Dom. MDLXVII, cum Sabaudis conveniunt Bernates* (ipsissima authoris verba, ut penes illum fides sit, allego) *sociorumq; Helvetiorum arbitraria sententiæ stant, Sabaudis tres præfecturas Geneva viciniores, Tononum, Gyam, Ternium condonant; pactis conditionibus, ne quid in religione commutaretur, aut iis in rebus, quas dum eam regionem tenuissent,*
civilibus

civilibus sententiis decrevisſent. Sabaudus
 cetera regionis lata quidem, & feraci, uri
 plane illis cedret. Vendicabat ſibi præterea
 dux Sabaudia in Genevenſes principatum,
 eamque jurisdiſtionis partem, quam vice-
 dominus Epifcopi olim exercebat, Caroli
 quarti Caſaris bullam obtendens, à Maxi-
 miliano & Carolo quinto confirmatam.
 Genevenſes contra opponebant Fredericum
 Caſarem, cum Bertholdus Zeringia dux
 jurisdiſtionem quandam in comitis Geben-
 neſii gratiam ab eo impetraſſet, habito con-
 ſilio principum imperii, petente epifcopo
 Genevenſi paulo poſt, anno videlicet
 MCLXII, conceſſionem eam revocaſſe, atq;
 adeo antiquiora civitatis jura atque pri-
 vilegia confirmaſſe, ejusque exemplo Ca-
 rolum quartum anno MCCCLXVII, quic-
 quid (ut ex vetuſtis notis ipſa verba repe-
 tamus) ab eo per obreptionem Sabaudia
 comes obtinuerat, reſcidiſſe. His autem
 conſequenter Gebenneſios, & poſt illos Sa-
 baudia comites, homagium eccleſiæ Gene-
 venſi comitatus Gebenneſii nomine præſti-
 tiſſe, feudumq; profeſſos eſſe, eorumque
 omnium authentica exhibebant. Itaq; non
 debuiſſe poſteriores Caſares ea ipſa quæ à
 majoribus ſuis jure reſciſſa fuerant, altera
 parte non audita denuo reſtituere, belli præ-
 ſertim & tumultuum tempore. Cenſuerant
 equidẽ Helvetici arbitri, deberi litem iſtam
 quoad

quoad vicedominatū (vi & facto utrimq; cessantibus) aut amice aut juridice terminari. At dum restituenda (ut diximus) à Bernatibus regionis instaret tempus, ex compromissi formula, & illac Hispani copia ad Belgicam expeditionē transirent; ne quid novi accideret, Genevenses accurata vigilantia, sibi ipsis præsidio, & aliis necessariis quantum poterant cavebant. Sed rem utramque; quid nimirum Sabaudò Helvetii, & quare ademerint, quidq; Sabaudò in Genevenses juris cōpetat; quia uberius paulo Lancelotus Voisins Popelinierei dynasta, nobilis Gallus (qui Galliæ historiam, unus omnium sui sæculi, Hugonoticæ factioni addictus licet, affectuum immunis, vernaculo scripsit idiomate) tradit; ejus hic verba transcribere visum fuit:

*Bernates Friburgensesque (inquit) in Helvetiis, gravem sibi ab Iolanda Sabaudia ducis Amadei vidua injuriam factam existimabant, quod (propter Philiberti filii sui, infantis adhuc, ætatem, in ducatus existens procuratione) Carolo Burgundiæ duci, qui in Iacobi Sabaudi Romontii comitis gratiam (cuidam ille ejus gentis, ovinas aliquot Genevam ad mercatū vehenti pelles, everso curru, pellibusque sublatis, fuerat injurius) bellum adversus eos suscep-
rat, suppetias tulisset. De hac itaq; injuria sese*

sese ut vindicarent, magno numero Dom.
 anno MCCCCLXXVII (fractis tum vehemen-
 ter adversis aliquot præliis Burgundi viri-
 bus) in Sabaudiam irrumpunt, locaq³ ali-
 quot sibi finitima primo capiunt impetu.
 Est vagæum scilicet, Moratum, Avanche-
 sium, Paierneum, Montenatum, Tverdo-
 num, Fondum, Laserranum, Santeruciū,
 Morgesium & Nyonium. Genevenses au-
 tem, representatis florenorum millibus vi-
 ginti sex, confæderatorum in Helvetiis op-
 pidis partibus aggregantur. Idem quoque
 Genevensium exemplo factum à Lausa-
 nensibus. Quæ paulo post, postridie nimirū
 calendas Martias, à Burgundo Sabaudi
 auxiliis capta civitas, & sui denuo (Bur-
 gundo nonis Ianuar. proxime subsecutis ad
 Nanceium, infami detestandaq³ Nicolai
 Campobachii nobilis Neapolitani, hominū
 quos unquam terra tulit scelestissimi, per-
 fidia, caso) emptione facta juris, Domini
 tandem anno MDXXXVI, Bernatum am-
 plexa religionem, eorum se voluntati per-
 misit. Romontii quoq³ comitatus loca om-
 nia sua tum fecere potestatis Helvetii, eaq³
 hætenus, paucis admodum demptis, reti-
 nent; nequicquam Sabauda cæterisq³ prin-
 cipibus finitimis, quibus eorum inter se
 confæderationes viresque vehementer sunt
 suspecta, ea ad se trahere conantibus. Cæte-
 rum ad Geneva quod attinet comitatum,
 eam

eam rem altius paulo (inquit porro Voisinnus) repetamus necesse est. Cum Sabaudia principum imperium arctioribus adhuc circumscriberetur limitibus, neque dominationis insolentia ultra eos se efferret, privato Genevenses principi, quem comitem appellabant, paruisse constat, at invitos satis; adeo ut loci illius episcopo (qui plenum in ipsam civitatem, pro recepto apud Germania populum more, ubi, quod & in plerisque Gallia obtinet locis, ecclesiastici ordinis proceribus fere omnibus concessum id videmus, imperium sibi arrogabat) nihil non moliente, ut, libertatis longe majoris spe eorum animis injecta, sua cum populum subjiceret potestati, minus illi essent obsequentes. Invenire etiamnum hodie est tabulas aliquot pervetustas, ex quibus patet. Archiepiscopo Viennensi componendi exortam inter Humbertum praesulem, & Aimonem comitem controversiam, salutis anno MCXXIII, demandatam provinciam. Caterum Praesule illo fato functo, qui in ejus successit locum, ad Fredericum Imperatorem eo nomine primum profectus ilico, supremo ab eo dominatu in civitatem illam donatur, ea lege ut comitis eam possidens titulo, nullius mortalium praeter imperatoris respiceret imperium. Comes Imperatorem gravioribus alibi negotiis satis implicatum ratus,

ne Sabaudiam Sabaudumq; posset respicere, præsuli negotium faceſſere non deſtitit. Duravit aliquamdiu inter eos qui hos ſubſequuti ſunt comites præsulesque altercatio hac, donec tandem comes Guilelmus, quod gravibus præsulem imperii clientem injuriis affeciſſet, ab imperio proſcriptus & bonis, qua episcopi beneficio poſsidebat, privatus fuit. Verum præsule illo è vivis ſublato, cum nihilominus Genevenſi populo Guilelmus comes moleſtus eſſe pergeret, Moriennæ comitis, principis finitimi, (cujus poſteri Sabaudia primum comites, inde duces dicti fuere) opem adverſus eum implorare coactus fuit. Moriennēſis eam ampliandi imperii ſui nactus occaſionem, Genevenſi ſuperato, ditionis ſuae fines ad Genevenſis oppidi portas uſq; protulit, locaq; ea omnia, qua Genevenſi hætenus parnerāt, metu partim, partim armis, ſub imperium ſuum venire coëgit. Quin eo non contentus rerū ſucceſſu, ſed majora longe animo moliens, quos in bellū illud fecerat ſumtus, ab episcopo populoq; Genevenſi repetebat. Illi territi, præterquam quod gerendo bello non ſufficiebant, timore etiam incuſſo ne cum Moriennēſi in gratiā tandē (cui erant inſenſiſſimi) comes rediret, re in deliberationē controverſiamque deducta, & variis dictis ſententiis, Moriennēſi tandē ſummā imperii, & quicquid comiti in civitatē Genev.

juris hæcenus fuisset, deferunt. Sed ejus dominationis capti protinus satietate canonici civesque Genevenses, quod pejus se ab eo quam à vetere domino haberi tractariq; dicerent, queruntur fortuna commutationem, & veteris in se domini indulgentiam (instigantibus qui gloria Amadei obtredebant) requirunt. Mutato itaque consilio, quem principatu paulo ante dejecterant, revocant denuo. Sed maximas illi, quibus urbem invaderet, adducen-tem copias, loco illi præsidio à Sabaudis relictis milites, profligarunt, supplicioque deus qui ex civibus cum illo clam conspirarent sumpto, eorum domus funditus ever-unt. Stetit altercatio hæc, quam diu utriusque posteris, extinctisq; demum cum universa stirpe comitibus, finem habuit. Caterum comitibus illis sublati tandem, cum graviter ferret Amadeus, ejus nominis comes Sabaudia sextus, episcopi auctoritatem super suam esse; potentia avidus, ut legati seu vicarii imperii munere in subjectis sibi ditionibus fungeretur, à Carolo eo nomine quarto Imperatore obtinuit, quo per eam scilicet occasionem præsulem oppidanosq; sibi subjiceret: sed illi animis obstinatissimis pro libertate sua niti, & veteres illas comitum Genevensium renovare denuo querelas; donec tandem Sabaudia dux primus Amadeus, Mar-thini

thini ejus nominis quinti Pontificis maximi beneficio munereque, plenum atque merum in civitatem agrumque Genevensem jus obtinet. Quæ res cum maximis gravissimisque dissidiis occasionem annis jam aliquot præbuisse, eum tandem, Carolo duce Sabaudia sceptrā tenente, habuit exitum, ut ejus principis, optimi licet, in universum excusso jugo, religionem quoque una cum domino, anno à partu virginis MDXXXVI, Genevenses mutarent. Hactenus Lancelotus Voisinus. Taurini tandem Emanuel Philibertus dux (eo unde digressi sumus, ut redeamus) sæculi hujus anno octuagesimo, mense Ianuario, supremum, multis fortibus factis gloria militari illustris, explevit diem, Carolum Emanuelem filium, ut bonorum, ita & virtutum omnium relinquens hæredem; Vercellis cum ingenti exequiarum pompa elatus, paternoque sepulchro illatus fuit.

De Carolo eo nomine quarto.

CArolus eo nomine quartus, Emanuel cognominatus, Sabaudia dux undecimus, Pedemontii princeps, Susæ marchio, Moriennæ Tharentesiæ, Brisgoiæ, Bressæ, & Geneyæ comes, sæculi hujus anno sexagesimo primo natus, Emanuele Philiberto patri, principi longe maxi-

mo, anno octuagesimo succedit: octuagesimi autem octavi extremo Carmaniola Salutiumque (quæ annis aliquot rex Gallus tenuerat oppida) invadit capitque, & quidem optimo (uti aiebat) jure. Facta quippe anno ejusdem sæculi quinquagesimo nono (uti diximus) inter ejus nominis secundos, Philippum & Henricum, Hispaniæ illum, Galliæ regem hunc, pace, cum Emanuel Philibertus, Caroli pater, Henrici regis sororem Margaretam uxorem duceret, convenerat inter cætera, ut Sabauda Gallus rex adempta proximis viginti tribus annis, quibus bellum cum eo gestum fuerat cruentissimum, loca omnia in matrimonii hujus gratiam restitueret; urbibus aliquot Carmaniola Salutioque inter cæteras demptis, quas tantisper Gallus rex possideret, dum prolem Margareta soror ejus Emanueli pareret, traditurus tum & illas. Nato itaque Carolo hoc, cum monitus aliquoties à Sabauda Gallus rex, civitates illas sibi ut ex pacis illius legibus tradere vellet, surdas hætenus præbuisset aures; subiit tandem Caroli ducis animum impetus, ea loca oppugnandi. Cujus rei semper cupitæ, oblatam per bella civilia, quibus misere tum Gallia laborabat, occasionem, & alii vulgo fremebant, & ipse non dissimulabat, Philippi præ-

præsertim Hispaniarum regis, regum sui
 sæculi longe potentissimi, soceri sui, sub-
 nixus auxiliis. Cæterum quæ post expu-
 gnata ea loca, in Sabaudia Provinciaque
 inter Galliæ regem (cui se Genevenses,
 cujus ille populi patrocinium in se susce-
 pit, junxere) Sabaudumque infestissimis
 hætenus animis, varioque eventu, nunc
 ad hunc, nunc ad illum inclinante for-
 tuna, gesta bella sunt, quoniam nemi-
 nem mihi hætenus legere contigit, qui
 bona cum fide calamoque incorrupto,
 literis ea mandarit, aliis, quibus ad ejus
 rei veritatem (quæ, prout hæc, proh do-
 lor, tempora sunt, haud facile ad nostras
 pervenire potest aures) indagandam plus
 erit otii, plus oportunitatis, describenda
 relinquo; præsertim quando quem ea
 bella exitum habitura sint, in unius so-
 liusque Dei manu arbitrioque sit posi-
 tum. Poterunt illi ex professio eam rem
 tractare, feliciusque multo pertexere.
 Mihi satis est quod quæ mei potissimum
 in suscepto opere hoc fuere proposi-
 ti institutique executus sum: si affecu-
 tus judicet æquus benevolusque lector;
 quem præmonitum velim, me neminem
 mortalium lædendi offendendive caus-
 sa hoc suscepisse operis, sed ut gentis
 nobilissimæ vetustissimæque originem
 atque propaginem posteris tradendo,

honesto liberalique otio in hac vergente ætate mea tempus fallerem. Si alicubi forte aberrarit calamus (quod præter voluntatem tamen meam erit) humanæ id fragilitati facile condonabit, quisquis se atque me hominem esse meminerit. Qui aliter affectus sit, tantum ejus ego iudicio, quantum sapientiæ tribuo.

LAMBERTI VANDER-BURCHII

SABAUDORVM

Ducum Principumque

HISTORIÆ

GENTILITIÆ,

Liber Alter.

*Sive minorum natu in gente Sabaudica
stirps, & posteritas.*

THOMAS Sabaudus, Flandriæ ab uxore priore comes, Thomæ Sabaudicæ comitis & Beatricis Genevensis (Flandriæ annales Margaretam appellant, & Fustenaissi reguli filiam fuisse ajunt) filius tertio-genitus, multis præclarisque animi atque corporis dotibus præditus princeps, atque ubi

res

res posceret manu strenuus, Pontificis Romani adversus Fredericum Imperatorem, causam una cum Philippo fratre (cui Lugdunensi, Pontificis beneficio, archiepiscopo, Sabaudia tandem comitatus obvenit) egregie fortiterque armis tutatus, Lugdunum usque in Galliam, Imperatoris conspectum congressumque fugientem Pontificem deduxit. Cujus longe gratissimi officii respectu ab eodem Pontifice Innocentio ecclesiae magnus Confalonnierius (ita supremum illum appellant magistratum) & patrimonii Romani factus fuit administrator, natamque ex Innocentii Pontificis fratre Petro Lavaniae comite filiam Beatricem, uxorem duxit, priore uxore Ioanna Flandriae comite fato functa. Ioanna nam hanc Flandriae comitem uxorem cum ducturus esset, convenit inter cetera, ut si Thomam Ioannae superstitem esse contingeret, librarum Parisiensium monetæ Artesianæ millia annua sex Thomae ex Flandriae proventibus pensitarentur, utque vectigalis publici urbis Montensis in Hannonia annuæ pensiones illi cederent. Sed Margareta Ioannae soror, statim ut, sublata sorore, rerum potita est, repræsentatis in numerato librarum (quas Tournoisias appellant) millibus sexaginta, annuam eam omnem pensionem

nem redemit. A divo Ludovico Galliarum rege non ante in clientelam receptus est, quam ubi quæ inter regem, prioremque Ioannæ maritum Ferdinandum, & Ioannam ipsam salutis anno M C C XXV convenerant, rata grataque habuisset. Rimini, Urbini & Camerini regulos Pontifici minus obsequentes, imperium ejus agnoscere, ejusque jussis parere coëgit. Supremum tandem sæculi illius anno quinquagesimo primo diem obiit. Lugduno, eo è vivis sublato, migrans Pontifex, fratri ejus Philippo patrimonii Romani curam administrationemque mandat. Crediderim Thomam hunc filium inter cæteros habuisse Philippum Moreæ principem, sed id affirmare non ausifim. Nihil enim ea de re certi hætenus comperio.

Thomas Sabaudus Pedemonti princeps, Thomæ proxime ante positi ex Beatrice Lavania uxore posteriore filius, ab Humberto Delphino Viennensi ejus nominis primo, salutis anno M C C LXXXVI, dum Amadei, Sabaudia, concessu fratrum, comitis, partes tuetur, in insidias pertractus, pugnans trucidatur. Est qui Thomæ huic Mariam Portugallam uxorem ascribat, eamq; Ferdinandi Portugalli & Ioannæ Flandriæ comitis (quam Ferdinando è vivis sublato, Thomæ Sabaudus,

baudo, Thomæ hujus patri, nupfisse diximus) filiam fuisse affirmet, at non recte. Illa enim aut liberis caruit, quæ plerorumque opinio est, aut prolem tantum unicam habuit, eamque Mariam, quæ nisi innupta decessisset, matri in Flandriæ comitatu debuisset succedere, eumque in liberos porro suos transmittere.

Philippus Sabaudus Moreæ (Epirum nonnulli eum appellant tractum, inquit Paradinus) aliquamdiu, mortuo deinde Thoma patre (qui ex Guidona Burgundiæ Palatina eum procrearat) Pedemontanus dictus princeps fuit. In Philippi hujus posteritate describenda, cum certi nihil occurreret, conjecturis subinde utendum mihi fuit. Vixit tempestate hac Ioannes Sabaudus, qui strenuam fortemque Amadeo comiti operam navavit. sed quis illi pater fuerit, hætenus mihi non liquet, neque etiam quas Philippus hic uxores (quas tres fuisse ajunt) & quos ex quaque liberos habuerit.

Iacobus Sabaudus, Moreæ post Philippum patrem princeps. Quem Amadei Sabaudix comitis eo nomine sexti (cui moriens liberos suos commendavit) cognatum patruelem fuisse Paradinus scribit. Credo dicere voluisse ex cognatis patrue libus natos. Princeps fuit

optimus, prudentissimus, & consilio plurimum pollens. Paulo post Philippum filium vivere desuit. Tres illi asseribuntur uxores, sed ignotæ hætenus mihi.

Philippus Sabaudus, Iacobi proxime ante positi filius natus maximus, juvenis potentiaæ promptæ, patri suo Amadeoque ejus nominis sexto Sabaudia comiti (pessimis Barnabonis Mediolani vicecomitis, & Galeacii ejus fratris consiliis aures, juvena incuriosus, præbens) bellum adolescens, terminos ætatis, & concessa filio egressus, infert. Sed prælio ad Fossanum superatus, paulo post, Deo, quod adversus patrem ausu temerario arma infelix sumpsisset, ultore vindiceque, moritur, & quidem patre superstite. Vxores illi dantur duæ.

Amadeus Sabaudus Moreæ princeps, Philippi superioris frater, Iacobo patri succedit, & illi Ludovicus filius.

Ludovicus Sabaudus Moreæ princeps, Amadeo patri cum successisset, Amadei comitis eo nomine octavi (cujus sororem Bonam uxorem duxerat) tutelam ad se trahere inter cæteros conatur.

Ludovicus Sabaudus Iacobi Amadeique Moreæ principum, illius filius, hujus frater, Ludovicique proxime antepositi patruus, fratre ejus Amadeo in paterna succedente bona, in Amadei comitis

tis eo nomine sexti (qui ei tutor à patre datus) consortio vitam traduxit.

Ludovicus Sabaudus Vaulxii regulus; Thomæ Sabaudi ex posteriore uxore Beatrice Lavania filius, Thomæ Sabaudia comitis, & Beatricis Genevensis nepos. Plerique Ludovicum hunc cum eo Ludovico, qui, Amadeo ejus nominis sexto Sabaudia comite puero existente, in comitatus procuratione fuit, quique sub Domini annum M CCC XLIII, decessisse scribitur, eundem esse existimant. Sed mihi id nunquam persuaserint. Neque enim quod inter utriusque, Thomæ, nimirum Pedemontani principis, qui Domini anno M CCL decessit, & Ludovici Amadei sexti tutoris (qui anno demum M CCC XLV fato functus scribitur) obitum, interfluxit temporis intervallum, id permittere videtur. Crediderim itaque Ludovicum illum Ludovici hujus filium fuisse; præsertim postquam Amadei comitis quinti (cui quartus pater) cognatum eum fuisse Paradinus scribat. Sed hac de re ad Amadeum quartum plura.

Ludovicus Sabaudus Vaulxii post Ludovicum patrem regulus eo nomine secundus, cui uxores duæ.

Guilelmus Sabaudus Thomæ comitis Beatricisque Genevensis filius quintus,
Amadei

Amadei tertii frater. Valentianus in Delphinatu ab Innocentio quarto Pontifice in Thomæ frattis gratiam renuntiatur præsul. Quo munere præclare admodum fungitur, veneno, æmulorum quorundam summa perfidia, Assisii (quæ Umbriæ civitas) tollitur. Delatumque in Sabaudiam defuncti corpus, in Alcecombano monasterio tumulatur. Accidit id Domini anno MCCXXIX. Princeps fuit optimus, liberalissimus, & morum ea elegantia, ut mortalibus omnibus longe esset gratissimus, nobilitati, & sui ordinis hominibus præsertim. Leodicensis quoque, Gregorio nono Pontifice renuntiante, præsul Guilelmus hic factus, cum Waleramo Limburgensi duce grave gessit bellum, sed Thoma Sabauda fratre ejus maximas in auxilium ejus adducente copias, armis protinus positis, pacem cum Præsule Waleramus dux fecit.

Amadeus Sabaudus, superioris Guilelmi frater, cum perpetua usus invaletudine, administrandæ reipublicæ minus esset idoneus, in castellum quoddam ad lacum Lemanium, cui Chillonio nomen, secessit. Pietati autem se totum tradere cum destinasset, in Pennis (Villam novam, ad eundem lacum Lemanium oppidum hoc appellant) ædiculam sacram,
& ex-

& excipiendis qui Romam iter illac peregrinationis causa instituerent, mortalibus nosocomium exstruxit. Illi sacerdotes qui Deo assidue sacra facerent, huic homines pietati totos addictos, qui pauperum sedulam gererent curam, eorumque morbos ulceraque curarent, praefecit. In nosocomio hoc leprae deprecaturus morbum (in quem propendere videbatur) reliquum traducens vitae, anno tandem salutis M CC XLVI decessit. Alii in rupe quadam medio inter fanum divi Mauricii & Moncellum loco, in quam, æde sacra exornatam, Chillonio relicto, cum vitae sibi finem imminere videret, se receperat, supremum egisse diem, & in nosocomio, quod exstruxerat, sepulcrum referunt.

Bonifacius Sabaudus, Thomæ Sabaudiae comitis filius septimus, Amadei Guilelmique, quorum proxime meminimus, frater, sacrarum literarum studio à puero deditus, tantos mox fecit profectus, ut ceteros ea tempestate, scientiæ illius peritia præmineret, & Cantuariensi in Anglia mereretur donari archiepiscopatu. In quo se vitae genere ita gessit (aderant etiam illi modestia ac forma principis viro digna) ut regi & populo Anglico universo esset admirationi, vehementerque à mortalibus omnibus diligere-

geretur juxta atque coleretur: præsertim cum ita eum formasset natura, ut admiranda incredibilique corporis pulchritudine sui sæculi viros omnes superaret, Absolonemque eum, tanquam juventutis Sabaudicæ pulcherrimum, vulgus appellaret. Cum jam annis aliquot in Anglia se tenuisset, fratrum suorum, natalisque soli revisendi captus desiderio, in Sabaudiam, trajecto Oceano, cum magni nominis regulis aliquot Anglis ad Amadeum comitem fratrem venit. Ibi opinione diutius hærens, ut amplissimis monumentis nominis sui memoriam patrio in solo perpetuaret consecraretque, ædes aliquot supra modum magnificas, arcesque præterea duas locis amœnissimis, in summo civitatis Rossillonæ fastigio unam, ad Vginetum alteram, maximis sumptibus exstruxit. Cæterum dum ægre à carissimo fratre avellitur, viri aliquot nobilissimi ex ejus comitatu cum primariæ Sabaudicæ nobilitatis fæminis matrimonia contraxere. Erant inter hos quidam ex gente quam Holandicam Angli appellant, à quibus Crecherelli, Dancrefcherei, Saixeique, veteres claræque in eo tractu familiæ, descendere. Ad archiepiscopatum tandem suum ingenti gloria reversus Bonifacius, castissime sanctissimeque (ad stuprum à mulieribus nonnul-

nonnullis, quæ in eum exarserant, quas forma magis quam casti commendabant mores, importunius sæpius sollicitatus licet) quod reliquum fuit vitæ in ea functione traduxit, puellasque complures inopes, at pudicas, honestis adolescentibus (qua in pauperes erat liberalitate) collocavit. Salutis tandem anno M C C L X, tædio curarum fessus, concessit vita, mortem ejus effusissimis lachrimis amicis civibusque prosequentibus. Defuncti exuvix in Sabaudiam delatæ, majorumque ejus in monasterio Altescombano illatæ monimento, plurimis claruere miraculis.

Ianus Sabaudus Genevæ comes, Bafgei marchio, Ludovici Sabaudix ducis secundi filius.

Ludovicus Sabaudus, Genevæ comes, & Cypri ab uxore rex, Ludovici Sabaudix ducis secundi, & Annæ Lusignanæ, cui Ioannes eo nomine secundus Cypri rex (ex quo Carola Ludovici uxor nata) frater, filius regno ab uxoris fratre notho Iacobo exutus, Ripallico se monasterio in Sabaudiam reversus mancipat, ubi vitæ reliquum sanctissime peregit, & salutis tandem anno M C C C C L X X X I pridie calendas Martias liberis carens decedit.

Iacobus Sabaudus Rhomontii (seu Romon-

Romontii) comes, Ludovici Sabaudiaë ducis secundi filius fuit. Quem egregiis majoribus, & fraterna imagine fulgentem, aureo Burgundiaë dux Carolus (cui regium genus, & pace belloque clara origo) vellere donavit. Quin auctoritate & gratia apud Carolum cum vigeret, infauftum illud sibi que fatale adversus Lotharingiaë ducem Renatum Helvetiosque Carolus suscepit dissidium, quod raptu pellium ovinarum modicis principiis, per arma tandem & acies exercitum finitumque fuit. Caterum Carolo duce ad Nanceium caeso, Maximiliano Romanorum regi strenuam fortemque navat operam, Maubonium castrum munitissimum, latrociniis fecundum (unde arta finitimis res) singulari fortitudine, compulsis ad deditionem prædonibus, Maximiliani denuo imperio adjicit. Sed diu Cæsari gentique Burgundicaë fidus, & Burgundicis (uti ostendimus) armis defensus, deficientibus à Maximiliano Cæsare Flandris, Gandensium factus dux, hostilia etiam adversus Maximilianum gentemque Burgundicam induit. Inde in Caroli octavi Galliarum regis (qui sorore ejus genitus erat) concedens partes egregia erga gentem Burgundicam merita rebellis fœdavit. Duæta salutis anno
MCCCC LXXXIII Maria Lutzenburgica
soro-

fororis suæ Margaretæ filia, sæculi illius anno octuagesimo septimo apud Veromanduos in Hera arce sua supremum obiit diem.

Renatus Sabaudus, Beauforti & Villarsii comes, Franciæ post Arthurum Goiferium Boissii dominum, anno MDXVIII. magnus magister, & Provinciæ prorex, filius fuit nothus Philippi Sabaudicæ ducis septimi. Qui in prælio ad Papium anno sæculi hujus XXIII. commissio, captus, ex vulnere ibidem accepto, paulo post decedit.

Claudius Sabaudus Tendii comes; Renati Sabaudi, & Annæ Tendicæ filius primogenitus, Provinciæ post patrem præfectus, moritur anno salutis MDLXXII. uxores habuit duas.

Horatius Sabaudus Tendii, & Someivei comes, Claudii proxime antepositi filius natus maximus, Provinciæ, patre, religionis illi (ut aiunt) incuria objecta, & quod partes regi diversas foveret, perturbato, præfecturam corripit. Sed illo paulo post patrem fato functo, Casparum Sauxium Tavanesi dynastam, & Franciæ Mareschallum rex suffecit.

*** Sabaudus Ciperrii regulus, Claudii Horatiique proxime antepositorum, illius filius, hujus frater, ad forum Julii salutis anno MDLXVII. à Ponti-

ficiis annos natus viginti, adolescens trucidatur, ut author is qui de statu religionis, & reipublicæ in regno Galliæ commentarios scripsit. Belleforestus, & Lancelotus Voisinus authores sunt, Cipierium Caroli noni Galliarum regis juveniles rexisse annos, & ex balnis Leodiensibus reducem decessisse. Sed crediderim illum, alium ab hoc fuisse, si verum sit ætatis anno vicesimo fuisse trucidatū.

Honorius seu Honoratus (Horatius aliis) Sabaudus Villarssii comes (marchionem appellant alii) Renati Sabaudi, & Annæ Tendix filius secūdo genitus, Casparo Colinio in Admiralatu succedit, quo se magistratu in Caroli Lotharingi Mennæ ducis, generi sui gratiam, tandem abdicat. Prælio eo quod ad Moncontourium v. nonas Octobreis anno post natum Dominum MDLXIX, inter Pontificios, quibus Andius dux, & reformatos quibus Admiralus præerant, commissum, quo cæsi fugatique reformati, Honorii hujus singularis apparuit virtus.

Philippus Sabaudus Genevæ comes, & Nemoursii, Francisci Galliarum regis eo nomine primi beneficio, dux. Mortua quippe Philiberta Sabauda Philippi sorore, cujus maritum Iulianum Medicem eo ducatu rex Franciscus in Philibertæ gratiam donarat, Philippum hunc

avun-

avunculum suum eodem donat. Filius fuit Philippi ducis ejus nominis secundi ex uxore posteriore. Sunt (inter quos Belleforestus, & is qui nuper Borboniorum stemma publicavit) qui Philippo huic nuptam fuisse dicant filiam Renati ducis Alençonii, eique ducatum Nemoursium in dotem datum, originemque ab ea trahere Nemoursii nunc ducem, & Genevæ comitem. Aut priorem hanc uxorem Philippus habuit, aut falluntur, quod magis crediderim, graviter illi. Duas enim filias Renatus habuit, unam Franciscam seu Ludovicam appellatam, nuptam bis, Francisco Longevillæ duci, & Carolo deinde Borbonio duci Vindocinensi; alteram Annam, cui vir Guillelmus Montisferrati marchio. Errori occasionem dedit, quod Francisca major natu filia Ludovico Arminiaco Nemoursio seu Nemorensi duci pacta fuerat, at non nupta. Nemoursius hic comitatus in Caroli Navarræ regis (qui malus dictus) ejus tum loci comitis, gratiam, à Galliarum rege Domini anno MCCCXXXVIII, ducatus factus fuit.

Philippus Sabaudus Nemoursii dux, Philippi Nemoursii ducis & comitis Genevensis Carolæque Aurelianensis filius, Philippi Sabaudicæ eo nomine secundi ducis nepos, Annam Estensem salutis

anno MDLXVI. uxorem duxit, postquam pro ea judicasset Pontifex adversus Renati vicecomitis Rohanensis sororem. Quæ Garnachea dicta, filium habuisse scribitur, quem, materno aliqui cognomine notum, Nemoursii Protestantes appellarunt principem: nuptiisq; quæ ad divum Maurum Foslesium prope Lutetiam Parisiorum celebratæ, Galliarum rex Carolus eo nomine nonus interfuit. Decessit hic circiter annum Domini MDLXXXVII.

COMITUM DUCVMQ.
SABAVDIÆ SÆRIES.

	<i>Obitus.</i>
I. <i>Beraldus</i> Mauriennæ primus dominus.	1027
<i>Catharina</i> Palatina Schirensis.	
II. <i>Humbertus</i> primus.	1077
<i>Adelis</i> Segusiani marchionis filia.	
III. <i>Amadeus</i> primus	1078
<i>Ioanna</i> Burgunda.	
IV. <i>Humbertus</i> secundus.	1609
<i>Laurentia</i> Venicia.	
V. <i>Amadeus</i> secundus.	1654
<i>Gertrudis</i> Lotharinga.	
<i>Guignonia</i> Albonia.	

Sibylla

Sibylla Matisconensis.

VI. *Humbertus tertius.* 1201

Mathildes Flandra.

Anna Salingea.

Pernella Burgunda.

VII. *Thomas comes tertius.* 1233

Beatrix Genevensis.

VIII. *Amadeus tertius.* 1246

Anna Albonia.

Cecilia Provincialis.

IX. *Bonifacius comes quintus.* 1256

X. *Petrus comes sextus.* 1268

Eleonora Foucignia.

XI. *Philippus primus.* 1285

Alexia Merania.

XII. *Amadeus quartus.* 1323

Sibylla Bressana.

Maria Brabanta.

XIII. *Eduardus comes nonus.* 1329

Blanca Burgunda.

XIV. *Amadeus quintus.* 1342

Iolanda Palæologa.

Catharina Lutzenburgensis.

XV. *Amadeus sextus.* 1380

Bona Borbonia.

XVI. *Amadeus septimus.* 1397

Bona Biturica.

XVII. *Amadeus octavus.* 1452

Bona Burgunda.

XVIII. *Ludovicus dux alter.* 1466

<i>Anna Lusignana.</i>		
XIX.	<i>Amadeus nonus.</i>	1471
<i>Ioanna Franca.</i>		
XX.	<i>Philibertus primus.</i>	1481
<i>Blancamaria Mediolanensis.</i>		
XXI.	<i>Carolus primus.</i>	1488
<i>Blancamaria Montisferratenfis.</i>		
XXII.	<i>Carolus secundus.</i>	1495
XXIII.	<i>Philippus secundus.</i>	1497
<i>Margareta Borbonia.</i>		
<i>Clandia Broslesia.</i>		
XXIV.	<i>Philibertus secundus.</i>	1504
<i>Margareta Austriaca.</i>		
XXV.	<i>Carolus tertius.</i>	1554
<i>Beatrix Portugalla.</i>		
XXVI.	<i>Emanuel Philibertus.</i>	1560
<i>Margareta Franca.</i>		
XXVII.	<i>Carolus quartus.</i>	
<i>Catharina Hispana.</i>		

MINORVM NATV IN GEN-
TE SABAUDICA SERIES.

T	<i>Thomas Sabaudus Flandriæ</i>	
	<i>comes.</i>	1251
<i>Ioanna Flandriæ comes.</i>		
<i>Beatrix Lavania.</i>		
<i>Thomas Sabaudus princeps Piedemontanus.</i>		
		1286
<i>Guidona Burgundiæ Palatina.</i>		
<i>Philippus</i>		

Philippus Sabaudus Moreæ prin-
ceps.

Iacobus Sabaudus Moreæ princeps.

Philippus Sabaudus Moreæ prin-
ceps.

Amadeus Sabaudus Moreæ prin-
ceps.

Ludovicus Sabaudus Moreæ prin-
ceps.

Bona Sabauda.

Ludovicus Sabaudus Vaulxii re-
gulus.

Adelina Lotharinga.

Ludovicus Sabaudus Vaulxii re-
gulus secundus.

Catharina Mediolanensis.

Guilelmus Sabaudus episcopus
Valentianus.

Amadeus Sabaudus Guilelmi su-
perioris frater.

Bonifacius Sabaudus archiepiscopus Cantuariensis. 1260

Ianus Sabaudus Genevæ comes.

Helena Lutzenburgensis.

Ludovicus Sabaudus Genevæ comes. 1481

Carola Lufignana. 1485

Iacobus Sabaudus Romontii comes.

Maria Lutzenburgensis.

Renatus Sabaudus Villarſii comes.

Claudius Sabaudus Tendii comes.

Horatius Sabaudus Tendii comes.

Alfonsina Strofſia.

***** De la Touria.

***** Sabaudus Cipierri regulus.

Honorius Sabaudus Villarſii comes.

Francisca Fecensis.

Philippus Sabaudus Nemourſii dux.

Carola Aurelianensis.

Philippus Sabaudus Nemourſii dux.

Anna Eſtenſis.

D I S S E R T A T I O

De

Statu Politico

S A B A V D I Æ .



SABAVDIAE Dux, princeps & Germaniæ, & Italiæ, sed diverso respectu, nominatur. Germaniæ quidem, quia ad Comitia Imperatoria vocari olim solebant Sabaudi. Italiæ autem, quia magnas opes, & loca plurima eâ in regione habet. Quidquid enim Pedemontii nomine venit, in ditione est principum Sabaudorum. Certè opum vi, & potentia paucis Italorum Principum cõcedit. Sed ut statum Sabaudiaë ducum penitus cognoscamus, nonnullain antecessum videntur præmittenda.

Vt autem Sabaudiaë, qua Galliam attingit, limites hodierni melius intelligantur, postremas pacis cum Henr. IV. Gall. Reg. à Sabaudis initæ conditiones hic ex Thuano subjiciam: is lib. cxxv. ita scribit:

Omnis intra Rhodanum à Geneva urbe tractus, ipso fluvio comprehenso, ad ditionem Francicam cum omni jure supremi Domini deinceps pertinet,

tantum pro transitu in Sequanos commoditate, pons Grefini inter Clusuras & Arbiæ pontem, cum designatis aliquot pagis, Sabaudæ reservetur: ea lege, ut nullum vectigal imponere aut toto illo tractu ullum propugnaculum exstruere possit. Burgi arx bona fide Regi tradatur, cum tormentis & omni bellico apparatu, & annona trans Rhodanum. præterea Seissellium, Daira, Chaussium, Arlæpons, Chava castellum cum omni sua jurisdictione Regi cedant. præterea Genevensis præfectura cum omni territorio ac pleno jure, sicuti iis Sabaudi decessores usi ac fructi sunt. quæ omnia regio patrimonio ita lege regni uniantur, ut ab eo alienari deinceps non possint.

Habet præterea Dux Sabaudia in territoriis suis multas arces, & loca, tam à natura, quam industria, munitissima; & quidem qua Galliam attingit; Confluentiam in concursu Arcæ & Isaræ positam ad servandum aditum, ex quo in Tarentasiensem vallem descenditur; inde Miolanum castellum saxo arduo impositum undique prærupto, quod Isarum subiectum respicit; tum Turrem Carbonariam, quæ munitio aditum in Morienensem vallem servat, in montium faucibus; quæ per convallem porrectæ ad Cenisium montem desinunt: locus est

Beraldi

Beraldi Saxonis primi Moriennæ Comititis & familiæ Sabaudicæ conditoris, primum domicilio, ac postea Thomæ Humberti III F. cunis memorabilis, ad Isaram saxo undique inaccessibili, nisi qua per callem angustum ad Porteriam itur, situs, domicilio præterea Comitum Sabaudicæ, cum primum in hanc provinciam migrarunt, nobilis. Huic subest Aquæ-bellæ municipium. Inter omnes autem arces excellit Monmeliani. arci veteri nova munitio spatiosior circumdata est, quæ summum fastigium rupis, cui imposita est, ambitu suo complectitur, quinque propugnaculis egregie firmata, quorum tria præcipua municipiū subjectum respiciunt, qua parte & fossam habet: qua, propter Sacri prærupti situm, prominentibus substructionibus muniri non potuit, forcipes artificiosè ducti, qui vice propugnaculorum sunt, ad meridiem Isaram habet, qui in Sabaudiam ulterius perrecturis ponte transmittitur. ab adversa parte altissimis montibus cingitur, ad quorum radices collis imminet vitibus confitus, accessu difficilis. Arx diu inexpugnabilis credita, quam tamen Rex Henr. IV anno c1510 c expugnavit, subductis in collem illum machinis, quod hætenus impossibile creditum fuerat.

Superioribus annis quæstio mota fuit Duci Sabaudia, à Duce Mantuano, de prærogativa dignitatis, quam sibi parem cum Sabaudis Mantuanus hodie vindicare conatur: hujus controversiæ occasione anno 2622, ab utraque parte scripta prodierunt, quæ in x tomo Mercurii Gallicè extant, prout in Italia fuerunt impressa; è quorum uno qui à parte Sabaudi prodiit, hæc ad nostrum institutum excerptimus: Iam sexcentos esse annos, ex quo familia Sabaudia rerum potita fuerit in suo Principatu; à Beraldo quippe Saxone xxvii Principes numerari: nimirum xvi Comites, quorum ix simul Duces Chablasi & Augustæ fuerint, & deinceps xi Duces Sabaudia: quibus si addantur ix illi Chablasi, omnino xx Duces fuerint; præterquam quod Ludovicus etiam Rex Cypri fuerit. Eadem familia diversis temporibus connubio juncta fuit cum summis Principibus, octies nimirum cum Imperatoribus, quatuor quidem orientis, totidemque occidentis; quinque cum Regibus Franciæ, decies quater cum Principibus regii sanguinis in Francia, quinque cum domo Austriaca, (comprehensis Imperatoribus & Regibus:) semel cum Rege Arragonum; bis cum Regibus Castellæ & Legionis: bis cum

Rege

Rege Portugalliæ: semel cum Regibus Poloniæ, Angliæ, Scotiæ, Cypri, & Bohemiæ; ter cum Regibus Siciliæ & Ierusalem.

De potentia Ducis Sabaudia vide postremum hujus libelli tractatum. Nam qui minutim Ducis potentiam & annuos redditus describere fategerunt, longe, prudentiorum judicio, infra dignitatem illos designarunt.

Sed obiter hic observandum, Regem Hispaniarum Philippum II, per tabulas dotales inter filiam illius, & Ducem Sabaudia, ipsi inter alia promississe sexaginta millia ducatorum annuatim percipienda è redditibus Ducatus Mediolanensis; itemque octo millia ducatorum, annuatim percipienda è vectigalibus urbis Neapolitanæ, quæ utraque anno clc lcxiv Dux conqueritur aliquot annis sibi minime fuisse ab Hispano persoluta; videlicet sexaginta illa millia ducatorum jam tum ab annis octo; octo autem millia hæc jam ab annis quatuor aut quinque occasionem dederunt huic rei dissidiis inter Regem & Ducem; quæ potissimum originem sumserunt è bello, quod Dux Sabaudia movit Mantuano in Marchionatu Montisferratensi. nam cum Rex Hispaniæ Mantuano faveret, eique per Governatorem Ducatus Mediolanensis

mensis auxilium ferret, odium inter hos Principes jam ante è variis causis natum, in apertum bellum erupit. cui cum aliorum Principum interventu finis esset impositus, animi tamen exulcerati, numquam penitus reconciliari potuerunt: querebatur enim Dux se ab affinibus suis minus amicè habitum, quinimo cōtra æquitatem ad iniquas condiciones urgeri, & pæne cogi; quarum præcipuæ erant, ut Dux filiam suam Mantuano hosti suo, nondum rite conciliato, in uxorem traderet; & conditionibus, quæ in pacis confectæ tabulis pactæ fuerant, nōdum plene præstitis, omnes suas copias dimitteret: quibus addebat, filium suum primogenitum in Hispania indigne & minus decore habitum; sibi que pensiones annuas præter jus fasque jam multis annis detineri; & alia hujuscemodi. Quid multa? numquam ab illo tempore ipsi bene cum Hispano convenit, sed semper aut infida & suspiciosa pax inter illos viguit, aut apertum bellum fuit.

Præter autem Provincias, quas Dux Sabaudiæ actu possidet, jus sibi competere asserit; primo in urbem Genevensem: argumenta illius, cum Genevensium refutatione, egregie explicantur à Thuano lib. cxvv, ad annum c15 15 c. quæ tractatio quia prolixior est, eo lectorem remittent-

mittendum putavimus. Secundo in Marchionatum Montisferratensem. rationes paulo post explicabimus, cum de Manruano Duce agemus. Tertio in Achaiam; Phlippus enim Sabaudus, Thomæ tertii filius, filiam Principis Achaia, nomine Iamben, uxorem duxerat, ex qua filium Iambum suscepit, qui Princeps Achaia factus, Amadeum filium & principatus hæredem reliquit, quo (sicuti & fratre illius Ludovico) sine liberis defuncto, Regina Siciliae tanquam feudi domina jus sibi in principatum arrogans, jus suum militum Rhodiorum Magistro cessit, Rhodiis denique Turcarum Imperator una cum Insula principatum abstulit. Quarto in Regnum Cypri & Hierusalem, idque variis argumentis; quæ hic prolixè recensere nihil opus est, cum Turca utroque jam potiatur.

Non possum autem quin paucis hic Dynastæ Bobiensis Vasalli Ducis Sabaudia faciam mentionem. Hannibal Grimaldus, Comes & Baro Bobiensis, anno 1617, ob bellum, quod inter Ducem Sabaudia & Regem Hispaniarum gerebatur, se sub protectionem Regis Galliarum dederat; & bello jam extincto numquam in gratiam Sabaudia Ducis redire potuerat. verum Dux per Senatum Nicensem causam illius cognosci voluerat.

: à quo

à quò cum esset condemnatus, una cum filio suo, & bona illius omnia fisco Ducis addicta: Dux per Gubernatorem Nicæ eundem capi & capite plecti curavit, & ingentes opes, tam in parata pecunia, quam monilibus & supellectile, quæ in castellis illius Ascros, Thodon, Tourrette, & aliis, inventa fuerunt, eripuit. Varii de hoc iudicio & supplicio sermones fuerunt. Nam multi contendebant, filium, qui in Gallia filiam Vice-Comitis Tavares & Ducis-Maynii neptem uxorem duxerat, paternis bonis exui non debuisset. Et à Duce Maynio & aliis affinibus & amicis Comitis libellus Duci Sabaudia fuit oblatus; quo petunt, filium in bona, quæ progenitores illius jam supra sexcentos annos possederant, restitui.

1. Quia progenitores tam bene de Ducibus Sabaudia meruere, ut unius culpa huic obesse non debeat.
2. Præsertim quia hic numquam Hispanorum partibus favit, neque parentis sui scriptis aut factis consensit, imo potius obstitit quantum valuit.
3. Quia iniquum est, filium propter parentis delictum bonis iis privari, quæ à maioribus per substitutionem descendunt.
4. Quia pœna mortis sufficere debet; & Principibus familiare est, filiis innoxiiis bona paterna relinquere aut certa conditione restituere.
5. Propter

pter amplissimas & potentissimas familias, quas hic filius, tam à parte matris, quam uxoris, attingit; &c. Dux autem Sabaudiaë respondit, filium non minus nocentem fuisse quam patrem, & utrumque legitimo & justo judicio condemnatum: licet nequaquam novum sit in criminibus læsæ Majestatis, etiam hæredes & descendentes propter delicta majorum puniri.

Porro eorum quæ Comes Bobiensis cū Hispanis egerat præcipua capita hæc sunt. Anno 616. 1. Rex Catholicus Comitem & successores illius, atque subditos, recipit in patrocinium, illosque contra D. Sabaudiaë & omnes omnino Principes proteget & defendet; vicissim Comes partes Hispanicas sequetur adversus quoscunque. 2. Rex Catholicus daturus est Comiti 4000 militum, & argentum ad totidem conducendos; & Comes promittit intra trimestre spatium Regi tradere civitatem, arcem & Comitatum Nicæensem: Rexque Comitatum & subditos omnes Comiti tanquam Domino absoluto relinquet, excepta solum civitate Nicæa, Villa franca, Sospetto & duobus aut tribus aliis locis; quorum tamen Comes & Successores illius perpetuo Governatores existent. 3. Rex Cathol. annuatim & in perpetuum Comiti

V

pendit

pendit 20 mill. coronatorum. 4. Comes à Rege accepit per deputatos suos 22 mill. coronatorum. Cum autem aura hujus rei ad aures Gall. Reg. accidisset, & Comitem monuisset ne se cuiquā præterquam sibi addiceret, pœnitere facti videri voluit, sed nihilo secius cum Hispanis egit, & etiam quædam in præjudicium Galliarum Reg. clam molitus est: quæ hic referre longum esset; plenius autem commemorantur in confessione D. Honorati Malbequii, quam Auctor Mercurii Gallici tomo VI I inseruit. Quid multa? Comes Bobiensis hoc pacto se suosque perdidit; & Dux Sabaudia compos est factus illius Comitatus, qui inter Galliam & Sabaudia, qua Nicæensem provinciā attingit, pene medius est.

Absolvam rem omnem verbis Boteri. Ait ille: Dominium Ducis Sabaudia patet in longitudine ad 330 miliaria Italica, initium faciendo à finibus Comitatus Burgundia, Bressæque progrediendo ad fluvium Sesium supra Vercellam, ejus latitudo est 160 miliarium, incipiendo à monte S. Bernhardi, & valle Augusta, ad mare Ligusticum usque ubi est Nicæa provinciæ, vulgò Nizza en Provenza, talisque est ejus forma, ut in ambitu nongenta miliaria comprehendat. Totum hoc dominium ad Orientem videt

videt statum Mediolanensem, & Marchionatum Montisferrati: ad Occidentem ei est fluvius Araris, vulgò la Saone, & Liber comitatus Burgundiæ: à Meridie jungitur Provinciæ & Delphinatui, & Liguriæ, Comitatusque Niceæ alluitur mari Ligustico: ad Septentrionem habet Helvetiam. Dividi potest dominium Ducis Sabaudia in partes duas, sicut & Alpes id dividunt: in Sabaudia nempe & Pedemontium. In Sabaudia sunt Episcopatus Tarentasiensis, Maurianensis, & Beleiensis, habetque Dux dominationem Episcoporum. Sunt quoque in Sabaudia tres arces sive castella, vulgò dicuntur Bourg en Bresse, Mommelian, Nuntiata. Sabaudiamq; inhabitant quingenta animarum millia. Solebat Dux stipendia largiri aliquot turmis equitum levioris armaturæ, Sabaudis, qui se strenuè gerebant in præsidiis Bressæ, & Chamberiaci, sed Dux, ut sumptus, quos in eam militiam faciebat, belli tempore melius collocaret, omnes illos milites dimisit. Nobilium virorum Duci feudatariorum magnus est numerus, qui se in armis exercent, quod sæpè cum Francis bella gesserint Sabaudi. Pedemontium nihil simile cum Sabaudia habet. Hæc enim montosa est: Pedemontii autem pars maxima plana æqualisque est, asper-

ctu jucunda, nec solum delectat ejus amœ-
nitas visum, sed ejus campi fertilitate
eximii, multum lucri adferunt colonis.
Frumenta enim suppeditat Sabaudia &
Helvetiis, aliquandoque Genuensibus,
quod nisi faceret, vili in Pedemontio vi-
vi posset: sed dicti vicini adeo magnam
annonæ copiam inde petunt, ut ipsum
Pedemontium penuria aliquando labo-
ret, acciditq; ut frumenti saccus, qui scu-
ro aut nummo aureo & semi vendari
solebat, aut ad summum duobus, scutis
aureisve nummis tribus, aliquandoque
quatuor valeat. Pedemontio includitur
Ducatus Augustæ, vulgò Duche d'Aosta
dictus, continet is magnum arcium nu-
merum: feudorum quoque quæ nobi-
les possident: singuli horum non ma-
gnis pollent divitiis, sed omnes simul
magnas possident opes. In Pedemontio
sunt quoque territoria Vercellense, Ca-
navense, Comitatus Nicæ. Suntque in
eo septem civitates, Augusta nempe, quã
ædificavit Augustus, ab eo nomen est
adepta: munita haud est Augusta, sed
pulchris valdè muris cincta: secunda ci-
vitas Vercellæ dicitur: tertia Inurea:
quarta appellatur Asta: quinta Monde-
vium: Nicæa sexto loco numeratur: se-
ptima Laurinum, vulgò Turino nomen
est, hæc Archiepiscopi sedes est, sæpeque
hic

hic versatur Dux. In Pedemontio septingenta millia incolarum sunt, quorum numerus quotidie major fit: hic populus haud vilis est, sed multi eorum strenui sunt milites, sed pauci artibus mechanicis incumbunt, nec eas magni faciunt, sufficere sibi putant victum & amictum, in eo imitantur nobiles, qui mercaturam haud exercent, quamvis commoditate, quam Padus fluvius eis offert, mercaturam cum Mediolanensis status incolis, multarum civitatum ad ripas Padis sitis exercere possent, imò & cum Venetis: sed hoc ipsi non curant, extraneos autem mercatura telæ, canabis, lanæ, & pauci serici, magnas simul parare divitias: dici itaque posset, quod quidquid mercatores lucrantur, id eis à Pedemontanis dono dari, quod ipsi id parare possent, si vellent: Pedemontani in id solum incumbunt, ut penuarium probè sit instructum, utque lautè vivant, ipsique artifices mechanicique ferina carne, aliisque preciosis cibis vesci volunt: dici itaque potest, Pedemontanos quidquid habent, insumere in luxum. Duxem id quidem malè habet, doletque ipsum, quod magis industrii non sunt, offertque ipsis modum exercendi mercaturam, consequendique lucrum: aquæ ductus fieri curat, omniaque tentat, ut somnum

eis excutiat. In Pedemontanis industria requiritur, sed id obedientia erga suum Principem pensent, vitæ quoq; innocentia: sunt enim adeò simplices mansuetiq;, partim naturali instinctu, partim timore fisci, ut amanter quieteq; inter se vivant, raraque sint inter ipsos homicidia vulneraque. Habet Dux plus minus viginti virorum millia selectorum, qui armis instructi sunt, nempe partim pectoralibus, partim sarissis sclopetisque: sunt divisi sub Capitaneis, qui alios superiores agnoscunt, ii vulgò Coronelli dicuntur: hi milites semper se exercent, fiuntque eorum lustrationes certis temporibus. In Pedemontio numerantur plus quàm octingentæ arces, quæ nobilibus in feudum sunt concessæ, feudatariorumque communi voce, plus minus septies mille esse dicitur, sique ij præstarent quod debent, tenenturque facere, esset Dux Sabaudia potens admodum, is habet ordinariè tres Triremes instructas.

O P E S.

Reditus Ducis Sabaudia ordinarii extraordinarii que accedunt ad quingenta aureorum millia, nempe vectigal salis 50000. Telonium Susæ 24000. Vectigal mercium exterarum 18000. Alia

Alia vectigalia, cum eo quod Villafrancæ solvitur, dicunt accedere ad 25000. Ordinarium antiquum cum eo quod Bialiaggi accedit ad 70000. Taxa ordinaria Pedemontii, cum mutatione salis, ab alio montium latere, in vectigal ordinarium perpetuumque 263000. Confiscationes bonorum, condemnationes, augmentum subsidiorum, compositiones delictorum. Censuales, qui vulgò Tagliabeli dicuntur, hi homines de suis bonis disponere haud possunt, nisi pendant aliquam pecuniæ summam. Duci pro ejus arbitrio, & tributum, quod pendunt Iudæi, & ex similibus rebus percipitur 50000. Summa totalis est aureorum num. 500000. De expensis nihil certi dici potest, tamen hoc scitur, in militiam impendi aureorum 10000. In aulam Ducis 60000. In Ducissam 20000. In Triremes 22000. Duci Nemorsio, cognato Ducis, penduntur aureorum millia quatuordecim. In stipendia officiariorum ab utroque Alpium latere, Senatum, Cameras Iudiciarias, aliaque impenduntur 90000. In Legatos, & res extraordinarias insumuntur aureorum 16000. In donativa 12000. In viridarios, & eos, qui Duci sunt à pedibus 10000. Dux impendit in res ei gratas 10000. Sum-

ma harum impensarū accedit ad 38000 aureorum millia.

Vt finem faciam, & splendor familiæ Sabaudicæ, quem jam habet, propius cognoscatur, adscribam verba Vincentii Guinifii de Mauritio, Card. Sabaudicæ. Hic ipse, inquit, quem coram humanissime agentem cernitis, florem regii sanguinis in Europa attingit. Hujus ipsius pater Henric. Galliæ Regum unius filius, unius nepos, dem Lusitaniæ regis pronepos, regis consobrinus. Mater vero neptis imperatoris, consobрино Imperatore, eodemque Hispan. rege progenita, ac regis soror maximam filio nobilitatis gratiam, venerationemque communicant.

*Isara fluminis descriptio ex
Massonio.*

Dia, five locus *Diana* prope quam urbs illa sita est, unitur cum Valentis Episcopatu. Hoc quoque sciendum Viennam ab rupe Glaiana decem leucis abesse, inde Valentiam usque duas tantum numerari. Eo loco Isara Rhodanum ingreditur. De quibus fluviis Armoricus posita libro quarto Philippidos ait:

Isaramque vado, Rhodanumque carentes.

Audivi à domino vallis Isaræ nobili viro id flumen è vico *Furnilio* parochiæ *Teignes* rupeque valida oriri apud Tarentasios, quorum urbs plusquam Episcopali dignitate illustris est: populos illos à *Centrone* vico hodie penè ignobili, & si nomen id suum hodie non retineret, plane obscuro. Inde fluit *Mellianum* Sabaudia oppidum in excelsio monte possum, cujus radices subluit, atque accipit ad se occurrentem *Airam*, cujus à Sidonio mentionem fieri certum est. Ejus epist. ad Heronium l. 1. Fluens Aira per vallem *Mauriennam*, quàm Mauri inhabitant, in qua etiam erant Brannonices, in vico cui *Branna* nomen est. Isque fluvius perpetuum murmur edens. Notu enim diuq; aqua illa spirat, ut æquor de quo Virgilius ait;

Fretis spirantibus æquor.

Ita amnis ille modò in hanc, modò in diversam ripam trajiciendus est; unde molestiam tantam generat priusquam in Isaram labatur.

F I N I S.

V. Cl.


IUSTI LIPSI

Ad

LAMBERTVM vander BÛRCHIVM

de opere Sabaudico Epistola.

R Everende & nobilis domine, Legi serio & lubens scriptum tuum de stirpe Sabaudorum principum: quod etsi magni operis pars modo, & excerptum, tamen vel ex eo de tota facie & forma operis facile nobis judicare. Maneo itaque in sententia, & rem te facturum publice utilem, ipsis principibus gratam arbitror, si in lucem hæc emittis. Sunt quidem liberius, id est, verius quædam scripta quam pro hoc nostro ævo. Sed ipsum bonos delectabit, & historiæ prima lex est, quam tu reddis in parte, etsi non inscribis. Nec enim nuda genealogia est, sed facta & dicta interdum eximia inferis, quod ego probo: nec me ceperint sola stemmata, & sine alio fructu familiarum rami. Vale vir Reverende & nobilis, & fratrem tuum Adrianum V. Cl. amanter à me saluta. Idus Jun.



Ex

Ex

VINCENTII GUINISII

*Oratione ad Sereniss. Principem
Mauritium Card. Sabaudia.*

INvehit primariam nominis am-
plitudinē antiquissimā ductam
à stirpe , hoc est ab Imperatoria
Othonum familia per ipsos Saxo-
niæ procures ortam, ac Cypri de-
inde non solum regibus , sed et-
iam regno locupletatam . Quan-
tus vero thesaurus est nobilitatis,
ac generis posse in censu gentili
numerare præter Rom. Pontifices,
etiam Imper. quinque Reges, Sa-
xonix quidem octodecim, unum
vero Cypri, ut omittam octo su-
pra viginti duces, Sabaudæ stirpis
prima germina, &c.

F I N I S,

INSTITUTO ITALIANO DI SCIENZE E LETTERE

SEDE CENTRALE: VIA CONDOTTI, 12 - 00187 ROMA

TELEFONO: 06/47801 - 47802 - 47803 - 47804

SEDE REGIONALE: VIA CONDOTTI, 12 - 00187 ROMA

SEDE PROVINCIALE: VIA CONDOTTI, 12 - 00187 ROMA

SEDE DISTrettuale: VIA CONDOTTI, 12 - 00187 ROMA

SEDE COMUNALE: VIA CONDOTTI, 12 - 00187 ROMA

SEDE QUARTIERALE: VIA CONDOTTI, 12 - 00187 ROMA

SEDE SEZIONALE: VIA CONDOTTI, 12 - 00187 ROMA

SEDE SUBSEZIONALE: VIA CONDOTTI, 12 - 00187 ROMA

SEDE ULTIMA: VIA CONDOTTI, 12 - 00187 ROMA

SEDE PRIMA: VIA CONDOTTI, 12 - 00187 ROMA

SEDE SECONDA: VIA CONDOTTI, 12 - 00187 ROMA

SEDE TERZA: VIA CONDOTTI, 12 - 00187 ROMA

SEDE QUARTA: VIA CONDOTTI, 12 - 00187 ROMA

SEDE QUINTA: VIA CONDOTTI, 12 - 00187 ROMA

SEDE SESTA: VIA CONDOTTI, 12 - 00187 ROMA

SEDE SETTIMA: VIA CONDOTTI, 12 - 00187 ROMA

SEDE OTTAVA: VIA CONDOTTI, 12 - 00187 ROMA

SEDE NONA: VIA CONDOTTI, 12 - 00187 ROMA

SEDE DECIMA: VIA CONDOTTI, 12 - 00187 ROMA

SEDE UNDICESIMA: VIA CONDOTTI, 12 - 00187 ROMA

SEDE DODICESIMA: VIA CONDOTTI, 12 - 00187 ROMA

SEDE TREDICESIMA: VIA CONDOTTI, 12 - 00187 ROMA

SEDE QUATTORDICESIMA: VIA CONDOTTI, 12 - 00187 ROMA









